

ҲАМИД ҒУЛОМ

ТАНЛАНГАН АСАРЛАР

УЧ ТОМЛИК

УЧИНЧИ ТОМ

ДРАМАТУРГИЯ

**ҒАФУР ҒУЛОМ НОМИДАГИ
АДАБИЁТ ВА САНЪАТ НАШРИЁТИ
ТОШКЕНТ — 1972**

«Танланган асарлар»ничг учинчи томига оригинал ва таржима драматик асарлар киритилди. Бу асарларнинг ҳаммаси театрларда қўйилган, томошабингга манзур бўлган ва улар ҳозир ҳам саҳналарда ўйналиб турибди.

Асарларнинг кўпчилиги («Фаргона ҳикояси», «Ўғил уйлантириш», «Тошболта ошиқ», «Дил кўзгуси», «Ажаб савделар») музикали комедияларди. Бу — ўзига хос, қувноқ жанр. Лекин бу музикали драма ҳам, оперетта ҳам әмас. Бу жанрга ўзбек адабиётида Ҳамзанинг «Майсарапининг иши» билан асос қўйилган. Ҳаётнинг муҳим масалаларини кўтариб чиқадиган, феодал ўтмишининг одамлар турмушидаги, онгидаги қолоқ урф-одатлари, сарқитларини фош қиласидаги музикали комедияларни халқ севиб томоша қилимоқда Ёзувчи бу жанрда ўзи билан ҳамкорлик қиласидаги бастакорларимиз Манаф Левиев, Сулаймон Юдаков, Юнус Ражабий, Матниёз Юсуповга ташаккур билдиради ва «Ўғил уйлантириш»га ажойиб куйлар яратиб кетган устоз бастакор Тўхтасин Жалилов хотирасига бош әгади.

«Муҳаббат тантанаси» драмасида янги шаҳар қурилиши фонида замондошлар ҳақида хикоя қилинади, муҳим ахлоқий масалалар ўртага қўйилади.

Таржималардан уч асар: Вильям Шекспирнинг «Ун иккинчи кеча ёки турфа ҳангомалар» комедияси, Лопе де Веганинг «Қўзибулоқ» номи остида «Лауренсья ёки Қўзибулоқ қишлоғи» ва А. С. Пушкиннинг «Тош меҳмон» драмаси томга киритилди. Бу классик асарларни ўз вақтида Ҳамза номли ва Мукимий номли театрларимизда кўрган томошабинлар эндиликлла уларни ўқиб завқланиш имкониятига эга бўладилар.

КОМЕДИЯЛАР



ФАРГОНА ҲИКОЯСИ

УЧ ПАРДАЛИ МУЗИКАЛИ КОМЕДИЯ

ИШТИРОК ЭТУВЧИЛАР

Кичкинахўжа Каттахўжаев. Колхоз бекорчиларидан, 45 ёшда.

Карима Кичкинахўжанинг хотини. Кетмончи, 40 ёшда.

Умрия Буларнинг қизи. Агроном, 22 ёшда.

Азиз Умрининг севгилиси. Қурилиш инженери, 25 ёшда.

Комилжон Колхоз раиси, 25 ёшда.

Мадмуҳон Муродхонов. Участка ҳосилот советининг раиси, 45 ёшда.

Мақсадхон. Унинг ўғли. 22 ёшда.

Дилдор тога. Кексалардан.

Баҳор. Дилдор тоганинг қизи, 22 ёшда.

Салима.

Ҳалима.

} Колхозчи қизлар.

Найма.

Воқеа Фарғона қишлоқларидан бирда бўлиб ўтади.

БИРИНЧИ ПАРДА

Каттахўжаевнинг лой томли кичкинагина ёски уйи. Нураган пахса девор. Эшик тагида бир туп ковак тол. Шу ердан сойга тушилади. Катакдаккина ҳовлида, айвон олдида атиргуллар очилиб ётибди. Тўрқовоқларда беданалар басма-бас сайраяпти. Тандирга гўзапоя қаланган. Колхозчилар даладан қайтишлатти.

Карима (тарқалаётган колхозчиларга). Тезроқ келинглар, айланай, Умринисо ҳали замон келиб қолади!..

Овозлар. Ҳўп бўлади! Тезда қайтамиш! Ўтириш бивсиз бўладими?!

Карима. Баҳорой! Салима! Наима! Ҳалима! Юринглар, менга қарашиб юборинглар!..

Кизлар. Ҳўп, аяжон!

Салима, Ҳалима, Наималар. Карима билан ҳовлига кирадилар. Баҳор сой томонда кўринган Мақсудхоннинг орқасидан бориб этагидан тортади.

Мақсудхон (чўчиб). Лаббай!..

Баҳор. Намунча ошиғич!..

Мақсадхон. Тўнди кийиб келай...
Баҳор. Тўнди?.. Тўнди кийиб келай денг?.. Ҳа, тўн баҳона бўлмай ўлсин!..

Мақсадхон (ёқасини ушлайди). Тушунмаяпман...

Баҳор. Тушунмаятган эмиш!. Эркақ кишининг куни шунга қолгандан ўлгани яхши! Уятсиз! Айёр!..
Мақсадхон. Ахир, ўзи нима гап?

Баҳор. Диёнат бўлмагандан кейни шунаقا бўладиди!. Савлатини қаранг бунинг! Гарданининг битиб кетганини қаранг!

Мақсұдхон. Епирай! Нима, бугун чап ёнингиз билап турдингизми?

Баҳор. Ўтириңг, орани очди қиласи!

Мақсұдхон харсанға ўтиради.

Мақсұдхон. Қани, бошланғ!..

Баҳор. Яна, бошланғ дейди айнимачи!.. Күнглингиз Үмрида әкан, нега менга ваъда берасиз?..

Мақсұдхон. Йўғ-е... Ким сизга шундай деди?

Баҳор. Ким айтганини қўяверинг... Бутун қишлоқда дув гап: әшитмадим деманглар, Маҳмудхон ака Кичкина тоға билан қуда бўляпти...

Мақсұдхон. Ўлимдан хабарим бор, бундан хабарим йўқ...

Баҳор. Ҳеч ҳам-а? Унга ёзган хатларингиз-чи?..

Мақсұдхон. Уҳ... Қизлардан бир гапни яшириб бўлмайди-да...

Баҳор. Демак, тўй ҳақидаги миш-мишлар чин өкан-да?

Мақсұдхон. Дадам шунаقا бир гапни айтиб юрибди... аммо мен...

Баҳор. Ҳўш?.. Гапираверинг!..

Мақсұдхон. Қўйинг энди, бошқа гапдан гаплашайлик!..

Баҳор. Вўлди!. Жўнанг!.. Иккинчи кўзимга кўринманг!

Мақсұдхон. Ия, ия!.. Бу нима деганингиз?..

Баҳор. Буми? Бу — сизни бевафо, бетамиз деганим!..

Мақсұдхон (*ўзини Баҳорга ташлаб*). Войдод, кўвидан!..

Баҳор. Боринг, суйкалманг, елим!.. Бекорчилиги бу ёқда қолиб, бебурдлиги ошиб тушди! Боринг, кутиб олинг, шаҳардан ясан-тусан бўлиб келяпти!..

Баҳор ҳовлига кириб кетади. Мақсұдхон бир аҳволда сойга тушиб кетади.

Карима (*патир ясаётуб*). Баҳор қаёқда қолди, қизлар?

Баҳор. Мана мен, аяжон, хизмат?

Карима. Тандирдан хабар ол, қизиптими?

Баҳор. Ҳўп, аяжон!

Қарима арияси

Жон қизим, ҳар кун йўлингда интизорингдир онанг,
Бахту иқболингни ўйлаб, ғамгузорингдир онанг.

Сенга иссиқ нон ёпиб, ош дамлар эрдим соғиниб,
Ҳамдамингдир ҳар нафас, ҳар ерда ёрингдир онанг.

Ой каби чеҳранг кулиб, муштоқ дилемни яшнатиб,
Кел, жамолингга тасаддуқ, жон нисорингдир онанг!

Баҳор. Тандир қизиди, аяжон, патирни ёпа қолайлик!
(Қизлар патир ёшишади.)

Баҳор (*Каримадан ўсмоқчилаб сўрайди*). Аяжон дейман, Умриой келсалар, тўйларни ҳам бошлаб юборарсиз?

Қарима. Қизим келгани менга энг катта тўй!

Салима. Баҳор ҳалигидақа тўйни айтяпти...

Наима. Умрини турмушга берарсиз деяпти...

Ҳалима. Унашиб ҳам әмишсиз-ку...

Қарима. Вой, қизи тушмагурлар-ей... Сизлардан бир гапни яшириб бўлмайди... (*Ўйчан.*) Қайдам... Дадаси тўйдан аввал ногора чалиб юрибди Аммо...

Баҳор. Борди-келди қилиб турибсизлар экан-ку?

Қарима. Ким билади дейсан, Баҳорой... Умринисо келсин-чи, бир гап бўлар!..

Баҳор (*маъюс*). Карима опа, бўлмаса, биз Умринисо келгунча кийиниб келамиз. Қизлар, юринглар!

Қарима. Тезроқ келинглар, ўргилайлар!..

Қизлар кетишади. Карима патир уза бошлайди. Қичкинах ўжак нафаси бўғзига тикилиб, қоқилиб-суқулиб кириб келади.

Қичкинах ўжа. Тур, дарров жой сол! Келяпти!..

Қарима (*эшикка югуради*). Вой, худодан айланай, қани ўзи?

Қичкинах ўжа. Ҳай, тўхта, ўпкангни бос! Сен кимни келяпти деяпсан?

Қарима. Қизимиzn-да, Умринисони!..

Қичкинах ўжа. Вой, каллаварам-ей!.. Поезд ҳали ярим йўлда!.. Ҳўжайин келяптилар!.. Маҳмудхон Муродхонов келяптилар.

Кичкинахўжа арияси

Беқиёс азиэ мәжмон,
Тайин келяптилар,
Сўзимда йўқдир ёлғон,
Хўжайн келяптилар,

Ҳа, хўжайн келяптилар!

(Ўйинга тушади.)

Сўзим чинди бус-бутун,

Мени қутлашѓа бугун

Атайин келяптилар,

Дилда ёзилди тугун,

Хўжайн келяптилар,

Ҳа, хўжайн келяптилар!

Қарима. Ҳовлиқишингиз қурсин. Ошнам келяпти, дэнг!

Кичкинахўжа. Ҳа, ошнам келяпти. Заб одамохун, улфат, шинаванда; яна нима десамикан? Ринд табиатли... Аммо шу билан бир қаторда хўрор ошнам келяпти!..

Қарима. Вой-бў... Ўша хўрор нимага келяпти экан бизнигика?

Кичкинахўжа. Совчиликка келяпти! Унинг катта ҳайит, кичик ҳайитда йўқлаб турганини бежиз деб ўйлангидинг? Йўқ! Бежиз әмас эди... Бугун ҳам йўқламоқчи. Одамохун-да!

Қарима. Қўйинг ўша елимни!

Кичкинахўжа. Сен гап қайтарма! Эрнинг ҳукми хотин учун ҳам фарз, ҳам қарз. Тур энди, паловга унна!

Қарима. Хўжайнингиз гўжага ҳам арзимайди!

Кичкинахўжа. Яна паст кетади-я, бу хотин!

Кичкинахўжа уйга, Қарима ошхонага кириб кетадилар. Кўчада, тол тагида отлиқ Муродхонов ўғли билан пайдо бўлади.

Маҳмудхон. Сен ҳам киравер!

Маҳсудхон. Йўғ-е, уятаман, дада...

Маҳмудхон. Нимадан уятасан, қайлигинг ҳали келгани йўқ.

Маҳсудхон. Қайлигинг, дейсиз... Мен, ахир, дада, у билан бир оғиз сўйлашмаган бўлсан...

Маҳмудхон. Сен менинг ёлғиз ўғлим бўласан.
Асал едириб, қази-қарта егизиб катта қифанман. Бошқа
болалар хатга қараб, диққинафас бўлиб юрганда, сен той
миниб яйрагансан. Илигинг тўла сенинг! Дадил бўл, ота
ўғли! Сўйлашмасдан ҳам ола берасан у кабутарни!

Маҳмудхон. Тўғрику-я... Аммо анови кун газетада
сурати чиққан экан, қарасам, «торт аравангни!» деяёт-
гандай...

Маҳмудхон. Парво қилма! Кўнглингни тўқ қил!
Даданг кимлигини биласанми, ота ўғли!.. Сандигига шоҳи,
бахмаллар тахлаганмиз...

Маҳмудхон. Тўғрику-я... Аммо...

Маҳмудхон. Уятаман де?.. Агар кирмасанг, уйга
бор. Пўрим кийиниб, стансага чиқ. Кутиб ол, париштани!..

Маҳмудхон. Хўп, дада!..

Маҳмудхон кетади. Маҳмудхон әгардаги хуржунни елкасига олиб,
эшик ҳалқасини қоқади.

Маҳмудхон. Ҳўжам, ҳо ҳўжам!

Кичкинахўжа. Ҳозир, мана, ҳозир! Заб кептилар,
ҳўжайин, қадамларига ҳасанот!

Кичкинахўжа билан **Маҳмудхон** дуёти.

Кичкинахўжа

Уйимизнинг тўрини,
Бағримизнинг қўрини,
Кўзимизнинг нурини
Биз сизга бағищлаймиз,
Марҳамат, олқишлиймиз!

Маҳмудхон

Қўл бериб аста-аста,
Йўкимиз чапараста,
Мақсадимиз пайваста,
Бирга қадам ташлаймиз,
Катта тўйлар бошлаймиз!

Иккови

Бошлаймиз, ёашлаймиз!
Чироқларнинг мавжида,
Ноғора базм авжида,
Оқ шоҳидан чимилдиқ,
Беданалар питбилдиқ,
Катта тўйлар бошлаймиз..

Иккови бир-бирини елкалаб суюб, ҳовлида ўйинга тушади.

Кичкинах ўж а (*Маҳмудхоннинг гоҳ у ёғига ўтиб питиллайди, гоҳ бу ёғига ўтиб питиллайди*). Биз томонга ҳам кун чиқар әкан-а! (*Ҳуржунни олади.*) Қани, қани, айвонга марҳамат!

Кичкинах ўж а дастурхон ёзади, хотини тандирдан узаётган патирлардан тўнининг әтагида пул-пуплаб келтиради. Қўли куяди.

Иссиқ ҳам демайди-я бу хотин!.. (*Чой қуяди.*) Олинг, хўжайин, патирдан олинг, новвотдан, қандолатдан шиминг!

Маҳмудхон. Бугун тўй әкан-да, хўжам!

Кичкинах ўж а (*Эриб кетади*). Тўй, хўжайин, тўй!

Қивалогимиз Тошкент деган шаҳри азимдан келяпти!

Маҳмудхон. Энди гап шу-да, хўжам, тўйдан жар соловерамиз-да?

Кичкинах ўж а. Ихтиёр биз каминада эмас, ўзла-рида. Биз хўп десак, қизимиз йўқ демайди.

Карима. Ҳай, дадаси, қизингиз номидан вайсайверманг!..

Кичкинах ўж а. Гапга аралашма сен, ҳафтафаҳм!.. (*Муродхоновга*.) Ўқиш ҳам оғир-да, хўжайин. Қиз боши билан, Қишлоқ хўжалик институтини битириб, агроном бўлиб келяпти!..

Маҳмудхон. Балли... бу ёғи дуруст. Аммо мен ҳозирги агрономларга ишонмайман. Пахта билимини улар билмайди, биз биламиз. Китоб бошқа, деҳқончилик бошқа. Чунончи, мени олинг. Бошқа участкаларда чигитни сеялакада олтмишу олтмишга экишди. Мен эллигу элликка қўлда тўқдим. Ҳўш, кимники текис? Менини! Улар «универсал» билан иккӣёклама культивация қилишяпти, биз жетмон билан бир ёқлама чопиқ ўтказяпмиз. Ҳўш, ким-

нинг ғӯзаси яхши ўсяпти? Бизники! Ҳўп деяверинг, ҳўжам, қирқ сентр тайёр! Улар машина билан теришмоқчи гамиш. Пахта расво бўлади...

Кичкинах ўж а. Пахтанинг пирисиз, сиз билан айтишган панд ейди. Аммо атайна сотиб олинган тракторлар бекор, занг босиб ётипти-да, хўжайин...

Маҳмудхон. Деҳқончиликнинг отаси — кетмон, ҳўжам. Кетмонга ўзи дуо кетган. Комилжон: ҳамма ишни трактор билан, кетмонсиз бажарамиз, дейди. Аммо, хўжам, кетмонни йўқотиб бўпти! У кетмонни ҳам йўқотолмайди, мени ҳам йиқитолмайди!

Карима. Сиз ўзингизни ўзингиз ўқитяпсиз!

Кичкинах ўж а. Ҳай, хотин, тилингни тиясанми, йўқми?.. (*Муродхоновга.*) Комил ҳаддидан ошяпти. Анов кун шаҳарга сиз тайинлаган бодрингни ортиб кетяпсам, менга: «Ўртоқ Каттахўжаев, идорага бир киринг» деди. Кирмадим. Мен сизга қўл берганман, хўжайин. Комил ҳаммага раис бўлгани билан менга раис бўлолмайди. Менинг раисим сиз.

Маҳмудхон. Ошначилик бир йилчилик, қудачилик минг йилчилик, хўжам. Сиз билан бизнинг орамизга энди шайтон аралашолмайди. Тўйнинг маслаҳатини кейин бапуржа қиласизу, аммо мен сизга учини чиқариб қўймоқчиман. Қўш сурнай, қўш карнай... Ўнта қўй, иккита фунажин атадим. Йигирма яшик «дори»... Албатта, оқини кўпроқ қиласиз. Кейин, мен сизга айтсам, ЗАГС ўз йўли билан бўлаверади-ю, никоҳни домла Шаҳобиддинга ўқитамиз. Бусиз бўлмайди. Имон саломатлиги керак, ҳа!

Кичкинах ўж а. Тилингизга шакар. (*Ўрнидан туради.*) Энди менга бир минутга ижозат берадилар, ошни сузаман.

Маҳмудхон. Йўқ, қўзғалманг. Овқатни кейин еймиз.

Кичкинах ўж а. Йўғ-е...

Маҳмудхон. Ҳа! Сиз энди тезроқ стансага чиқинг. Ҳадемай, поезд келиб қолади.

Кичкинах ўж а. Ақалли бир пиёла ҳалигидан...

Маҳмудхон. Йўқ. Кейин... (*ўрнидан туради.*) Мен чопиқдан хабар олай. Кетмончиларнинг тепасида қоровул бўлиб турмасам...

Карима. Ҳа, боринг, савлат тўкиб турмасангиз бўлмайди.

Кичкинахўжа. Хотин, бу уйда тинчлик бўлалими, йўқми? (*Иягини силайди.*)

Кичкинахўжа Маҳмудхоннинг гоҳ у ёғида пилдираб, гоҳ бу ёғида пилдираб, әшиккача кузатади.

Тағин, олислаб кетмасинлар!

Дүэт

(давоми)

Кичкинахўжа ва Маҳмудхон

Бошлаймиз, бошлаймиз!
Чироқларнинг мавжида,
Ногора базм авжида,
Оқ шоҳидан чимилдиқ,
Беданалар питпилдиқ...
Катта тўйлар бошлаймиз!

Карима (*ўчоқбошидан чиқиб келади, Маҳмудхонни куэатиб қайтган эрига*). Одам ҳам шунаقا сийقا бўладими! Нима, Маҳмудхон бўлмаса, кунимизни кўролмаймизми? Ҳадеб оёғи остига йиқилаверманг!..

Кичкинахўжа. Ажаб, ажаб... Манов эси пастни қаранг!..

Карима. Қўйинг, энсамни қотирманг!.. Шу кунларда ўзим айниб юрибман!..

Кичкинахўжа. Ҳой, хотин, тилимнинг суяги йўқ деб ҳадеб сайдрайвермал..

Карима. Сайрасам, сайрамасам — шу! Мен унақа әски қирриқ билан қуда бўлмайман!.. Тўй бошлармиш!.. Йиғиширинг ўша қудачилигини!..

Кичкинахўжа. Ажаб... Эс-песингни еб қўйдингми? Қизимизнинг нимаси бор? Бошида сочи-ю, оғзида тиши... Ҳўжайин бўлса, баобру, бадавлат, басавлат одам... Мақсудхон ҳам, кимсан, ҳосилотнинг ўғли!

Карима. Бас, сувнинг устидаги кўпикни мақтайверманг!..

Кичкинахўжа (*авжига чиқади*), «Сувнинг устидаги кўпик?!» Бўғма мени! Оталик номимни ерга урма! Сўзимни қайтарма!

Кизлар келишади.

Наима. Нима шовқин ўзи?.. Салом, Кичкина тоға! Жим туринг, вағирлаётган моментингизни чиқ этиб суратга туширай, деворий газетага материал етмай турибди! Сарлавҳаси ҳам тайёр: «Илғор колхозчи опа ва унинг феодал әри!..»

Кичкина хўжа. Ажаб, ажаб,вой, Наима қизимей!... Ҳали шунақа қаттиқ Мухбир бўпкетганман дегин? Бу галча бир қошиқ қонимииздан кечадилар... (*Қизларга*.) Ҳай, ҳай, оппоқ қизларим, қани, келинглар!

Карима. Келинглар, опанг ўргилсин!..

Қизлар ҳовлини тўлдиришади. **Наима** боғни, қизларни суратга олади. Умумий хушнудлик. Тугунча кўтариб хотинла р қиради. **Комилjon** ҳам келади.

Комилjon. Қутлуғ бўлсин, Кичкина тоға!.. Карима опа, қизингиз келишини әшитиб, суюниб қолдингизми?

Карима. Нега суюнмай, айланай раис! Йўлига термилавериб, кўзларим толди!..

Комилjon (*Кичкинахўжага*). Менинг отимга ми-нинг, вақт зиқ, поезд келишига ярим соат қолди.

Кичкина хўжа. Қуллуқ... (*Чиқиб кетади*.)

Комилjon. Карима опа! Гуллар ҳам заб очилибди-да! (*Қизларга*.) Қизил гулни кўрсам, қизларжон, бағримда ўт ёнади. Аллакимнинг соғинчи кўнглимни ўртайди. Аллакимнинг лоладай чеҳраси хаёлимда жонланади... Аммо кимнинг соғинчи?.. Кимнинг чеҳраси?.. (*Гул исказ, ўйга толади*.)

Салима (*юзини рўмоли билан яшириб*). Вой-вой, ма-нов кишини!.. Бирам беадаб гапларни гапиряптики!..

Ҳалима. Раисимизнинг дарди оғир...

Наима. Комилjon aka куйғанлардан шекил... Қани, ёниб турган вақтида бир суратга опқўяй!..

Қизлар кулишади.

Комилjon (*атайин ўсмоқчилаб*). Ишнайкейин, қизларжон, гул искасан, хаёлий гўзалнинг қоп-қора тўлқин сочини искаётгандай, ўзимни ишқ бўстонида маст сезаман... Аммо ўша хаёлий гўзал ким? Билмайман... Ерда ҳам йўқ, кўкда ҳам йўқ, сувда ҳам йўқ, борингки, телевизорда ҳам йўқ...

Қизлар хаҳолаб кулишади.

К а р и м а. Пешанангизга бирортаси ёзилгандир, ҳадеб ўртана наверманг, опаси!..

С а л и м а. Комилжон ака, ўша хаёлий жонон телевизорда бўлмаса, спутнике экан-да!..

Комилжон айвон пешига ўтириб олиб, қийқириб кулади.

Х а л и м а. Булоқقا тикилинг, суратини кўрасиз!..

Наима. Рентгенга кўрсатинг, аён бўлади! (*Кулги.*)

Комилжон. Кейинги маслаҳат маъқул! Аммо мен рентгентга бориб келгунимча шу қишлоқдаги қизларнинг бирортаси ўзига эҳтиёт бўлиб юрсин! (*Кулги.*)

Комилжон яна гул исқайди, ўйга толади.

Я л л а , л а п а р

К о м и л ж о н

Очилиб, боғ ичра базмин тузди гул,
Ўртади бағрим, висол кўргузди гул,
Тинч эдим, қўнглимни ногоҳ бузди гул,
Бузгани майли, хаёл тўлғизди гул!

Қ и з л а р

Гул хаёлида чаман обод қилинг,
Кўнглиңгизни ғуссадан озод қилинг,
Йўлда говлар учраса, барбод қилинг,
Сиз гулистон аҳлини дилшод қилинг!

К о м и л ж о н

Гул дедим, гул ишқини қилдим ҳавас,
Гул дедим, булбул билан мен басма-бас.
Гул дедим, гулхонада олдим нафас,
Оҳ дедим, оҳимда фунча ёэди гул! _

Қ и з л а р

Гул эмас, гулнинг тикони бўлмаса!
Ёр эмас, ёрнинг дегони бўлмаса!
Гул эмас, гулшонга атои тўлмаса!
Ишқ эмасдир имтиҳони бўлмаса!

Комилжон

Майлига, бўлсин тикани, ийнаси,
Пора-пора бўлсин ошиқ сийнаси,
Очилур муштоқ кўнгилнинг ойнаси,
Оҳ, хаёл мавжида қалқиб сувди гул!

Кизлар

Гул экан, сўнмас зиёси гул экан,
Севгининг меҳру гиёси гул экан,
Ўт бўлиб бағрингни ёндири чаман,
Бор экан аҳду вафоси, гул экан!

«Гул» рақси. Умри билан Азизининг биро тўда ёшлар билан кириб келганини ҳеч ким сезмай қолади. Улар «Гул» рақсини бир нафас томоша қилиб турадилар. Тандир томондан саватда патир кўтариб, айвонга ўтаётган Карима қизини кўриб, саватни айвон пешига қўяди-ю ўзини Умрига отади.

Карима. Вой, аягинанг бўйгинангдан айлансин! Вой, қизгинам келипти-ю, сезмай қолибмиз!..

Она-бала қучоқлашадилар. Қизлар уларни ўраб олишади. Азиз ҳэм Комилжон билан, қишлоқ йигитлари билан иссиқ кўришади.

Карима. Ҳар куни сабзи тўғрайман, сен келсанг ош дамлайман деб! Ҳар кун гул териб уйингни безайман, баҳри дилинг очилсин деб! Бунча соғинтирмасанг бағримни ўртаб!..

Умри. Мана, келдим. Аяжон! Йигламанг! Айрилиқ кунлари тугади. Энди ҳамиша ёнингизда бўламан!..

Бахор. Ўртоқжонимнинг бўйи чўзилиб, ҳусни чамандек очилганини қаранглар-а! Тошкент ҳавоси ёқибди сенга, ўртоқжон! (Қучоқлашиб кўришадилар.) Ҳа, айтгандай, Азиз акам бирга келибдилар-да.

Умри. Азиз акам энди... қурилиш инженери бўлиб келдилар. (Қип-қизаруб кетади.) Ҳар йил қишлоғимизга келиб кетардилару тажрибага.

Бахор. Хуш кўрдик, Азиз ака. Янги қишлоқ қурмоҳчи бўлиб юрардингиз-а?

АЗИЗ. Ҳа, ўша мақсад билан келдим.

КОМИЛЖОН. Раҳмат, Азизжон. Бу гал энди ўқишини битказиб келгандирсиз?

А зи з. Шундоқ, Комилжон ака!

**К о м и л ж о н . Табриклаймиз, сизниам табриклаймиз,
Умрихон. Институтни битириб, колхозимизга мутахассис
бўлиб келганларингиз билан, иккалангизни ҳам табриклай-
миз.**

Х о р в а К о м и л ж о н

**Хуш кўрдик, азиз меҳмон, хуш кўрдик,
Қутлайди гўзал бўстон, хуш кўрдик.**

К о м и л ж о н

**Ҳар доим қолинг бунда, ишлайлик.
Бу әлга бўлинг боғбон, хуш кўрдик.**

Х о р

**Меҳнатда, фароғатда, саодатда
Ҳамдамдир ҳамма инсон, хуш кўрдик.**

К о м и л ж о н в а х о р

**Хуш кўрдик, азиз меҳмон, хуш кўрдик,
Қутлайди гўзал бўстон, хуш кўрдик!**

А зи з а р и я с и

**Қадрдонлар, әлингизга бу кўнглим банд бўлиб келдим,
Севиб қишлоқларингиз, сизга мен фарзанд бўлиб келдим.**

**Узоқларда ҳавас қилган әдим бир бора кўрмакни,
Ҳаётингиз дараҳтига ўзим пайванд бўлиб келдим.**

**Юборди сизга Тошкент, ям-яшил водий қучоғига,
Саодат қасрига гишт қўйгали хурсанд бўлиб келдим.**

**Қўшиқлар янграсин деб, янги уйлар қад кўтарсин деб,
Чаман боғлар соғинчи бир-ла, мен дилбанд бўлиб келдим.**

**С а ли м а (Ҳалиманинг қулогига, Азизга ишора қи-
либ). Жудаям сухсур йигит әканми-а?**

Халима. Шаҳарлик-да, опоч...

Найма. Мақсудхоннинг уйи куйди... (Қизлар қий-қуриб қулишади.)

Баҳор. Ажаб бўлти!..

Комилjon. Азиз, заб келдингиз-да. Айтгандай, лойиҳангиз тасдиқландими?

АЗИЗ. Тасдиқланди. Генерал план тайёр.

Баҳор. Қишлоғимизни қуриб ҳам берадилар. Кетгизиб бўпмиз!..

Карима. Хуш кўрдик. Қани, айвонга!..

Ким айвонга, ким ҳовлига, ҳамма ҳар ерда ўтирадилар.

Найма (суратга олади). Шўҳроқ ўтиринглар. Умри опа, ҳов анови қалдирғочлар учиб кётаётган томонга қаранг-al Азиз ака, табассум! Табассум!.. (Комилжонга.) Раис ака, сиз нутқ сўзлаб туринг!.. Сарлавҳаси тайёр: «Мутахассисларни кутиб олиш маросими».

Карима. Умриой, дадангни кўрмадингми?..

Умри. Йўқ. Қаердалар?..

Карима. Яқинда станцияга отлиқ чиқиб кетган эди. Етолмагандир-да... Қайси йўлдан келдинглар?..

Умри. Сой ёқалаб.

Комилjon. Дадангиз катта йўлдан кетган. Ҳадемай келиб қолади. (Азизга.) Қани, Азизхон, дастурхонга қаранг, йўлдан очқаб келгансиз... Патирдан олинг!..

АЗИЗ. Фаргона ионини севаман. Бугдойи хушбўй, мазали, аллақандай тансиқ бўлади. Тоғ иromoқлари сувидан дамланган чой ҳам антиқа.

Комилjon. Бизнинг қишлоқда бутунлай ишлаб қолинг, Азизжон. Бизда доим иш барала, ким келса ўйину ялла.

АЗИЗ. Энди бу ердан кетиб бўпман, Комилжон ака!

АЗИЗ ва УМРИ

Кўнглим чаман, озод Ватан гулгун диёrim,

Қувна, элим, куйла, дилим, баҳту баҳорим.

Сенсиз менга иқбол гули яшнаб очилмас,

Жоним сенга ҳам баҳтингга мангу нисорим.

Мен меҳнатинг майдонида жавлон урарман,

Сендан топиб шон-шарафим — номусу оrim.

Ўзбек әли халқлар аро мард паҳтакордир,
Озод Ватан, сен шавкатим, сенсан мадорим.

Қизлар ўйнайди.

Салима. Шаҳарликлар гапга чечан бўлади. Нон билан сувни гапирияпти-ю. Комилжон акамдаقا, кўзи гулда!.. (*Қийқириқ*).

Халима. Гул шайдоси бир әди, икки бўлди. Бири миљтиқ, бириси тепки бўлди (*кулги*).

Карима. Вой, қизи тушмагурлар-ей!.. Бас, бас-ей, кулавериб, ичагим узилди!..

Комилжон. Карима опа, энди биз кетайлик. Азизжон, қани, юринг.

1-й гит. Азиз ака, бугун бир гурунглашамиз.

2-й гит. Далаларни кўрсатамиз акамга!

3-й гит. Бизницида тураверасиз, ака!

Азиз. Жоним билан!.. (*Айвондан чамадонини олмоқчи бўлади. Баҳор Умрини кузатади.*)

Умри (*Азизга*). Дадамни кўрмасдан кетасизми?

Азиз. Бир айланниб келаман, Умриой.

Умри. Тез келинг-а!..

Ҳамма тарқалади. Карима билан Умри ёлғиз қолишади.

Умри. Яхши юрибсизми, аяжон? Мен йўғимда, дадам сизни хафа қилмадими?

Карима. Дадангнинг хафа қилишига кўнишиб қолганман. Бир томони эртаю-кеч оғир кетмон иши, яна бир томони — даданг тўй дардида-ю, менинг бағрим қон...

Умри. Қанақа тўй, аяжон?

Карима. Сенинг тўйинг... Маҳмудхон ака ўғли учун бўёзчининг мокисидай қатнагани-қатнаган...

Умри. Бу ҳазилми, чинми?

Карима. Даданг чинга чиқариб юрибди. Маҳмудхон ака бугун ҳам бир хуржун буюм ташлаб кетди!..

Умри (*хахолаб кулади*). Ахир, сиз, тушунган, аяжоним, ихтиёр қизимнинг ўзида, демадингизми уларга!..

Карима. Дедимку-я... Аммо дадангни биласан-ку... Анов куни гап топиб келди, сени Мақсадхон билан ҳат ёзишиб турган әмишсан деб...

Умри (*хахолаб кулади*). Ҳа-ҳа-ҳа... Вой, у масхара-бозларчы қаранг!.. Ҳат ёзишиб турган әмишман...

Карима. Хуллас, сенга анчагина ташвиш тўплаб қўйишибди.

Умри. Бўпти, ўзим гаплашаман.

Эшик олдида Мақсудхон пайдо бўлади, елкасидан дадаси турутуб келади.

Маҳмудхон. Киравер! Дадил гапир!

Мақсудхон. Дада, кўнглим бетламаяпти-да! Баланд дорга осиляпмиз-да! Қувиб чиқарса-я?..

Маҳмудхон (бақириб беради). Нима, нима?! Ким қувиб чиқаради сени? Ҳадди борми?!

Мақсудхон. Бўпти, дада. Сиз бораверинг...

Маҳмудхон кетади. Мақсудхон қаддини ростлайди.

Мақсудхон арияси

Аё дўстлар, жаҳон ичра менингдек паҳлавон борму?

Ва ё танҳолигимга шубҳангиз борму, гумон борму?

Ҳасад наштарларин санчмоқчи бўлганлар етолмайди,
Менинг ёримга кўнгил розин айтмоққа забон борму?

Умри. Таажжуб... Ким келди әкан, бағри ёниб?..
(Эшикни очиб юборади.) Келинг, Маҳмудхон, келинг!

Мақсудхон. Келдик, жонидан...

Умри. Жонидан?!

Мақсудхон. Ҳа, ҳалигидаи... Ўзлари ҳам жуда соғинтириб юбордилар... Айниқса, бугунги озор... Стансада биз томонга бир қушбоқиши қилдилару... ёнларидаги барно йигит билан индамай ўтиб кетавердилар...

Умри. Ия-ҳа, гап кўп денг... Қани, уйга киринг, ба-пуржа сўйлашамиз.

Мақсудхон. Ҳўп, хўп, жонидан... (Остонага қадам қўяди). Бисмиллоҳу раҳмону раҳим... (Айвон пешига омонатгина ўгиради.) Қани, омин, қадам етди, бало етмасин!

Умри аясига имо қиласди. Карима уйга кириб кетади.

Умри. Қани, гапиринг!

Мақсудхон. Ҷемак, ҳалиги барно йигит...

Умри. Ҳалиги барно йигит йўқ... Дадил гапираверинг!..

Мақсудхон. Менинг хатларим...

Умри (токчадан бир даста хат олиб беради). Мана конвертлари очилгани ҳам йўқ.

Мақсудхон. Ия, ия... Ахир, нега әнди очмайсиз? Ёпираи... Ахир, тўй анжоми тахт. Мол етмаса, мана, жон, кўзидан!.. (*Кўкрагига уради, ёқасидан парр этиб бедана учиб чиқиб кетади. Умри қийқириб кулади. Мақсудхон бедана кетидан югуради, тутигиб келиб, қўйнига солади.*) Парво қилмайдилар, жонон, ишқибозлик!.. Аммо ўзи ҳам жуда ўткир сайроқи-да! Шу бугун Абдикарим туллакдан битта бўрдоқига алишиб олдим. (*Маза қилиб, қийқириб кулади.*) Харидорлар кўп. Аммо бедовга ҳам алишмайман!..

Умри. Омон бўлинг, ҳали ишқ бу ёқда денг!..

Мақсудхон (*ўзига келиб*). Йўғ-е, бу ишқ бошқа-ю, сизга бўлган ишқ бошқа, жамолингга тасаддуқ!.. (*Қийқириб кулади.*)

Умри. Қайсиси кучлироқ?..

Мақсудхон. Иккови ҳам-ку, аммо туллак бошқа-ю, юрак бошқа!

Умри (*гулзор бўйидақ супурги олади*). Қани, «ёпирим» деб, бир туриб юборсинлар!..

Мақсудхон. Ҳай-ҳай, бу нима қилганингиз? Ахир, тўй, дадам...

Умри. Дадангизга бориб, «тўй бўлмас экан», денг.

Мақсудхон. Ахир, жонидан, неча йилдан бери совға-салом қилиб...

Умри. Ўша латта-путталарни олиб кетинглар.

Мақсудхон. Олиб кетинглар?.. Йўқ, дард билан ўйнашманг?

Умри. Дўйми?!

Мақсудхон (*суйканиб*). Илтимос... Менинг бағрим ёнаётганини сиз билмасангиз, худо билади!

Умри. Менинг бағрим сизга нисбатан муз! Бўлдими?

Мақсудхон. Ҳай, худодан кўрдим, шафқатсиз жонон!.. Отамнинг юзидан ўтолмай шунча маломатга қолдим. Ўзим жинниман! Ўзим!.. (*Ховлидан югуриб чиқиб кетаётганда, беданаси қўйнидан яна париллаб учиб кетади.*)

Карима уйдан чиқади. Она-бола қучоқлашиб, қийқириб кулишади. Сой томондан **АЗИЭНИНГ** ашуласи әшитилади, Умри қўшилади.

А з и з

Бир томони қор босган бағанд төглар,
Бир томони яшнаган гүзәл боғлар,
Боғларида саноғи йўқ чироқлар —
Юрагимни банд әтган чаман әкан,
Садоқатга, севгига ватан әкан!

У м р и

Айтган билан тугамайди достони,
Булбулларни чақиради бўстони,
Қизи сулув, жасоратли ўғлони
Юрагимни банд әтган чаман әкан,
Садоқатга, севгига ватан әкан!

И к к о в и

Мен шу юртнинг жамолига шайдомен,
Токи умрим бори қадар фидомен,
Жоним билан мубталомен, адомен,
Юрагимни банд әтган чаман әкан,
Садоқатга, севгига ватан әкан!..

А з и з тол тагига келиб, сой томонга тикилади, қишлоқ манзара-
сига суқланиб боқади. От келиб тўхтайди. Кичкинах ўжа
өгардан тушиб, ёшик олдига ҳовлиқиб келади-ю, бегона йигитти
кўриб ҳанг-манг бўлиб қолади. Улар бир-бирига синаш назари билан
тиклидилар.

А з и з. Салом, амаки!

Кичкинах ўжа. Салом. Мен жанобларини аллақа-
ерда кўргандайман.

А з и з. Шу қишлоқда кўргансиз-да, амаки. Тошкент-
дан ҳар ёз келиб туардим-ку?

Кичкинах ўжа. Ҳа, ҳа, әсладим. Ҳалиги инженер
боламан дeng. Азизвойман дeng-а? Яна кепсиз-да, а?
Дуруст, дуруст... қани, меҳмон, уйга!..

Уйга кирадилар. Умри ўзини дадасининг бағрига отади.

У м р и. Салом, дадажоним! Соғ-саломат юрибсизми?

Кичкинах ўжа (кўёзига ёш олиб). Раҳмат, опоқ қи-
вим, ача қизим, раҳмат!.. Жуда ҳам соғиндим!..

У м р и. Азиз акам билан танишиб олибсиз-да?

К и ч к и н а х ў ж а. Биз бу киши билан эски таниш..
Қани, меҳмон, айвонга!

У м р и. Азиз акам әнди қишлоғимиәда қурилиш инженери бўлиб ишлайди, дадажон!

К и ч к и н а х ў ж а. Шундоқми? Яхши, яхши...

А з и з (үйни кўздан кечиради). Уйингиз ҳам эскириб, ҳақингиз қолмалти, амаки, қулатиб, янгисини қурамиәда-а?

К и ч к и н а х ў ж а. Ҳа, хийли эскириб қолди. Айниқса кечаги ёмғир әзиб юборди. Энди, йигит, мана, Умриниса келди. Тўйни қилайлик. Қудамиз анча бақват одам. Сиз режани туза берасиз, биз уйни қураверамиәда!..

Азиз Умрига ҳайрон тикилади. Умри лабини тишлайди.

У м р и. Дадажон, эски гапларни қўйинг. Боя Мақсудхон келган әди, совға-саломингизни олиб кетинг, дедим.

К и ч к и н а х ў ж а. «Олиб кетинг» дедим?! Биласанми, у совға-саломлар неча пул туришини? Шошма, мен ҳозир сенга ҳисоблаб берай! (*Каримага*). Хотин, қозиқдан чўтни ол!

К а р и м а. Қўйсангиз-чи, дадаси!.. Нимасини ҳисоблайсиз әнди?..

К и ч к и н а х ў ж а. Сен аралашма!.. (Қозиқдан чўт олади.) Ўн кийим кирибишин, уч юздан — уч минг... Иккита баҳмал, икки юздан — тўрт юз... патир, нон, қандқурс, борингки, юз эллик... жами — уч минг беш юз эллик. Колхозимиз аъзосининг икки йиллик даромади!

У м р и (ҳайрон). Нима дедингиз, дада? Уч минг сўмни икки йиллик даромад дедингизми?

К и ч к и н а х ў ж а. Уч минг беш юз эллик сўмни!..

А з и з. Демак, даромад ойига юз эллик, кунига беш сўмдан тушибди-да?

К и ч к и н а х ў ж а. Ҳал

У м р и. Йўғ-е, бу ерда бирор англашилмовчилик бўлса керак.

К и ч к и н а х ў ж а. Ҳисоб тўппа-тўғри!

А з и з. Ахир, колхозингиз юқори ҳосилли, миллионер хўжалик-ку?

К а р и м а. Миллионерликка миллионерку-я, айланай. Аммо Маҳмудхон ака участкасидаги қўл меҳнати даромаднинг баракасини учиряпти.

У м р и . Дада, нега бундай бўлиб қолди?

К и ч к и н а х ў ж а . Мени чалғитма. Мен тўйдан га-
пирсам, сен ташвишдан гапирасан!..

У м р и . Дадажон, колхознинг ишини ташвиш де-
манг!

К и ч к и н а х ў ж а . Ана, холос. Мен шаҳардан қизим
келди, десам, тафтишчи кепти!..

Карима кулади.

К и ч к и н а х ў ж а . Нега тишиңгнинг оқини қўрсата-
сан?

К а р и м а . Вой-вуй, Ҳудоёрхоннинг ўнг қўл вазири
бўлсангиз ҳам ҳадеб ошаверманг. Умринисанинг саволи
ҳақ. Бу саволга сиз жавоб бермасангиз, мен жавоб берай.
(Умрига.) Ҳа, қизим, ишимиз ортига кетди. Ишимиэнинг
мазаси қочганига сабаб шуки, қўкрагига муштлаб юргув-
чи Муродхонов деҳқончиликнинг янги илмини билмайди.
Муродхоновдан гап оласан, холос. «Кетмон — деҳқончи-
ликнинг отаси... Қирқ сентр...» Аслида на юқори ҳосилу
ва на катта даромад... Ундан кейин, дадангга, Мақсуд-
хонга ўхшаган бекорчилар кўпайиб кетди.

К и ч к и н а х ў ж а . Ёпирай, ёпирай!..

К а р и м а . Гап шу, қизим. Билагингни шимариб, ишга
туш. Комилжоннинг ёнига кир. Ёрдам бер. Колхозчиларга
мададкор бўл. Ишламаётган машиналарни ишга сол! Ана
шунда мана буларнинг сири очилади!

К и ч к и н а х ў ж а . Вой, отинча-ей!

К а р и м а . Ҳамма гапирса ҳам, сиз гапирманг, Мурод-
хоновнинг гумаштаси! Нима қиласиз, жағимни очиби!
Қўйинг, ёшларнинг ишига аралашманг!.. Ундан кейин,
бориб хўжайнингизга айтинг, бўлмайдиган тўйдан жар
солмасин.

К и ч к и н а х ў ж а (бирдан бақириб юборади). Дод
хотиннинг зулмидан! Войдод, шаҳарда ўқиган қизнинг
дастидан! Эл-юрт олдида шарманда бўлдим! Энди қайси
юз билан бош кўтириб юраман?! Дод!..

К а р и м а . Дод солманг, ўт кетибдими!..

К и ч к и н а х ў ж а (ўзини хотинига ташлайди). Ҳа, ўт
кетди! Унақа-мунақа пажар әмас бу!..

А з и з . Амаки, амакижон...

К и ч к и н а х ў ж а . Амаки, дема мени!.. Жўна, келган
ерингга!. Жўна ҳозир!

А з и з. Хўп! Сизни кўргани келган әдим. (*Умрига.*)
Комилжон ака ўз уйидаги жой қилиб берди.

У м р и. Азиз ака, дадам учун мени кечиринг!..

А з и з. Ҳечқиси йўқ! Соғ бўлсак, ҳали дадангиз билан
қадроплашиб қоламиш. (*Кетади.*)

К а р и м а (*Эрига*). Улгудек қўполсиз-да!

К и ч к и н а хўжа (бошини чангалаиди). Э, худован-
ди карим, не қулфатларни солдинг бошимга!.. (*Илон чақ-
қан кишидек бетоқат тўлғанади.*) Ажаб бу савдолар!..

У м р и. Дадажон, ҳеч қандай савдо йўқ. Бекорга койин-
япсан!.. Ҳориганга ўхшайсиз, дам олинг. Мен идорага
бориб, ўша Маҳмудхон ака билан бир гаплашиб қўяй-чи,
ўзи нима гап?..

А н с а м б л ь

К и ч к и н а хўжа

Сен нима дединг, нима?
Идорада кўринма!

У м р и

Нима учун, дадажон?

К а р и м а

Борабергил, Умрихон!

У м р и

Ҳисоб берсин Маҳмудхон!

К и ч к и н а хўжа

Қайт! Дарров қайт орқангга!

К а р и м а

Қулоқ согил отангга!

У м р и

Нима дейсиз, дадажон?

К и ч к и н а х ў ж а

(Умрига)

Қадрдоним Махмудхон!

К а р и м а

Пухта ўйланг, отаси!

К и ч к и н а х ў ж а

Ким бу уйнинг каттаси?

У м р и

Дадажоним, ҳақ сўзим!

К а р и м а

Боргил, гўзалим, қизим!

К и ч к и н а х ў ж а

(Ғазабнок)

Борма дедим, бормайсан.

У м р и

Мен бормасдан қолмайман.

У м р и кетади. Карима унга қўл силкиб қолади.

К и ч к и н а х ў ж а (айвон пешига ўтириб, чаккаларини
жуштлайди). Тафтишчи!..

П А Р Д А

ИККИНЧИ ПАРДА

Пахтавор олдида сой. Кўпrik. Чапда — бор. Шу ерда Диlldор тога уйи ёнида унинг дурадгорлик дўкони. Берк. Ўнгда — Муродхоновнинг ҳашамдор уйи.

Сутдек оппоқ тонг отяпти. Мақсудхон Диlldор тога уйининг деразаси тагида чўккалаb олиб, Баҳорни уйғотиш учун, Умри ёшигига айтган ашуласини авжидан оляпти.

«Аё дўстлар, жаҳон ичра менингдек паҳлавон борму?..»
(Дераза туйқусдан очилиб, Мақсудхоннинг бошини ёрай дейди.)

Баҳор. Ким у вавағлаётган?

Мақсудхон. Биз-да, кўзидан, намунча деразани зарда билан очмасангиз?..

Баҳор (совуқ). Хизмат, ўртоқ Муродхонов?

Мақсудхон (ўзича). Епирай, яна чап ёни билан турганга ўхшайди жонон... (Баҳорга.) Соғиниб келдим, Баҳорой! (Қийқириб кулади.)

Баҳор. Жўнанг, бевафога тоқатим йўқ! (Деразани тарақлатиб ёпди.)

Мақсудхон. Ана холос... Дард устига чипқон. Уҳ... Энди нима қилсан экан-а?

Кичкина хўжа пайдо бўлади. У, Мақсудхонни — кўриб қолиб, ўзини панага олади, қулоқ солади.

Мақсудхон (деразани қоқади). Ахир, сўзимга бир нафас қулоқ солсангиз-чи?..

Баҳор (деразанинг бир тавақасини очади). Шартим бор.

Мақсудхон. Айтинг.

Баҳор. Шартим шуки, мен савол бераман, сиз жавоб қайтарасиз.

Мақсадхон. Бажонидил!

Баҳор. Рост айтинг, Умриникига бордингизми?

Мақсадхон. Бордим...

Баҳор. Унга: «Жонидан...» дедингиз-а?

Мақсадхон. Ахир...

Баҳор. Ҳозир йўқолинг, бўлмаса, дадамни чақираман!

Мақсадхон. Ахир, Баҳорой...

Баҳор. Бас, гапни чайнаманг!

Баҳор ва Мақсадхон дуэти

Баҳор

Йигитларда вафо борми?
Ишонмайман!

Ҳақиқий муддао борми?
Ишонмайман!

Мақсадхон

Муҳаббат ўтларида ёнди жоним,
Ишон, топмай қарор, ўртанди жоним!

Баҳор

Керакмас беқарорлар, садқайи ишқ!
Топибди ўзга ёрлар, садқайи ишқ!

Мақсадхон

Сенга англатмоғим лозим дилимни!

Баҳор

Йўқол, орсиз!
Хазон әтма гулимни!

(Деразани ёпиб, парда туширади.)

Мақсудхон

Баҳорой, кетма!..

Оҳ кетди, Баҳорим...

Эл ичра қолмади номусу орим...

Кичкинах ўж а

Ажаб савдолар, ажаб савдолар!..

(*Кўпrikни паналаб, боққа кириб кетади.*)

Мақсудхон. Ана буни қалтак деса бўлади... Ҳай,
сабр қилайлик-чи! (*Кетади.*)

Идорадан Азиз, Баҳор уйи эшигидан Диlldор тоға чиқиб
келадилар.

Азиз сўрига чизмасини ёзди, иш бошлайди. Диlldор тоға дўконини
очиб, кетмон сопи ясашга тушади.

Азиз арияси

Тонг отиб, олам мунаvvар бўлди, кел!
Бу чаман менга мұяссар бўлди, кел!

Йўлларингга термилиб қолди кўзим,
Ҳар минут йилга баробар бўлди, кел!

Ҳамдамим боғ ичра шўх шаббодалар
Интизорликда саросар бўлди, кел!

Кел, дединг, келдим ва лекин келмадинг,
Ҳар минут йилга баробар бўлди, кел!

Азиз ашула айтаркан, Диlldор тоға деворга осиглиқ дуторини олиб
жўр бўлади.

Диlldор тоға. Балли, Азизвой! Одамда дард бў-
лиши керак. Машойихлар бежиз айтмаганлар: ишқисиз
әшак, дардсиз кесак, деб...

Азиз. Шундоғ, тоға. Менинг ҳам шу ажойиб қишло-
фингизга ишқим тушди. Назаримда, шу ер очилмаган
тилсимотга, топилмаган хазинага ўхшайди. Мана, уч йил-
дирки, ҳар ёз келаман ва ҳар гал келганимда янги-янги
конлар топгандай бўламан. Чунончи, тоға, шу вақтгача
пишиқ ғишт қаердан олиб келинган?

Дилдор тоға. Райондан...

АЗИЗ. Ана, холос... Мен шу сой юқорисидаги тепанинг тупроғини таҳлил қилдим. Ҳумдон қуриб, ўшандан ғишт қўйсак, фақат бу қишлоқни әмас, атрофдаги бошқа қишлоқларни ҳам аъло сифатли пишиқ ғишт билан таъминн әтса бўлади.

Дилдор тоға. Тилингга шаккар!

АЗИЗ. Сой әтагидаги тошлоқни қўздан кечирдим. Қимматбаҳо кон. Уни пойдеворга ишлатса бўлади.

Дилдор тоға. Отангга раҳмат.

АЗИЗ. Ўша ерда катта қамишзор ҳам бор әкан. Уни ҳам ишга соламиз.

Дилдор тоға. Мен ҳам, асли, иморат устасиман, ўғлим. Аммо Муродхонов кетмон дастаси ясашдан бўлакка арситмайди.

АЗИЗ. Иморат қурамиз, тоға, янги қишлоқ қурамиз. Мана мен тузган катта план тасдиқланди. Ҳўп десангиз, ҳозир раисникига борамиз. Нонуштага чақирган әди, баҳона билан бинокорлик материалларини маслаҳатлашамиз.

Дилдор тоға. Бўпти, кетдик! (Улар кетади.)

УМРИ. Пайдо бўлади. Баҳор уйидан чиқаётib, Умрига дуч келади, бурилиб кетай деганда, Умри унинг қўлидан ушлаб қолади.

Умри. Салом.

Баҳор (совуққина). Салом.

Умри. Ўзи тинчликми? Нега индамайсан?

Баҳор. Қайдам... Сиз билмасангиз, мен қайдан билай...

Умри. Вой, сени қара, нега әнди сизсираб қолдинг?

Баҳор. Билмадим... Сиз әнди олий маълумотли агроном. Мен бўлсам, оддий қишлоқи қиз...

Умри. Очиқ сўзлайвер, ўзи нима гап?

Баҳор. Ахир, Мақсадхон уйингизга борибди-ку...

Умри. Ҳали, гап бу ёқда дегин. (Ҳахолаб кулади.) Вой, сени қара!.. (Жиддий оҳанѓда.) Менга астойдил тикилиб қара. Очиқ айт: сен менга ишонасанми?

Баҳор. Илгари ишонардим...

Умри. Ҳали ҳам ишонавер. Беҳуда хаёлларга берилма. Мен Мақсадхонни севишингни биламан. Аммо у бекорчи, тантис, дадасининг эркатоий. У уйимга келди. Мен унинг ўзига яраша жавоб қилдим. Ишон менга. Кел, яхши

гаплардан гаплашайлик. Айт-чи, Баҳор, әсингдами мактабда бирга ўқиб юрган йилларимиз...

Баҳор. Эсимда...

Умри. Эсингдами, канал бўйида янги боғда гул әкканимиз?

Баҳор. Эсимда...

Умри. Ҳамзаобод саёҳати-чи?

Баҳор. Ҳаммаси, ҳаммаси эсимда...

Умри. Агар шулар эсингда бўлса, демак, дўстлигимизни унутмапсан. Эсингдами, иккимиз бирга сой бўйида тўқиган қўшиқ?

Умри билан Баҳор дуэти

Баҳор

Бинафшалар очилган
Ям-яшил қирғоқ бўлса,
Кўкка юлдуз сочилган
Тун бўлса, чироқ бўлса...

Умри

Олисдан келса ёрим,
Аҳдига вафодорим,
Ёзмоқ учун хуморим
Менга яқинроқ бўлса.

Иккови

Баҳор чоги тўй бўлса,
Ёрим бообрўй бўлса,
Соз чалинса, куй бўлса,
Кўнглим доим чоф бўлса!..

Булар ҳахолаб кулишади. Комилжон, Дилдор тоға, Азиҳ, Мақсудхон, колхозчилар келадилар.

Комилжон. Бор әкан-ку! Қизлар ўзи шунаقا бўлади-да, а? Хилватни топиб, ашула айтишади.

Баҳор. Салом, Комилжон ака.

Умри. Салом.

Кўришадилар, Мақсадхон Баҳорга қўл узатганда, у четга бурилади.

Мақсұдхон. Ҳай, шунисига ҳам шукур..

Комиљон. Мақсұдхон, дадангизни чақириң!

Мақсұдхон. Ҳўп бўлади, ака. (Уйига кириб кетади.)

**Комиљон (Азиға). Шу паҳлавон — бекорчи.
Биз уни сойдан тош ташиншга қўйсак, нима дейсиз?**

АЗИЗ. Кўпчилик нима деса — шу!

Комиљон. Мақсұдхон бу ишни әплайди. Унг ўзидақа полвон ёшларни қўшиб берамиз.

Маҳмудхон билан Мақсұдхон уйдан чиқадилар.

Маҳмудхон. Ассалому алайкум, яхшилар! (Кўришадилар.)

Комиљон. Иш кўпайиб кетди, ўртоқ Муродхонов.

Маҳмудхон. Ҳа-ҳа! Қани, эшитайлик.

**Комиљон. Қурилишни маслаҳатлашиб олдик.
Юришиб кетадиганга ўхшайди. Ўғлингизни тош ташувга қўямиз.**

Маҳмудхон. Бошқалар борсин.

Комиљон. Мақсұдхон боради. Бекорчилик ўзининг ҳам жонига теккандир. (Мақсұдхонга.) Ўзингиз нима дейсиз?

Мақсұдхон (дадасига қарайди — дадаси «йўқ денин» дейди. Баҳорга қарайди: «Ҳўп дениг» — имосини қиласди). Мен тайёр, ака!

Комиљон. Раҳмат, оғайнни!.. Умриой ҳам анча масалаларни ўртага қўйди. Ўзингиз эшитдингиз. Халқа маъқул. Сиз ҳам ўйлаб кўргандирсиз?

Маҳмудхон. Ўйлаб кўрдим. Бизга тўғри келмайди...

Комиљон. Сабаб?

Маҳмудхон. Сабаб шуки, пахта нозик нарса, ота-бободан қолган тажриба маъқул. Пахтани машина билан тераман деб, барги дориланса, ҳам кўсак чирийди, ҳам тошдан ютқизамиз. Ундан кейин, машина пайҳон қиласди. Энди, хўжалик ҳисоби деган гапга келсак, бу ҳам қалтис нарса. Биздан пахтани ола беринглару пулни бераверинглар!

Умри. Ахир, олган пулингиз четга, беҳуда сарфларга кетяпти-ку?

Маҳмудхон. Чунончи?

Умри. Чунончи, сизнинг участкангизда бир центнер пахтага, бошқа участкадагига қараганда уч баравар меҳнат

ортиқ сарфланган. Натижада меҳнат кунининг ҳақи уч баравар камайган...

Маҳмудхон. Бу ёғини қўяверинг. Мен ҳам ҳосилотман, сиз ҳам ҳосилотсиз. Мендан кўп пахта беролмайсиз.

Умри. Эҳтимол шундайдир... Кузда маълум бўлади. Аммо сиз меҳнат кунига беш сўм олсангиз, биз ўн беш сўм оламиз. Бундан ташқари, хўжалик ҳисобига ўтиб, фойда ҳисобига янги қишлоқ қура бошлаймиз.

Маҳмудхон (*истеҳзо билан*). Раис, яна нима хизмат?!

Комилжон. Тракторларни саройдан чиқариб, ишга солинг.

Маҳмудхон. Тракторлар ремонт қилинмаган. Иш бермайди.

Умри. Нега ремонт қилинмаган?

Маҳмудхон. Далада бўлиб, қўллимиз тегмади.

Комилжон. Шу бугун умумий мажлис чақирамиз. Муҳокама қиласиз.

Маҳмудхон (*бепарво*). Гўзамиз қийғос гуллаяпти. Камчилик тополмайсизлар...

Комилжон. Қайсарсиз, ўртоқ Муродхонов. Пухта ўйламаяпсиз. Қани, ўртоқлар, ишга!

Ҳамма тарқалади. Маҳмудхон уйига, Диlldор тоға дўконига кириб кетади. Азиҳ чизмага машғул бўлади. Умри унинг ёнига келади.

Умри ва Азиз дуэти.

Азиз

Кўнглим чамани сенга ватан, ёр бўла қолгил!

Умри

Кўнглим ватани сенга чаман, дилдор бўла қолгил!

Азиз

Гул бўла қол, буабул тилида гулёр бўла қолгил!

Умри

Бошимни қўяй кўксингга, ғамхор бўла қолгил!

А з и з

Тунлар узайиб, уйқу қочар, бедор бўла қолгили!

У м р и

Чин ёр бўла қол, менга вафодор бўла қолгили!

А з и з

Гулзор бўла қол!

У м р и

Гулга харидор бўла қолгили!

И к к о в и

Э ёр, кела қол, менга вафодор бўла қолгили!

Умри чизмага әгилади, мароқланиб кузатади.

У м р и. План катта-ку.

А з и з. Катта қишлоқ, катта ҳаёт, катта келажак. Бизнинг уч йилдан бери ўйлаб келган ўйларимиз, режаларимиз энди қоғоздан ҳаётга кўчади. Айниқса, янги уйлар... Янги уйларда янги тўйлар...

К и ч к и н а х ў ж а. Ажаб савдолар!.. Ажаб савдолар!..

У м р и. Дадам...

А з и з (*Кичкинахўжага эшилтириб*). Ўртоқ Каттахўжаева, мен билан юринг-чи, участкангиз планини кўриб чиқайлик!.. (*Чизмаларни ўрайди.*)

У м р и (*дадасига эшилтириб*). Ўртоқ Саидов, курилиш ҳам анча оғир иш-да, а!.. (*Кетадилар.*)

К и ч к и н а х ў ж а. Ажаб савдолар!.. Ажаб савдолар!.. (*Дўконидан чиқиб келган Дилдор тоғани кўриб.*) Ассалому алайкум, тоға, яхши ётиб турдиларми?

Д и л д о р т оғ а. Ваалайкум ассалом, хўжам. Нучук бугун барвақт йўқладилар.

К и ч к и н а х ў ж а (*супага ўтириб, тиззасига уради*). Бевафо фалак!.. Үҳ!..

Дилдор тоға дуторни қўлига олади.

Қўйинг, тинғиллатманг, шу топда юрагимга қил ҳам сифмайди.

Дилдор тоға. Ўзи нима гап?

Кичкинахўжа. Одамлар хотини қиз туққанда бејиз хафа бўлмас экан.

Дилдор тоға. Ҳа, қизингизга нима бўлди?

Кичкинахўжа. Нима бўларди? Тўйни бузди! Муродхоновга келин бўлмас эмиш. Унинг ўғли бекорчи, шилқим эмиш. Энди мен хўжайинга қайси юз билан кўринаман, тоға?

Дилдор тоға. Қани, бундоғ ўтириңг, хўжам, мен сизга йўл-йўриқ ўргатай.

Кичкинахўжа. Раҳмат, тоға. Қани, қулоғим сизда.

Дилдор тоға. Қизингиз мусичадек бегуноҳ, хўжам. Уртадаги гапга уни аралаштирунган. Айбни Муродхоновнинг ўзига ағдаринг.

Кичкинахўжа. Йўғ-е!.. Мени лақиллатяпсиз, тоға!

Дилдор тоға. Қизингизнинг айтгани тўғрига ўхшайди. Менга ҳам тинчлик йўқ. Мақсадхон деворим тагида тонг отгунча сайрагани-сайраган.

Кичкинахўжа. Тўғри айтасиз, тоға. Мен ҳам шу бугун кўрдим. Нима, у қизингизга илашиб юриптими?

Дилдор тоға. Фашимга тегяпти. Раисга арз қилмоқчиман,

Муродхоновнинг шарпасини сезиб Дилдор тоға ўзини дўкон ичига олади.

Кичкинахўжа. Ассалому алайхум, хўжайин!..

Маҳмудхон (совуқ). Ҳа, нима гап?

Кичкинахўжа. Хўжайин, айб мендамас...

Маҳмудхон (сенсираиди). Қизингга сўзинг ўтмагандан кейин нима қиласан менга рўпара келиб!..

Кичкинахўжа. Сўзим ўтади, хўжайин. Уч-тўрткун сабр қилинг.

Маҳмудхон. Ўғлимни уйингдан ҳайдатиб, мени ерга қаратдинг, номард!

Кичкинахўжа. Бунчалик экан, чиқимингизни тўлайман, хўжайин.

Маҳмудхон. Сенда пул нима қиласи?

Кичкинахўжа. Ҳовлимни сотаман, қарз-ҳасана қиласман, ўзимни гаровга қўяман, тўлайман!

Маҳмудхон (*Кичкинахўжанинг ёқасидан бўғади*). Осон қутулмоқчимисан, жиннихўжа? Менга пул керакмас! Менга юрт олдида обрўйим, шаън-шавкатим керак! (*Қаттиқроқ бўғади*.) Жонингдан умидинг борми?!

Кичкинахўжа. Вой-вой-вой!.. Жоним чиқиб кетади!..

Маҳмудхон. Тўнғиз қўпасан, бетайин хўжали..

Кичкинахўжа. Жон хўжайнин, қийнаманг! Қизими ни кўндираман, ўғлингизга бераман!

Маҳмудхон. Онт ич, абллаҳ!

Кичкинахўжа (*бўғилиб*). Онт ичаман!..

Маҳмудхон Кичкинахўжани қўйиб юборади. У шилқ этиб супага тушади.

Кичкинахўжа. Астагфирулло!.. Одамнинг жони чиқиб кетадиям демайсиз-а!

Маҳмудхон. Қизинг ўғлимни жуда беобрў қилибди. Бу гап элга ёйилмасин. Йигитнинг номуси бамисоли шиша. Синса, чегалаб бўлмайди..

Кичкинахўжа (*аччиғланиб*). Ҳа-ҳа!.. Йигитнинг номуси шиша экан-да... Қизнинг номуси-чи?

Маҳмудхон. Нима демоқчисан?

Кичкинахўжа (*сенсирашига ўтади*). Сенинг ўғлинга доғ тушмасин. Менинг қизимга доғ тушса бўлаверади — шундайми?

Маҳмудхон (*ҳуркиб*). Бу нима деганингиз, хўжам?

Кичкинахўжа. Сенинг ўғлинг тоганинг эшигida ҳар кун аzonгача сайраб чиқса майли эканда-а?! Кўрган- билганларнинг сўзини эшитдингми? Сенинг ўғлинг, Абдикарим туллакнинг кал хўрози, деб ном чиқарибди. Эл юрт олдида шарманда қилдинг мени! Кечдим қудачилингдан!..

Маҳмудхон. Йўғ-e! Мени калака қиляпсиз, хўжам!.. Мабодо, Маҳмудхон бебошлиқ қилган бўлса ҳам, шу гап пинҳоний қолсин.

Кичкинахўжа. Пинҳоний қолсин! Ия-ҳа, ҳали Маҳмудхоннинг ярамаслиги пинҳоний қолсинми?! Ким ижозат берди сенларга пинҳоний иш қилишга? (*Маҳмудхоннинг ёқасидан бўғади*.) Қимсан сенлар ўзинг? Сенинг савлат тўқадиган ўғлинг қаҷондан бери бирорларнинг қизини ўйлдан урадиган бўлиб қолди? Ҳозир Диidor тогани чақираман! Ыккаلامиз правлениега арз қиламиз! Умумий мажлисга қўймиз!

.. **Маҳмудхон** (бўғилиб). Ҳўжам, жон хўжам, шафқат қилсинлар!..

Тушки овқатга занг урилади. Ёшлар қўшиғи әшитилади.

Кичкина хўжа. Бахтингга одамлар келиб қолди,
бўлмаса, масалангни бир ёқли қилиб қўя қолардим...
Деворий газета кўтариб **Наима, қизлар, йигитлар, Комил-
жон, Салима, Баҳор, Маҳсудхон** кирадилар.

Хор

Ҳар бирингиз бу ҳайтга жон бўлиб,
Кохозистон боғига боғбон бўлиб,
Номингиз эллар аро достон бўлиб,
Меҳнат аҳли, пахтакорлар, ҳормангиз,
Юртида мард, баҳтиёrlар, ҳормангиз!

Үлкамиз, дўстлар, шараф-шон ўлкаси,
Оlam ичра эркин инсон ўлкаси,
Ўлкалар ичра гулистон ўлкаси.
Бор бўлинг, донгдор бўлингиз, толмангиз,
Юртида мард баҳтиёrlар, ҳормангиз!

Комилжон (*Наимага*). Газетани шу участкага осинг!

Наима. Шеъримнинг сарлавҳасини нима деб қўяй:
«Кетмонга суюнганлар» дебми, ёки «Суюнчиғи кетмон-
лар» дебми?

Комилжон. Қани, ўқинг-чи?

Наима. «Бу ерда пахтакорлар катта кетмонларга ҳам-
дамди,
Муродхонов ишидан қанча кўнгиллар тўла
ғамди».

Маҳмудхон. Тавба...

Наима. «У ишни доимо мушкул этиб, дейди: отам
кетмон.

Машина бошқаришга қодир инсонга ситам
кетмон».

Комилжон. Балли, Наимаой!

Баҳор. Айни муддаони ёзиссан!

Наима. «Қолоқликни омонсиз ҳажв қилдим, элга фош
бўлди.

Менинг ёзган сўзим иллатни ёндирган қуёш
бўлди!»

“Маҳмудхон. Раҳбарнинг обрўсини тушаришгә йўл”
қўйманман!

Наима газетани Муродхонов деворига оса, Маҳмудхон унн
ииртмоқчи бўлади.

Кичкинахўжа. Ҳай-ҳай, хўжайин, бола-чақангиз
бор-а!

Комилжон. Сарлавҳаси тайёр: «Қолоқликни ёнди-
рамиз!»

Баҳор. Жойида!..

Мақсұдхон. А, лаббай?

Баҳор (*Мақсұдхонга төрс қараб, қиэларға сүзлайди*).
Ҳай, овқат вақти ўтиб кетаёзди. Юринглар, шийпонга!..

Ҳамма сой өтагига тушиб кетади. Газета қаршисида Кичкинахўжа
 билан Маҳмудхон қоладилар.

Кичкинахўжа (*ўқийди*). «Колхозда гишт заво-
ди...», «Тошлоқ — бинокорлик ҳазинаси», «Техникани юз
фоиз ишлатайлик», «Қолоқликни ёндирамиз»... ҳм... ҳм...
Муродхонов... Бу, хўжайин, дейман, фамилиянгизни ашула
қилиб айтса ҳам бўларкан, мана: (*Катта ашула йўлида
айтади*.)

«Бу ерда пахтакорлар катта кетмонларга ҳамдамдир,
Муродхонов ишидан қанча қўнгиллар тўла ғамдир...»

Маҳмудхон. Бас, бас-её!.. Энди бу ёғи нима бўла-
ди, хўжам? Иложини топинг, иложини!..

Кичкинахўжа. Иложиними?.. (У ёқдан-бу ёқ! т
юриб ўйлади.) Иложи йўқ!..

Маҳмудхон. Уша қадрдонлигимиз — қадрдонлик,
хўжам. Мен ўғлимни койиб қўяман, иккинчи бебошлиқ
қилмайди. Сиз ҳам қизингизга панд-насиҳат қилинг, мени
танқидга нишон қиласермасин. Ахир, мен ҳам қирқ йил-
лик тажрибакорман. Ҳудо хоҳласа, суюкли келиним бў-
лади. Келинг, энди, бир иложини топинг!

Кичкинахўжа. (*Ўйлади*.) Иложи бор!..

Маҳмудхон. А, лаббай?..

Кичкинахўжа. Иложи шуки, кўпчиликнинг раъий-
га қарайсиз. Илмни оёқ ости қилмайсиз. Менинг қизим
ҳам агроном, ҳа! Дарвоҷе, хўжайин, машиналарнинг занг
босиб ётиши чакки. Айниқса, пахта териш машинасини
нимага сотиб олдигу, нимага омборга қамаб қўйибмиз?

Маҳмудхон. Йўқ! Йўқ! Ундан оғиз очманг. Пахтани расво қиласди.

Кичкинахӯжа. Ундоқ бўлса, иложи йўқ...

Маҳмудхон. Э, худо... Шарманда қилдинг!.. Бошқа йўли йўқми-а, хўжам?

Кичкинахӯжа. Бор. Ҳосилотликни йиғишириб, қоровуллик қилиш!

Маҳмудхон. Йўғ-е! Мен ҳали қирқ сентр пахта бераман! Мен ҳали ёшларга пахтадан дарс бераман. Мени нима деяпсиз? Комилжон ҳали мендан, минг бор узр сўрайди, ҳа!

Кичкинахӯжа. Қойил! Ана шу дадиллигингиз менга ёқади, хўжайн. Қурбонингиз бўлгим келади гозиларда!..

Маҳмудхон (хурсанд). Раҳмат, хўжам, раҳмат!..
Юринг энди, чойхонада бир отамлашайлик!

Кичкинахӯжа. Кетдик, хўжайн, кетдик!..

Иккови ашула айтиб, ўйинга тушиб кетади.

Иккови

Иккаламиз қуда бўлсак, хушчақчақ,
Дўстлар билан тўда бўлсак, хушчақчақ.
Набиралар бирин-кетин туғилса,
Ўн фарзандга бува бўлсак, хушчақчақ.

Иккаламиз даврон сурсак, хушчақчақ,
Дард кўрмасак, қувнаб юрсак, хушчақчақ,
Мардга муҳтоҷ, номардга зор бўлмасак,
Паловхонни катта урсак, хушчақчақ.

Азаматлар, хушчақчақ!
Валломатлар, хушчақчақ!

УЧИНЧИ ПАРДА

Кеч кув. Янги қишлоқ тип-тинч. Кўпrik остидаги сув артилган шишадай ярақлади. Икки қатор янги уйлар. Бу — қурилаётган янги қишлоқнинг тайёр қисми. Чапда Кичкинахўжа уйи. Аввалги тандир синига шинамгица ошхона қурилган. Газ плитаси кўриниб турибди. Унгда — Муродхонов уий. Олисда — правлениенинг янги биноси. Тоға ёришяпти. Дурадгорлик асбоб-ускуналарини кўтариб олган Ди л до р тоға сой томондан чиқиб, Кичкинахўжа әшигига келади, кўнфироқ тугмасини босади. Ҳовлида гулларни кесиб, кўмаётган Кичкинахўжа эшикка югуради.

Дилдор тоға. Ошхонанинг кам-кўстини тўғрилаб кетай!..

Кичкинахўжа. Балли, тоға!.. Аммо, ҳушёр бўласиз, газ бор!.. (*Тоғага йўл кўрсатиб, ўзини чеккага олади.*)

Дилдор тоға. Газ бўлса нима, хўжам? Барака топсин Азизвой, газни ғўзапоя ёқандай ёқяпмиз!

Кичкинахўжа. Тўғрику-я тоға, аммо ғўзапоянинг ажойиб хосияти бор-да, газга ўхшаб бирдан лоп этиб кетмайди!

Дилдор тоға. Ҳали гап бағда денг! Чумчуқчалик ҳам юрак йўқ, сизда, хўжам. Қани, баққа келинг, мен сизга газни ёқишини ўргатиб қўяй!..

Кичкинахўжа. Йўғ-е, тоға, бирор шикаст...

Дилдор тоға. Қўрқманг, келаверинг!

Дилдор тоға плита тепасига бориб, қулогини бурайди, гугурт чақади. Газ парр этиб ёнади. **Кичкинахўжа** чўчиб ошхонадин қочиб чиқади.

Кичкинахўжа. Қўйинг-е, тоға, ўтакамни ёриб юбордингиз.

Дилдор тоға (тандирни күэдан кечиради). Ия, ҳа, тандирга ҳам газ ўтказилибди-ку!..

Кичкина хўжа. Ким билади дейсиз, ҳалиги, тошкентлик йигитнинг иши-да... уйда, печкага ҳам улади, чамамда...

Дилдор тоға. Бизга унақа қилгани йўқ. Ошхонага ўтказиб кетаверди. (Кулади.) Ия, ҳа, косанинг тагида нимкоса бор денг!..

Кичкина хўжа. Бу нима деганингиз, тоға? Сиз ҳам кейинги пайтда илмоқли гапирадиган бўп қолдингиз.

Дилдор тоға. Ҳай, илмоқсиз гапирай. Бу дейман, хўжам, Азизвойнинг уйингизни бу қадар кўнгил қўйиб бежаши бекиз әмасдир-а?

Кичкина хўжа. Яъни, масалан, тоға?!

Дилдор тоға. Газни бир ёққа қўйиб турайлик. Манов уйингизнинг нақшини қаранг. Азизвой — инженер. Ҳеч кимнинг уйига нақш солгани йўқ. Ана, шоҳда булбул сайраяпти. Бунинг маъноси нима?

Кичкина хўжа. Нима бўларди, турмушдаги гап-да!

Дилдор тоға. Отангизга раҳмат! Мен ҳам шуну айтаяпман. Мен сизнинг ўрнингизда бўлсан, хўжам, Азизвойни ичкуёв қилиб олардим.

Кичкина хўжа. Нима, нима? Ичкуёв қилиб? Эспесингизни еб қўйганмисиз, тоға? Керак бўлса, уни ичкуёв қилиб олаверинг, нима қиласиз менга ёпишириб?

Дилдор тоға. Ана шу қайсарагингиз қолмадида! Ўзингиз биласизки, қизингиз Маҳмудхонга келин бўлмайди.

Кичкина хўжа. Бўладими, бўлмайдими — худобилади. Аммо у шу кеча-кундузда Маҳмудхон акага ёрдамга кетган.

Дилдор тоға. Ана, холос. Тилни қичитасиз-да, хўжам. Мен сизга қизингиз нимага ўшаққа кетганини айтай. Умриниса планини тўлдирганига, мана, бир ойдан ошди. Даласини шудгор ҳам қилиб қўйди. Барака топсин, машинанинг қадрига етади. Маҳмудхон ёмонотлиқ қилган терим машинасини ўз кўзим билан кўрдим. Пахтани чунонам шипиллатиб тердики, оғзим очилиб қолди. Ерга тўкилган пахталарни қизларимиз шипиллатиб териб олишиди. Одамлар ҳам қийналмади, иш ҳам тез битди. Маҳмудхон нима қилди, денг? Даласига машина киритмади. Аммо у киритмаса нима? Халқ киритардику-я... Олт-

мишу олтмиш ўрнига әллигу әллик ишнинг бөлигә тепди. **Машинага** түғри келмайди-да, хўжам. Натижада ҳамма далада ётиб, әрта-ю кеч қора тер тўқди. Ҳосилини ёмон демайман. Аммо совуқ уриб кетди. Мактаб ҳам ёпилди, шариги участкадаги колхозчилар ҳам ёрдамга келди, шаҳардан ҳам беш юз киши чиқди. Умриниса ҳам ўша ерда. Ана әнди ўзингиз айтинг: шу одамлар ҳаммаси текинга ишлайдими, пулгами? Албатта, пулга ишлайди. Пулни Маҳмудхон кармонидан берадими, колхоз тўлайдими? Колхоз тўлайди. Ҳўш, меҳнат кунига келайлик. Умриниса участкасидаги аъзолар йигирма сўлкавойдан олса, Маҳмудхон участкасидаги аъзоларга йигирма тангадан ҳам тегмайди.

Кичкина хўжа. Йўқ, тоға, ҳамма аъзолар бир хил ҳақ олиши керак.

Дилдор тоға. У замонлар ўтиб кетган, хўжам. Мен бир кунда ўнта курси ясай, сиз битта курси ясанг. Ким кўп пул олади?

Кичкина хўжа. Албатта, сиз кўп оласиз.

Дилдор тоға. Гап ана шунда, хўжам. (*Ошхона шифти тагига тахта карния қоқади.*) Умриниса шаҳардан келибоқ хўжалик ҳисоби деганда, унча тушунмаган әдик. Ана әнди тушундик.

Кичкина хўжа. Колхоз иши ҳам бир жумбоқ өкан, тоға, ўйлаб тагига етолмайман.

Дилдор тоға. Ҳалқ тагига етди. Қани, Маҳмудхон әнди: машинани ишлатмайман, десин-чи? Ҳалқ унинг бетига қора суркаб, қишлоқдан ҳайдайди.

Кичкина хўжа. Чини биланми?

Дилдор тоға. Мана, кўрарсиз... (*Ошхонани кўздан кечиради.*) Ошхонангиз тўйбол бўлди, хўжам. Ҳаракатни қила беринг. Энди мен кетдим.

Кичкина хўжа. Кетманг, ҳозир чой қўяман.

Дилдор тоға. Чойни ича берасиз, мен ишдан қолмай, план тўлишига янги уйлар бекам-кўст тайёр бўлиши керак.

Кичкина хўжа. Ҳай, ўзингиз биласиз.

Тоға кетади. **Кичкина** хўжа уйга киради. Коржомада Азиз пайдо бўлади. Қўнгироқ тугмасини босади.

Азиз (кириб). Салом!

Кичкина хўжа. Келинг, йигит, келинг, хизрни йўқласак бўларкан. Дилдор тоға шу топда жанобларини

таърифлаб турган эди. Қани, чойга. Дастурхон устидан чиқкингиз, қайнанангиз суяди шекилли.

А з и з. Қайнанам сүйишига шубҳам йўқ-ку-я, аммо қайнатам ҳам сўйса эди...

К и ч к и н а х ў ж а. А, лаббай?.. (*Бошини чайқайди*). Бу, йигит дейман, жаноблари, гапни таги-заминидан олар эканлар-да, а?

А з и з (*кулиб*). Ўйнинг озгина чаласи бор эди, шуни тамомлаб кетмоқчи эдим.

К и ч к и н а х ў ж а. Ҳа, майли, майли! (*Чойгумга чой дамлайди, қуийб Азиэга узатади*). Қалай, Тошкентни соғинмадингизми? Ҳат-хабар олиб турибсизми? Ота-она-ларингиз, ака-укаларингиз яхши юришибдими?

А з и з. Раҳмат, амаки. Дадам Тоштрамда ишлайдилар, мотор тузатадилар. Онам уйда. Ўн бир бола билан ўралашиб қолган.

К и ч к и н а х ў ж а. Шундай денг. Сиз билан ўн икки бола экансизлар-да? Саломат бўлишсин... Ҳўш, бизнинг қишлоғимиз сизга маъқул бўлдими?

А з и з. Маъқул бўлганда қандай, амаки. Гўзалликда беқиёс; бойлиқда хазина. Одамларини айтмайсизми, бирар хуш табиат, бирар ширин сўз! Қани энди, насиб бўлса-ю, умр бўйи шу ерда яшаб қолсам...

К и ч к и н а х ў ж а. Ажаб әмас, ажаб әмас... Қалай, ўзингизга ҳам уй қуриб олдингизми?

А з и з. Ёлғиз бошимга уйнинг нима кераги бор, амаки? Комилжон аканикida турибмиз. Иккимиз битта қориндан талашиб тушгандай бўлиб қолдик. У киши доим далада.

К и ч к и н а х ў ж а. Комилжон уйланмоқчи әмасми?

А з и з. Уйланмоқчи.

К и ч к и н а х ў ж а. Кимга?

А з и з. Бу сир, амаки.

К и ч к и н а х ў ж а. Оббо, сенлар-еї!.. Ҳа, майли. Мен ёнди хирмонга борай, пахта ташияпман. Иш тиқилинч. Сиз, йигит, ишингизни қилаверинг.

А з и з. Ҳўп, амаки.

К и ч к и н а х ў ж а кетади. Азиэ айвон деворидаги чала суратни ишлайди.

А з и з а р и я с и

Гулшанда кезиб маст бўламан, раъноси бўлакча,
Ҳар бир гулининг ранги, таманноси бўлакча.

Гулзорга нечун талпинади парвона бу кўнглим,
Лола каби қип-қизишу шаҳлоси бўлакча.

Булбул нафаси бир-ла кулиб, гунча ёзар гул,
Ошиқ куйининг завқи бўлак, маъноси бўлакча.

АЗИЗ расмга машғул бўлади. Идора ёнбошидаги йўлдан пахта
қизил қарвони ўтади. Сўнгги машина товуши тиниши билан саҳ-
нага Умри, Комилжон, Мажмудхон кириб келадилар.

Комилжон. Шу бугун туни билан зўр берганимиз
яхши бўлди. Халқимизга балли, мижжа қоқмади-я! Ўртоқ
Муродхонов, сизнинг кетмонга ёпишиб олишингиз колхози-
мизга жуда ҳимматга тушди.

Мажмудхон. Планни бажардим-ку, ахир!

Комилжон. Ҳали ҳам дабдабадан тушмайсиз-а,
ўртоқ Муродхонов. Участкангизда планнинг бажарилиши
минг-минг кишиларнинг ортиқча меҳнати ҳисобига, четдан
келган теримчиларга берилган юз минг сўм пул ҳисобига,
мактабимизни уч ой ёпиб қўйиш ҳисобига, шаҳардаги
йирик завод ишига путур етказиш ҳисобига бўлди.

Мажмудхон. Қандоқ қиласай, пахта шунақа мушкул
иши...

Комилжон. Пахта, техникани рад этувчилар, агротехникани барбод қилувчилар учун мушкул иши. Планни
бажардингиз-а, аммо ҳалқ олдида, партия олдида жа-
вобгарлик ҳали зиммангизда турибди.

Мажмудхон (бўйнини әгади). Ҳўш, нима қил
дайсиз?

Комилжон. Умри бир ой давомида икки юз аъзо-
си билан далангизда ётиб ишлади. Сушилкани ҳам шулар
қурди. Қўсакни ҳам шуларчувиди. Бир оғиз раҳмат дей-
мадингиз-а, ўртоқ Муродхонов?..

Умри. Менга әмас, колхозчиларга, ишчиларга, ўқувчи-
ларга раҳмат десинлар. Халқнинг ҳимматига, ғайра-
тига раҳмат десинлар.

Мажмудхон. Раҳмат...

Комилжон. Гапингиз оғзингиздан тушиб кетяпти...
Чарчабсиз. Дам олинг. Бафуржа гаплашамиз.

Мажмудхон. Маъқул... (Уйига кириб кетади.)

Комилжон. Ҳорманг, Умриой! Халқимиз номидан
сизга каттакон раҳмат!

Умри. Арзимайди... Қани, юринг, нонушта қиласиз.

К о м и л ж о н . Мен борай. Райкомга рапорт беришимиэ керак. Хайр, яхши дам олинг.

**У м р и . Хайр. Аэзиз ака!
А з и з . Умри!**

**Янги уйини әнди кўраётган Умри завқланиб кўздан кечиради.
Айвонда расм солаётган Аэзизни кўриб, ҳовлига отилиб киради.
Иккови қучоқлашиб кўришадилар.**

**У м р и . Қишлоқни бутунлай янги қилиб юборибсиз-ку,
Аэзиз ака?**

А з и з . Сиз пахтада қилган меҳнатнинг томчисига арзимайди. Ундан кейин, бу уйларни мен қурганим йўқ, Дилдор тоға бошлиқ бинокорлар бригадаси қурди.

У м р и . Жуда камтаринсиз-да!.. (*Расмни кўздан кечира-ди.*) Мен сизнинг инженерлигингизни билардиму, рассом-лигингизни билмасдим...

А з и з . Сизга маъқул бўлса бўпти-да...

У м р и . Маъқул ҳам гапми...

А з и з . Мана, бугун план ҳам тўлди, уй ҳам битди. Газ қозонлар ҳам қурилди. Энди... ҳалиgidай... совчи юбораверсак бўлармикин?..

У м р и . Дадам...

А з и з . Дадангиз бугун мен билан биринчи марта очилиб сўйлашдилар. Ота-онамни, ака-укаларимни суринтиридилар. Қишлоғингиз менга ёққан-ёқмаганлигини сўрадилар ва ҳатто, «ўзингга уй қурмадингми?» деган саволни ҳам бердилар.

У м р и . Эшитиб турган қулоқларимга ишонмайман..

А з и з . Мен ҳам ҳайрон қолдим. Ҳуллас, дадангизнинг кўнгиллари андак юмшаганга ўхшайди. Ҳўп десангиз, совчиларни шу бугун юборай. Темирни қизигида босган маъқул. (*Асбобларини йигиштиради.*)

У м р и . Дадам, яна, йўқ, деб туриб олсалар-а?

А з и з . Хотиржам бўлинг, шунаقا совчиларни юборамки, дадангиз бисотдаги тўнларини кийгишиб юборадилар! (*Югуруб чиқиб кетади.*)

У м р и (ёлғиз). Кошки эди...

У м р и а р и я с и

**Меҳринг дилимда, кўзим йўлингда,
Аэзизим, жоним, келгил әртароқ!**

Менга ором бер, бағрим қўлингда,
Эй паҳлавоним, келгил эртароқ!
Энди умрбод ёнимда бўлгил,
Ҳаётимда бўл, жонимда бўлгил,
Муҳаббатимда, шонимда бўлгил,
Шарафим, шоним, келгил эртароқ!

Девордаги гулзор расмига узоқ тикилади, кейин алланарса бирдан
эсига тушиб ҳовлиқади.

Энди аям келгунча, уйларни йиғиштириб қўяй. (Уйга
кириб кетади.)

Сой томондан Мақсадхон чиқиб келади. Эшиги олдиаги супача-
га ўтириб, ўйга толади. Баҳор оёқ учиде келиб, Мақсадхон-
нинг ёнида деворга суняди.

Баҳор. Ҳа, намунча хаёл! Маъшуқангиҳ үйдан чиқ-
маяптиларми?

Мақсадхон (санчиб ўрнидан туриб.) Аччиқ гап-
ларингиз ханжарларини ҳадеб кўқрагимга санчаверманг!.
Лхир, биз ҳам бир мусулмоннинг гуноҳсиз боласи...

Баҳор. Гуноҳсиз әмиш... Бир ойдан бери дом-дараксиз
кетади-да, яна, гуноҳсизман, дейди...

Мақсадхон. Бир ойда икки минг машина тош етка-
зив бердим. Сой бўйидаги янги уйингизнинг пойдеворига
ҳам бизнинг харсанглар терилган.

Баҳор. Нима бўпти?.. Ҳадеб писанде қилаверманг!
Тошни қўйинг, бағри тош! Тош ташиганингиз билан ме-
нинг ҳасратим тошиб, янги ҳасратларга туташ бўлиб одош
бўлармиди?.. Бағри тош!

Мақсадхон (қувониб). Вой, тош-тош-тош — деган
тилингдан! Чинданми?! Ростми?!

Баҳор. Ҳа!.. Аммо сиз талтайманг!.. Аввал, гуноҳла-
рингиҳни ювинг.

Мақсадхон. Гуноҳим — сизни севганим, холос!

Баҳор. Ундоғ бўлса... ундоғ бўлса... (Ерга қараб, со-
чини ўйнайди.) Ундоғ бўлса... Нега совчи юбормайсиз?

Мақсадхон. А, лаббай?.. Раҳмат! Раҳмат-еий!.. Шу
бугуноқ совчи юбораман-да, жонидан!

Мақсадхон ва Баҳор дуэти.

Мақсадхон

Йўл кўрсатдинг менга, ёр, ташаккур,
Мужгон отдинг менга, ёр, ташаккур.

Баҳор

Ҳижрон ўти сўнди, баҳт жилмайди,
Дил сайратдинг менга, ёр, ташаккур.

Иккови

Қўлни қўлга бериб, шод қувнаймиш.

Баҳор

Кулиб боқдинг менга, ёр, ташаккур!

Мақсадхон

Дарс ўргатдинг менга, ёр, ташаккур.

Иккови

Дил сайратдинг менга, ёр, ташаккур!

Мақсадхон Баҳорнинг қўлларини силайди.

Баҳор. Бўлди! Талтайманг!

Сойдан чиқиб келаётган Кичкинахўжа билан Карима уларни қучоқлашиб турган ҳолда кўриб, ҳанг-манг бўлиб қоладилар.

Баҳор. Вой ўлмасам?!

Мақсадхон билан Баҳор уй орқасига қочиб ўтадилар.

Карима. Дадаси, бунга нима дейсиз?

Кичкинахўжа. Ажаб савдолар!.. Ажаб савдолар!..

Бошидаёқ қўнглим жаз... этмаган эди-я!..

Карима. Қўйинг-е, хўжайинингизга суйкалиб ўлдингиз-ку!

Кичкинахўжа. Ким менинг хўжайиним? Маҳмудхон Муродхоновми? Сен нима деяпсан, хотин? Менинг унанга хўжайиним йўқ!..

Карима. Ана энди ўзингизга келдингиз, дадаси.

Кичкинахўжа. Мен киму Муродхонов ким!.. (*Муродхоновнинг уйига эшииттириб.*) Мен сенга кимлигимни кўрсатиб қўяман! Сен ҳали чучварани хом санабсан! (*Каримага.*) Сандиқни оч, хотин, мен унинг латтапутталарини шу топдаёқ опчиқиб бераман!

Шовқинга уйдан Умри юғуриб чиқади.

Умри. Нима гап ўзи?..

Кичкинахўжа. Бор, бор! Сен аралашма! Шу топда кўзимга ҳеч нарса кўринмайди!

Карима. Қўявер дадангни, қизим, хайрли иш қилмоқчи...

Булар уйга кириб кетишади. Бир оздан кейин, Кичкинахўжа катта тугун орқалаб куйлаганча, Муродхонов эшигига боради.

Кичкинахўжа

Эскилик жонни ээди, аттанг,
Юки гарданни ээди, аттанг,
Топширай-ю, қутулай,
Тикан бўстонни ээди, аттанг!

Эсим қаёқда экан, аттанг,
Хаёлим тоғда экан, аттанг,
Чуқурроқ ўйлаб кўрсам,
Жоним қийноқда экан, аттанг!

(Гузукни супачага қўйиб, чақиради.) Ҳо, Муродхонов!..
Бормисиз!.. Чиқинг, кутиб қолдик!..

Маҳмудхон (чиқиб). Нима шовқин?

Кичкинахўжа. Қиёмат қарзни олиб келдим...
(Дудуқланиб.) Ҳўжайин... (Овозини кўтариб.) Олинг
бу ташвишни!

Маҳмудхон (маъюс). Кераги йўқ! Энди ҳеч нарса керакмас!.. (Бирдан бақириб юборади.) Йўқол, кўзимга кўринма!

Кичкинахўжа. Ия-ия, хўжайин, ажаб савдолар!..
Ажаб савдолар! Ахир, мен сизга нима гуноҳ қилдим?!

Маҳмудхон. Нима гуноҳ қилдим, эмиш? Аввал, тўйдан довруқ солиб, кейин, мени әл-юрг олдида шарманда қилган сенмидинг, бошқамиди?! Мени «пахтанинг пирисиз» деб қўйнимни пуч ёнғоқка тўлдириб, оқибат, бир тош нарига қочган ким? Сенми, бошқами?

Кичкинахўжа. Ҳўжайин, ўтган ишга салавот.

Маҳмудхон. Йўқол, оstonамга қадам қўйма, ик-
каламизнинг орамиз экчи-кўкчи!

Кичкинахўжа (бақирадӣ). Сен мени ким деяпсан? Латта-путтага сотилади деб ўйлабсан-да мени?! Сенинг берган латта-путталаринг менинг бу йилги даромадимга хамиртуруш ҳам бўлмайди. Ол, лаш-лушкингни! (Тугундаги молларни Муродхонов ҳовлисига улоқтира бошлиди.)

Маҳмудхон (Кичкинахўжага мушт кўрсатиб). Ҳап сеними, ҳали кўришамиз!..

Кичкинахўжа. Қўрқитолмайсан мени! Тўғри йўлни топиб олганман!

Муродхонов уйига кириб кетади. Кичкинахўжа, тугунни унинг ҳовлисига отиб, яна ашуласини айтиб, ўйинга тушиб кетади.

Эсим қаёқда экан, аттанг,
Хаёлим тоғда экан, аттанг,
Чуқурроқ ўйлаб кўрсам,
Ҳоним қийноқда экан, аттанг!

Шу вақт сой томондан **Дилдортоға** билан **Комилжон ялласи** әшитилади. Улар келиб, Кичкинахўжага әгилиб салом берадилар.

Совчилар ашуласи

Сизга салом келтирдик,
Қутлуғ бўлсин, ёр-ёр.
Ширин калом келтирдик,
Улуғ бўлсин, ёр-ёр.

Интизорлик сўнггида
Висол келсин, ёр-ёр.
Ғалабалар тонгида
Иқбол келсин, ёр-ёр.

Йўқ, деманг, жоним акам,
Қабул этинг, ёр-ёр.
Ниятимиз чинакам
Яхши кутинг, ёр-ёр.

Остонаси тиллодан
Уй муборак, ёр-ёр.
Сўзлайлик муддаодан,
Тўй муборак, ёр-ёр.

Кичкинахўжа. Келинг, раис! Келинг, тоға, келинг! Қадамларингизга ҳасанот!

Кучоқлашиб кўришадилар.

Қани, уйга марҳамат! Ҳой, Умри, меҳмонлар келиб қолиши, янги кўрпачалардан, пар болишлардан опчиқ!..

Карима (уйдан чиқиб, совчиларга таъзим қиласди, жой солади). Ҳуш кўрдик, айланайлар. (Уйга югурниб кириб кетади.)

Кичкинахўжа. Қани, раис, тўрга чиқинг! Тоға, юқорироқ ўтиринг!

Дилдор тоға. Омин, тўй устига тўйлар бўлаверсин!

Кичкинахўжа дастурхон ёзди, чой қуяди.

Дилдор тоға. Бир хайрли иш билан келдик.

Кичкинахўжа. Эшитайлик?

Дилдор тоға. Бизда бир булбул бор. Шу боққа қўнмоқчи.

Комилжон. Ўша булбул сизнинг гулингиз ишқида маст. Ҳаммага уй қуриб беряпти-ю, ўзига уй қуролмай доғда.

Кичкинахўжа. Қани, қани, қанақа булбул экан у?

Дилдор тоға. Меҳнаткаш булбул. Эс-ҳушли булбул.

Комилжон. Қисқаси, ўзингизнинг Азизвойингиз.

Кичкинахўжа. Шундоқми? Ҳай, бўлмаса мени, туғиб катта қилган онаси билан бир маслаҳатлашай-чи. Ҳар қалай, оқ сут берган онаизор-да...

Кичкинахўжа уйга кириб кетади ва бир оздан кейин иккита тўн кўтариб, уйдан чиқиб келади.

Кичкинахўжа. Маслаҳатимиз битди. Қани, ўз қўлим билан кийгизай!.. (Совчиларга тўн кийгизади.)

Дилдор тоға (дуо қиласди). Қўшақарисин, увалижували бўлсин...

Совчилар кетади. Кичкинахўжа хотинини шошириб, уйни остишин қиласди.

Кичкинахўжа. Сен энди ҳаракатингни қилавер! Мен дўстларимга хабар қилай. Хотинларни йиг. Кўрпа-

тўшакларни қавишга тушинглар. Кўпроқ патир ёп. Ошга унна, ҳадемай уйингни меҳмон босади.

Карима. Хўп, дадаси, хўп!

Кичкинахўжа кетади. Умри уйдан чиқиб, ўзини онасига отади, унинг бағрига юзини яширади. Колхозчилар, қизлар, йигитлар йигила бошлади.

Баҳор (Умрига). Табриклайман, ўртоқ!

Қўни-қўшилар, қизлар, йигитлар ҳар томондан келаверади, Наима, Салима, Ҳалималар чопиб келади. Йигитлар Аэзизни олиб киради. Шодлик, ашула, ўйинлар бошланади.

Умумий ашула

Муборак куёв ўғлон,
Бахтидан камол топсин.
Ошиёни бу бўстон
Хуснidan жамол топсин.

Бахти доим йўлдоши,
Ҳар қачон баланд боши,
Эл ҳамиша қўлдоши,
Яшасин, ниҳол топсин.

Йўлида зафар бўлсин,
Меҳнати самар бўлсин,
Айтгани шакар бўлсин,
Мевасидан бол топсин.

Елкасида кетмон Маҳмудхон уйидан чиқиб, Кичкинахўжа әшигидан мўралайди. Шувакт гулдаста кўтариб келаётган Кичкинахўжа унга дуч келади.

Кичкинахўжа. Кираверсинлар, Муродхонов. Янги уй қутлуғ келиб, тўй бошлаб юбордик.

Маҳмудхон. Муборак бўлсин!

Кичкинахўжа. Киринг, киринг, ийманманг!

Маҳмудхон. Раҳмат, дўстим. Ҳозир киролмайман. Кўпчилик менинг участкамда тер тўкиб, ноҳақ эканимни исбот қилди. Қайсар эканмиз, хўжам. Кетмон мени хижолат қилди. Кечдим әнди бу дақиёнусдан... (Кетмонни иргитади.)

Кичкинах ў жа. Мана әнди ўзингизга келдингиз, яхшиям мен сал илгарироқ ақлимни топган әканман. Элдан хижолат бўлманг... Қани, юринг...

Маҳмудхон. Йўқ-йўқ, хўжам. Ўзим алоҳида Умриниса билан Азизвойни йўқлаб қўй етаклаб кираман.


Кичкинах ў жа. Ҳай, ўзлари биладилар...

Маҳмудхон кетади. **Кичкинах ў жа** уйга кириб, қизлар ўртасидаги Умрини чақиради.

Кичкинах ў жа. Умриниса, бери кел, қизим. Да дангни кечир, опоч. Бахтинг ана шу гулдай очилиб турсин! (*Қизини бағрида эркалади.*) Раҳмат, момо қизим!..

ПАРДА

1959 йил



ЎГИЛ УЙЛАНТИРИШ

УЧ ПАРДАЛИ МУЗИКАЛИ КОМЕДИЯ

ИШТИРОК ЭТУВЧИЛАР

Тоштемир. Уғланинг ўйлантиrolмай бўғилиб юрган ота, 50 ёшда. Трактор заводининг ишчиси.

Сорахон. Унинг хотини, 45 ёшда. «Шарқ гули» артелининг чевари.

Аҳмадали. Уларнинг ўғли. Армия хизматини бажариб келгай гвардиячи солдат, ишчи, 24 ёшда. Кечқурун институтда ўқыйди.

Норхўжа. Ўнаб вазифа алмаштирган ўртacha ходимлардан. Шу кунларда «Қизил кетмончи» артелининг раиси. Тоштемирнинг тенгдоши.

Хадича. Унинг хотини, Сорахоннинг тенгдоши. Уйда қолиб кетган аёл.

Нишона. Уларнинг қизи, 22 ёшда. «Шарқ гули» артелининг чевари.

Бозорхўжа. Уларнинг ўғли. Аҳмадалининг тенгдоши. Эркатой. Салим Салимов. «Қизил кетмончи» артелининг хўжалик мудири, 40 ёшда.

Нозик. Салимовнинг синглиси. Нишонанинг дугонаси. Чевар.

Ижроқўм ота. Кекса большевиклардан, 65 ёшда. «Коммунизм» маҳалласининг раиси.

Воқеа шу кунларда бўлиб ўтади.

БИРИНЧИ ПАРДА

Тошкентнинг обод кўчаларидан бирида катта мевазор ҳовли. Уч томонида учта уй; ўнгдаги Тоштемирники, ўртадаги Норхўжанини, чапдаги Салим Салимовники. Гарчанд ҳовли умумий бўлса ҳам, Но рх ў жа ўрта саҳни ӯзига қаратиб олган, икки ёнидан ариқ очган, толларини ариқнинг қўшнилар томонига эккан, яъни, уларнинг ерида чегириб қолгани етмай, гулзор, дарахтларига соя ташлаган. Июлнинг жазирама иссиқ кунлари. Эрталаб ҳовли рўяси бўм-бўш. Жимжит. Норхўжа айвонининг ёнбошидаги баланд мирзатерак орқасидан қуёш баркаши кўтариляпти. Айвонда Бозорхўж а хуррак отиб ухлайяпти. Бошида китоб, дафтарлар сочилиб ётибди. Уй ичидан Норхўж а билан Хадиҷа чиқиб келишади. Норхўж а оқ тўр майка, калта иштонда, кенг яғринини патакдай қора тук босиб ётибди. Айвон устунига осигури радио қутичасининг мурватини бурайди, музика гингилааб эшитилади, ҳовли бетида, ариқ бўйида бесўнақай бадан тарбия қилади.

Норхўж а

Бир, икки, уч,
Бир, икки, уч,
Бирликдадир куч...

Хадиҷа (қотиб-қотиб кулади). Ўлсин ўхшаса! Қона айиқнинг худди ӯзисиз...

Норхўж а. Айиқ полвон, де, хотин, айиқ полвон!

Хадиҷа самоварга ўт ёқади, **Норхўж а** бадан тарбияни давом эттиради.

Норхўж а
Бир, икки, уч,
Бир, икки, уч...

Баданимиз саломат,
Турмушимиз аломат.
Ҳай-ҳай, яшаймиз,
Ишларимиз қиёмат.
Бир, икки, уч,
Бирликдадир куч..

Ҳадиҷа

Айиқ полвон сакрасин,
Чаққон, чаққон сакрасин,
Ҳай, ҳай балодан
Худо ўзи сақласин.

Иккови

Үғлимиз лочин бўлсин,
Қизимиз Барчин бўлсин.
Ҳай, ҳай, ҳар қачон
Ошиғимиз олчи бўлсин.
Бир, икки, уч,
Бир, икки, уч...

Норхӯжа

Бирликдадир куч...

(Ҳарсиллаб ўтириб қолади.)

Ҳадиҷа. Полвоним, «бирликдадир куч» дейсизу, шунча ошна-оғайнингиз бўла туриб, ўғлингизни ўқишига қиритиб қўёлмайсиз.

Норхӯжа. Сабр қил, хотин, қирқи кетиб, бири қолди. Учтасидан тўрт баҳони қойиллатдим. Бугун охиргиси. Аммо бешдан камига рози әмасман.

Ҳадиҷа. Ишқилиб, пухта гаплашдингизми?

Норхӯжа. Гаплашдим... Гаплашдим... (Уйга кириб кета туриб.) Сен ўғлингни уйғот. Мен дарров кийиниб чиқай, акс ҳолда Тоштемирдан яна маломатга қоламан. (Кириб кетади.)

Ҳадиҷа. Ҳа, Тоштемир ака ўлсин, тили узун бўмай... (Бозорхўжанинг тепасига боради.) Тура қол, эркатой! (Бозорхўжа ётган ерида ағдарилиб ғиншийди.) Ҳўжатой,

тур, соат ўн бўлди. Дарров чойингни ичиб, имтиҳонингни топшириб кела қол.

Бозорхўжа (ёстиқни қучоқлайди, уйқусираб). Оҳ, қуралай кўз... Вой-дод, жамолингдан!

Хадича. Тур деяпман! Тентаквой! Аданг ҳам «дарров турсин!» дедилар.

Бозорхўжа. Сени ўзим бағримга мана шундай... Лў-лў-лў-лў-лў-лў...

Хадича. Нима деяпти бу ўзидан-ўзи? Тур, ширинтой, тура қол энди! (Унинг устидаги батис чойшабни төртиб.) Болам бечора дарс тайёрлайвериб, чўп-устихон бўлиб кетибди. Ўлсин, илм шунаقا қийин бўлмай!. Тура қол, бўталоқ!..

Бозорхўжа (кўзини ишқалайди, онасини кўради). Аяжон-чи, аяжон, бирам анвойи туш кўрибманки.. Сочи курортида Нозик билан қўлтиқлашиб юрганишман..,

Хадича. Имтиҳонингни топшириб бўлсанг, аданг вени Сочидан ҳам яхшироқ курортга юборадилар.

Бозорхўжа (тантіғланиб). Нозик ҳам бирга борадими?

Хадича. Боради, боради. Тура қол, қўзичогим!..

Бозорхўжа. Аммо менга ўша фариштани оберма-санглар, хафа бўламан, оҳ, Нозик!

Хадича. Хўп, хўп, тура қол...

Хадича уйга кириб кетади. Бозорхўжа партўшак-ёстиқла-рини китобларига қўшиб тепиб, ҳовлига тушади, ариқ бўйидаги толлағ орасидан Салим Салимов ҳовлисига мўралайди.

Бозорхўжа. Кўринмайди... Ухлаяпти... Биз, аканг-қарағай-да, каллайи саҳарлаб уйғониб, фан чўққиларига интиладиган... Аммо, ўлай агар, кечаси ўқиганларимдан зифирчаси миямга кирган бўлса... Ҳайронман, менинг ўқишим дадамга нега керак бўлиб қолипти? Уйлантириб қўя қолса бўлмасмикан-а? (Толга суялиб ўйга толади). Нозик... оти ҳам нозик... ўзи ҳам нозик, масала ҳам нозик... Бу Салим Салимов деган, синглисини менга берадими ёки лақиллатиб, ресторанма-ресторан судраб юраверадими? Нозик... Ҳурков кийикдай қочгани-қочган мендан... Нозик, юракни иситмайдиган бир парча ўт... (Куйлади.)

Сенсан гўзалим, Нозик,
Қанду асалим, Нозик,

Доим кутаман, келмас,
Дарду ғазалим, Нозик.

Еллар елади сенсиз,
Боғлар сўлади сенсиз,
Ёшлиқ ўтади, кўнглим
Ғамга тўлади сенсиз.

Севдим, севаман, Нозик,
Ёндим, ёнаман, Нозик
Нозик, юрагим олдинг,
Доим кутаман, Нозик,
Сенсан гўзалим, Нозик.

Жимжит... Шунча нола қилсам ҳам, жимжит. «Лаббай!»
деган биттагина сўз кимни ўлдириби? Бир мартагина
кулиб боқиш анқонинг уруғидан ҳам азиз бўпти-да! (*Кўк-
рагига мушт уради.*) Мана бу деворни ёриб, ичидаги олов-
ни кўрсанг-чи, Нозик!..

Уйдан Норхўжа билан **Хади ча** чиқадилар. Норхўжа кийиниб,
портфель қўлтиқлаб олган... **Хадича** айвонни йигиштириб, нонушта
ҳозирлайди.

Норхўжа. Ҳой, тентак, бери кел. Дарсни яхшилаб
тайёрладингми?

Бозорхўжа. Баҳоли-қудрат, дадажон. Аммо дам
олиш куни ҳам имтиҳонми?

Норхўжа. Ҳамма ўтиб бўлди. Сен қолдинг. Дом-
лангдан илтимос қилган эдим, шу бугун оладиган бўлди.

Бозорхўжа. Ёлғиз ўзи бўладими ёки тағин комис-
сия сўрайдими?

Норхўжа. У ёгини билмадим. Лекин, чақирганлари-
да ўша, сенга кўрсатиб қўйган домланинг олдига бор. Бил-
санг-билмасанг, шартта-шартта жавоб бер. Қулоғингда
бўлсин, шартта-шартта гапир. Бўшащсанг, билмас экан,
дейди.

Бозорхўжа. Ҳўп, дадажон.

Норхўжа. Беш қўяди. Имоним комил. Кейин кечқу-
рун домлаларинг уйга келишади. Институтга киришинг
шарофатига зиёфат берамиз. Сен ҳам беш-ўнта ўртоқла-
рингни айт.

Бозорхўжа. Ҳўп. (*Қўл чўзади, пул сўрайди.*) Да-
дажонгинам!.. (*Дадаси пул беради, у ўйнайди.*)

Хадиҷа. Чойга келинглар. (Үғлини әркалаб.) Ҳўжажон, қаймогингизга печений тўғраб қўйдим, евола қолинг!

Норхўжа. Халча, сен ўлтиришга қўшниларингни чақир. Сорага айт, патир-матир ёпиб чиқсан.

Хадиҷа. Шундоғам қуруқ чиқмайди.

Норхўжа. Бозорбойваччанинг институтга кириши ҳазилакам гап эмас. Оиласизда катта воқеа. Тоштемир тўйи ёпса ҳам арзийди.

Хадиҷа. Шама қилиб қўраман.

Норхўжа. Тоштемир кейинги вақтда шамани тушумай қўйди. Очиқроқ айтавер. Ахир, ўғлига қизимишни сўраб юрибди.

Хадиҷа. Айтаман, дадаси...

Норхўжа (ўғлига). Қаймогингни ялаб бўлдингми? Қани, кетдик. Институтга ўзим әлтиб қўяман.

Хадиҷа. Бозортой имтиҳонини топширгунча ўша ерда турганингиз маъқул.

Норхўжа. Туролмайман. (Портфелини кўрсатиб.) Давлат ишлари қолиб кетади. Даравоҳ, Салим Салимовдан илтимос қиласиз. Ана, хизрни йўқласак ҳам бўларкан.

Салимов уйдан чиқади.

Қўшни, бугун укангизнинг бир ҳожатини чиқарасиз-да?

Салимов. Яна имтиҳонми?

Норхўжа. Охиргиси... Кечқурун бир пиёла чойга...

Салимов. Оббо сиз-ей, нозик еридан ушлайсиз-да, жўжайнин. Ҳа, бўпти, кетдик.

Учови кетадилар. **Хадиҷа** Тоштемирнинг ҳовлисига ўтиб, Сораҳонни чақиради.

Хадиҷа. Сораҳону... ҳой, Сораҳон!

Сораҳон. Ҳу, ҳозир. (Уйдан чиқади.) Келинг, айланай, уйга...

Хадиҷа. Қуллуқ!.. Қалай, Аҳмадалихон келиб, уйингиз тўлиб қолдими?

Сораҳон. Нимасини айтасиз, айланай. Бағрим исиб, бошим кўкка етди.

Хадиҷа. Мен сизларни айтгани чиқдим. Бозорхўжангиз бугун имтиҳонларини тутатиб, институтга кираккан. Дадаси сизларни алоҳида тайинладилар. Тўйча бўлмаса ҳам, ундан кичикроқ бир нима қилмоқчилар шекилди. Кечикмай чиқинглар-а!

С о р а х о н. Албатта, табриклашга чиқамиз. Кам-
кўстингиз бўлса айтинг.

Х а д и ч а. Зиёфат тўсатдан бўлиб, шошиб қоляпмиз.
Дадаси: патир-сатир ёпиб чиқишармикан, тағин... «Бо-
зорга тўнга тушолмадим» деб андиша қиляптилар.

С о р а х о н. Андиша қилмасинлар. Мана, биз бу ёқда
турибмиз...

Х а д и ч а. Раҳмат, қўшнижон...

С о р а х о н, **Х а д и ч а** уй-уйларига кириб кетишади. Аҳмада-
ли чиқади. Солдат кийимида, кўкрагида «Гвардия» значоги.

Аҳмадали арияси

Софиндим, кўзларим йўлда, софиндим.
Нишонамни узоқ элда софиндим.
Ҳар оқшом мактуби қўлда, софиндим,
Муҳаббат тошди кўнгилда, софиндим.

Софинган етмайин қўймас муродга,
Муҳаббат доимо йўлдош саботга,
Умидим — сен билан кирсан ҳаётга,
Ҳамиша суратинг дилда, софиндим.

Боқарман изларингга ошиқона.
Гўзалдир севгимиздан бу замона,
Садоқатдан топиб, жоним, Нишона,
Муҳаббат тошди кўнгилда, софиндим.

Аҳмадалининг товушини эшитган **Нишона** уйидан чопиб чиқади.
Тол тагига келиб, сизгани томонга мўралайди.

Нишона. Аҳмадали ака, салом.

Аҳмадали. Салом, Нишонахон.

Нишона. Яхши ётиб турдингиэмиз?

Аҳмадали. Алламаҳалгача ухломадим. Юмшоқ
тўшак, пар ёстиқлар...

Нишона. Армияда бунақалар йўқми?

Аҳмадали. Армия ҳаётининг бошқача завқи бор.
Қанча йигитлар битта казармада бирга ётиб, бирга ту-
рамиз. Оқшомлар гурунглашамиз. Ҳар бирининг бир дос-
тони бор...

Нишона. Демак, бу ерда зерикиб қолар экансиз-да?

Аҳмадали. Ана холос. Дарров гапни бизнинг

виёнимизга бурасиз-да! Эҳ, Нишонахон, билсангиз әди
қанчалар соғинганимни!.. Сизни ўйласам кунларни санаб,
ҳисобига етолмасдим.

Нишона. Биламан! Менга ҳам бир кун — бир узун
йил туюларди.

Дуэт

Нишона

Йиллар кутдим, азиз ёрим, хуш келибсиз,
Бахт боғига, интизорим, хуш келибсиз.

Аҳмадали

Соғинчингни қўз устида сақлаганман,
Ишончингни вафо билан оқлаганман.

Нишона

Кашта тикдим, қўз нуримни ипак қилиб,
Хатлар битдим, севгингизни тилак қилиб.

Аҳмадали

Хатларингни ўқиганман ғазал каби,
Ҳар бир сўзинг менга ёқар асал каби.

Иккови

Ҳаёт — чаман, севги — унинг нишонаси,
Мен ёримнинг бўлай мангу парвонаси!

Аҳмадали. Нишонахон!

Нишона. Лаббай!

Аҳмадали. Энди тўйни ҳам тезлаштириб юбора-
миз-да, а?

Нишона. Уйдагилар билишади...

Аҳмадали. Сизнинг уйдагилар билан бизнинг
уйдагилар гаплашаверишсин. Сиз билан бўлса биз гап-
лашамиз...

Нишона. Майли...

Аҳмадали. Сиздан маслаҳат сўрамоқчи әдим. Кун-
дуз ўз заводимда ишлаб, кечқурун институтда ўқишни
давом эттироқчиман. Сиз шунга нима дейсиз?

Нишона. Айни муддао. Мен ҳам кечки институтга
кирдим.

**Аҳмадали. Демак, ишга ҳам, ўқишига ҳам бирга
бориб-келаверамиз экан-да?**
Нишона. Албатта.

**Аҳмадали Нижонанинг юзидан ўтиб, чопганича уйига кириб
кетади. Нижона айвон пешига ўтириб, кашта тика бошлайди.**

Нишона арияси
Софиниб кутдим, ёшим маржон бўлиб,
Кўзларим йўлида нарғистон бўлиб.
Ўргилай, баҳтим баҳори очди гул,
Келди ёр, боғимга чин боғбон бўлиб.

Қўлларим каштам гулини соз безаб,
Ҳилма-хил чоклар аро пардоз безаб,
Йўлларига худди пояндоз безаб,
Жилваланди мисли бир бўстон бўлиб.

Киши кетидан навбаҳор келган каби,
Тун ўтиб, офтоб наҳор келган каби,
Куйдириб ҳажрида, ёр келган каби,
Келди ёрим, бу танимга жон бўлиб.

Салим Салимовнинг уйидан Нозик чиқиб келади.

**Нозик. Ҳа, ўргилай, каллайи-саҳарлаб каштага ки-
ришибсиз?**

Нишона. Ҳашарга келинг.

**Нозик (куйлади). «Келди ёрим, бу танимга жон
бўлиб...» (Хаҳолаб кулади.) Сизга ҳавасим келади, ўрги-
лай. Аҳмадали келдилару кўзларингизга нур, юзингизга
кулги тўлди.**

**Нишона. Нимасига ҳавасингиз келади? Ё, шундоқ
бўлиши керакмасми?**

**Нозик. Худди шундоқ бўлиши керак, ўргилай. (Ни-
шонанинг ёнига ўтириб, каштанинг бир томонини тика
бошлайди.) Ҳавасим келишининг боиси шуки, сизнинг баҳ-
тингизга қувонаману ўзимнинг баҳтсизлигимдан куяман.**

Нишона. Нега энди баҳтсиз бўласиз?

**Нозик. Мени ҳеч ким севмайди. Тўғрироғи, мен
ҳеч кимни севолмайман.**

**Нишона. Бекор айтасиз. Эшикдан оққан сувнинг
қадри йўқ-да.**

Нозик. Бозорхўжани айтяпсизми? (*Аччиқ кулади.*)
Вой, сизни қаранг, акангиз ҳали гўдак-ку!

Нишона (*ҳайрон*). Нега энди? Аҳмадалининг тенги-ку?

Нозик. Фақат ёш-да, ўргилай. Эшитмаганмисиз: «ақл ёшда эмас, бошда» деган мақолни. Аҳмадали ўнинчи синфи битирбоқ заводда ишлади, ота-онасининг ёнига кирди, бунинг устига, кечки институтда ўқий бошлади. Ёши етиши билан армияга кетди. Мана, хизматини ҳам бажарип келди. Энди ишини ҳам, ўқишини ҳам давом эттираверади. Шундайми, ўргилай?

Нишона. Тўғри айтасиз.

Нозик. Энди Бозорхўжанинг дафтарига бир кўз ташланг. Мактабни битирганига мана уч йилдан ошди. Уч йилдан бери на ишлайди, на ўқийди. Армияга чақиришса, ўзи беркиниб, дадаси жавоб қиласди. Ўнинг бу йил ҳам институтта киришига кўзим етмайди.

Нишона. Қўйинг, совуқ нафас қилманг.

Нозик. Кеча Салим акам билан қаттиқ айтишдим. Улфат қуриб қолгандай, Бозорхўжа билан ҳамтовоқ. Ҳафа бўлсангиз ҳам айтаман, ўргилай, «пес-песни қоронгиди топади» дегани шу.

Нишона. Қўйинг-е, тилингиз заҳар бўпти.

Нозик. Ҳа, тилим заҳар. Оғзимга конфет чайнаб соладиган онам йўқ. Яна нимасига куясан денг? Акангизнинг ҳар куни деразам тагида ашула айтганига куяман:

Сенсан гўзалим, Нозик,
Қанду асалим, Нозик...

Айтиб қўйинг, ўргилай, қулоғим тагида аридай ғўн-ғиллай бермасин!

Нишона. Нима бало, бугун чап ёнингиз билан турдингиэмси?

Нозик. Рост-да... Ҳар кун ярим кечада эшик тақиллади. Уйқумни бузиб чиқаман. Бир-бирига суюнган иккита миrzатерак. Иккови ҳам фирт маст. Оғзидан ўранинг ҳиди келади. Оёқда туролмайди-ю, хиргойи қиласди:

Қанду асалим, Нозик,
Дарду ғазалим, Нозик...

Нишона (*қотиб-қотиб кулади*). Вой сизни қаранг!..

Нозик. Дадангизга айтинг, ўғлини тийиб қўйсин, бўлмаса Бозорхўжа билан ўзим гаплашаман.

Нишона. Гаплашинг. Бозорхўжа билан ҳам, Салим Салимов билан ҳам ўзингиз гаплашинг!

Нозик. Маслаҳат бериш осон... (*Кўвига ёш олади.*) Мен шўрликка қийин. Биттаю битта умид қилганим шу акангиз әди, йигирма тўртга кирса ҳам гўдак.

Нишона. Яна бир маслаҳат бераман, юрасиёми?

Нозик. Айтинг.

Нишона. Ота-онам сизга маълум. Акамни бошидан тантиқ қилиб юбориши, әнди тарбия қилишомайди. Уни тўғри йўлга солиб юбориш фақат сизнинг қўлингиздан келади.

Нозик. Қандоқ қилиб, ўргилай?

Нишона. У сизни астойдил севади. Нима шарт қўйсангиз, хўп дейди.

Нозик. Қўйинг-е, ўша өрка — таваругингизни!

Нишона. Пухтароқ ўйлаб кўринг!

Норхўжа портфелини базўр кўтариб, қовлиқиб кириб келади.

Норхўжа. Институтдан телефон қилгани йўқми?

Нишона. Йўқ, дада.

Норхўжа. Аянг ҳани? **Хо, Ҳалча!**

Хадича (уйдан чиқиб). **Лаббай, дадаси?**

Норхўжа. Икковини институтга ташлаб, магазинга кирдим. **Ол, манави ташвишларни!**

Хадича портфелдан конъяк, ароқ, вино шишаларини олади.

Норхўжа. Мансаб халтага бошқа сигмади.

Хадича. Шу ҳам бўлади, дадаси.

Норхўжа. Етмаса, қиёматли қўшнимиз Салим Салимов бор. **Ҳа, айтгандай, бояги гапларни Тоштемирникига тайинладингми?**

Хадича. Тайинладим, олиб чиқишиади.

Нишона. Нимани, ая?

Хадича. Патир-сатир, тўн-пўн...

Нишона. Уят бўпти, аяжон. Уч йилдан бери ҳар ҳайит, ҳар байрам йўқлашади. **Ҳали бирорта зиёфатимиз ўшаларни уринтиромай ўтгани йўқ.** Уларга жавр бўлмасин тағин.

Норхўжа. Қис бола деган қудалар ўртасидаги гапларга аралашмайди. Модомики, ўғлини қизимишга унаштиридими, бас, таомилини қилсин.

Нишона. Амаким билан холам сиз ўйлаганча тўй қилишга унамайдилар. Улар — янги фикрли кишилар! Бу ёгини ҳам ўйлаш керак-да, дадажон.

Норхўжа. Ўғил уйлантиришни чидаганга чиқарган. Мен ким, «Қизил кетмончи» артелининг раиси Норхўжа эшон бўламан, қизим. Кўчадан ўтсам, ер гурсиллади. Тоштемир қудаси кимлигини билиб қўйсин.

Хадича. Ҳали қизингиз бизни қўйиб, эри томонга оғиб кетмаса, дадаси?

Норхўжа (кулади). Ташибиш қилма. Эси бутун. (*Айвондаги телефон олдига боради, соатига қарайди.*) Уҳ... вақт ҳам аллақанча бўлибди. Ер-биродарларга хабар қиласайлик. (*Тикка турганча телефон қила бошлиди.*) Асрорхўжа аканинг уйларими? Ие, ие, ўзларими? Ассалому алайкум! Овозларини танимабман, демак, давлатлари бундан минг чандон виёда бўлади. Ҳудо хоҳласа, қулваччангиз бугун катта даргоҳга қадам қўядилар, яъни институтга кирадилар. Бир пиёлагина аччиқ қўк чойимиз бор. Баҳам кўришамиз. Соат еттида. Кечикмайдилар. А, лаббай? Йўқ, ҳожати йўқ, йўғ-э... Уялтирасиз-ку... Шундоғми? Агар уйда тайёр бўлса, унда бошқа гап. Бирор қулоч тизгин юборайми, ё? Ҳа-ҳа... Машинанинг бағажида келаверди денг. Оббо, сиз-ей! Аммо кечикмайсиз. Қуллуқ. (*Яна телефон қилади.*) Мулла Шарифжонмилар? Вааллайкум асалом! Қойил-ей, дам олиш куниям уйда ўтирган эканларда? Зерикяпман, хотиним билан жомашовда кир ювишапман, денг. Зериксангиз, зерикмасликнинг йўлини топиб қўйдик. Оқшом марҳамат қиласиз. Улфатларингиз йигилишади. Йўқ, йўқ, каминанинг туғилган кунлари эмас... Бозорхўжа институтга муваффақиятли имтиҳонлар топширибди. Кичкинагина бир тўйчиқ. Оталик бурчи... Нима буюрадилар. дейсизми? Ҳеч нима... Биттагина яшикда оқидан бўлса бас. Кутаман, кечикманг. (*Гагин телефон қиласи.*) Нурилла маҳсум, жиян? Мен дуойи жонингизни қилиб юрган Норхўжа тоғангиз бўламан! Қалай, ошхонада ишлар вангми? Офарин! Оқшом кутаман. Үкангиз Бозорхўжа: маҳсум акамни айтмасангиз, институтга кирганим татимайди, деяпги. Баҳоси дейсизми? Беш-да! Пастига юрмайди шоввоз! Ӯшанга битта тандирда пармуда ётирасиз. Кечика кўрманг-а..

Нишона. Дада, Йжроқўм отани ҳам чақиринг.

Норхўжа (бети буришади). Қўй-е, ўша қони қотишмайдиган чонни!

Ноэик. Маҳалламиэнинг отасини таклиф қилсангиз ёмон бўлмайди, амаки.

Норхўжа. Ҳа, майли, сўзларинг ерда қолмасини. (Телефон қиласди.) Домкомми? Ижроқўм отамисиз? Бу мен, Норхўжаман. Оқшом кичкинагина чақиригимиз бор эди. Эртароқ бораман, дейсизми? Ҳўш? Тўй масаласида? Ҳўп... кутаман... (Хотинига.) Эшиздингми, Тоштемир билан келишармиш. Тўйни тезлаштиromoқчи шекилли...

Хадича. Аҳмадали кечагина келди, ҳали бешпул жамлагани йўқ...

Норхўжа (*пешанаси тиришади*). Мен ҳам шунга ҳайронман.

Ноэик. Тўйни шу пишиқчиликда ўтказиб ола қолинг.

Норхўжа. Битта сен кам әдинг, маслаҳат бермаган! (Ўшқиради.) Қани, икковинг каштангни кўтар!

Ноэик (*Нишонага*). Юринг, бизникида тикамиш.

Кизлар чиқиб кетади. Телефон жириングлайди.

Норхўжа. Алло? Салим Салимов, сизмисиз? Ҳўш, бажо бўлдими? Нега, Топширувчилар кўп? Ўзингиз домлага рўпара бўлдингизми? Иложи бўлмаяпти? Бўшсиэ. Ўлимдан бошқа ҳамма нарсанинг иложи бор. Менга қаранг, домла әшикка ҳам чиқмаяптими? Ҳа, йўлини пойланг. Рўпара келиб, бугунги зиёфатга таклиф қилинг. Қуруқ жўнатмаймиз. Ҳуллас, умидим сиздан. Телефон қиласизми? Бўпти, кутаман. (Хадичага.) Ҳозирги домлаларга ҳам ҳайронман. Менга: «Ўғлингиз келсин, яхшилаб сўрайман» деб ваъда бериб, энди ўзини овсарликка олаётганга ўхшайди.

Хадича. Ташвишланаверманг, ҳа демай қутулиб келади.

Норхўжа. Кўнглим ғаш, хотин! Ке, манови ҳовлига стол ясаб қўяйлик.

Хадича. Тўйни қилавераман дейсизми?

Норхўжа. Қизинг айтялти-ку, унақа тўйга унамайди, деб. Аммо мен орзу-ҳаваслик тўй қиласман. Улар мен айтганга унамаса, қизимни бериб бўпман. Балки, Тоштемир қарз-ҳавола қиласмиш...

Эр-хотин ҳовлига стол ясата бошлайди, телефон жириングлайди. Норхўжана айвонга чопади.

Е, хиэр! Ишимизни ўзинг ўнглаб! (Эшитади.) Ҳов, лаббай, Салим Салимовмилар? Нима? Бозорхўжа имтиҳонга кириб кетди? Сиз-чи? Йўлакда турибсиз? Ана шунингиз кетмайди-да. Э, аттанг... Менга қаранг, сиз ҳам киринг. Ҳа, киринг. Бу аввало Бозорхўжага далда бўлади, қолаверса, домла билан кўз уриштирасиз. Танимайман, дейсизми? Юзи япалоқроқ, кўзлари қисиқ, сочи устара билан қирилган, кеча чужун кителъ кийған эди, бугун билмадим. Шундог ҳам дарров танийсиз. Муомалага юради. Бўпти. Телефонингизни кутаман.

Норхўжа ҳовлига чиқиб у ёқдан-бу ёққа юради. Кўча эшиги тақиллади.

Чамамда, Асрорхўжа машинасида қўй юборган...

Эшикни очади. Ижроқўм ота билан Тоштемир сават кўтариб кириб келадилар.

Тоштемир ва Ижроқўм ота

Йўлнимиз катта кўча,
Толдик етиб келгунча.
Қудалар азиз бўлур,
Қабул айланг, Норхўжа!

Норхўжа

Қизи борнинг нози бор,
Эшигига този бор.
Шартингиз эшитайлик,
Тортишга торози бор.

Тоштемир ва Ижроқўм ота

Саватда ионимиз бор,
Эл ичра шонимиз бор.
Фарзандларнинг тўйига
Аҳду паймонимиз бор.

Хадича

Тўй бўлсин, шодлик бўлсин,
Уйда ободлик бўлсин.
Иккови қўша қариб,
Бахтли, зурёдли бўлсин.

Тоштемир ва Ижроқўм ота

Қизнингиз соҳибжамол,
Уғлимиш мард, баркамол,
Топсинашар бахту иқбол,
Гўзал давронимиз бор.

Иккови. Ассалому алайкум.

Норхўжа. Баалайкум ассалом. Келинглар, келинглар.

Саватни олиб, хотинига беради.

Кун ҳам қайтиб ҳовали ўтиришили бўлди, қани, столга!

Ўтиришиди.

Ижроқўм ота. Олганлари олтин, кундузлари ёрқин, кечалари ойдин бўласин, биз ҳам набираларнинг тўйига етайлик.

Фотиҳа қилишади.

Норхўжа (Toштемирга). Оббо қўшни-еї, битта ҳовлида туриб, кўча айланаб келганингизни қаранг-а!

Ижроқўм ота. Қоидаси шунаقا бўлади, мулла Норхўжа. Шу келишда маҳаллага маълум қилиб келдикда.

Норхўжа. Биз ҳам ана шу қоидасига бормиз. Ижроқўм ота, ахир, юртнинг чойини ичган, өшини еган кишилармиз.

Ҳадиҷа дастурхонга иссиқ патирлардан қўяди, чой қўйиб узатади,

Ижроқўм ота. Биз ҳам шу важдан келдик. Орамизда бегона йўқ, тўй тадоригини ўзаро келишиб оламиз.

Норхўжа. Йўғ-е... (*Манглайи тиришади.*) Маҳалла-кўйдан, ёр-биродарлардан беш-ўн кишини айтмасдан-а?

Ижроқўм ота. Кейин... Аммо ҳозирча Тоштемирнинг сўзини әшитайлик. Элга маълум қилиш қочмас.

Норхўжа (бўшашиб). Қани, қани...

Тоштемир. Аҳмадали билан Нишона бир-бирига болалигидан муҳаббат қўйиб келади. Унаштирганимизга ҳам уч йилдан ошди. Тўйга тайёргарлик қилиб қўйганимиз.

Лекин сиз айтадигандай тўй қиласак, сизга, Норхўжа, зўр келса, менга вил кетади. Сиз ҳам мени ўзингизга шундоқ яқин тутасиз деб биламан. Бу даромаддан мақсад шуки, бир-биримиэга зўр келадиган ишни қилмайлик. Чувончи, тўйни ҳам янгича усулда жажжигина, ширингина на ўтказайлик.

Норхўжа. Яъни, масалан?

Тоштемир. Масалан, сиз менга аввал шарт қилиб қўйгандек қўш карнай-қўш сурнай, ногора базму шаҳарнинг ярмига ош беришнинг ҳожати йўқ. Қиз дугоналари, йигит ўртоқлари, сиз билан биз яқин биродарларимиз билан тўплансак бас. Ҳовлимиз ҳам битта. Уртада чиройли дастурхон ясаймиз. Бинобарин, эски таомилдаги хотин оши, мохора, тўққиз-тўққизлардан обрў тополмаганимиздек, уриниб ҳам қоламиз.

Норхўжа (совуққина). Гапингиз шуми?

Тоштемир. Яна шуни ҳам айтмоқчиманки, Аҳмадалингиз — ёлғиз ўғлим. Қанча орзу-ҳавас қилсан арзийди. Аммо исрофгарчиликдан на фойда? Ахир, у ҳам ўз фарзандингиз...

Норхўжа. Кучингиз етса тўй қилинг-да.

Тоштемир. Ешларнинг шунча йиал бир-бирини орвиқиб куттани етар, оғайнин! Уларнинг бошини тезда қовуштириб қўйиш — сиз билан бизнинг бурчимиз.

Норхўжа. Ана холос. Нима, мен «бурчимиз эмас» деяпманми? Албатта, бурчимиз. Бироқ мен тўйкинг енгил-елли ўтишига асло рози эмасман. Чиқимдан қочмоқчилиз. Мени лақиллатяпсиз. Мен юртдаги қазо-қазоларнинг тўйини еган кишиман. Мен улардан ҳам ошираман. Бир кун қизлар базми бўлади. Иккинчи кун хотинларга ош бераман. Учинчи кун оқсоқолларни кутаман. Тўртинчи кун ўз жўраларим келишади. Бешинчи кун чимилидик тикамиз. Қўш карнай-қўш сурнай, марғилонлик аскиячилардан тортиб Фахриддин Умаровгача... Чиқимни мен билан баробар кўтарасиз. Бинобарин, қизга, ота-онаси, акасига, амма-хола, тоға-амакиларига сармоларни ҳам расо қиласиз. Ҳа, бусиз тўй қилмайман! (Телефон жиринглайди. Норхўжа айвонга чиқади, эшигади.) Ҳа, лаббай? Салим Салимов? Ҳўш, ҳўш? Билетни олди. Тайёrlаняпти? Хайрият. Домла билан гаплашдингизми? Кўз қисишибдим, дейсизми? Хайрият, бўлди, бўлди, бўлди. Тушунарли. Дарров олдига киринг. Менга қаранг, агар шу ишни бажо қилсангиз, тўнлик бўлмасангиз ҳам дўппилик бўласиз. Тўн дейсизми?

Бор, барака, ана тўн! Аммо Бозорхўжа бешни дўндириши билан дарҳол телефон қилинг. Домлаларини бошлаб келинг. Бўпти. Кутаман. (*Норхўжа кафтларини ишқалаб, талтаяди.*) Ана бизнинг Бозорхўжа ҳам қаторга кириб қолди. Медицина институтининг студенти. Бўлажак врач, профессор, академик, фельдшер!

Ижроқўм ота. Мулла Норхўжа, ўғлингизга жавр қиляпсиз.

Норхўжа. А, лаббай, тушунмадим?

Тоштемир. Қудачилик — минг йилчилик, оғайни. Модомики, қуда бўларканмиз, мен баъзи ножўя ҳаракатларинги зиҳонга солмоқчиман. Ижроқўм отанинг «Ўғлингизга жавр қиляпсиз» дегани — дўстнинг аччиқ гапи. Шу гапни бир ўйлаб кўринг. Бир уядан ҳам булбул, ҳам қарқуноқ чиқибди, деганларидаи, қизингиз — даври-мизнинг гули, аммо ўғлингиз — шу гулнинг тикани. Сиз уни майиб қилиб ўстирдингиз.

Норхўжа (*кўзини чақчайтиради*). Нима деяпсиз? Эсингиз жойидами?

Тоштемир. Менини жойида, сизнини жойида эмас. Айниган. Чириган. Бечора болани нобуд қиляпсиз. Армиядан қочириб юрагини майиб қилдингиз. Мен бу гапларни сизга қўшни, оғайни, қолаверса, қуда бўлганим учун рўй-рост айтяпман.

Норхўжа (*ўрнидан туриб кетади*). Дод заҳар қуда дастидан!

Ижроқўм ота. Қани, Норхўжа, бундоғ ўтиринг. Гапни ниҳоясига етказайлик.

Норхўжа. Ҳўш?

Ижроқўм ота. Гапнинг лўндаси шуки, сиз совет даврида яшаб туриб, Ҳудоёрхон давридаги бекларнинг ўриғидан боряпсиз. Тоштемир боғдан келса, сиз тоғдан келяпсиз. Мен, ука, сиз ўз қизингизнинг баҳтини ўзингиз истамаётганингиздан хижолатдаман.

Норхўжа (*бўғилиб*). Тұҳмат қилманг!

Ижроқўм ота. Тоштемир сиз айтганча тўй қилмайди.

Норхўжа. Чидамаса, қилмасин!

Ижроқўм ота. Ана кўрдингизэми, қизингизнинг баҳтини истамайсиз, деганим шу. Аммо, гап ёлғиз чиқимнинг устида ҳам эмас. Гап тўйга турлича қараашда. Тоштемир замонага мос янгича тўй қилмоқчи. Сиз бўлсангиз ҳаром пул топувчи баъзи бирорларнинг эски ногорасига

Ўйнаяпсиз. Аммо, мол-бисот сандиқда чириб кетадиган нарса. Келин ҳам, куёв ҳам нимаики топса, ўз меҳнатидан топсин. Мен юртнинг отаси бўла туриб сизга шуни айтаманки, Тоштемир ҳақ, сиз ҳақ эмассиз.

Тоштемир. Ижроқўм ота тўғри айтадилар. Эски тос, эски тогорани йигиштирайлик, оғайни!

Норхўжа. Овора бўласиз, қариндош. Мен ўз ниятимдан қайтмайман.

Тоштемир (аччиғланади). Қайтмасангиз, қайтманг. Қани, ота, кетдик! (Этагини қоқиб ўрнидан туради.) Бу одамга гап уқтиргандан деворга тамбур чертган афзал!

Норхўжа. Аччиғингиз келмасин, қўшни. Машаққатнинг оши ширин бўлади. Дўланани ҳам тоққа чиқиб тера-дилар.

Тоштемир (Ижроқўм отага). Юринг, кетдик.

Ижроқўм ота. Кетсанк айб бўлади, қолайлик.

Тоштемир. Сиз кетмасангиз, мен кетдим. (Чиқиб кетади.)

Ижроқўм ота. Яхши иш қилмадингиз, Тоштемирни хафа қилдингиз.

Әшикдан меҳмонлар кириб келадилар. Музикачилар ҳам пайдо бўлади.

Меҳмонлар. Муборак бўлсин, Норхўжа ака! Үғила-ча институтга кириши билан табриклаймиз! Доктор ўз-ларидан чиққани қуллуқ бўлсин! Азамат имтиҳонларни боплабди, деб өшитдик. Беш баҳолар муборак!

Норхўжа. Қуллуқ, қуллуқ...

Салим Салимовнинг уйидан Нозик, Нишона чиқишиади. Тош-темирнинг уйидан Аҳмадали чиқиб, йигитлар билан кўришиади.

Сораҳон чорсига тўн туғиб чиқади.

Хадича. Келинглар, айланайлар! Келинг, Сораҳон!

Сораҳон (тўнни бермайди). Ўзим ёпаман, ўргилай.

Норхўжа (айвонга чиқиб, телефон қиласди). Инсти-тутми? Ким бу гапираётган? Қоровул... Ҳалиги имтиҳон берәётганлар ўша орадами? Кетишид... Қачон кетишид? Ярим соатча бўлди... Биродар, Бозорхўжа деган новчароқ, қотмароқ йигитга кўзингиз тушмадими? Танимайман... Э... аттанг... (Грубкани қўяди, меҳмонларга.) Бемалол ёзилиброқ ўтиринглар. Бозорхўжа домлалари билан ҳозир кириб келади. (Қадаҳни кўтариб.) Биродарлар! Қарин-

дошлар! Эгачилар! Қизлар! Йигитлар! Биринчи қадағы
Бозорхўжа әшон ҳаётидаги буюк воқеа учун, яъни бўла-
жак Абу Али ибн Сино учун ичайлик!

Норхўжанинг улфатлари, саёқ созавдалар уни ўраб өлиб ялла
қилишади.

Норхўжака, Норхўжака,
Уғилчангиз шўх така.
Норхўжака, Норхўжака,
Ишингизга барака!

Үйингизда ялла бўлсин,
Ҳамёнигиз пулга тўлеин,
Бозорхўжа ўйнаб кулсин,
Икки қадам асака!

Фарзандлари кўкарсингилар,
Улфатлари кўпайсингилар,
Душманлари ҳурпайсингилар
Доим қочиб кавакка!

Норхўжака, Норхўжака,
Қутлўғ бўлсин маърака.
Норхўжака, Норхўжака,
Ишингизга барака!

Ҳадиҷа (эрининг қулогига). Келишяпти.
Норхўжа. Йўл беринглар, йўл беринглар!.. Оғайнин-
лар...

Фирт маст Бозорхўжа билан Салим Салимов бир-бирини
суяб, бавўр оёқда туриб кириб келишади. Норхўжанинг гапи
огзида қолади. Салимов Норхўжага иккита бармоғини кўрсатади.
Нишона уялиб, уйга қочиб киради. Сораҳон тўнни қўлтиқлаб
ҳөвлисига ўтади. Бозорхўжа Нозикнинг қаршиисига келиб,
хушомад қиласди.

Бозорхўжа.

Сенсан гўзалим, Нозик,
Қанду асалим, Нозик...

Нозик (Бозорхўжани итариб юборади). Эсиз мун-
ҳаббатим!

Бозорхўжа Салимовни қучоқлаганича сўррайиб қолади.

ПАРДА

ИККИНЧИ ПАРДА

Кеч куз. Уша ҳовли. Тошгемирниң уйи. Гира-шира тоғ. Ҳаво хомуш. Күкда будутлар сувади. Аҳмадали күчадан нон, қанд күтариб киради, айвонда газ плитага чойгум қўяди. Ҳовлига тушиб, Норхўж айининг тагига боради, шу томондан деравани чертади. Нишона кўринади.

Аҳмадали. Нишонахон, чиқинг, бирга чой ичамиз.
Нишона. Ҳовир...

Аҳмадали ҳовлида қизни кутади, тераклар тепасида паст суза-
ётган булутларни куватади. Бир гала турналар шимолдан жануб
томонга учиди.

Аҳмадали арияси

Гала-гала ўтадилар турналар,
Ёзни олиб кетадилар турналар,
Севганлари йўлдош бўлиб, манзилга
Эсон-омон етадилар турналар.

Узоқ-узоқ әлатларга, әлларга,
Жануб ёқда турфа-турфа гулларга,
Муштоқ бўлган қанча-қанча дилларга
Биздан салом әлтадилар турналар.

Куз ўтади, орқасидан қор келур,
Қор кетади, изма-из баҳор келур,
Чаманларга қанча-қанча ёр келур,
Улар сизни кутадилар турналар.

Нишона уйидан чиқиб келади.

Н и ш о н а . Н а м у н ч а саҳар турмасангиэ?

А ҳ м а д а л и . Шу кунларда уйқумнинг бесаранжом қушлардан фарқи қолмади. Осмонга қаранг: булутлар ҳорғин карвонлардай судралиб қолишиди. Бугун-эрта ёмғир-қор бошланади. Биз бўлсак ҳали ҳам тўйимизни қи-ломмаймиз.

Н и ш о н а . Айб дадамда, мени кечиринг.

А ҳ м а д а л и . «Асал-асал!» деган билан оғиз чучи-магандек, «айб дадамда» деган билан ҳам иш битмайди. Биронта конкрет иложини топиш керак.

Н и ш о н а . Сиз топинг-да, мен не билай...

А ҳ м а д а л и . Агар сиз хўп десангиз, мен топиб қўй-дим...

Н и ш о н а (қувониб). Қани, айтинг!

А ҳ м а д а л и . Иложи шуки, (*уйини кўрсатади*) мана шу кўримсизгина кулбага карнай-сурнайсиз кўчиб ўта қо-ласиз.

Н и ш о н а (қийқириб кулади). Ҳа, ёқмай кетсин...

А ҳ м а д а л и . Нишонахон, ўзингиз бир мундоқ ўйлаб қўринг. Ҳар кун бирга ишга кетамиз, бирга қайтамиз. Кеч-қурун ўқишига бирга бориб, бирга келамиз. Якшанба кун-лари кино-театрга ҳам худди шундай. Фақат кечаси уй-уиймиэда бошқа-бошқа мизғиб олганимиз бўлмаса, доим биргамиш. Модомики шундай экан, келинг, кўчиб ўта қо-линг.

Н и ш о н а (жиддий). Дадам мени уриб, ўлдириб қўй-са, нима қиласиз?

А ҳ м а д а л и . Аксинча, бўлар иш бўлганидан кейин, дадангиз шилқ этиб тушади,

Н и ш о н а (кулади). Борйнг-е, уятингизни еб қўйиб-сиз.

А ҳ м а д а л и (жиддий). Наҳотки, бир-биримизни шун-ча йил севиб, кутиб, дилимизда ардоқлаган ширин орзу-мизга ета олмасак, Нишонахон? Наҳотки, беҳуда дабда-ба, ялтироқ ҳашам, чирик уроф-одатлар қули — дадангизнинг сўзи сўз бўлса-ю, сиз билан бизнинг, бутун эл-юрт-нинг янгича турмуши, давримизнинг чечак отаётган гўзал фазилатлари оёқсти қилинса? Сиз шуларни бир ўйлаб қўрдингизми?

Н и ш о н а . Мен буларни жуда кўп ўйлайман, азизим. «Айб дадамда» дедим. Аммо менда ҳам айб бор. Мен бах-тим учун қурашмадим. Мен бахтим гулининг очилишига ишонаман.

Аҳмадали. Раҳмат. (*Севганини бағриға босади, сочарини силаб, әрқалайди.*)

Дүәт

Нишона

Тўлган ойни тандирдаги кулча деманг,
Бахтингизни енгил-елпи ўлжа деманг.
Қуёш бўлиб, гулингизни очинг, жоним.
Очилмаса, у ғунчани ғунча деманг.

Аҳмадали

Сизни севдим, вафо билан севгим, гўзал,
Ҳурмат билан, ҳаё билан севгим, гўзал,
Севгимиз эл, юртимизга зийнат бўлсин,
Жоним, янги дунё билан севгим, гўзал.

Нишона

Янги ҳаёт, янгичадир ёр-ёrimiz.
Бахт келтирап аҳду вафо қароримиз.
Кел, жонгинам, севгимизни пок сақлайлик.
Гулга тўлсин, нурга тўлсин баҳоримиз.

Газ плитадаги чойнакнинг шақиллаб қайнашига уйдан Сораҳон
билин Таштемир югуриб чиқишиади.

Таштемир. Ҳа, ўзи нима гап?

Сораҳон. Аҳмадалининг иши-да, дадаси. (*Чойгумнинг ўтини пасайтириб, чой дамлай бошлиайди.*)

Таштемир. Ҳайрият-ей! (*Кўкрагига туфлайди.*)
Мен ғалвани әшитиб, Норхўжа билан Салим Салимов тағин муштлашяптими, депман.

Нишона (*айвон олдига келиб, буларга таъзим қилиди*). Ассалому алайкум, амакижон. Ассалому алайкум, холажон.

Таштемир. Ваалайкум ассалом, қизим. Қалай, даданг, аянг, аканг шу пайтгача гумдон отиб ухлаб ётишиптими?

Нишона (*хахолаб кулади*). Ҳа, амакижон, ишлари қоляптими, сахарлаб туришса?

Тоштемир. Даданг — бекорчи хўжанинг қип-қизил ўзгинаси, қизим. «Қизил кетмончи»нинг раисиман деб чиранганига ўлайми? «Қани, қудамнинг савлатини бир кўрай» деб кеча артелига бордим. Юзта дастгоҳ, шунча уста, мингта кетмон кўраман десам, Норхўжанинг худди ўзига ўшаган тўртта бекорчи, ўтмайдиган кетмонга соп йўниб ўтирибди. Дадангни сўрасам, «Бир ҳафтадан бери қорасини кўрганимиз йўқ, артелимиз фақат қофозда бор» дейишиди. Мен, қизим, даданг билан ҳам қўшничасига, ҳам қудачасига яна бир гаплашиб кўрмоқчиман. Сал пастроқ тушсин, бўлмаса, ўзим тушириб қўяман.

Нишона. Раҳмат, амакижон.

Сорахон. Келинглар, Нишона, Аҳмадали, чой ичиб олинглар. (*Тўрттоби айвонда нонушта қилишади. Шамол гувуллаб ёмғир томчилай бошлади.*) Ёмғир бошлади. Норхўжа ака кўнганларида тўйни ёрг ёзда ўтказиволган бўлардик.

Тоштемир. Рост айтасан, хотин, бу ёмғир ерга эмас, менинг ичимга ёғяпти.

Аҳмадали. Нишонахон ҳам дадалари билан гаплашмоқчилар.

Тоштемир. Ажаб қиласан, қизим. Дадангнинг қайсарлигини кўплашиб синдирмасак бўлмайди.

Аҳмадали (соатга қарайди). Энди биз ишга борайлик.

Нишона билан Аҳмадали туришади. Сорахон халтага нон, мева солиб беради.

Сорахон. Олвол, ўғлим, тушлик қиласизлар. (*Нишонага иссиқ рўймол беради.*) Ўравол, қизим, кун совуқ.

Нишона. Раҳмат, холажон.

Улар кетишади.

Тоштемир. Қани, мундоқ ўтиро, хотин, менга айтчи, тўйга ўзи ниманг бор?

Сорахон. Ҳамма нарсани тайёр қилувдим, аммо ярми тугаб бўлди.

Тоштемир. Нега өнди?

Сорахон. Ўзи билан ўғлининг туғилган кунига пиншириқ қилдик. Ҳалчахон отинойини чақириб мушкулкишод ўқитдилар, патир, сомса буюрдилар. Ифтор қилишди, ҳана топшириқ. Ҳар ҳафта меҳмон келганда бир нима бую-

ришади. Катта-кичик ҳайтларига сарпolar чиқардик. Саккизинчи мартдан янги йилгача ловимада қиласиз. Ҳаммаси ҳам майли, бир ҳовлида туриб, «уй кўрар» қилишганига чидай олмайман. Тўйдан оғиз очсам, Ҳалчахон осмондан келади. «Қизимга нима сарпо қиляпсиз? Қудангизнинг оғайниларига нечта тўн ёпасиз? Қариндошларими ни қачои чақирасиз? «Оқсолар»га нимангиз бор?», «Сеп ёйди»га нечта хотин айтасиз?»

Тоштемир. Бас қил, мени тер босиб кетяпти. Уф..

Сорахон. Барака топкур ўғлимиз келгандан бери рўзгоримиз бут бўлди. Газ ўтказди, кир машина, телевизор оберди. Аммо бисотга тоқати йўқ. «Эндиgi моянамдан дадам билан сизга пальто обераман» дейди.

Тоштемир (кўзига ёш олади). Омон бўлсин. Уни тарбиялаган ҳукуматга минг раҳмат. Аммо, мен сенга айтсан, хотин, Норхўжанинг кўзини шира босибди. Икки кунлик дабдаба деб болаларга жавр қиляпти, у нонисоф! (Сатига қарайди.) Ишга борайлик.

Эр-хотин уйга кириб кетишади. Норхўжа елкасига тўн ташлаб айвонга чиқади, бадан тарбия бошламоқчи бўлади-ю, Бозорхўжанинг ўрни бузилмаганини кўриб, ташвиши ортади, уйга бақиради.

Норхўжа. Ҳалча, ҳо Ҳалча!

Хадича уйдан чопиб чиқади.

Хадича. Лаббай, дадаси?

Норхўжа. Ўғлинг қаёқда?

Хадича. Билмадим, кечқурун Салим Салимов билан кинога бораман, деяётганди...

Норхўжа. Кинога? Шу вақтгача кино қоптими? Ке-ча пул берганмидинг?

Хадича. Ҳа, ўн сўм опкеттан әди... Ахир, ўзингиз: «Ўртоқларидан уялмасин, пулсиз юборма» дейсиз-ку.

Норхўжа. Ёпирај, ёпирај... Қаёқда қолди әкан-а? Уни шу Салим Салимов бузяпти... Қани, бир сўра-чи... Салим келдимикан?

Хадича. Ҳўп, дадаси... (Салим Салимовнинг уйи ёнига боради, чақиради.) Нозикой, ҳо, Нозикой!

Нозик (чиқиб). Лаббай, хола?

Хадича. Акангиз уйдамилар?

Нозик. Ҳа.

Хади ча. Амакингизга чақирворинг.

Нозик. Хўп. (Уйга кириб кетади.)

Норхўжа. Ёпирай, ёпирай... (Гашвиши тобора ортади.) Ўғлинг ёлғиз қаерда тентираб юрибди әкан-а? Ёпирай, милисага тушмаса кошкийди...

Чап кўзи шишган Салим Салимов уйидан чиқиб келади.

Салимов. Чақирибсиз, хўжайин?

Норхўжа. (Салим Салимовнинг ёқасидан олади). Бозорхўжани қаёққа ташлаб келдинг?

Салимов. Қўйворинг-е! Нима, Бозорхўжа ёш болами, мен уни етаклаб юрсам?

Норхўжа. Ё ҳозир топиб берасан, ё ажалингдан беш кун илгари бўғиб қўя қоламан.

Салимов. Қўйворинг, дейман, ҳар қанча зўр бўлсангиз ҳам...

Иккови ёқалашиб кетадилар. Тоштемир келиб, ўртага тушади, ажратади.

Тоштемир. Уятмасми, икки қўшни наҳорда ёқалашиб?

Салимов. Кўрмайсиэми, ўғлини мендан даъво қиляпти.

Норхўжа. Ҳа, сендан даъво қиламан. Сен, уни ич-киликка ўргатган. Сен, уни ёмон йўлга бошлаган. Ҳе, саёқларнинг пири бўлган ўша сени!..

Норхўжа яна ҳужумга ўтади. **Хади ча** кўчага чиқиб Ижроқўм отани чақириб келади. Шовқин кучаяди.

Ижроқўм ота (овозини кўтариб). Тўхтанглар! Утиринглар, деяпман, ҳозир ҳамма гапни аниқлаймиз. (Ҳамма айвонга чиқиб ўтиради. Ижроқўм ота қозилик қиласди.) Қани, Салим Салимов, айтингиз, кеча Бозорбой билан қаерга бордиларинг?

Салимов. «Баҳор» ресторанига.

Ижроқўм ота. Ҳа, уйда ейишга овқатларинг йўқмиди?

Салимов. Мени Бозорхўжа бошлади.

Норхўжа. Тұхмат!

Салимов. Ҳой, хўжайин, мен сиз билан пачакилашсан ҳам, Ижроқўм отага рост гапни айтаман. Аввал эшигинг, кейин жикилланг... Ижроқўм ота, шошманг... гап

шув... Кечаки мени ресторонга Бозорхўжа бошлади. «Ака, сиз билан бир отамлашиб, хуморимни ёзмоқчиман» деди. Утиришдик. Ичдик. Бозорхўжанинг кайфи ошиб қолди. «Мастлик — ростлик, ака, дардимни очаман» деди. Очди. Аввало дадасини, яъни сизни, Норхўжа ака, болохонадор қилиб сўкди...

Норхўжа. Бўхтон!
Ижроқўм ота. Хап турсангиз-чи, эшитайлик!

Норхўжа бошини қўйи солади.

Салимов. Бозорхўжа бундоғ деди: «Дадам мени пулф-пуфлаб тантиқ қилиб ўстирмаганда, бошимга бу кулагатлар тушмасди. Мени институтга киради, доктор бўлади, деб ишонманг. Мен чала саводман. Аттестатни ҳам ўзим олганмасман, дадам оберган. Мени пулга ўргатган ҳам дадам. Менинг на илмим, на ҳунарим бор. Армияга борсам, пишиб одам бўлиб келаман деб ўйлардим. Дадам юбормади. Кучимни қаерга қўйишимни билмайману аллақайси доктордан ўтганимда жисмоний яроқсиз бўлиб чиқдим. Энди ҳаммолликка ҳам ярамайман, ака. Ҳаммадан алам қиласидигани шуки, тенгдошларим олдида юзим шувит...» Ана, хўжайин, ўғлингиз менга шуларни айтди.

Ижроқўм ота. Ҳали ҳам әси бор әкан. Кейин нима бўлди?

Салимов. Кечаси ресторандан чиқдик. Бозорхўжа кўчада менга осилиб йиғлади. «Синглингни яхши кўраман», деди. «Ё, уни менга берасан, ё ўзимни поезднинг тагига ташлайман...»

Норхўжа. А?!
Увидан кетади. Ҳади ча сув ичиради. Елпийди, ҳушига келтиради.

У ўзини трамвай тагига ташлаган! Вой-дод!!!

Салимов. Мен уни юпатиш учун хўп, синглимни бераман дедим. «Ишонмайман, деди Бозорхўжа. Сен берганинг билан ҳам, у менга тегмайди. Ҳўш, нимамга тегади? Икки газ ёғоч гавдамгами? Мени саржин қилиб ёқса, битта ош ҳам пишмайди. Бошига урадими мени Ноэзик? У ўз тенгига, балки ақли ўзидан бир баҳя баландроққа тегади. Мен қўшга ҳам ярамайдиган дангаса ҳўкизман...»

Норхўжа (фигони ошиб). Тўқияпсан, номард!

Ижроқўм ота. Норхўжа, ўзингизни босинг. Гапни ниҳоясигача эштайдик.

Салимов. Мен Бозорхўжани уйга етакладим. Лекин у кўнмади. «Ўз ҳолимга қўйиб бер, андор бўйига бориб ҳовримин ёвай» деди. Мен унга қаттиқ ёпишиб олган эдим, мана кўзимга мушт уриб, йиқитди. Бир вақт ҳушимга келсан, у аллақачон кетиб бўпти.

Норхўжа. Дод,вой-дод! Ўзини сувга ташлаган. Сен сабабчисан ҳаммасига!

Хадича. Вой мен ўлмасам, ўғлимдан айрилиб қолдим.

Ижроқўм ота. Ҳовлиқманглар, Бозорхўжа келади.

Норхўжа. Э, ота, уни сиз биласизми, мен биламанми?

Тоштемир. Оғайни, ўғлингизни билганингизда, у шу аҳволга тушмаган бўларди. Ҳафа бўлсангиз ҳам айтаман, бола ўстиришга нўноқ экансиз.

Норхўжа. Ҳай, биродар, сиз гапирмай туринг!

Ижроқўм ота. Нега энди Тоштемир гапирмас ёкан? Бир қўрада турибсизлар. Яъни, бир оила бўлиб яшайсизлар. Бу оиласда ҳамма баробар. Бир-бирингизнинг ишингизга аралашишингиз керак.

Тоштемир. Балли, ота, тўғри айтдингиз.

Ижроқўм ота. Гап шу. Ишликлар ишига борсин. Сиз билан биз, Норхўжа, ўғилчангизни қидириб топайлик.

Хадича. Мен ҳам бораман.

Нозик. Мен иккинчи сменадаман, уйда бўлиб турман.

Ҳамма кетади. Нозик ёлғиз қолиб, Нишонанинг каштасини тика бошлайди.

Нозик арияси

Тушундим доимо чеккан азобингни,
Эшитдим дилдаги ўтли хитобингни.

Яширган дардларинг менга аён бўлди,
Бирорлар очдилар кўнгил китобингни.

Нечун сен айтмадинг, англар эдим буткул
Ҳисобсиз изтиробинг, мушкул ҳунобингни.

Саволим айтаман, жоним, қошимга кел,
Кутарман орзиқиб дилдан жавобингни.

Кучли шамол төлларнинг шохларини эгади, ёмғир вўраяди. Нозик йўйга толиб, каштага машрул бўлади. Телефон жиринглайди.

Нозик. Ким бу? Норхўжа амаки, сизми? Йўқ, келгани йўқ. Телефон қилгани ҳам йўқ. Ўзингиз қаердасиз! «Тез ёрдам»да. У ерга опкелишмабди? Ваҳимангиз қурсин, Бозорхўжа «Тез ёрдам»да нима қиласди? Лаббай! Ҳўп, ҳам миrlамай ўтираман. (Трубкани қўяди.) «Тез ёрдам»да! (ташвишланади.) Қаерда қолди экан-а?

«Сенсан гўзалим, Нозик...
Уҳ... Ҳеч нарса юрагимга сифмаяпти...»

Яна телефон жиринглайди.

Кимсиз? Ижроқум ота, сизми? Нима дейсиз? Йўқ, дарагани йўқ. Ўзингиз қаердан гапиряпсиз? Милициядан? Вой, ўл масам, қайси милициядан? Ҳушёрхонадан? У ерда йўни дейсизми? Кимни? Норхўжа амакини сўраяпсизми? Ҳам, телефон қилди. «Тез ёрдам»дан. У ерда ҳам йўқ экан, шошманг, шошманг, энди қаёққа бормоқчисиз? Вожади га?.. Алло... Алло... Ота тушмагур трубкани қўйиб қўйди. Қизиқ, буларга бир нима бўлганми? Борган ерлар ҳаммаси ваҳима... (Ҳапиниб кетиб, ҳовлига тушади, ёмғир тагида у ёқдан-бу ёққа юради.) Уҳ, ҳазил-ҳазил билан ҳаммаёқ ташвиш бўлиб кетди. Нима қилсан экан-а? Уйни ташлаб, мен ҳам қидирайми? (Яна телефон жиринглайди. Ноэик айвонга чопиб чиқиб эшигади.) Алло? Ака, сизми? Топилдими? Анҳордан ўлик чиқмапти дейсизми? Қўйинг-е, ҳаммангиз ваҳимачи бўлиб қолибсиз. (Трубкани тарақлатиб ташлайди.) Уҳ... Бу одамларга бир нарса бўлганми? Биттанинг ташвиши оламни бузди-я. Бозорхўжа Аҳмадалига ўхшаб, тинчгина ўқиб, ишлаб юрсанку, олам гулистон эди...

Эшик аста очилиб, юзи оқарган, соқоли ўсган, парищон Бозорхўжа кириб келади. Нозик азбаройи севинганидан ўзини унуптиб, айвондан ҳовлига сакрайди. Бозорхўжанинг қўлларидан маҳкам ушлаб олади.

Нозик. Бормисиз?
Бозорхўжа (ҳайрон). Таажжуб... Нозикмисиз? Бизнинг уйда нима қиласиз?
Нозик (ўзига келиб, уялади.) Сиз..., сиз..., ҳаммасига сабабчисиз!

Бозорхўжа. Ҳаммасига... Ниманинг ҳаммасига?

Нозик. Бутун маҳалла сизни қидиряпти. «Тез ёрдам» дан вокзалгача — ҳеч ер қолмади. Одам деган ҳам шунаقا дайди бўладими?

Бозорхўжа. Ҳамма қидиряпти, денг. Сиз-чи? Биргина сиз қидирмаяпсиз, холос.

Нозик. Нима, мен қидирсан топилармидингиз?

Бозорхўжа. Агар сизнинг қидиришингизни билсан, йўқолмаган бўлардим. Афсуски, мен сизга керак әмасман. Умуман, мен ҳеч кимга керак әмасман. Мен тун бўйи шаҳар кўчаларида кезиб, ўзим билан ўзим гаплашдим. Умримда биринчи марта ҳаёт ҳақида жиддий ўйладим. Илгарироқ әсимни йигиб олмаганимга афсус едим. Ёшлигимнинг энг яхши йиллари бекорга ўтиб кетгани алам қилиди. Ҳатто уйга қайтмаслик, бошим оқдан томонга кетиш фикрига ҳам бордим. Лекин сиз айтгандек «бутун маҳалланинг қидириши»ни билиб, охирги марта кўриниш бериш, ота-онам билан хайрлашиш учунгина келдим.

Нозик. Вой ўлмасам! Бир ёқса кетмоқчимисиз?

Бозорхўжа. Бошим оқдан томонга кетаман. Лекин қаерга борсан ҳам, мақсадим фақат битта: Ўқиш, меҳнат қилиш, бекорга ўтган йилларнинг бўшлигини тўлдиришга уриниб кўриш...

Нозик (қувониб). Жуда яхши ўйлабсиз... Мен ҳам сиз билан бирга кетаман.

Бозорхўжа. Шу аҳволимда мен сизга ортиқча юк бўламан, бағри тош қўшни қиз. Аммо яна уч-тўрт йилдан кейин, мен сизни ўзим топиб оламан. Кутасизми?

Нозик. Кутаман!

Дузт

Бозорхўжа

Йўлим — узоқ йўл,
Балки, тоғу чўл,
Бунда омон бўл,
Жонон, яхши қол,
Қора кўзлари
Хайрон, яхши қол.

Нозик

Кўнглимиз яқин,
Йўлларинг ёрқин,
Бўлмагин толғин,
полвон, яхши бор.
Мени енголмас
ҳижрон, яхши бор!

Бозорхўжа

Нур қуёшдадир,
Мардлик ёшдадир,
Бахт курашдадир,
жонон, яхши қол,
Ширин сўзлари
дармон, яхши қол!

Нозик

Севганинг кутар,
Айрилиқ ўтар,
Навбаҳор етар,
арслон, яхши бор,
Бахтим боғига
боғбон, яхши бор.

Бозорхўжа

Сен жону таним,
Азиз билганим,
Сени севганим—
аён, жонгинам,
Садоқатимга
ишон, жонгинам!

Бозорхўжа. Нозикхон, мен кетаман.

Нозик. Қаёққа?

Бозорхўжа. Аввал Ҳарбий комиссариатга бораман.
Армияга олишса, армияга кетаман. Агар олишмаса, Мир-
вачўлга бориб, кучимни синааб кўраман.

Нозик. Хайрлашгани келасиз-а?

Бозорхўжа. Албатта, жонгинам! (Куйлаб чиқиб ке-
тади.)

**Сенсан гўзалим, Нозик,
Қанду асалим, Нозик...**

**Нозик уни кузатиб қўяди, кейин айвонга чиқади, каштасини ти-
ка бошлайди. Телефон жиринглайди.**

**Нозик (эшитади). Алло? (Севиниб.) Топилди!.
Нима? Ҳой, қулогингиз карми? Топилди!**

ПАРДА

УЧИНЧИ ПАРДА'

Ховлининг Тоштемир уйига қарашли бўлаги. Оқшом. Эшикдан Серахон билан Тоштемир иш кийимида кириб келишади. Тоштемир зил халтани базўр кўтариб киради.

Тоштемир. Ечинмайлик-да, сен дарров савзи арч. Мен бир паловхон тўра ясай, болалар ҳали замон ишдан келишади.

Сораҳон. Ҳўп.

Тоштемир (эски пальтосини ечиб, айвон қозигига илади). Бу Аҳмадалинг янги пальто обермоқчи эди, ниҳма, ваъдаси сувга уриб кетдими?

Сораҳон (кулади). Қизиқсиз, дадаси, топганини тийинигача ўзингизга беряпти-ку!

Тоштемир. Барака топсин.

Сораҳон ошхонага кириб кетади. Тоштемир халтани супрага бўшатиб, гўшт тўғрашга тушади.

Бай-бай, ўзиям, семиз қўзининг сони экан-да. Ўлмасин буни боқсан қўйчивон. Аммо лекин ошга урнасам, тўй эсимга тушаверади. Мана шу ҳовли рўяси тўйхонага айланиб қўя қолса-ю... ошнинг савзисини Ижроқўм ота икковимиз ипакдай әшиб тўғрасак. Савзидагап кўп, анави Норхўжага ўхшаш тентаклар фарқига бормайди. Ҳуллас, тўй авжида, созлар чалинган, ашулалар баралла!

Дуэт

Тўй бўлса янги бўлсин, қизил бўлсин, ёр-ёр,
Уйга келган келининг асл бўлсин, ёр-ёр,

С о р а х д н ə р и н н и г ғўп арасига келиб, қўшилади.

С о р а х о н .

**Ёшларнинг бахти кулсин, ота-она қувонсин,
Ордона əскиликлар сабил бўлсин ёр-ёр.**

**Эшикдан Аҳмадали билан Нишона иккита катта тугун кў-
тариб кирадилар.**

**Аҳмадали. Ассалому алайкум, дадажон. (Дадасига
тўйн кийгизади.)**

**Нишона. Қутлуғ бўлсин, дадажон! (Нишона Сора-
хонга пальто кийгизади.)**

Нишона. Қутлуғ бўлсин!

**С о р а х о н . Қуллуқ қизим, давлатингиз бундан ҳам
виёда бўлсин.**

Тоштемир. Қуллуқ қизим, баҳтинг гулдай очилсин.

**Аҳмадали. Биз магазин айланиб, ўқишга кечик-
япмиз. Ошни келиб еймиз.**

**Нишона. Кўпроқ опқўйинглар, қорнимиз очиб кела-
ди.**

Тоштемир. Хўп, хўп, оппоқ қизим!

Ёшлар китоб-дафтларини кўтариб кетишади.

**Менга қара, Сора, иккитагина беҳи яшириб қўйганман,
ўшани шу бугун ошга солворайлик. Ахир, келинимиз биз
билан биринчи марта ош ейди.**

С о р а х о н . Хўп, дадаси.

**Эр-хотин ошхонага кириб кетишади. Норхўжанинг әшигидан
Норхўжа билан Салим Салимов ҳовлиқанча кириб
келишади.**

**Норхўжа (катта оғир портфелини айвонга отади).
Сив бамисоли машина ип, ҳар қанақа нинанинг тешигидан
ўтибзўқетаверасиз. Мен нимамқиламан?**

**Салимов. Қаерда бўлсак ҳам, бирга бўламиз, хўжа-
йин.**

Норхўжа. Уф... (Уйга бақиради.) Ҳалча, ҳо Ҳалча!..

Хадиҷа. Лаббай.

**Норхўжа. Тамом! Дов-дастгоҳни йиғиштиридик.
Мана, бор-йўқ сармоямиз! (Портфелини очиб тўртта кет-
мон чиқариб ташлайди.) Кетмон бозори касод бўлди. Қирқ
беш йил давру даврон сурган «Қизил кетмончи» артели
тутатилди.**

Хадича. Тоштемир аканинг трактор заводига кирсангиз бўлмайдими, дадаси?

Норхўжа. Дарвоҳе, тўғри айтасан, бир гаплашиб кўраман. Салим Салимов, сиз нима дейсиз?

Салимов. Директорликка олишармикан, хўжайин?

Норхўжа. Э, оғзим бор деб гапираверасиз-да! (Хадичага.) Бозорхўжа уйдами?

Хадича. Нозикой билан театрга кетишди.

Норхўжа. Иши нима бўпти?

Хадича. Болам бечора келаси ҳафта армияга кетармиш.

Норхўжа. Аҳмоқ! Менинг сўзимдан чиқди, энди тортади тортадиганини!

Хадича. Жон дадаси, ҳали ҳам ўша таниш дўхтирга...

Норхўжа. Юм оғзингни! Ўғлинг комиссарга учраби «Софман, бошқатдан комиссияга қўйинг» депти. Соғ чиқибди.

Хадича. Соғлиққа соғку-я...

Норхўжа. Энди билганини қилсан!

Хадича. (йиғлади.) Ҳеч бўлмаса, Нишонанинг тўйини кўриб кетсин.

Норхўжа (бўғилади.) Астағфирулло... Кечагина Тоштемир ялиниб келган әди, энди мен ялинаман шекили... Уф... Қизинг қани?

Хадича. Ишидан келди-ю, Аҳмадали билан ўқишига кетди.

Норхўжа. Ҳой, (бақиради) бу уйда мен борманми, йўқманми? Е, савобга хўроҳ боқиб қўйибсанми?.. Икки сўзининг бирида,— Тоштемир, Аҳмадали... Сен ҳам ўшаларга қўшилиб кетганмисан?

Хадича. Вой, дадаси, нима деяпсиз? Нега мен уларга қўшилиб кетарканман? Лекин, ҳар нима бўлганда ҳам муросага келасизми, дейман-да...

Норхўжа (бошини чанглаб, у ёқ-бу ёққа юғади). Уят! Уят!.. Кимсан, Норхўжа эшон бўла туриб, Тоштемирга бош эгишим уят! Умримда ҳали бунаقا паст кетганмасман!

Салимов. Тоштемир аканикига иккаламиз бир кирмайликми?

Норхўжа. А? Энди сиздан ҳам маслаҳат чиқдими? Балки, қизингни икки қўллаб опкириб бера қол, дерсиз?

Салимов. Маҳаллада дув-дув гап... «Кимсан, Норхўжанинг қизи Нишона Аҳмадали билан эртаю кеч биргага... Ҳой, әшитмадим деманглар, Норхўжа ёшларнинг йў-

лини тўнкадай тўсиб ётибди... Ота бўлмай кет, ёшладнинг бошини қовуштириб қўйсанг ўласанми!» Сизнинг устингизда ана шунаقا бир қоп маломат...

Норхўжа. Уҳ.. Бошқаларнинг мен билан иши имма-я! Ҳар ким ўз аравасини тортиб юраверсин-да!

Салимов. Опам тўғри айтадилар, муросага келинг. Юринг ишни ҳам маслаҳат қиласиз, тўйни ҳам.

Норхўжа (айвон пешига ўтириб уфлайди). Эзоҳ, бу қанақа кун бўлди-а?

Хадича. Жон дадаси, ўғлимиз тўйни кўрмай кетмасин, армон бўлади...

Норхўжа. Салим Салимов!

Салимов. Лаббай, хўжайин!

Норхўжа. Боринг. Ижроқўм отани айтиб келинг. Тоштемирникига кирсак кирайлик.

Салимов. Хўп бўлади, хўжайин! (Салимов кўчага чиқиб кетади.)

Норхўжа. Янги кийимларим борми?

Хадича. Дазмоллаб қўйибман, дадаси!

Норхўжа. Футболга киядиган костюмимни бер!

Эр-хотин уйга кириб кетишади. Тоштемир билан Сорахон ошхонадан чиқиб келадилар.

Сорахон. Эшиттингизми, Бозорхўжанинг армияга кетишини?

Тоштемир. Эшитдим. Пишиб келади.

Сорахон. Синглисининг тўйини кўролмай кетаётганига ачинаман.

Тоштемир. Норхўжа баттол бўлмаса, тўйни енгилелли ўтказиб қўя қолардик.

Сорахон. Қаранг, дадаси, Ижроқўм ота келяптилар.

Салим Салимов Ижроқўм отани Норхўжанинг айвони томонга бошлаб ўтади.

Тоштемир. Ия-ҳа, ота, биа томонларга ҳам ўтиласин. Ош дамлайпман.

Ижроқўм ота. Гуручини кўпроқ босавер!

Салимов билан Ижроқўм ота Норхўжанинг уйига кириб кетишади.

Сорахон. Бу нима деганлари бўлди?

Тоштемир. Таажжуб... Ҳар ҳолда, дастурхонни ёза берайлик-чи!

Эр-котни яшшиб-инимб дастурхон тузагадилар. Норкӯжанинг уйидан Ижроқўм ота, Салимов, Норхўжа, Хадиҷа сават кўтариб чиқиб, Тоштемир уйи томонга юрадилар, тол тагида тўхтайдилар.

Ансамбль

Норхўжа

**Биз уйингизга томонга салом бериб ўтамиз,
Ниятимиз кўп улуг, кутиб олинг, қудамиз!**

Хадиҷа

**Агар сиз бормасангиз, биз желамиз бош этиб,
Дастурхон ёзаверинг, каттагина тўдамиз.**

Салимов

**Баланд-паст гапларимиз унутингиз, илтимос,
Биз ҳам эски гапларни бутунлай унутамиз.**

Ижроқўм ота

**Яқинликка не етсили, кўрганлар ҳавас әтсии,
Қил ҳам ўта олмасин, яқин бўлсин ўртамиз.**

Тоштемир

**Келинглар, бош устига, бу кўзу қош устига,
Хуруматимиз келтириб, палов билан кутамиз.**

Ҳаммаси

**Тўй устига тўй бўлсин,
ўйин, ялла, куй бўлсин,
Шодлик таронасими баралла янтратамиз!**

Ижроқўм ота. Муала Тоштемир, Норхўжадан имманки ўттан бўлса, маъзвур тутасиз.

Тоштемир. Қизиқсиз-а, ота, имма қиласиз эски гапларни қўзгатиб... Қани, айвонга марҳамат!

Айвонга, ясатуғлиқ хонтахта атрофига ўтирижадилар, Сораҳон чой қуяди.

Сораҳон. Зап кепсизлар-да, айланайлар!

Ижроқўм ота. Норхўжа: «Тўйни тезлатмасак бўлмайди» деб қўярда-қўймай, бизни бошлаб келди,

Тоштемир. Раҳмат-э!

Ижроқ ўм ота. Тўйининг муддатини, шарт-шароитларини гаплашиб олсак.

Тоштемир (ўзини соддаликка олиб). Ихтиёр қудамизда...

Норхўжа. Ўғлимиз нариги ҳафта армияга кетаркан. Тўйни шу якшанба ўтказсанмикан?

Тоштемир (*Сорахонга*). Шошиб қолмасмиканмиэ, онаси?

Сорахон. Борига барака, дадаси.

Салимов. Мана бу ёқда биэ, қўшнилар, қараб турмаймиз.

Ижроқ ўм ота. Демак, тўй якшанбага. Ана энди шарт-шароитига келайлик. Тўй янгича — «қизил тўй» бўлади. Шундайми, қудалар?

Салимов. Яъни, якшанба куни кечқурун эиёfat бўлади-да?

Тоштемир. Улманг, Салим Салимов.

Норхўжа. Тўғрику-я... Аммо мен якшанбагача қизимнинг дугоналарини, қариндош-уруғларимни, ёр-биродарларимни, маҳаллани алоҳида-алоҳида чақириқ қилмасам бўлмайди. Ўғлимнинг улфатлари ҳам бир кун йиғилишади. Ана шуларнинг ҳаммасини тўйининг харажатига қўйиш лозим.

Тоштемир. Э-ҳа, ҳали ҳам осмонда юрибман, денг?

Норхўжа Ахир, мен қиз узатяпман.

Тоштемир. Мен ҳам ўғил уйлантиряпман.

Ижроқ ўм ота. Қизишманглар. Босиқроқ гаплашайлик. Укам Норхўжа, якшанба куни битта зиёfat бўлади. Кимнийки истасангиз, айтаверасиз.

Норхўжа. Айтадиганларим мингга боради.

Ижроқ ўм ота. Сизники-чи, мулла Тоштемир?

Тоштемир. Заводдан ўн киши. Бусоранинг беш-олтита дугонаси. Аҳмадалининг ўн-ўн беш ўртоғи.

Ижроқ ўм ота. Балли! Қани, мулла Норхўжа, ўша мингни бир таърифланг-чи!

Норхўжа Ахир йиғилади-да...

Ижроқ ўм ота. Ана, холос. Ҳавойи гапни қўйинг! Үзингизнинг беш-олтида жўрангиз, Нишонанинг ўртоқлари, Бухалчанинг қариндошлари, Аҳмадалининг дўстларидан беш-ўн кишини айтсангиз бас-да. Нима дейсиз?

Норхўжа. Ўйлаб кўрамиз... Қани энди чиқимдан келайлик...

Ижроқ ўм ота. Менимча, тахминан юз кишига

Дастурхон тузаш керак. Ошни ўзим дамлайман. Созандалар ҳам маҳалламиизда етарли. Чиқимга келганда, икки томон баробар кўтариасизлар.

Норхўжа. Ахир, «олиқ-солиқ» деган гаплар бор.

Ижроқўм ота. Эсингиз жойидами, мулла Норхўжа? Нима, қизингизни сотмоқчимисиз?

Хади ча. Айланай ота, қиз ўстириш осонми?

Сораҳон. Ўғил ўстириш-чи?

Норхўжа. Тавба, ахир, юртнинг таомили...

Ижроқўм ота. Қўйинг, ўша қўҳна таомилни! Маҳалламиэга «Коммунизм маҳалласи» деб ном бердик. Мажлисда ҳаммангиз қўл кўтардингиз. Ҳўш, «Коммунизм маҳалласи»да «олиқ-солиқ», қалин, сеп, ҳоказо иллатларга ўрин борми? Бунақа аллақачон чўнтақдан тушиб қолган гапларни битта-яримта чўлтоқ одамлардан кутсам ҳам, сиздан кутмовдим, мулла Норхўжа!

Норхўжа (*ўрнидан туриб өтагини қоқади*). Бўпти! Тўйни менсиз қиласверинглар! Қутулдимми?

Тоштемир. Нега ўз оёғингиз билан келиб, яна жикиллайсиз?

Норхўжа. Э, ўша қиз ўстирган мени! Ёнимдан тўй қилиб берармишман-а! Инсоф ҳам керак-да!

Ижроқўм ота. Утилинг, укам Норхўжа, ўтилинг! (*Норхўжа ўтиради*.) Ҳа, мундоқ бўпти. Келинг, бир нафас пулни унугиб турайлик. Яъни, пул йўқолган. Пул йўқ. Маҳалламиз коммунизмга кирган. Ер юзида ҳам коммунизм. Ҳамма нарса текин. Ҳар ким қўлидан келганича меҳнат қилиб, керагича олаверади. Ана ўшанда сиз қизингизни Тоштемирнинг ўғлига узатяпсиз. Ҳўш, «олиқ-солиқ» нима бўлади?

Норхўжа. Албатта, коммунивмда бўлмайди.

Ижроқўм ота. Отангизга раҳмат! Ана әнди Тоштемирнинг оиласини олайлик. Ўзи мастер, коммунист. Ҳотини Сораҳон — артелда чевар, коммунист. Ўғли заводда — мастер, коммунист. Келини, яъни сизнинг қизингиз ҳам заводда мастер — комсомол. Ҳаммасининг фикри янгича, ўйи янгича, турмуши янгича, коммунистча. Мана шу коммунизмнинг куртаги бўлади, ука. Ҳўш, айтинг-чи, шу хонадонда «олиқ-солиқ» бўлиши мумкинми?

Норхўжа (*бўйинини әғиб*). Ҳўп, ҳўп дедик-ку! Қани, тўйга нима буюрадилар?

Ижроқўм ота. Киши бошига уч сўмдан. Юз кишининг ўтиришига уч юз сўм. Иккалангиз юз элликдан беради

сиз. Мана, Салимов кассир бўлади. Аммо тийинигача менга ҳисобини берасиз, мулла Салимов!

Салимов. Хўп бўлади, ота!

Норхўж а. Жуда арzon кетдингиз, оқсоқол.

Ижроқўм ота. Пулингиз кўп бўлса, болаларга яхши кийимлар олиб беринг. Халқ маҳаллага клуб қуряпти, қарашинг.

Тоштемир. Тилингизга новвот, ота!

Хадича (*Сораҳонга*). Қуда, кўрпа қоплаш, кийим тикиш важидан нелар қилдингиз?

Сораҳон. Келин-куёвга битта тўшак, иккита кўрпа, иккита ёстиқ тайёр. Аҳмадали қизингизнинг кийимларини артелга заказ қипти. Яна нима керак бўлса, кейинчалик аста-секин битаверади.

Хадича. Эл-юрт олдида...

Сораҳон. Эл-юрт олдида юзимиз ёруғ. Уғлимиз ҳам, келинимиз ҳам ҳавас қилса арзигулик!

Ижроқўм ота. Шунаقا чиройлик тўй қилайликки, минг-мингларни исроф қилувчилар лабини тишлаб қолсин.

Ҳамма қўзгалмоқчи бўлади, лекин Норхўжанинг бошини әгиб ўтирганини қўриб, иккilanади.

Ҳа, мулла Норхўжа, увиган нондек бўшашипсиз?

Норхўж а. Мана энди қиёматлик қариндош бўлдик. Бир маслаҳатимиз бор эди...

Тоштемир. Айтаверинг, қуда!

Норхўж а. «Қизил кетмончи» артелим тугатида. Энди трактор заводига ишга кирсаммикан деган эдим.

Салимов. Менинг ҳам дардим шу...

Тоштемир. Буни қарангжи, заводимиз шу бугун газетага өълон юборувди. Бизга токарлар, слесарлар, фрэверчилар, дурадгорлар, фишт терувчилар, шувоқчилар, бўёқчилар керак. Қайсисини ходлайсизлар?

Норхўж а. Ҳунардан йўқ-да...

Тоштемир. Сиз-чи, мулла Салим Салимов?

Салимов. Кейингиси маъқул.

Тоштемир. Яъни?

Салимов. Бўёқчилик...

Тоштемир. Аммо қўзбўёқчилик кетмайди.

Салимов. Уялтиромайман, уста.

Тоштемир. Сизнинг, қуда, ҷунарингиз бўлмаса, ғоровулликка оламиз.

Норхўжা (ижирганиб). Ерга урманг-е!

Тоштемир. Ҳавали йўқ. Давлатнинг катта корхонасини қўриқлайсив. Милатиқ ушлашни биласизми?

Норхўжа. Билмасак, ўрганамив...

Ижроқўм ота. Мана әнди, қуда бўлдинглар, ҳар бир ишни бамаслашат қиласверасивлар. Эртадан биз ҳам кунда шунда бўламиз. Азондан келаман, манов толларни кесамиз.

Норхўжа. Йўғ-е, ҳовли очилиб қолади.

Ижроқўм ота. Очилсин. Ҳаммангиз бир оила бўлиб яшанглар. А, лаббай, мулла Тоштемир?

Тоштемир. Биз тайёд!

Ижроқўм ота. Сив-чи, Салим Салимов?

Салимов. Ҳўжайин кўнсалар...

Норхўжа. Бўлди, «хўжайин» деманг. Қулоғимга ҳақоратдай өшитиляпти.

Кўчадан ёшлар ашуласи өшитилади. Айвондагилар завқланиб тинглайдилар.

Я л л а

Нишона, Аҳмадали, Нозик, Бозорхўжа

**Эртаги кун, нурли саодат куни,
Эртаги кун, севги-шарофат куни.
Интиламиз сенга, фароғат куни,
Интиламиз сенга, муҳаббат куни,
Эртаги кун,
эртаги кун,**

бахт куни!

**Эртаги кун бизга висол келтирас,
Меҳнатимиз бир-ла камол келтирас,
Эртаги кун, бизга саодат куни,
Эртаги кун,
эртаги кун,
бахт куни!**

Ёшлар Норхўжанинг ҳовлисига киршади.

Нишона. Уйда ҳеч ким йўқ...

Нозик. Қишиқ, бивники ҳам жимжид.

Бозорхўжа. Аҳмадалининг айвони машала.

Аҳмадали (айвон олдидағи кетмонларни кўриб).
Манов кетмонлар қаердан келди экан?

Нозик (кулади). Тўйга ўчоқ қазишга олиб келишгандир.

**Аҳмадали. Оҳ, ўша кунларга ҳам етармиқанмиз-а,
Нишона?**

Нишона (эркаланади). Етамиз, азизим!

Сорахон. Ҳой, болалар, келинглар, ошни сувяпмиз.

**Ешлар бир-бирини қисташиб, ҳовлининг Тоштемир бўлагига
ўтишади.**

**Ижроқ ўм ота. Тўй муддатини сизларсиз белгилаб
қўйдик. Якшанба куни кечқурун. Нима дейсизлар?**

Аҳмадали. Нима дердик, бел боғлаб хизмат қиласмиз.

Ҳамма кулади. Ешлар бир-бирини табриклайди.

**Ижроқ ўм ота. Яшавор, Аҳмадали, йигит мундор
бўпти!**

Музика

Ҳамма

Эртаги кун — меҳнатимиз меваси,

Эртаги кун — янги ҳаёт нашъаси,

Интиламиз сенга, қуёш шуъласи,

Эртаги кун,

севги, латофат куни,

Дилга қувонч,

элга фарогат куни,

Эртаги кун,

эртаги кун,

бахт куни!

ПАРДА

1963,

ТОШБОЛТА ОШИҚ

УЧ ПАРДАЛИ МУЭИКАЛИ КОМЕДИЯ

ИШТИРОК ЭТУВЧИЛАР

Тошболта. Элликлардан ошган, кичик жуссали, содда киши.
Бева. Эшак арава судраб әски-туски йигади.

Тешавой. Унинг ўғли. Йигирма икки ёшдаги қорача йигит, ишчи.
Муҳаммадсолиҳ. Эллик беш ёшда, ҳар жиҳатдан Тошбол-
танинг тескариси. Ўтакетган қув, хасис.

Рисолат пари. Муҳаммадсолиҳнинг синглиси. Еши қирқларга
бориб қолган, шўх табиатли жувон. Бева.

Каромат. Муҳаммадсолиҳнинг қизи. Йигирма ёшда. Ишчи.

Саломат. Кароматнинг дугонаси. Ишчи.

Мирза. Тешавойнинг дўсти. Ишчи.

Салим ота. Бидъатга берилган чол.

Афифа хола. Салим отанинг хотини. Олтмиш ёшда.

Суннат. Салим отанинг ўғли. Чайқовчи. Йигирма олти ёшда.

Меливой. Тешавойнинг устаси, маҳалла комиссиясининг раиси.

Полвон ота. Кекса партизан, юрт оқсоқолларидан.

Қурбон ота. Полвон отанинг дўсти, тенгдоши.

Маҳалла кишилари.

Воқеа Тошкентнинг чекка маҳаллаларидан бирида, шу кунларда
бўлиб ўтади.

БИРИНЧИ ПАРДА

Муҳаммад солиқнинг өшиги. Тол таги. Рисолатни нур кўйида юрган Тошболта шу ерда, бетоқат. Киришга илож то-полмай турибди.

Тошболта. Бир кўрдиму, тинчим ёввойи кабутар-дай учди-кетди... Қумридан кейин уйланмасликка аҳд қилас-ганимда бунаقا нозанин йўлиқади деб ўйламовдим... (Эшикдан мўралайди, хаҳолаб кулади.) Айни пайти.. Ҳовли рўясида танҳо юрибдилар... Вой-вўй, бақбақала-рингдан аканг айлансан!.. (Қийтонглайди, хиргойи қи-лади.)

Қуралай кўз, қуралай,
Туйнугингдан мўралай.
Сен ялло айтганингда
Оҳангига йўрғалай...

Кароматни йўқлаб келаётган Тешавой дадасини бу аҳволда кўриб ҳайрон бўлади, бир нафас кузатади. Тошболта ўғлини кўриб қолади.

Ия-ҳа, мулла Тешавой... Ўзларими?..
Тешавой. Ҳа, ўзим... Бу ерда нима қилиб юрибсиз, дада?

Тошболта (*ўшқиради*). Бола деган дадасини су-риштирумайди! Сени қара-ю! Ўзинг нима қилиб юрибсан бу даргоҳда?

Тешавой. Мен шундоғ айланиб...
Тошболта. Мен ҳам шундоғ айланиб... (Яна ўшқиради.) Қани, жўна!..

Тешавой (ўсмоқчилаб). Бу уйнинг оҳанрабоси бормий дейман-а, дада?

Тошболта. Ҳа, оҳанрабоси бор! Қани, туёғингни шиқиллатиб қол!

Тешавой. Ҳўп-хўп... Таажжуб... (Кетади.)

Тошболта. «Таажжуб» дейди-я... Тентак!.. (Эшикка яқин боради, чақиради.) Мұҳаммадсолиҳ ака, ҳо, Мұҳаммадсолиҳ ака!..

Рисолат (төвушига жозибали оҳанг бериб). Ким эканлар чақираётган?

Тошболта. Менман... Ҳа, нимайди?.. Оббо, шошганда отимни ҳам йўқотиб қўйдим... Мен, ҳалиги Тошболтангиз бўламан... Тақсирим Мұҳаммадсолиҳ уйдамилар?

Рисолат (эшикни очиб юборади, Тошболта чўчиди). Тошболта ака?

Тошболта (томогини қириб, йўталиб кириб келади). Ия-ҳа, Рисолат паримилар? Ассалому алайкум! Ҳайдай, ўзлари эканлар-да, а?! Вой-вў... Сиҳат-саломатликлари?.. Мол-жонлари?.. Ўзи ҳам дейман-а... Қалай зерикмасдан ўтирибдиларми?..

Рисолат (ноз-карашма билан, амиркон кавушининг учida товус юриш қиласи). Зерикканим билан нима, сиз келиб хабар олармидингиз?

Тошболта. Ия-ҳа... Гапни таг-заминидан индалло олдингиз-ку!.. (Рисолатни бошдан-оёқ кўздан кечиради.) Бу дейман, Рисолат пари, әрингиз, ҳалиги... оти нимайди?..

Рисолат. Ҳайриддин...

Тошболта. Ҳа... Ҳайриддин суюқ, сиздек ҳуснда ягона, фаҳм-фаросатда олижаноб хотинни талоқ қилган эканда-а?

Рисолат. Иложим қанча, Тошболта ака... (Кўзига ёш олади.) Йигирма йиллик умрим бекор ўтди. Бола кўрмадик. Айб Ҳайриддинда. Айб әрқакларда бўлади. Мана, сиз... Сиз расо йигитсиз!

Тошболта. А, лаббай?.. (Кифтини кериб, ўзига оро беради.) Бизнинг палагимиз тоза. Ҳайриддиннинг дадаси пияниста бўлган, ўзи ҳам қиттак отса керак?

Рисолат. Ўлсин, әрта-ю кеч ичади.

Тошболта. Ана, айтмадимми! Мижози совуқ. Ароқ ичавериб меъдаси жавҳар-лимун бўлиб кетган.

Рисолат (хахолаб кулади). Вой, сизни қаранг, шувнақа гапларни ҳам билар әкансиз-а...

Тошболта. Девор бўлмаса, кўчани ҳам кўравера-ман. Ҳали мени ким деб юрибсиз, Рисолат пари?..

Рисолат. Вой, ўлмасам, сизга кўрпача ҳам ёзмабмак.
Тошболта. Ҳожати йўқ, уринманг...

Рисолат янги кўрпача ташлайди, дастурхон ёзди. Самовардан обдастага иссиқ сув олиб дастшўй билан Тошболтанинг қўлига қуяди.

Рисолат. Келинг, қуйворай.

Тошболта (*қўлини куяди*). Вой-вой-вой, иссиқ сув, жон киргизади-я!..

Рисолат. Нечук, уйингизда иссиқ сув йўқми?

Тошболта (*қўлини артиб, айвонга чиқади*). Иссиқ сув қаёқда! Ҳудо раҳмат қилгур Қумримдан кейинги турмушим: ит ётиш, мирза туриш! (*Кўзига ёш олади*.)

Рисолат. Қўйинг, хафа бўлманг! (*Чой қуийб, Ташболтага узатади*.)

Тошболта (*чойни пулаб ичади*). Бирам хушбўй чой бўпти-ю, аммо рўзайи-майрамазонда қандоқ бўларкинга? (*У ёқ-бу ёққа аланглайди*.)

Рисолат. Домла ҳали келмайдилар, ичаверинг. Айтгандай, мен сизга электр плиткада андаккина қийма мастава қайнатиб қўювдим.

Тошболта. Оббо сиз-ей, бекорга уринибсиз-да!..

Рисолат уйга кириб кетади. Тошболта каравотдан әгилиб, гул узиб ҳидлади.

Оҳ... Мана бу роҳат, мана бу фарогат!.. Биз ҳам юрибмиз-да, эшак аравада шара-бара йигиб! Ҳўроғозқанд! Чайнамай шиминг! Машина ип! Тўғногич, нина! Суннай! Кеп қолинг! Оп қолинг!.. (*Кулади*.)

Рисолат (*чинни косада мастава келтиради*). Ўзингизча нималар деяпсиз, Тошболта ака?

Тошболта. Тирикчилик ташвишлари... Қўяверинг! (*Маставадан ҳўплайди*.) Ҳай-ҳай, бу дунёнинг таоми бўмапти. Ана мазза-ю мана мазза!.. Қўлингиз дард кўрмасин-ей!..

Рисолат. Жуда мақтаб юбордингиз... Лекин ўзим ҳам домладан яшириб, фақат сизга пиширганман...

Тошболта. А, лаббай? (*Таажжубланади*.) Нега ўзингиз ичмаяпсиз?

Рисолат. Иштаҳам йўқ... Сиз иссангиз — мен ичандек...

Тошболта. Вой-вў, чиниминаними?

Рисолат. Шу вақтгача сеъмадингизми?

Тошболта. А, лаббай? Яна бир индалло гапиринг!

Рисолат. Боринг-е, одамни ерга қаратасиз!..

Тошболта. Вой-вў, ана шунақа одобларингизга борман-да! Худди Қумринисамнинг ўзгинасисиз-а! Раҳматлик ҳам менинг бошимда парвона эди... Ишдан толиб қайтсан, ўтқазгани жой тополмасди!.. Тешавойни тувишда қийналаб ўлди шўрлик... Мана, йигирма икки йил бўлди, беваман. (*Кўзига ёш олади, артмоқчи бўлиб, чўнтағидан рўмолча чиқаради.*)

Рисолат (ачиниб). Намунча исқирт рўмолчангиз?..

Тошболта. Елғизлик қурсин!..

Рисолат. Бу ёққа беринг!

Тошболта (яширади). Мени уялтирунг, пари... Кўчада кета туриб ариқ-париқча чайиб олардим-да!..

Рисолат рўмолчани олиб, жомга солади, самовар жўмрагидан сув оқизиб ювади ва гул шохига илади.

(Уйчан.) Йигирма икки йил ғамда ўтди.

Рисолат (кулади). Қўйинг, ғамдан гапирманг, андак ёзилишайлик!

Рисолат ашула айтади, Тошболта ғамини аста-секин унутиб, қўшилишади, ўйинга тушади.

Қуралай кўэ, қуралай,
Туйнугингдан мўралай.
Сен ялло айтганингда
Оҳангига йўргалай.

Пайваста қош, қалам қош,
Кела қол, битди бардош.
Бегоналар сеъмасин,
Фақат сен менга сирдош.

Мен сенга етолмайман,
Баҳрингдан ўтолмайман,
Яқинингга қўймайсан,
Олислаб кетолмайман.

Толингдаги оқ тўргай
Куйламаса на бўлгай.
Иккаламиз қувнасак,
Маҳалла-кўйлар тўлгай.

Тошболта. Шунақа дeng, иккаlamiz қувнасак, ма^т
далла-кўйлар тўлғай, дeng?

Рисолат (қийқириб кулади). Е, ишонмайсизми?

Тошболта (эсини йўқотиб қўйиб, Рисолатнинг би-
лагидан ушлайди). Ишонаман, пари, худо урсин, ишона-
ман!. Аммо лекин мана бу устингиздаги... Марғилоннинг
саккиз тепкили хонатласи шу бўлса керак-да, а?

Рисолат. (Toшболтанинг қўлига уради). Олинг қў-
лингизни!. Менинг мақсадим бошқа, Тошболта ака! Мен,
авваламбор, Кароматга она бўлишим керак. Сизни ортиқ-
ча ҳурмат қилишимнинг важи бу ёқда.

Тошболта (ҳайрон). Яъни, масалан?. Индалло га-
пиринг!

Рисолат. Каромат севимли келинингиз бўлади!..

Кўчадан Муҳаммадсолиҳнинг овози әшитилади.

Вой ўлмасам, акам!..

'Дастурхонни шошиб йириширади, уйга қочиб кирган бўлади, Му-
ҳаммадсолиҳ ясама йўталади.

Тошболта (қўл қовуштиради). Ассалому алайкум,
тақсир!

Муҳаммадсолиҳ. Ваалайкум ассалом, мулла Тош-
болта! Қани, ўтиринг!. Омин, парвардигори олам жами
мўминларга инсофу диёнат, иқболи шарофат ато әтсин,
оллоҳу акбар! (Уйга қичқиради.) Рисол, ҳо, Рисол, чироқ
олиб чиқ!

Рисолат өнди тамом бошқа қиёфада: катта дока рўмолга ўра-
либ, ўзини сипо тутиб, чироқ кўтариб чиқади.

Менга бер!. Ҳа, дарвоқе, Каромат уйдами?

Рисолат. Боши оғриб, ётиб қолди...

Муҳаммадсолиҳ. Бош оғригининг давоси — уйқу.
Валлоҳи аълам, ором олсин. Сен уйга кир. Бизнинг, мулла
Тошболта билан муҳим маслаҳатимиз бор...

Рисолат оёқ учida орқаси билан юриб, уйга кириб кетади.

Муҳаммадсолиҳ (гул шоҳидаги рўмолчани кўз-
дан кечиради). Таажжуб, таажжуб...

Тошболта (ўзидан хафсираб). Нима таажжуб,
тақсир?

Муҳаммадсолиҳ (*устамонлик билан*). Кеча таърих қўрсам, ташқарингиздаги чинорни Муҳаммад Иброрхим Салоҳ әшон ҳазратлари экиб кетган эканлар...

Тошболта. Ёпирай! Чиниминан-а?..

Муҳаммадсолиҳ. Иқболингиз кулиб турибди, мулла Тошболта. Масжидни ташқарингиздаги айвонингизга очамиз.

Тошболта (*ўйланиб қолади*). Йўғ-е... Бўлмайди, тақсир...

Рисолат билан Каромат дараҳт орқасидан мўралаб, қулоқ соладилар

Муҳаммадсолиҳ. Нега?

Тошболта. Ўғлим заводда ишлайди. Ёр-дўстлари келиб туради. Уста Меливой эски қадрдоним... Тўғри келмайди, тақсир!..

Муҳаммадсолиҳ. Масжидни қаерда очайлик бўлмаса?

Тошболта. Шу томорқангизда очаверинг, тақсир!..

Муҳаммадсолиҳ. Йўқ, мулла Тошболта, сизникида очамиз. У ерда муборак чинор бор!.. Инчунин бив таъсис қилмоқчи бўлган масжиднинг эътибори ҳазор бора ортади. Ва сиз масжид муаззини бўласиз.

Тошболта. Лаббай, тақсир?

Муҳаммадсолиҳ. Масжид сўфиси бўласиз. Ахир, бизга ҳам ишингиз тушиб қолар (*Рисолатга ишора қилади, кулади*). Сўққабошсиз...

Тошболта. Қандоқ бўларкин, тақсир...

Муҳаммадсолиҳ. Ҳа, дарвоҷе, кармонни очинг!

Тошболта. Лаббай, тақсир?!

Муҳаммадсолиҳ. Ҳудо йўлига бир нимарса атаворинг шу улуғ айём кунларда!

Тошболта. Тақсир... (*Саросимада*.) Савдодан тушган йирик пулларни шу бугун идорага топширувдим...

Муҳаммадсолиҳ. Қани, майдা бўлса ҳам чийқаринг!

Тошболта (*латта халтачасини дастурхонга ағдари*). Индалло санаганда, тақсир: бир, икки, уч тийин... Трамвайга опкўювдим...

Муҳаммадсолиҳ (*пулни чўнтагига солиб, дуюқилади*). Омин, давлатингиз бисёр бўлсин, оллоҳу акбар!

Тошболта (*ўрнидан қўзғалмоқчи бўлади*), Тақсир...

Мұҳаммад солиқ. Андак сабр, мулла Тошболта.
(Бир нафас ўйға чүмади.) Маҳаллада Польон ота, Құрбон ота, уста Меливой домком деган оғзи бузуқлар бор. Эхтиёт бўлинг. Уйингиздаги масжидни зинҳор масжид деб атай кўрманг. Бирор киши суриштиrsa, «ёр-дўстлар келиб туришибди», денг. Яна бир гап шуки, сиз масжид даромадига аралашманг. Пул ҳаром нарса. Аммо ҳар бир намозхондан масжид наъфига бир нимарса ундиromoқ ҳам фарз, ҳам қарз. Айниқса, бугун-эрта питрўзани жон бошига йигиб олмоқ зарур.

Тошболта. Ҳўп, тақсир.

Мұҳаммад солиқ. Сиз ҳам питрўзани дарҳол тўланг. Охиратни ўйламоқ керак, мулла Тошболта!

Тошболта қароқчи ургач ўғри ҳолига тушиб, лой бўлиб чиқиб кетади. Мұҳаммад солиқ чўнтағидан қорадори чиқариб хапдагини ютади, ўз уйига кириб кетади. Бир неча дақиқадан кейин Рисолат оёқ учida юриб, гулзорга келади, гул шохидан Тошболтанинг рўмолчасини олади, кафтida текислайди, ўйга толади.

Рисолат. Бечора Тошболта... Домла сени шилади өнди. Аммо сени домланинг тузоғидан ўзим қутқараман...

Паранжилик Афиға хола кириб келади.

Афиға хола. Бисмиллоҳир раҳмонир раҳим. Қадам етди, бало етмасин.

Рисолат билан елка қоқишиб кўришади.

Эсонмисиз-омонмисиз, эсон-омон юрибсизми? Емон кўздан худойим ўзи асрасин, Рисолат пари, бирам етилиб-сизки!

Рисолат. Ҳа, нимасини айтасиз, айланай хола, етилганим билан оллойим бефарзанд яратган экан...

Афиға хола. Нуқсонсиз парвардигор! Бандасининг иши мири кам икки

Буларни деразадан кузатган | **Мұҳаммад солиқ** йўталиб чиқиб келади.

Мұҳаммад солиқ. Келинг, хола, қаерингиз оғрияпти?

Афиға хола. Ҳар ерим, тақсир... Салим акангиз кеча ифторликдан тогорага ош босиб келувдилар, нафс ўлсин, ҳалигини саҳарликда паққос туширсан бўладими!

Унинг устига битта чиннида нишолда ҳам ғеволувдим...
кейин чанқаб, токчадаги пиёлани симираманми, яхна чой
десам, Суннатиллонинг миноси әкан... Лоҳас тортиб,
ўзимни эплолмай қолдим. Шу десангиз, кўйним айниб,
эрталабгача ўхчиб чиқдим. Салим акангиз «домлага бор,
муолажа қилсинглар», деб мана шу биттагина сўмни бер-
дилар.

Муҳаммадсолиҳ. Фақат бир сўм бердиларми?
Қурумсоқ бўлмай ўлсинлар! (Пулни олади, алланима-
лар пичирлаб, холанинг оғзиға тупуради.) Уйга бориб,
ўралиб ётинг, шифо топасиз!

Афиға хола. Қуллуқ, домлам...

Афиға хола оғир тортиб, базўр чиқиб кетади, Суннат
келади.

Муҳаммадсолиҳ. Келинг, бойвачча, келинг!

Суннат (қўл қовуштиради). Ассалому алайкум,
домла амаки!

Муҳаммадсолиҳ. Ваалайкум ассалом!

Суннат. Сиздан дуо олай деб келдим, домла
амаки!

Муҳаммадсолиҳ. Боракалло!

Суннат. Дадам: домла амакинг бир кори хайрга
бел боғлабдилар, яъни маҳаллада мачит очмоқчилар, де-
дилар...

Муҳаммадсолиҳ (Суннатнинг оғзини ёпади).
Тсс... Деворнинг қулоғи бор-а!. (Аланглайди.) Нафси-
ламир тўғри айтасиз, масжид очсақмикин...

Суннат. Шунга биздан арвимас иона... (Чўнтағи-
дан пул чиқаради.) Шу юзта сўмни мачитнинг кам-кўс-
тига ишлатсангиз. Аммо ўзи ҳам қовурғаси синмаган
янги червонлар...

Муҳаммадсолиҳ (пулни олиб санайди). Ердан
топсанг ҳам, санаб ол, деганлар! (Дуо қиласди.) Омин,
ollo таоло тилагингизни берсин! Қани әнди, мулла Сун-
нат, юқорига чиқинг! (Унинг ёнбошига болиш қўяди.)
Ҳўш, бойвачча, қандай хизматдасиз?

Суннат. Бозор омон бўлса, ошиғим олчи, домла
амаки!

Муҳаммадсолиҳ. Боракалло!..

Сой бўйида булбул сайрайди. Суннат ўша томонга олазарак
қарайди.

Суннат. Булбул ҳам бевақт сайрар әканда-а?

Мұҳаммадсолиҳ (қулоқ солади). Таажжуб...

Суннат (туриб, ҳовли әтагини күйәдан кечиради).

Домла амаки, анҳор бўйидаги булбул — Тошболта утил-чининг ўғли Тешавойга ўхшайди. (*Мұҳаммадсолиҳнинг қулогига алланималар шивирлайди.*)

Мұҳаммадсолиҳ. Астағфирулло!.. Безори!.. (*Ердан кесак олиб анҳор бўйига отади. Булбул тобора авжга минади. Яна кесак отади.*) Астағфирулло!..

Суннат. Домла амаки, мен бир пойлай-чи безорини! (*Кесак отади, булбул тинади.*) Ана кўрдингизми, овози ўчди! Энди менга ижозат, домла амаки...

Мұҳаммадсолиҳ. Шундоғми, ҳай, ихтиёр ўзла-рида. Аммо бизни фаромуш қилманг. Масжидга келиб туринг. Сиз билан ҳали кўп маслаҳатларимиз бор. (*Суннат кетади. Мұҳаммадсолиҳ уйга қичқиради.*) Рисолат, тўн билан саллани опчиқ!

Рисолат тўн билан саллани олиб чиқади. **Мұҳаммадсолиҳ** кийиниб кетади. Сой бўйида яна булбул сайрайди.

Рисолат. Бечора булбул, сайрай бериб толди. (*Ҳовлининг сой томонидаги эшигидан мўралайди.*) Ҳозир! Булбулжон, гулингизни ҳозир узатаман! (*Уйга киради. Қаромат ясаниб чиқади. Анҳор томонга қарайди, өнтикади...*)

Каромат

(ашула айтади. Қизлар хори саҳна орқасидан жўр бўлади)

Чамандаги булбуллар
Нолиш қиламан дейди,
Боғда очилган гуллар
Совға бўламан дейди.

Мунча куттирдинг, ёрим,
Битди сабру қарорим,
Сен келмасанг, баҳорим —
Буткул сўламан дейди.

Боғим тонг ҳавосидан,
Қўшларнинг навосидан,
Гўзаллик жилосидан
Нурга тўламан дейди.

Анҳор бўйидан Тешавой югуриб киради.

Тешавой. Шунақа ҳам соғинтирадими қиз бола
деган?.. Юз йилдан бери ўзингизни кўрсатмайсиз-а!..

Каромат. Елғонч!.. Куни кеча келган ким эди?

Тешавой. Мен келганим билан, сиз дадангизни ба-
ҳона қилиб чиқмадингиз-ку? (Хафаланиб, этик учи би-
лан ер чизади.) Бугун-эрта совчи юбормоқчиман. Май-
лими?

Каромат. Юрагингиздан сўранг.

Тешавой. Юрагим... Оҳ, юрагимда қандай гўзал
орзулар борлигини билсангиз эди!..

Иккови бир-бирларига термилишиб куйлайдилар.

Тешавой

Ишон менга, жондан азиз жононим,
Ишон менга, чиндир аҳду паймоним,
Сени дедим, ҳаётим гули сенсан,
Орзум сенсан, бўлмайди пушаймоним!

Каромат

Баҳор келса, гул қоплади далани,
Үйготади қирни чўпон ұлани,
Яна мени тил учиди ардоқлаб,
Бошқаларга тута кўрма лолани!

Иккови

Ишон менга, жондан азиз жононим,
Ишон менга, чиндир аҳду паймоним,
Сени дедим, ҳаётим гули сенсан,
Орзум сенсан, бўлмайди пушаймоним!

Тешавой. Қани кетдик!

Каромат. Қаёққа?

Тешавой. Ахир, кеча ўзингиз айтмадингизми
«Пушкин боғига тушамиз» деб?..

Каромат. Айтишга айтдимку-я, аммо дадам...

Тешавой. Хўш, дадангиз?

Каромат. Дадам ҳаммамизнинг шаънимизга дод
туширмоқчи. Сизнинг ташқарингиздаги айвонда мачит
очармиш... Сизнинг дадангиз сўфи бўлармишлар..

Тешавой. Йўғ-е?!

Каромат. Ўз қулогим билан эшитдим..

Тешавой (ташвишланиб). Эҳ, афсус... Юзимиз ерга қарайдиган бўпти... Энди заводга қайси бет билан кираман?

Каромат. Мен-чи, мени ўйламайсизми?

Тешавой. Наҳотки, мен сизни ўйламасам!.. Юринг, ташвишнинг олдини олайлик...

Каромат. Қаёққа борамиз?

Тешавой. Устамиз Меливой аканикига!

Каромат. Ердам берармиканлар?

Тешавой. Ердам берганда қандоғ!.. Шаънимизга дод туширмаймиз!

Улар анҳор бўйлаб чопиб кетишида. **Саломат** билан **Мирза** пайдо бўладилар.

Саломат. Тешавой сой бўйила кутиб турмоқчимили?

Мирза. Ҳа.

Саломат (*Мирзанинг қўлига осилиб*). Машиначингиз менга ёқмади, какеткани ўхшатолмас әкан. Бошқасини топамиз.

Мирза. Ҳўп.

Саломат. Сиз кўрсатган шерсть ҳам маъқул әмас, тоза бўлгани билан ранги бўғиқ. Буғдой ранг қизларни қора нарса бўғади... (*Нозланиб*.) Ҳаво рангидан олиб берасизми?

Мирза. Ҳўп.

Саломат. Магазинга костюмлик кўк швиёт келибди. Сизга олишимиз керак. Уста машиначига тикиринг. Примеркасига ўзим бораман.

Мирза. Ҳўп...

Саломат. Ўйингиз менга маъқул бўлди. Лекин апстановкаси әски әкан. Бозорга чиқариб сотинг. Магазиндан ўзим янги апстановка оламан. Нима дейсиз?

Мирза. Бўлади.

Саломат. Ошхонага водопровод киритганингиз яхши бўпти. Энди газ ўтказиш керак. Ўтин-кўмирда қўлимни қора қилиб юраманми?

Мирза. Ҳўп.

Саломат. Ҳай, менга қаранг. Одам бўлиб, мундоғ гапирсангиз-чи?! «Ҳа», «хўп», «бўлади»... шу учта сўздан бошқасига тилингиз келмайдими? Мундоғ очи-линг... Е, оғзингизга талқон тўлдириб олганимисиз?

Мирза (жилмаяди). Ҳа...

Саломат. Яна «ҳа» дейди-я? Ҳеч бўлмаса... (Эр-
каланади.) Севишдан, соғинишдан сўзланг. Ахир, мени
бўрмаганингида соғинасизми?

Мирза. Ҳа.

Саломат (бўғилади). Ана, холос! Ҳўп, соғинар
вакансиз, қанақа соғинганингиэни айтиб беринг. Мени би-
рор марта тушингизда кўрганмисиз?

Мирза. Ҳа...

Саломат. Боринг-е! Сиз билан гаплашиб ўтирган
мени қаранг!

Зарда билан кетмоқчи бўлади, Мирза унинг йўлини тўсади.

Мирза. Саломат!

Иккови шўх қўшиқ айтадилар, ўйнайдилар.

Саломат

Менинг ёрим индамас,
Сўзларимни тинглаамас,
Наҳотки, юрагимнинг
Орзусини англамас?

Мирза

Сўзларинг шакар, гўзал,
Қимматликда зар, гўзал,
Мунча ҳам мафтун қилдинг,
Кўзи сеҳргар гўзал?!

Иккови

Бахтимиз кушод бўлсин,
Уйимиз обод бўлсин,
Янги ҳаёт қурайлик,
Юрагимиз шод бўлсин!

Саломат. Каромат билан Тешавойни шу ерда ку-
тиб турамиэми?

Мирза. Ҳа.

Саломат. Боринг-е! Мен Кароматни чақирай.

Мирза. Ҳўп.

Саломат эшикдан кираётганда шу томонга чиқаётган Рисолатга дуч келади.

Рисолат. Кароматни кутяпсизларми? У Тешавой
билин аллақаёққа кетди...

Саломат. Қаёққа кетди әкан-а?

Рисолат. Жуда ташвишланиб чиқиб кетди...

Саломат. Нима гап ўзи, холажон? Тинчликми?

Рисолат. Тинчмиз йўқолди, айланайлар... Акам

Солиҳ домла Тошболта акани лақиллатиб, унинг ҳовли-
сида масжид очмоқчи бўлиб юрибди.

Саломат. Нима, нима?! Мачит?!

Мирза. Масжид?!

Рисолат. Ҳа, масжид очмоқчи...

Саломат. Мирза ака, бирор нима денг!

Мирза. Меливой аканикига кетдик! Уларни ўша
ердан топамиш.

Саломат. Кетдик!

Рисолат. Тезроқ боринглар...

Улар кетади, **Рисолат** уйга кириб кетади. **Тошболта**
ҳовлиқиб келиб, әшикдан мўралайди, ҳуркибина чертади.

Тошболта. Пари, ҳо, пари!..

Рисолат әшик орқасига яшириниб, бирдан кўринади, **Тошболта**-
нинг ўтакасини ёради.

(*Кулади.*) Оббо сиз-ей... Домлам дастрўмолни кўриб
қолди деб, роса ташвишландим-да!..

Рисолат (дастрўмолни кўз-кўз қилади). Шартим
бор, Тошболта ака, агар кўнсангиз, дастрўмолингизни
бераман, кўнмасангиз бермайман.

Тошболта. Ҳўп, пари!. Етса — мол, етмаса мана,
жон!..

Рисолат. Шартим шуки, уйингизда масжид очмай-
сиз!

Тошболта. А, лаббай!! Индалло гапиринг: ким
айтди сизга?

Рисолат. Масжид очсангиз менинг юзимга қора сурт-
ган бўласиз.

Тошболта (*ўйланади, ўзича гапиради*). Тўғрику-я,
аммо домлам... (*Бирдан.*) Ҳўп, парихон, айтганингизни
қиласман.

Дастрўмолни беради. Шўх кулади. Тошболта дастрўмолни си-
китиб, ўйинга тушади.

Толингдаги оқ тўрғай
Куйламаса не бўлғай,
Иккаламиз ўйнасак,
Маҳалла-кўйлар тўлғай!..

ПАРДА

ИККИНЧИ ПАРДА

Тошболтанинг ташқари ҳовлисидаги айвон. Унинг ёнбошида яккатуп чинор. Тош болта айвонни супуради.

Тош болта. Шу бир парча ҳовлим — катта боғ. Гуллар очилган. Булбуллар сайраган. Аллақаерда сивизға چалиниб, танбур унга жўр бўляпти. «Наво»ми, «Баёт»ми, аниқ әсимда йўқ. Мен ҳовуз бўйидаги ўчоқда ош дамлаётган эмишман. Бир вақт жонон пиёланинг жарангига ўхашаш ўйхуши кулги әштилди. Бундоқ қарасам, қўлида патнис — Рисолат пари... Патнисда тўртта жийда гулли қора ликопча, бирида — қази, бирида — помидор, яна бирида — бодринг, тўртинчисида — патисон, иккита румкачаси ҳам бор. Узунроқ шишада бир бало қизил нарса. Парихоннинг әгнида — қора хонатлас, лозим ҳам шу материёлдан. Оёғида — амиркон кавуш. Боссаммикин, босмасаммикин, деб биттабитта келяпти. Мен бир қўлим билан парихоннинг чумоли белидан ушлаб, (Тошболта супургини ташлаб, тушини ҳаракатда кўрсатади) иккинчи қўлим билан ҳалиги шишадан румкачаларга қўйдим. Уриштиридик. Ичдик... Фу... заҳри қотил. Бошим айналди. У ёғини эслолмайман, ҳушёр тортиб қарасам, баланд сўрида ухлаб қопман. Парихон ёнимда алла айтиб ўтирибди.

Алла болам, аллаё,
Ухлар олам, аллаё,
Ҳамма ёқда қизил гул,
Лола гилам, аллаё.

Кўкда сузар тўлин ой,
Ухлай қолгили, қулун той,
Алламга қўшилади
Тиними йўқ Тентаксой, аллаё!

Кулогининг юмшоқ ерини аста чимчиладим.. Юзимга
биғ шапати тушса бўладими!.. Кўзимни очсан, тушим
ёкан.. Қани энди шу тушим ўнг бўлиб қолса!.. Эркаклар-
нинг туши, индалло, ўнг келади. Аммо ўзи ҳам бир жаҳон-
да! Ана назокат, ана латофат, ана одоб! (Чўққайганча ўй-
суреб кетади.) Икки ёрти бир бутун бўлиб, ўғилчани уй-
лаб қўярдик. Кейин набиралар, ҳовлида худди жўжалардай
сакраб юради. Жўжаларим, жип-жип-жип... Мен улар би-
лан қувлашаман. Жўжаларим, жип-жип-жип...

Салим ота келиб, унинг ёнига ўтиради. Маст Суннат чайқа-
либ келиб чинорни калла қиласди. Муҳаммадсолиҳ виқор
 билан кириб келади. Намозхонлар ўринларидан туриб қўл
 қовуштирадилар. Муҳаммадсолиҳ фотиҳа қиласди.

Муҳаммадсолиҳ. Қалай, тинчликми?

Тош болта. Тақсир, шу ташвишни қўйисак...

Муҳаммадсолиҳ. Қўрқманг, муаззин жаноблари...

Худо хоҳласа, ҳеч гап бўлмайди... Олло-таоло таборакнинг
даргоҳи кенг... Валлоҳи аълам, аzonни айтиб юборинг!

Тош болта. Тақсир, аzon айтмай ўқийверинг-да!

Муҳаммадсолиҳ. Мунча ээма бўлдингиз? Аzon-
ни айтинг, намоз қаво бўлмасин!

Тош болта (галга солади). Тақсир, таҳоратим йўқ
еди-да!

Муҳаммадсолиҳ (ўшқиради). Бошланг!..

Тошболта манқаланиб аzon айтади. Муҳаммадсолиҳ имомликка ўга-
ди. Намоз бошланади. Суннат бир-икки марта муккасидан йиқиласdi.
Тошболта ётиб-туришдан адашиб, қоқиласди. Намоз бир неча марта
бузилади... Паранжилак Афиға хола челакда мосхўрда, ёски бўз
дастурхонда нон, уч-тўрт сопол товоқ келтириб, чинор тагига қўяди.
Алланималарни пичирлаб, шоҳга латта илиб кетмоқчи бўлганда,
Муҳаммадсолиҳ уни тўхтатади.

Эгачи, тўхтанг! (Афиға хола тўхтаб, сочвонини юзига
туширади.) Қандай мақсад билан Муҳаммад Ибрөҳим Са-
лоҳ ҳазратларининг чинорига түғ илдингиз?

Афиға хола. Ўғлим Суннатиллонинг тўйига етай,
қўша-қўша набиралар кўрай, дедим, тақсир.

Муҳаммадсолиҳ. Боракалло! Бир нимарса атанг.

Афиға хола. Суннатиллонинг тўйига келадиган қўй-
лардан бирини атадим, тақсир.

Муҳаммадсолиҳ. Йишлооллоҳ, мақсадингизга ета-
сиз. Бораверинг.

А ф и ф а хола паранжи ичидаги туртиниб-суртиниб кетади.

Муҳаммадсолиҳ (намояхонларга). Чинори муборакка сизларнинг ҳам бир нимарса атаб, туғ илмоқларингиозим.

Салим ота (тараддулланиб). Кампирнинг атагани—бизнинг атаганимиз...

Муҳаммадсолиҳ. Ҳудо ҳар бир бандасини алоҳида-алоҳида яратган ва мункарнакирлар алоҳида-алоҳида сўроқ қилади. Алалхусус. Салим ака, сиздек бир зот...

Салим ота. Ҳўп-ҳўп... (Чинорга латта илади.) Суннатиллонинг тўйида битта эчки келтириб шу түгни олиб кетаман.

Тошболта. Паст кетдингиз, Салим ака. Эчки ёғ қилмайди. Қўйдан гапираверинг!

Муҳаммадсолиҳ. Майли, майли. Эчкининг ҳам серкаси қўй ўрнига ўтади. (Суннатга.) Сиз-чи, бойвачча?

Суннат (ғандираклаб боғиб, рўмолчасини йиртиб илади). Битта қўчқор атадим. (Йиқилиб, чинорни қўчоқлайди.)

Муҳаммадсолиҳ. Боракалло! Мулла Тошболта, сиз-чи?

Тошболта (чинорга латта илади). Тақсир, мен битта туллаган даканхўроз атадим.

Салим ота (хуноби ошиб). Ўзинг паст кетдинг, бачағар!

Тошболта. Нима, нима! (Салим отанинг ёқасидан олади.) Ким айтди сенга, худонинг уйида оғзингни пештаҳам қил деб?

Салим ота. Ҳай, ҳай, ноинсоф, нима қиляпсан? (Бўғилиб Муҳаммадсолиҳга.) Айланай домла, бу безорини тартибга чақиринг!

Тошболта (тобора ошади). Ким безори, менми, сенми?

Муҳаммадсолиҳ (уларни ажратади). Бас, бас-ей, уят! (Виқор билан.) Омин, атаганингизни парвардигори олам ўз даргоҳида қабул ётсин, оллоҳу акбар! (Тошболта-га.) Қани, таомни сузинг!

Тошболта мошхўрдани товоқлағсга сувиб беради. Индамай ичадилар.

Салим ота (мошхўрдани хўриллатиб ичади). Байбай, бирам хушхўр таом бўптики!..

Тошболта. Бай-бай, бирам bemazaki!.. Кампирингиз кечагидан қолган мошкичирига ювинди қўшиб, суюлтириб келганми, дейман, Салим ака, сувда маза бор, бунда маза йўқ!

Суннат (*айвон пешига базўр ўтириб олади*). Бош оғриғига кетаверади.

Тошболта. Ароқ зангарни эви билан ич-да, симёғоч! Салим ака, ўғлингизга насиҳат қилсангиз бўлмайдими?

Салим ота. Одам бўлиб қолар...

Тошболта. Ўлгандами?!

Муҳаммадсолиҳ (*биғ оз ўйга чўмған бўлади*). Валлоҳи аълам, жами мусулмонларга аёндирки, питрўза тўламоқ фарзидир. Албатта ҳар ким ўз қурбига қараб.

Суннат йигирма беш сўм, Салим ота уч сўм чиқариб беради.

Муаззин жаноблари?..

Тошболта. Тақсир, троллейбусга тўрт тийиним бор эди...

Муҳаммадсолиҳ. Бераверинг, ҳазми таом пиёда юрмоқни талаб этади. (*Муҳаммадсолиҳ пулларни чўнтағига солиб, ўрнидан туғади*.) Пешинга зинҳор кечикилмасин!

Муҳаммадсолиҳ кетади. Салим ота идиш-товоқларини дастурхонга ўрайди, Тошболтага хўмрайиб, ўғли билан бирга йўлга тушади. Тошболта ёғиз қолиб, аввал уйга кирмоқчи бўлади, кейин тараффудланиб, чинор олдига келади. Унинг шоҳларига илинган латталарни томоша қиласди.

Тошболта (*латталарни санайди*). Қўй, әчки, қўчкор, ҳўроз!.. (*Қийқириб кулади*.)

Полвон ота билан Қурбон ота келиб, Тошболтани бир нафас кўздан кечирадилар. Полвон ота йўталади, Тошболта уларни намоз ўқигани келишган деб ўйлаб, менсимасданоқ гапиради.

Бомдод ўқилди, энди қазосини пешинга қўшиб ўқий-сизлар.

Полвон ота. Нима, нима?!

Тошболта. Гапнинг индалоси шу. Бораверинглар.

Қурбон ота. Сен нима деб валдираяпсан, галварс?

Тошболта. Бу ер худонинг уйи. Маккайи мукарраманинг ҳужраси. Бетаҳорат кирманглар, деяпман,

Полвон ота. Ҳали, ўртадан қочган кал хўроздай қичқирган сенмидинг?

Тошболта (бақириб). Ҳа, менидим! Индалло билиб қўйингларким, бу айвон — масжид.

Полвон ота. Масжид?! (*Кулади.*) Шара-бара ёядиган айвоним десанг-чи!

Тошболта. Масжид дедим, масжид. Мен ана шу масжиднинг муавзини мулла Тошболта бўламан. Мана бу чинорни бўлса, Каъбатиллодан келган Муҳаммад Йиброҳим Салоҳ ҳазратлари экиб кетганлар. Қани, биттадан қўй атаб, туг илинглар!

Қурбон ота (Полвон отага). Тошболта жинни бўп қопти. Дараҳт эккан бувасини авлиё деб юритти.

Тошболта. Осий бўлдиларинг, калима келтиринглар!

Полвон ота (Қурбон отага). Жиннини ўз ҳолига қўйиб бўлмайди. Қўл-оёғини боғлаш керак. Қурбон!..

Қурбон. Лаббай, командир!

Полвон ота. Боғла, савдоини!

Қурбон ота Тошболтанинг қўлидан ушлайди. Полвон ота белборгини ечиб, уни боғламоқчи бўлади.

Тошболта (бақиради). Қўйвор, қўйвор дейман! Дод, мусулмонлар!

Полвон ота (Тошболтанинг қўлини қайиради). Қурбон! Оғзига латта тиқ!

Қурбон ота Тошболтанинг оғзига латта тиқади. Полвон ота унинг қўл-оёғини боғлайди.

Полвон ота. Қани, сувга ташлайлик, шояд ўзиға келса!..

Чоллар Тошболтани ариқ бўйига судрайдилар.

Қурбон!..

Қурбон ота. Яхшиси, жиннихонага жўнатиб қутула қолайлик.

Тошболта. Мен жиннимасман, ўзларинг жинни!

Полвон ота. Қурбон, бос!

Тошболта. Гуноҳга ботасан, сассиқ чоллар! Дўзахга равона бўлсанлар! Сенларни тақсирим Муҳаммадсолиҳ домлага айтаман, дуойибад қиласилар.

Полвон ота (*Тошболтанинг ёқасидан олиб турғиза-ди*). Тур, Мұхаммадсолиҳ шириллатоннинг гумаштаси!

Тошболта. Ия... ия... ия... ия...

Полвон ота. Қурбон!..

Қурбон ота. Лаббай, командир!

Полвон ота (*Тошболтани кўрсатиб*). Бу нодонга Мамасолиҳнинг бедилини ўн тўртинчи моддасидан ўқиб ташла!

Қурбон ота. Мамасолиҳ уруш вақтида заборний сотиб қўлга тушган. Армиядан ҳам қочган. Ўн йил қамалиб чиқди. Энди тиниб-тинчирмикан десак, ўғирланган магазин моли уйидан чиқиб, яна қамалиб кетди. Кечча келиб, бугун тағин ҳунар кўрсатибди-да, абллаҳ!

Полвон ота (*Тошболтани туртади*). Ҳўш, ҳаром магзингга сингдими энди? Қурбон, еч қўлини!

Тошболта (*қўл-оёғи ечилиб, билакларини, болдириларини уқалайди*). Одамни жиннига чиқариб қўйиш ҳам ҳеч гап әмас-а!..

Қурбон ота. Мамасолиҳ билан бунинг кирдикорини Меливойга очиш керак. Маҳалла мажлисига қўйисин. Ундан кейин, молияга айтиб, налук чиқариш керак бу масжидга!

Тошболта (*ялинади*). Ахир, мусулмонлар, худо хайрингизни берсин, тўй қилмоқчиман...

Полвон ота. Тўй қилишингни юртга айтасан!. Қурбон!..

Қурбон ота. Лаббай, командир!

Тошболта буйруқни әшитиб қочади.

Полвон ота. Қани кетдик!

Чоллар кетади. Тошболта айвон пешига ўтириб олиб, калласини муштлаб инграйди. Уйдан Тешавой қувнаб, ашула айтиб чиқади.

Тешавой

Тонг чогида булбуллар, ёр-еїй,
Қуёшга интилади, ёр-еїй.

Кулиб очилса гуллар, ёр-еїй,
Юрагим энтикади, ёр-еїй.

Қизмисан, қирмизмисан, ёр-сий,
Қўқдаги юлдуэмисан, ёр-еїй,

Аста кириб борайми, ёр-ей,
Уйингда ёлғизмисан, ёр-ей?

Дада, ташқарида нима шовқин?
Тош болта Амакиларинг келишувди.
Тешавой. Қайси амакиларим?
Тош болта. Мұҳаммадсолиҳ ака, Салим отә, Суннаталла.
Тешавой. Уларнинг қай бири менинг амаким?
Тош болта. Епир-ей, индалло гапни гапириб бўлмайди бу болаларга!.. (Уйға кириб кетмоқчи бўлади.)
Тешавой. Тўхтанг, дада, ўз-ўзингизча нималар деяпсиз?
Тош болта (гапни буради). Нега саҳарлаб турдинг?
Тешавой. Кеча трактор заводига газ олиб бордик. Бугун ёқамиз. Устам Меливой ака монтажни топширишдан аввал бир синаб қўрайлик деган әдилар.
Тош болта. Бор, боравер!

Тешавой чинордаги латталарни йигиб улоқтиради.

Тешавой. Маҳалла қуйқалари шунга йигилгандими, дада?
Тош болта. Ёшсан. Тушунмайсан. Жўна!
Тешавой. Уятли иш бўлмасин тағин. Устам бригадамизни Коммунистик меҳнат бригадаси номи олиш даражасига кўтармоқчи. Ишингиж кўпчиликнинг шаънига доғ бўлиб тушмасин яна?!
Тош болта. Ҳой, тентак, мени тинч қўясанми, йўқуми?
Тешавой. Дадажон, кўриб туриб, кўрнинг ишини қилманг. Еиз коммунистик меҳнатга, яъни пок виждон, соғ ахлоқ эгаси бўлишга интиляпмиз. Сиз бўлсангиж, қутлуғ хонадонимизга Мұҳаммадсолиҳ балоҳўр фитначини, Салим маразни, Суннат чайқовчини бошлаб келдингиж. Бу билан сиз менинг коммунистик ахлоқимга лой чапладингиз. Энди мен завода баш кўтариб юролмайман. Менинг уятимга қолиб, бизнинг бригадамиз ҳам энди коммунистик бригада бўлолмайди. Бунинг ҳаммасига сабаб — сизнинг бидъат ботқорига чўкаётганингиз.

Тош болта. Нима қил дейсан, ўлайми?!
Тешавой. Ана холос... Ким сизни ўл деяпти? Галамислар билан ошиачиликни йиғиштиринг. Ахир, ўзингиз

бир ўйлаб кўринг. Бу қора ишингизга Меливой ака нима дейди? Менинг дўстларим Мирза билан Саломат нима дейишади. Шу уйга келадиган Каромат нима дейди? Маҳалла-кўй нима дейди? Нега ҳаммани уялтирасиз, дадажон?!

Тошболта Мен уялтирган бўлсам, сен уялмай қўя қол. Ўртоқларингга: «Дадам ўзи шунаقا, қолоқ, лақма», деб қўя қол. Бўптими?

Тешавой. Менинг гапим кор қилмаса, бошқаларнинг гапи, эл-юртнинг гапи кор қиласди. Хайр, мен ишга кетдим!

Тошболта. Бор, бор, ҳе, сени қара!

Тешавой кетади. Тошболта айвон пешида ўйга толади. Эшикдам Рисолат мўралайди.

Рисолат. Тешавой-ҳо, Тешавой!

Тошболта (қўяларига ишонмай ишқалайди). Касал тузалгиси келса, табиб ўз оёфи билан келур...

Рисолат (жиддий). Тешавой уйдамилар?

Тошболта (суюниб). Мана, биз у кишининг дадалари бўламиз. Хизмат, парихон?

Рисолат (ороланиб. Парвосиз). Тешавой йўқ бўлсалар, мен кета қолай... (Кета бошлайди.)

Тошболта (ҳайратда). Бола баҳона, дийдор ғанимат... (Қийқириб кулади.) Вой-дод, ноз-истигноларидан!

Рисолат. Суйилманг! (Аччиқ.) Мен ювимга қора сўйкаган киши билан гаплашмайман!

Тошболта. Ахир, нима гуноҳ қипмиз? Вой-вў... Аммо ўзлари жам... (Рисолатнинг ийлини тўсади.)

Рисолат (серзарда). Иккаламиз нимани гаплашгаш өдик? Ҳўш? Унтибсизда-а? Садқаи одам! Энди масжидингизнинг захини қучоқлаб ётаверинг!.. (Буралиб чиқиб кетади.)

Тошболта. Бир ташвиш келмасин, келса, бошқасини судраб келади... (Чинор тагида бошига муштлайди.)

Саҳна айланиб, кўркам хиёбон кўрнинади. Ишга келаётган бир тўқа ёшлар ашула айтиб, ўйинга тушишади.

Чаманим — ҳусну латофат чамани,
Ватаним — баҳту саодат ватани.

Ҳаммамиз жам бўлишиб қувнагали,
Завқимиизни айтгали, ўйнагали,

Кўнглимиз севганини сўйлагали,
Куйлагали, куйлагали, куйлагали!

Чаманим — ҳусну латофат чамани,
Ватаним — баҳту саодат ватани!

Каромат (югуриб келади). Дўстлар! Бугун газ ёқилишига трактор заводида митинг бўлармиш. Завод ҳаваскорлари бизга концерт берармиш!

Мирза. Ишимиз яхши баҳо олди. Айниқса, газ қувурлари монтаж лойиҳасининг автори Тешавой...

Тешавой ғамгин, паришон.

Ҳа, сенга нима бўлди, Теша?

Тешавой. Мен энди сизларга муносиб әмасман..
Дадам уйимизда маҳфий масжид очди...

Каромат (лабини тишлайди). Менинг дадам сабабчи...

Саломат. Бригадамиз шаънни ерга урди бу масжид...

Каромат. Дўстлар, ёрдам беринглар, нима қилайлик?

Меливой ака ҳовлиқиб келади.

Ешлар. Салом, уста!

Меливой. Салом, ёш гвардия! Ҳаммасидан хабарим бор. Сизлар, газ қўйишдан аввал бориб, монтажни яна бир кўздан кечиринглар. Мен Тошболтага учрайман. Кўнгил тинчмагунча, иш юришмайди ўзи... Ҳа, боринглар! (Ешлар кетади. Саҳна айланади, Меливой Тошболтага рўпари келади.)

Меливой. Галварс! Ҳо, галварс! (Латталарни томга отади.) Сенга нима бўлди ўзи? Нега сўррайиб турибсан? (Тошболтага бошдан-оёқ разм солади). Ўзингни анча олдириб қўйиссан. Қани, дафтaringни оч!

Тошболта. Бир савоб иш қиласай деб, масжид очдим.
Меливой. Сен-а?

Тошболта. Ҳа, мен...

Меливой. Савоб иш қиласман деган одам дарахт әкади, ариқ очади, ўғил уйлади, юрга хизмат қиласди. Чунончи, ўғлинг Тешавой жуда катта савоб иш қиласди. Унинг газ қувурлари монтажи аъло баҳо олди. Завод уни мукофотлади. Мана бу савоб иш. Масжид қай гўрдан чиқди?

Тошболта. Э, нима дейсан, калима келтири-ей!..

Меливой (хохолаб кулади). Бас. Сўзни қисқа қи-
лайлик. Соддалигинг орқасида кўп тузоқларга илиндинг.
Ҳаммасидан саломат олиб чиқиб кетдик. Бу гал ёмонроқ
тузоққа илинибсан. Аммо бу гал ҳам қутқарамиз. Бунинг
учун аввало ўзинг маҳкам туришинг, Мамасолиҳнинг
динфурушлигини фош этишда маҳаллага ёрдам беришинг
керак.

Тошболта. Мамасолиҳнинг динфурушлиги?

Меливой. Ҳал Мамасолиҳ ўзи ишонмайдиган ху-
дога сени ишонтириб, ҳаром пул топяпти. Бўлди, бўлди,
оғзингни очмал Аммо орага бир нозик масала аралашиб-
ди. У ҳам бўлса Тешавой билан Кароматнинг муҳаббати.
Майли, ёшларнинг йўли бошқа. Мен әртага совчиликка
бораман. Тўйни бошлаб юборамиз. Нима дейсан?

Тошболта. Раҳмат, оғайнини.

Меливой. Лекин шарт шуки, бу бидъат ўчорини
дарҳол бузасан. Нега десанг, сенинг бу лақиллашинг
ўзингнинг шаънингга ҳам, Тешавойнинг шаънига ҳам доғ
бўлиб тушади. Сенинг бу чирик дов-даскагинг бўтун
маҳаллани ерга қаратади.

Тошболта. Йўғ-е...

Меливой. Афсуски, Қумри бевақт дунёдан ўтди.
Тўйга у ўзи бош бўларди!.. Энди сен ҳам сўққа бошинг
билин юраверма. Рисолат билан маҳфиёна учрашибсан,
деб эшиздим. Энди сени ўшанга уйлантириб қўяйлик.
А, лаббай?

Тошболта (кўз ёши аралаш кулади). Қани әнди,
ўша кунларга етсам!..

Полвон, Қурбон оталар қелади. **Тошболта** улар билан
әнди очилиб кўришади.

Тошболта. Келинглар, мана масжид ҳам йиғиши-
рилди.

Меливой. Оғайнилар, Тошболтани уйлаб қўйишни
айтипман... Ширингина ўтириш қиласиз. Ёшлигим қўзғаб
кетса, дуторни ўзим чертаман. Аzon айтиб овозингнинг
баракаси учмаган бўлса, сен ҳам қўшиласан!..

Тошболта (очилиб). Гапнинг индаллосини айта-
сан-а, оғайнини?

Меливой. Қани, дуторни олиб чиқ, бир ёшликни
аслайлик!

Тошболта (кулади). Ҳўп, хўп. (Уйга киради.)

Полвон ота. Яшанг, Меливой, тилини топибсиз!
Меливой (*Тошиболтадан дуторни олиб*). Оламизми!
Тошиболта (*қийтонглаб*). Оламиз, оғайнижон, ола-
миз! (*Ялла айтишади*.)

Эй кўнгил, тошиб яира, гул фасли чаман яхши,
Кўкламни, саодатни ҳаргиз қуйлаган яхши!
Еронлар сафо сурсин, суҳбатлар шарофатли,
Боғларда гурунглашган, дўстлар, қувнаган яхши!

Тошиболта (*тошиб кетади, бақиради*). Камол!
Меливой. Тур, галварс, бир ўйна әнди!. (Toшибол-
та ўйнайди.)

Кўлларни бериб қўлга, дилларни улаб дилга,
Танбуру дутор чертиб, согза ўйнаган яхши.

Меҳнатда топиб иқбол, роҳатда умр хушдир,
Жонимни бағишлайман, шавкатли Ватан яхши!

Тошиболта. Бор әкану, оғайнини, қойил!..
Меливой (*кулади*). Ашуланинг индаллоси бўлдими!
Тошиболта (*қийқиради*). Индаллосининг индаллоси
бўлди, оғайнини! (*Ўйга чўмади*.)

Меливой. Тағин нима гап?
Тошиболта (*ўнғайсивланади*). Энди... ҳалиги Ри-
солатни кўчириб келсак... Тешавойнинг тўйига ўзи бош
бўлса... Ўй бесаранжом. Келин бола келган билан, ёш...
Полвон ота (*кулади*). Ўзинг ҳам ўлиб юрган
вқансан-да?..

Тошиболта. Гапнинг индаллоси...
Меливой. Маъқул, ҳаракатингни қиласвер! Биз эн-
ди борайлик. Сен ҳам тирикчиликдан қолма, Мамасо-
лиҳ пўконнинг гумаштаси!

Тошиболта. Бўлди, бўлди. Ҳадеб бетимга сола-
верманглар!

Меливой чоллар билан кетади. Тошиболта айвон пешига
ўтириб, ўйга берилади, қулогига Рисолатнинг ашуласи эшити-
дади. Уша ашуланинг сўнгги сўзларини ўзича куйлади.

Тошиболта

Айланай-ҳо, айланай!
Ўргулай-ҳо, ўргулай!

Парда

УЧИНЧИ ПАРДА'

Мұҳаммад солиқ нинг ҳовлиси. Каромат гулворда ашуда
айтиб, гул дасталаяпти.

Каромат

Севгилим, тонг чоги гул уздим сенга,
Дасталаб гүзәл ғазал түздим сенга.
Ғунчалар япроқ ёзиб кулган замон,
Мен ўзимни гул каби сездим нега.
Бу муҳаббатли юрак достонини
Гул қоғозларга нафис ёздим сенга.
Софиниб, ҳар дам йўлингга термилиб,
Кўз ёшим маржонини тиздим сенга.
Эътибор этгил сўзимга, севгилим,
Кўнглим айтиб турди, етказдим сенга.

Сой томондан булбул сайрайди. Каромат қулоқ солади.

Йўқ, Тешавой әмас...

Бир нафас гуссаланади. Яна булбул сайрайди. Каромат әнтики
тинглайди.

Буниси ҳақиқий булбул — Тешавой...

Тешавой ашуласи әшитилади.

Бунда термилиб қолдик, жонажон, қачон келасиз?
Аҳдимиз аён сизга бегумон, қачон келасиз?
Тонг-саҳар шамоллардан биз сўроқ қилиб турдик,
Ҳажр әмиш йигитларга имтиҳон, қачон кедасиз?

Күш әкан юрак, ўйнар, сиз томонга учмоқчи,
Иўл топиб боролмайди, сиз қачон, қачон келасиз?
Оташин муҳаббатга илтифот қилиб ногоҳ,
Биз каби қўшиқ айтиб, меҳрибон, қачон келасиз?

Каромат ҳовлининг сой әшигини очади. **Тешавой** киради.
Иккови қулоқлашиб кўришадилар.

Тешавой. Соғиндим.
Каромат. Мен ҳам...

Иккови қўл ушлашиб куйладилар.

Тешавой

Кўзим оқу қароси сен,
халос эт интизорликдан!
Соғинган дил давоси сен,
халос эт интизорликдан!

Каромат

Ҳаёлим сендадир ҳар дам,
сени кўрганда дил кўклам,
Бу севгим чин вафоси сен,
халос эт интизорликдан!

Тешавой

Садоқатни шиор этгил,
мени сен баҳтиёр этгил,
Ҳаётим муддаоси сен,
халос эт интизорликдан!
(гулдаста беради)
Бу гулдаста фақат сенга.
қабул этсанг, қувонч менга,
Кўнгил завқу сафоси сен,
халос эт интизорликдан!

Иккови

Муродимдир сени кўрмак,
ҳамиша ёнма-ён юрмак.
Кўзим оқу қароси сен,
халос эт интизорликдан!

Тешавой. Совчилар келишяпти, жоним. Қуруқ қайтишмайдими?

Каромат (*Тешавойнинг юзига енгилгина шапати уради*). Ҳўл қайтишади!..

Тешавой. Ҳижолатдан қора терга ботиб-а?..

Каромат (*жиддий*). Кимлар келади?

Тешавой. Устам Меливой ака билан маҳалламишдан яна икки оқсоқол... Ишонсам бўладими, жоним?

Каромат. Ўзингизга ишонгандай!..

Тешавой Кароматнинг юзидан ўпиб, ҳаяжонланиб чиқиб кетади.

Каромат (*ўзида йўқ шод*). Оҳ, нақадар пок экан бу йигитнинг юраги!..

Уйдан Рисолат чиқади. Каромат унинг бўйнидан қучоқлади.

Каромат. Аммажон, келишяпти!..

Рисолат. Ростданми?

Каромат. Ростдан, аммажон, ҳали-замон әшик қоқишиади.

Рисолат. Дадангни кўндиришим керак экан-да!

Каромат. Жон аммажон, умидим сиздан!..

Кўча әшигидан ялла әшитилади. Рисолат билан Каромат уйга бекинишади. Сават кўтарган Меливой, Полон ота. Қурбон отала р куйлашиб кириб келишади.

Богингда юрган шамол атир экан, ёр-ёр,

Кулишларинг оламга татир экан, ёр-ёр.

Совчиларга поёндоз согланларга ташаккур,

Рўмолдаги холва-ю патир экан, ёр-ёр.

Жон ака, жоним ака, әшигингни очавер,

Мард бўлсанг, қўлингни бер, номард бўлсанг қочавер,

Ешларнинг иқболини ардоқла, қудажоним,

Кун бўлиб, кундуз бўлиб нурларингни сочавер.

Муҳаммадсолид ёвлида оёғи куйган товуқдай у ёқдан-бу ёққа югурди. Ноилож әшикни очади.

Меливой (*бутун уйға әшиттириб*). Ассалому алай-
кум, яхшилар!

Курбон ота (*дастурхонни Мұхаммадсолиҳга үзатади*). Ассалому алайкүм, қуда бува!

Мұхаммадсолиҳ (*совуққина*). Ваалайкүм асса-
лом... Келинглар...

Меҳмонлар айвонга чиқиб ўтиришади.

Курбон ота. Омин, севганлар мурод-мақсадига ет-
син, ували-жували бўлсин, оллоҳу акбар!

Рисолат (*шақиллаб қайнаётган рух самоварни кү-
тариб келади. Меҳмонларга таъзим қиласди*). Хуш кўр-
дик!

Мұхаммадсолиҳ (*Рисолатга*). Самоварни йўқот!
Валлоҳи аълам, рўзайи қиёмат...

Меливой (*Мұхаммадсолиҳга*). Сиз рўза бўлсангиз,
биз рўза әмас. Чойни ичаверамиз. (*Дамлайди, қуяди.*)

Мұхаммадсолиҳ (*совуққина*). Ҳўш, хизмат?

Полвон ота. Икки ёш бир аҳднома тувишган әкан,
биз сиз билан бирга шуни имзолашга келдик.

Мұхаммадсолиҳ. Валлоҳи аълам, хабарим йўқ.

Меливой. Дўстимиз Тошболтанинг ўғли Тешавой
қизингиз Каромат билан кўнгил боғлашибди.

Курбон ота. Оқ гул билан қизил гул бир-бирига
қандоқ ярасса, улар ҳам шундоғ муносиб.

Меливой. Сизнинг розилигингизга келдик.

Мұхаммадсолиҳ (*бети бужмайиб гапиради*).
Қизимиз ҳали ёш, тараддудимиз ҳам йўқ...

Меливой. Бу ёғидан хотиржам бўласиз. (*Полвон
отага*) Ота, патирни ўз қўлингиз билан ушатасиз-да!

Полвон ота (*тугунни очмоқчи бўлади*). Албатта!

Мұхаммадсолиҳ (*тугунни четга тортади*). Ҳай-
ҳай, аввал тўй тадорикини сўзлашайлик. Мулла Суннатдан
ҳам совчи бор, ваъдалари улув...

Меливой (*кесиб*). Қизингиз кимни хоҳлайди?

Мұхаммадсолиҳ. Қиз ихтиёри отада!

Курбон ота. Иним Солиҳвой-еи!.. Патирни уша-
тайлик, тўй маслаҳати бўлаверади...

Мұхаммадсолиҳ (*саватга ётиб олади*). Аввалам-
бор, мен воқиф бўлай.

Полвон ота. Қани, сиздан әшитайлик бўлмаса!

Мұхаммадсолиҳ. Мулла Суннат томондан әшит-

тирилгани тўрт қўй, бир тўнажий, ўн пуд гуруч, шунча ун, сабзи-пиёз, мева-чева ҳам ҳамин қадар. Тўққиз нафар либос: бари ипаклик. Қиз ўстирганга икки минг беш юз сўлкавой...

Қурбон ота. Йўғ-е, йўғ-е!.. (*Еқасини ушлайди.*) Инсофдан эмас бу!

Меливой (тиэ цўкиб ўтириб олади). Бу мол савдоси эмас-ку, домла?!

Мұхаммадсолиҳ. Ана холос, ана холос. Дарров аччиғингиз чиқади-да.

Меливой. Икки ёш бир-бирини севибди. Қўшақариишсин.

Қурбон ота. Балли, Меливой!

Мұхаммадсолиҳ (тұлқилик қиласы). Астағфирулло!..

Қурбон ота. Патирни ушата берайми?

Мұхаммадсолиҳ. Меливой айтгандек, бу мол савдоси эмас, умр савдоси. Алалхусус, бисотимиздаги ёлғиз қиз... Истаган кишимизга берамиз.

Қурбон ота. Мулла Мамасолиҳ, биз сизни одам деб әшигингизга келдик.

Мұхаммадсолиҳ. Келган бўлсангиз, худо хайрингизни берсин, эшик очиқ, кетавераси!..

Қурбон ота. Юринглар! Эссиз одам!

Меливой. Яхши қилмадингиз, домла, ўйлаб кўринг!

Мұхаммадсолиҳ. Биздан гинадор бўлманг, Меливой, қиз боқиш осон эмас...

Улар кетади. Мұхаммадсолиҳ қорадори ютади, заҳарханда қиласы.

Рисолат. Ҳўп десангиз бўларди, ака!

Мұхаммадсолиҳ (бақиради). Ҷақир, қизингни!

Уйдан кўзлари қизарган Каромат чиқади.

Эшиттингизми, таъналарини?! Улар шунаقا зўравон одамлар!.. Пастга туш! (*Каромат ҳовлига тушади.*) Тешавойга ваъда берганмисан? (*Каромат оёқ уни билан ер чизади.*) Сендан сўраётубман, падарлаънат?!

Рисолат (*ўртага тушади*). Намунча ўшқираси? Каромат ёш болами?.. Тешавойни севади. Тешавой одобли, обрўли йигит. Нима бўпти?

Мұҳаммадсолиҳ. Юм оғзингни! (*Рисолатни жа-холат билан уриб үйқитади, Кароматға.*) Айт!

Каромат. Ҳа, ваъда берганман!..

Мұҳаммадсолиҳ (*қизининг сочини чанглаб бурайди*). Мен-чи? Отанг-чи?

Каромат. Отам мени севса, бахтимга хурсанд бўлади!

Мұҳаммадсолиҳ (*қизини муштлай бошлайди*). Мана сенга ваъда! Мана сенга баҳт!

Рисолат. Ҳой, ҳой, aka, қиз болани ўлдириб қўясиз!

Рисолат акасига ташланади, **Мұҳаммадсолиҳ** үйқилади. Эшик тақиллайди. **Рисолат** **Кароматни** суюб, уйга олиб кириб кетади.

Мұҳаммадсолиҳ. Ҳозир!.. (*Узини ўнглаб, эшикни очади*). Баҳай, мулла Суннатвой?

Суннат (*маст. Домлага пул узатади*). Домла, йигирмата юзталиқ. Кечагига қўшимча. (*Сенсирайди*.) Энди қизингни берасанми, йўқми?

Мұҳаммадсолиҳ (*ҳайрон*). Шунча пулни қаредан олдингиз?

Суннат (*маст қичқиради*). Узумини е, боғини сўрамал!..

Мұҳаммадсолиҳ. Валлоҳи аълам... Қани, бу ёққа юринг-чи!. (*Пулни айвондаги кўрпача орасига яширади, Суннатни уйга олиб кириб кетади.*)

Саломат бир тўда ёшлар билан келади. Ҳовлида у ёқ-бу ёққа аланглайди.

Саломат. Каромат, Кароматой!..

Ўйдан **Каромат** чиқади. Юз-кўзи кўкарған. Лат еган қўлинни уқалайди.

Вой, нима бўлди сенга?

Каромат. Дадам урди... (*пиқиллаб ииғлайди*.) Суннатнинг ҳаром пулига учиб, Тешавойнинг совчиларини нуруқ жўнатди...

Саломат. Суннатни милиция қидириб юрибди. Магазинга ўрнашиб олган бир оғайниси билан битишиб, аллақанча тўп духобани чайқовчига оширганмиш...

Каромат (чўчиб). Вой ўлмасам!.. Суннат дадам билан шерик...

Суннат (уйдан Мұхаммадсолиҳга осилиб чиқади). Мени савдонинг пири дейдилар! Қизингни берасанми, йўқми?

Мұхаммадсолиҳ. Валлоҳи аълам, бераман, дедим-ку!

Саломат (Суннатга). Яхши учрадингиз.

Суннат (кулади). Ҳўш, хизмат, ойимча?

Саломат. Сизни милиция қидириб юрибди.

Суннат. Нима, милиция?!

Саломат. Магазиндаги дўстингиз қамалибди. Навбат сизага!..

Суннат (туллаклик қиласи). Бу туҳмат! Менинг магазинда дўстим йўқ. Қоч дейман!.. (*Гандираклаб йиқилади.*)

Саломат. Бу кунингдан ўлганинг яхши!

Каромат (Суннатга). Үгри! Кет бу уйдан!

Мұхаммадсолиҳ. Ҳай, ҳай бетавфиқ, нима деяпсан?!..

Каромат. Дада, пулпарастлик сизнинг қонингизда. Пул деб имонни сотяпсиз. Кўп марта қамалиб чиқдингиз. Энди етади. Динфурушликни, пулпарастликни ташланг. Бошқа кексаларга ўхшаб тинчгина юринг. Мен бу бадном уйда энди қололмайман. Бу доф менинг шаънимга, дўстларим шаънига, бригадам шаънига ярашмайди!.. Ҳайр, кетдим!..

Рисолат (уйдан тугун кўтариб чиқади). Мен ҳам кетаман, ака, бағрим қонга тўлди. Ишга кираман...

Мұхаммадсолиҳ. Йўқол! Йўқол ҳамманг! (*Каромат билан Рисолат ёшлиар қуршовида чиқиб кетишади.*)

Суннат (даҳшатга тушади). Пул!.. Даюс пул!.. (*Айвон пешига ўтириб, бошини муштлайди. Кейин, ўзини домлагта ташлаб, уни бўғади.*) Қизинг қани, номард?!

Мұхаммадсолиҳ. Йўқол-еъ, валлоҳи аълам!.. (*Суннатни уйдан ҳайдаб чиқаради, эшикни занжирлайди, чўнтағидан қорадори чиқариб, хабдагини оғзиға солади, шимади.*) Асаб...

Уйига кираётганда Тошболтанинг товушини эшигади.

Тошболта. Тўхтанг, тақсир!..

Мұхаммадсолиҳ (пўнғиллайди). Дард устига чипқон!.. (*Тошболтага совуқ қараб.*) Келинг...

Тошболта. Менга ўзингизни ҳалимдай юмшоқ қилиб кўрсатманг, тақсир. Оқни оққа, қорани қорага ажратгани келдим.

Муҳаммадсолиҳ (мазах қиласи). Ёпирай, дабдурустдан-а?

Тошболта. Ҳа, дабдурустдан!.. Бизнинг совчиларни қайтарибсиз?!

Муҳаммадсолиҳ. Мол меники, валлоҳи аълам, ҳаридорини танлаб сотаман. Чидайсизми?!

Тошболта. Чидамайман! Орани очди қиласиз!

Муҳаммадсолиҳ. Ҳой, номард, менга қара! Сенинг ўғлинг бошимга битган бало бўлди. Уни деб, мулла Суннатдай хазинадан ажраб, муттаҳам бўлаёздим.

Тошболта. Тўғри, муттаҳамсан!

Муҳаммадсолиҳ. Таги паст! (*Тошболтанинг бўғидан олади.*) Қизимни йўлдан урган — сенинг ўғлинг. Отангнинг юзига оёқ қўй, деб ўргатган — сенинг ўғлинг.

Тошболта. Қўйвор дейман!

Муҳаммадсолиҳ (*Тошболтани маҳкамроқ бўғиди.*) Ҳаммасини тўла, бўлмаса, жонингга жавр қиласан!

Тошболта (*домлани калла қилиб йиқитади.*) Тўлайман-а!

Муҳаммадсолиҳ. Астағфирулло!

Тошболта (*бақиради.*) Менинг сендан қарзим йўқ! Мен сендақа суллоҳ әмасман! Мен худо йўлига холис хизмат қиляпман!

Муҳаммадсолиҳ. Мен-чи?!

Тошболта. Сен имонингни ҳам сотасан, қизингни ҳам. Сен қўй терисидаги бўрисан, мулла чопонидаги тимсоғсан!..

Муҳаммадсолиҳ. Ҳай, ҳай, имонсиз, қалима келтир!

Тошболта (*калла қиласи.*) Мана сенга қалима!

Муҳаммадсолиҳ айвонга йиқилади. Кўрпача сурилиб, пуллар сочилиб кетади.

|| **Аҳа,** имонфурушликдан гопилган ҳаром пуллар!

Муҳаммадсолиҳ. Тавба қилдим, ҳазор марта тавба қилдим..

Тошболта. Тур ўрнингдан! Қизингни ўғлимга берсанми, йўқми?!

Муҳаммадсолиҳ (*ўрнидан туриб кўкрагига туфлаб.*) Бераман, мулла Тошболта, бераман!..

Тошболта. Синглингни ўзимга берасанми?!
Муҳаммадсолиҳ. Бераман, бераман!..
Тошболта. Гап мундоқ бўпти! (*Тўнини тузатади.*)
Ўтиринг, маслаҳатни пухта қилайлик!

Иккови айвон пешига ёнма-ён ўтиради.

Муҳаммадсолиҳ. Хўш?..
Тошболта. Тўйни қачон қиласиэ?
Муҳаммадсолиҳ (*тулкилиқ қилиб*). Қачон десангиз, мулла Тошболта.
Тошболта. Бу бошқа гап.

Иккови қўл беришади, гина-кудуратни унугиб, куйлашади.

Тошболта

Мен кичкина, сиз катта,
Сўзимиз шартта-шартта.
Биздай дўст йўқ албатта,
Бахт топамиз меҳнатда.

Муҳаммадсолиҳ

Оллонинг даргоҳи кенг,
Пул топамиз масжидда,
Червоинларни тугади
Осилган латта-путта.

Иккови

Қозон ҳам мой, чўмич ҳам,
Иссиқ ионлар саватда,
Кўрайлик, ошнам, баҳам,
Енбошлаб қалаватда!
Умбала-қиданг,
Умбала-қиданг,
умбала-қиданг!..

Иккови ўйнаб бориб, айвон пешига ўтириб қолишади.

Тошболта (*ўсмоқчилаб*). Рисолат пари кўринмайдилар?

Мұҳаммадсолиҳ. Сизникига кетди шекилли..
Тош болта. А?! (Хайр-маъзурни насия қилиб күчага чопади.)

Мұҳаммадсолиҳ. Ахмоқ!
Салим ота (ҳовлиқиб киради). Домла, Суннатни ми-
лиса опкетди.

Мұҳаммадсолиҳ. А?!
Салим ота. Суннат пул сиздалигини милисага
айтди...

Мұҳаммадсолиҳ. Нима?! Менда пул йўқ! Пул
ўғлингда! Бор, жўна!

Салим ота. Ахир, домла?!
Мұҳаммадсолиҳ. Йўқол! (Ҳовлига кириб эшик-
ни орқасидан тамбалайди.)

Салим ота. Э, худо, домла жинни бўп қопти. Ўғлим-
дан қолмай-а... Болам! Суннат болам!

Салим ота кетиши билан, Мұҳаммадсолиҳ ҳовлида талваса-
ланади.

Мұҳаммадсолиҳ. Нажот! Худо, ўз паноҳингда
асра! Нажот! Нажот Меливойда! (Тўн, салласини қозик-
дан олади. Эшикни қулфлайди. Кўчага оғилади.) Нажот
Меливойда!

Саҳна айланади. Тош болтанинг ташқарн қовлиси кўринади.
Орадан бир неча кун ўтган. Қизлар айвонни безатишяпти. Уйдан
Рисолат билан Меливой чиқадилар.

Рисолат. Куйиб адo бўлдим, уста. Тошболтангиз
Лайли-Мажнун, Аршин-мол-олонлардан лоф уриб, мени
уийга олиб келди. Тузук, меҳрибон. Артелга ишга киритиб
қўйди. Аммо ўзи йўқолгани йўқолган. Бугун ҳам аzonда
кетганча, йўқ...

Меливой. Тўйни шу кунга ўзи тайинлаганмиди?
Рисолат. Ҳа. Кеча Тешавой билан Каромат ЗАГС
дан ўтиб келишганда ҳам шу ердайди. Бугун аzonда акам
келди-ю, иккови аллақаёқقا даф бўлди...

Меливой. Акангиз уйида... Эртага Суннат билан
бирга суд бўлади. Лекин маҳалла ўртага тушиб, уни ка-
филга олмоқчи. Қоровул қиласиз. Кўз остимизда бўлиши
керак. Қўпчиликнинг таъсири билан шояд тузалса. Кўча-
ларни супурганда, шояд, миясидаги эскилик сарқитларини
ҳам қўшиб супурворса!..

Рисолат. Раҳмат, уста ака!

Меливой. Мен чиқиб, Тошболтани бир қидиртириб
кўрай... Сиз ҳаракатни бўшаштирунг!
Рисолат. Раҳмат, уста ака!

Меливой чиқиб кетади.

Қандай улуг қалбли киши!.. (*Севиниб, уйга кириб кетади.*)

Тошболта қоп орқалаб келади, айвонга ўтиради. Ҳовлисини танимай ажабланади.

Тошболта. Таажжуб... Ўз уйимми, ё адашиб бошқанинг ҳовлисига кириб қолдимми?..

Уй ичидан қизлар кулгиси эшитилади. Музика майин ёйлади.

Бизнинг уйдан ҳам тўйнинг ҳиди келиб қолибди-ку!

Севиниб, кўзига ёш олади. Айвон пештоқига тутилган дорпечни кўздан кечиради.

Бизникида бунаقا матолар йўқ эди-ку?.. Ия-ҳа, бу — парининг иши... Чевар-да, чевар!.. (*Чақиради.*) Тешавой, ҳо, Тешавой!..

Уйдан Рисолат чиқади.

Ия-ҳа, ўзларими? Ассалому алайкум!

Рисолат (*таннозланиб*). Ваалайкум ассалом... Бу қандоғ бўлди, дадаси? Бизни ишга солиб қўйиб, ўзлари қаёққа қочвордилар?

Тошболта. Ана холос, гинадан қутулмадик-да... Ахир, мен сизга айтмадимми, Тешавойнинг аммаси билан холасини тўйга айтиб келаман, деб? Аммаси Тўйтепада туради, холаси Ачавотда. Холаси бир қоп олма ҳам берворди.

Рисолат. Яхши қиптилар, тўйга ярайди. Қани, сиз дарров эски тўнни ечиб, янгисини кийиб олинг! Ҳали замон келин-куёвлар ҳам келишиб қолади!

Тошболта. Ҳўп, пари, ҳўп! (*Рисолат унинг тўнини ечмоқчи бўлганда елка оша ўпади.*)

Рисолат. Вой ўлмасам!..

Рисолат қопни Тошболтага орқалатади. Кўчадан ёшлар шовқини эшитилади. Тошболта уйга кириб янги тўн, дўппи кийиб чиқади. Ёшлар куйлаб, Каромат билан Тешавойни ўраб келишади.

Е ш л а р

Чаманим — ҳусну латофат чамани,
Ватаним — бахту саодат Ватани.

Ҳаммамиз жам бўлишиб қувнагали,
Завқимизни айтгали, ўйнагали,
Кўнглимиз севганини сўйлагали,
Куйлагали, куйлагали, куйлагали!

Юраги тоза йигит соғ чалади,
Қўшилиб қанча хушовоз, чалади,
Ҳунари, санъати мумтоз чалади,
Тилаги қилгали парвоз чалади!

Кела қол, чеҳраси хандон, кела қол,
Очилиб мисли гулистон, кела қол,
Сенгадир садқайи бу жон, кела қол,
Кутади дўсту қадрдон, кела қол!

Чаманим — ҳусну латофат чамани,
Ватаним — бахту саодат Ватани!

Рисолат (*Каромат билан Тешавойни қучиб сева-ди*). Жоним тасаддуқ сизлардан!..

Тошболта (*кўзига ёш олиб, ўғли билан келини-ни дуо қиласи*). Бахтли бўлинглар!

Меливой, Полвон ота, Қурбон ота, маҳалла кексалари келишади. Ўйин-кулги авжига минади. Рисолат уйга таклиф қиласи.

Рисолат. Тўйхонага марҳамат!..

Муҳаммадсолиҳ елкаси қисиқ киради. Бошини әгиб, тўйхонадагиларга салом беради. Безатилган «масжид»ни кўриб оғзи очилади. Каромат дадасига таъзим қиласи.

Муҳаммадсолиҳ. Иқболинг баланд бўлсин, қизим! Мени афв әтинглар, яхшилар!

Тошболта. Эгилган бўйинни қилич чопмас!

Ҳамма уйга киради. Тошболта ёлғиз қолиб, айвон пешига ўтиради. Шодлигидан кўзлари ёшга тўлади. Рисолат увинг ёнига келиб ўтиради. Тошболта кўз ёшини янги тўнининг енги билан артмоқчи бўлганда Рисолат бошидаги нафис рўмолини олиб, эрининг кўзларини артади. Иккови бир-бирига кулиб термилишади.

П А Р Д А

1965 ийл.

АЖАБ САВДОЛАР

УЧ ПАРДАЛИ МУЗИКАЛИ КОМЕДИЯ

ҚАТНАШУВЧИЛАР

Л о л а. Студент, йигирма ёшда.

М а ҳ м у д. Профессор, Лоланинг дадаси, әллик ёшда.

С у н б у л. Врач, Лоланинг онаси, қирқ беш ёшда.

К а ш ш о ф. Мастер, Лоланинг акаси, йигирма беш ёшда.

Н од и р а. Студент, Лоланинг дугонаси, йигирма икки ёшда.

Қ а м б а р. Нодиранинг акаси. Кашшофнинг дўсти, йигирма беш ёшда, мастер.

П а р в о з. Асли исми Вали, йигирма олти ёшда. Ошиқ.

Х у м о р . Асли исми Салима. Парвознинг синглиси, йигирма тўрт ёшда. Маъшуқа.

О з о д а. Чевар. Парвоз билан Хуморнинг онаси, қирқ беш ёшда.

В а к и л. Қассоб. Озоданинг иккинчи әри, олтмиш беш ёшда.

Воқеа шу кунларда бўлиб ўтади.

БИРИНЧИ ПАРДА

Мевазор ҳовли. Тонг отяпти. **Маҳмуд** гуллаган дарахтлар тагидан аста ўтиб, сўри ток тагига келади, ток зангларини тарай бошлиди.

Аллақайси дарахт шоҳида булбул сайрайди. **Маҳмуд** завқланиб тинглайди, аввал тақлид әтади, кейин хиргойи қилади.

Маҳмуд

Сайра, булбул, сайра, булбул, навбаҳоримда,
Гулга тўлган, нозли кулган мевазоримда.
Сайра, жоним, яира, жоним, ҳей қадрдоним,
Сенга муштоқ барча гулбог баҳт диёrimda.

Шўх тарона ошиқона айласин парвоз,
Ўргилай, ёр, жўр бўлай, ёр, сенга торимда...

Сунбул (*айвондан тушиб келади*). Ассалому алайкум, домла.

Маҳмуд. Ваалайкум ассалом, табибам. Яхши ётиб турдиларми?

Сунбул. Ухлаёлмадим.

Маҳмуд. Йўғ-е?

Сунбул. Ҳа! Ҳар хил тушлар кўриб чиқдим.

Маҳмуд. Тушунарли.

Сунбул. Нимаси тушунарли?

Маҳмуд. Баҳор, табибам. Ёшларнинг-ку йўриги бошқа. Сиз билан бизнинг ёшимиздагиларни ҳам жинни қилади.

Сунбул. Қўйинг-е!

Маҳмуд. Мен сизни қўйиш учун олган әмасман, табибам. Қани, ўзингиз айтинг-чи, бундан чорак аср муқаддам, иккимиз биринчи марта қайси фаслда учрашувдик?

Сунбул. Баҳорда...

Маҳмуд. Ҳа, табибам, баҳорда... Комсомол кўлининг мажнун толлар сув ичиб ётган соҳилида узоқ кездик. Кейин қайиққа тушдик. Ой тўлишган, юлдузлар чақнаган оромбахш тун... Сиз оқ шоҳи кўйлакда бошингизда чаман дўппи, сочингизнинг бир толими кўкрагингизда беօғорина сирғаларди... Эсингиздами, айтган қўшиғингиз?

Сунбул

Эсимда...

Мұҳаббатга макон кўлимсан,
Нур порлаган бўстон кўлимсан,
Юлдуз тўла осмон кўлимсан,
Гўзал кўлим, достон кўлимсан.

Маҳмуд

Жоним олди нозик ҳилолинг,
Ҳаёлимдир доим висолинг,
Менга тутгил лабингда болинг,
Чаманларда танҳо гулимсан.

Иккови

Ой ботади, тонг отади шод,
Қучогига олади ҳаёт,
Ҳаёт, ҳаёт, севдим умрбод,
Сен нақадар зебо, сўлимсан!

Маҳмуд. Ана энди навбат ёшларга...

Сунбул. Домла, кеча совчиларни қайтариб юборганингиз яхши бўлмади.

Маҳмуд. Бир ишки, кўнглингга ўтиришмагандан кейин қиласлик керак. Ҳалиги совчи юборган бола... оти нимайди?

Сунбул. Парвоз.

Маҳмуд. Ҳа, Парвоз... Уша баландпарвозни бир қўрдиму феълим айниди. Сал шилқимроқ чамамда.

Сунбул. Куёвлар баъзи оталарга шунаقا, сал шилқимроқ кўринади.

Маҳмуд. Киноями, табибам?

С у н б у л. Йўқ, ҳақ гап. Бирдан-бир севимли қизингизни иссиқ бағрингиздан олиб кетмоқчи бўлган йигит...

М а ҳ м у д. Демак, табибам, мен ҳам отангизга шилқим кўринган эканман-да?

С у н б у л. Сиз, домлажон, энг севимли, энг ардоқли куёв бўлгансиз!

М а ҳ м у д. Балли, табибам! Мен ҳам куёвимнинг менга энг севимли, энг ардоқли ўғил бўлишини истайман. Чунончи ўғлимизнинг ўртоғи бор-а, мастер йигит. Қамбаржон, ана ўша бизга куёвбоп.

С у н б у л. Қизингизнинг кўнглига қарамас экансиз-да?

М а ҳ м у д. Қарайман, табибам, қарайман. Аммо одамнинг ёши эллукка боргандада унча-мунча нарсага ақли етадиган авлиё бўлиб қолар экан. Мен ҳалиги... Парвозни бир марта кўрдиму усти ялтироқ, ичи қалтироқ әмасмикан, деган шубҳага бордим.

С у н б у л. Домла, одамни бир кўрганда билиш қийин.

М а ҳ м у д. Тўғри, табибам. Шундай одамлар борки, ўн марта кўрганингда ҳам жумбоқлигича қола беради. Аммо шундайлар борки, бир мартада ичак-чавоғи кўринади-қолади. Ҳалиги... оти нимайди?

С у н б у л. Склероз бўп қопсиз, домла! Оти Парвоз...

М а ҳ м у д. Ҳа... Ӯша Парвознинг шу кунгача қаерларда парвоз қилиб юрганини ким билади? Ҳалқимизнинг ақлли одати бор: тўй қилишдан олдин қиёз ёки йигитнинг ота-онасини, уй-жойини суриштиришади.

С у н б у л. Муҳаббат...

М а ҳ м у д. Э, қизингиз нимани билади, энди йигирмага кирди!

С у н б у л (*қизишади*). Сизга турмушга чиққанимда мен ҳам йигирмада эдим!

М а ҳ м у д. Сиз, табибам, мени тўғри танлагансиз. Қизингиз бўлса...

С у н б у л (*кўзига ёш олади*). Мен сизни бунаقا бағри тош ота деб ўйламовдим...

М а ҳ м у д. Бағрим тошлиги нимада? Яхшини ёмондан, оқни қорадан ажратада билишимдами?

С у н б у л. Қизингизнинг кўнгли чил-чил синди.

М а ҳ м у д. Синган бўлса, ямайсиз, табибам! Докторсиз! Медицина фанлари кандидати, хизмат кўрсатган врач! Яхшиси, анави садоқатли қушнинг хонишига қулоқ солинг! (*Булбул сайрайди.*) Орзум шуки, куёвимиз қарға бўлмасин, булбул бўлсин... Энг муҳими, шошмаслик ке-

рак. Уғлымиз ҳам бугун-эрта Қизилқумдан келиб қолади.
Ҳалиги.. Парвоз билан кўришсин, танишсин. Қуш тилини қуш билади. Шундай әмасми? Юринг, табибам, нонушта қиласлий.

Әрхотин уйга кириб кстадилар. Бир оздан кейин айвонда Лола пайдо бўлади. Уғамгин, паришон. Айвон устунига суяниб ўйга толади.

Лола

Ҳеч қанча замон ўтмади-ю, мен зор соғиндим,
Сенсиз юрагим парчаланиб абор, соғиндим.

Ёнимда севиб билмас эдим севги ғанимат,
Кундуз эзилиб, тунлари бедор, соғиндим.

Ой тутилиб, гўёки жаҳон менга қоронғи,
Сен кетдингу бўлди уйим тор, соғиндим.

Шубҳа нима-ю, рашқ нимадир, ўйламаганман,
Кўнглимда илон ўрмалади, ёр, соғиндим.

Тезроқ кела қол, биргина он йилларга баробар,
Ҳамхона бўлиб қолди фақат озор, соғиндим.

Ҳижронзадалик жонимни әзиб ташлади, эвоҳ,
Ҳеч қанча замон ўтмади-ю, мен зор соғиндим...

Куйнинг ярмида ҳовлига ҳовлиқиб кирган Нодира Лоланинг аҳволини кўриб тўхтайди, дараҳт орқасига яшириниб, ҳаяжонини босади, қулоқ солади.

Лола. Кетаман бу уйдан! Парвоз билан қочаман. Севганимдан жудо бўлганимдан кўра, у билан қовушиб дашт-саҳроларга чиқиб кетганим минг марта яхши! Оҳ, Парвоз! Мени «Лолита!», «Лолита!» деб әркалаган ширин тилингга жоним фидо!

Нодира (дараҳт панасидан чиқиб келади, ўзини бошига ҳаракат қиласди). Салом, Лола.

Лола. Салом, Нодира. Нега саҳарлаб келдинг, тинчликми?

Нодира. Қовоқларинг шишиб кетибди?

Лола. Аzonгача кўз юмганим йўқ. Дунё кўзимга қоронғи. Қачон севги йўлидаги ғовлар йўқолади-ю: биз, эркин қизлар, танлаган йигитимизга бемалол турмушга чи-

қамиз! Ҳайронман; дадам профессор, аям врач — тушунгани одамлар бўлсалару, Парвоздай танти йигитнинг совчиларини қайтариб юборсалар! Бу қандай нодонлик! Бу қандай зулм! Бу кунимдан ўлганим яхши!

Лола айвондан тушиб келиб, Нодирани қучоқлайди, пиқ-пиқ инглайди.

Нодира. Ҳа, сенга қийин...

Лола. Бунча юрагинг кенг! Ёрилсанг-чи! Азонлаб нега келдинг? Еки, Парвоз...

Нодира. Ўзингни бос! Қара, гуллар чунонам очи-либдик! Лола! Акамдан хат олдим. Сенга ҳам хат ёзган экан. Олдингми?

Лола. Олдим. Раҳмат. Лекин Қамбар мени кутмасин. Тақдирим ҳал бўлган. Парвозни танладим.

Нодира (маъюс). Бечора Қамбар... Лола!

Лола. Нима дейсан?

Нодира. Сен Парвоз билан қачон танишувдинг?

Лола. Бир ҳафта бўлди.

Нодира. Севасанми?

Лола. Жонимдан ортиқ!

Нодира. У ҳам севадими?

Лола. Оҳ, унинг ширин сўзлари, чўғдай қора кўзлари!

Нодира. Қаерда учрашувдинглар?

Лола. Аввал фонтан ёнида, кейин шу ерда...

Нодира. Шу ерда?

Лола. Ҳа... Ҳудди шу ерда...

Чироқ ўчиб ёнади. Ҳовлида гуллаб ётган олма тагидаги стол ёнида
Лола дарс тайёрлаб ўтирибди.

Лола (китобдан бошини кўтаради). Эсимда ҳеч нарса қолмаяпти. Эҳ, Парвоз, Парвоз! Ҳаёлимни ўғирладинг-қўйдинг. У оқшом... фонтан қайнарди, юрагим ўйнарди қаршингда... Нималар дединг ўшанда менга? Ҳа: «Муҳаббат камдан-кам кишиларга насиб бўладиган нодир туйғу...» «Бошқалар тупроқ ялаб ўтиб кета берадилар, фақат биз, чин ошиқ-маъшуқлар ҳаёт лаззатига тушумиз...», «Севаман, севаман, севаман!»— дединг... Оҳ, билсайдинг, ўша ширин сўзларингга, ёниқ кўзларингга нақадар муштоқлигимни!

Ҳаёлимни олган ёр, келгил,
Қилмай ортиқ интизор, келгил.

Софинади дилим, гулларим,
Қўлдан кетди ихтиёр, келгил.

На чаманинг зиёси қолди,
На китобнинг маъноси қолди,
Фақат ишқнинг савдоси қолди,
Сенсиз кўнглим bemador, келгил.

Кундуз тунга айланган чоғи,
Завқ бермайди навбаҳор бори,
Порла, порла, севгим чароги,
Дунё бўлсин шуъладор, келгил!

Эшик аста очилиб, ясанган-тусанган **Хумор** бош суқади.

Хумор. Лоланинг уйлари шуми?

Лола. Ҳа.

Хумор (товушини пасайтириб, мугамбирана). Лола сизмисиз?

Лола. Ҳа.

Хумор. Мен Парвознинг синглиси **Хуморман**.

Лола (санчиб ўрнидан туради). Парвоз! Ўзи қани?

Хумор (синашта). Парвоз келсинми?

Лола (ўпкаланаб). У келмайди. Уялади... Номуслийигит!

Хумор (уйни, ҳовлини, гаражни кўздан кечираади). Жойида... (Лолага.) Елғизмисиз?

Лола. Вой ўлмасам! Сизни таклиф ҳам қилмабман! Келинг, **Хумор опа!** (Бош өтиб таъзим қилади.)

Хумор (Лоланинг елкасига қоқади). Эсонмисиз, омонмисиз, өсон-омон юрибсизми? Парвоз жинни бўп қопти, тилидан «Лолита» тушмайди: «Лолита! Лолита! Лолита!» (Лолага бошдан-оёқ разм солади.) Айтганича бор экансиз, жонидан!

Лола (уялиб, ерга қараайди). Утилинг...

Хумор. Мерси, Лоличка! Бу кошонага ҳали кўп келамиш. Парвоз машинада кутяпти, айтворай, қаршимасмисиз? (Лолага қаттиқ тикилади.) Сукут — аломати ризо. Ҳайр, жонидан, мен кетдим.

Хумор чопиб чиқиб кетади. Лола туш кўриб уйғонган кишидай, кўйларини ишқалайди, ҳовлиқади, бир айвонга чиқади, бир ҳовлига тушади, стол устини йиғиштиради, тоқатсизланиб кўчага қулоқ солади.

Парвоз

(кўчада)

Софингдим, дилбарим, бир марта кўрмакка ижозат бер,
Ёнингда соядек ҳар лаҳза юрмакка ижозат бер!
Қаён мен бормайин, ўю хаёлим биргина сенсан,
Тополсам изларинг, кўзимга сурмакка ижозат бер!

Муродим — хизматинг, фармонларинг ижро этиш доим,
Имо қилсанг кифоя, тез югурмакка ижозат бер!

Муҳаббат бошлади, келдим, кирага журъатим йўқдир,
Ўлиб остоинани, боғингга кирмакка ижозат бер!

(Киради).

Келганимга хафа әмасмисиз, Лолитам?

Лола. Келинг... Хуш кўрдик!

Парвоз. Ташаккур, Лолитам! (Лолани бағрига босиб, кўзларидан ўпади.) Мен хонадонингиз билан астойдил танишишга келдим. Адалари, аялари, акалари...

Лола. Ҳаммалари ишда. Ўтиринг.

Парвоз. Сиз турган жойда мен қандай ўтирай? (Ҳовлини кўздан кечирали.) Вой-вў, ҳамма ёқ гул. Неча сотих?

Лола (ҳайрон). Нима?

Парвоз. Ҳовли. (Ҳовлининг бўйи, әнини қадамлаб ўлчайди.) Беш юз квадрат метр. Кам. Ҳа, профессор Маҳмуд Носиров оиласига кам. (Уй-айвонни томоша қилиди.) Саккизта хона бўлса керак-а?

Лола. Тўртта.

Парвоз. Э, афсус... Енига қуриш керак. Дадангизга айтинг, мана бу томонига яна иккита хона, катта зал қурсинлар. «Вол» бўлади! Аммо, бу ёғи жойида! (Гаражнинг эшигини очади, «Волга» машинасини кўздан кечирали.) Қойил! Ранги ҳам беш: «Ойдин кечा»... Дадангиз буни севимли куёвларига атаб олиб қўйган бўлсалар керак-а, Лолитам?

Лола. Акам...

Парвоз. Нима? Акангиз Қизилқумда катта инженер — газ қувурлари ётқизяпти. Унга машина олиш чўт әмас. Дадангизга айтинг, жонгинам, бу қўғирчоқни тўйин-

мизгача гараждан чиқармасинлар — уриниб қолади (*Лолитаниң маңыс тортғаннини күриб.*) Тағин күнглингиәга олманг, Лолитам, шундай айтдим-күйдим-да. Ҳовироги түйларда қайнаталар күёвларининг кўрманасига машина миндиришияпти.

Л о л а. Машина топиладиган нарса.

П а р в о з. Браво! (*Стулга ўтириб, оёқларини чалиштиради.*) Бир ҳисобда, сизни ёлғиз кўрганим яхши бўлди. Гаплашиб олишимиз керак. Ота-оналар фақат фотиҳа беришади. Биз яшаймиз! Янги замон, янгича муносабатлар... Мен, Лолитам, истиқболимизни шундай тасаввур қиласман: уй уч хоналик бўлсин: ишхона, меҳмонхона ва... ётоқхона. Ҳаммасига хорижий тўқ қизил мебеллар қўйилмоғи лозим. Аммо ванна билан ошхонада ҳамма жиҳоз оппоқ, оппоқ, оппоқ... Ҳовлига мева эқмаймиз — бозорда тўлиб ётипти Сарвлар, арчалар, кактуслар, лилиялар... Ҳовли ўртасида — мармар фонтан. Сув — бўйнини қўкка чўзган лайлакнинг тумшуғидан отилади... Нима дейсиз, Лолитам?

Л о л а. Гўзал...

П а р в о з. Гаражда — «Ойдин кечаш...»

Л о л а (*қўлларини қовуштириб тик турғанча қулоқ солади*). Давом этинг!

П а р в о з. Одам дунёга бир марта келади. Тўйиб яшамоқ керак. Дурлар, маржонлар ипга қандай тизилса, қайфу сафолар ҳам ҳаёт ипига шундай тизилмоғи даркор. Ғам, ташвиш, заҳмат, етишмовчилик одамни тез қаритади. Мен, Лолитам, сизнинг умрбод ёш бўлишингизни, кўзларингиз тонг юлдузидай чақнашини, антиқа таомлар еб, анвойи лиbosлар кийишингизни истайман. Нодонлар ҳали ҳам нейлон, жерси, болонъя кийиб юришибди. Қулгим қистайди. Терелон, перелон, серелон — мана фасон, мана мода!

Л о л а (*шубҳаланиб*). Сиз буларни қаёқдан биласиз?

П а р в о з. Мен ишлаётган бошқармада шунаقا жононлар борки...

Л о л а. Бошқармада ишлайсизми?

П а р в о з. Ҳа, Лолитам! Тўғри, на бошлиқман, на ўринбосар! Ёрдамчи! Биласизми, ёрдамчи ким? Ҳамма ишни ёрдамчи қиласди-ю, жавобгар бўлмайди. Келган одамни бошлиқнинг олдига истасам киритаман, истамасам киритмайман. Истасам кулиб боқаман, истамасам қовоғими ни соламан. Эртадан кечгача телефонлар жиринг-жиринг. Оқ телефон, қора телефон, кўк телефон, қизил телефон...

Саккизта телефон! Истасам оламан, истамасам олмайман.
Истасам бошлиққа улайман, истамасам уламайман. **Ха,**
қа, Лолитам, бошқармадаги иш менинг кайфиятимга қа-
раб, ё юришади, ё тұхтаб қолади. Секретарлар, бўлимлар
... ҳаммаси менинг қовогимга қарашади. Оёқ учида кириб,
салом беришади, маслаҳат сўрашади. Мен бўлсам, креслога
суялганча ўтириб ўйлайман, ўйлайман, ўйлайман... Сизни,
Лолитам, фақат сизни ўйлайман. (*Ўрнидан сапчиб туриб*
Лоланинг олдига келади, унинг қўлларини олади.) Тўйи-
мизни ўйлайман... Карнай-сурнайларнинг кераги йўқ. Да-
лангизга айтинг, эскилика мук тушиб, ҳофизларни таклиф
қилмасинлар. Джаз-оркестр, модний ашулачи чақирамиз.
Ресторанда танишим бор — Жорж. Микрофонни ўпид ту-
риб айтади. Биласизми, мана бундай. (*Бўғиқ товуш би-
лан хиргойи қилиб, Лолани рақсга тортади.*)

Ойдин тунлар, ойдин тунлар,
Юлдузлар имлар.
Майнин унлар, нозик унлар.
Ошиқлар тинглар.
Шаҳло кўзлар, ширин сўзлар,
Тотли ўпишлар.
Майсаларда сирли излар,
Севиб қучишлар.
Ой ботмасин, тонг отмасин,
Кичқирма, хўроэ.
Бағримга кел, дам ўтмасин,
Жоним, илтимос.

Л о л а. Рақсга уста әкансиэ.
П а р в о з. Фақат сиз билан, Лолитам!
Л о л а. Қайдам...

П а р в о з. Беқиёс ҳусн-жамолингиз ҳақи, онт ичаман-
ки, шу ёшга кириб бирорта қизнинг қўлини ушламаганман.
Кўнглим тиниқ чашма сувидай пок. Тўғри, не-не онаси ўп-
маган қизлар орқамдан әргашиб юришади. Машинам жи-
лиши билан орқамдан гулдаста силкиб қолтан оқ-сариқ, қо-
ра-мағиз, минг хил турланган жонопларни кўраман. Парво-
қилмайман, чунки уларга юрагим муз. Фақат сизга, Лоли-
там, қалбим тўла олов.

Л о л а. Ишонсам бўладими?
П а р в о з. Онт ичаман...
Л о л а. Керакмас!

Парвоз. Аммо сиз... сиз севасизми?
Лола. Севги... мен учун әнг муқаддас туйғу!

Айтинг, гуллар, муҳаббатимни,
Ерга вафо, садоқатимни,
Умидларим, орзуларимни,
Мақсадларим, жасоратимни!

Айтинг, гуллар!
Ойдин йўллар, бошланг иқболга,
Бошланг әзгу нур, истиқболга,
Ойдин йўллар, чароғон йўллар,
Омон етай баҳту камолга!

Ойдин йўллар!..

Парвоз. Лолитам! Эртага уйингизга совчилар келишади.

Лола. Мунча тез!..

Парвоз. Ишни қил иссиғида, темирни бос қизигида... Дадангиз билан аянгизни ўзингиз кўндирасиз-а?

Лола. Ҳа.

Парвоз. Демак, тўй бўлади.

Лола. Ҳа! Ҳа-Ҳа!

Парвоз. Браво! (*Тақлидан.*) Тўйлар муборак, эй ხоним!.. (*Иккови қўл ушилашиб ўйинга тушиб кетишади.*)

Жамолингга жоним фидо, ёр-ёр,
Бир кўрдиму бўлдим шайдо, ёр-ёр.
Дўстлар кулсин, ёвлар куйсин, ёр-ёр,
Биз сурайлик кайфу сафо, ёр-ёр!

Лола

Сен ёр бўлсанг, содиқ ёр бўл, ёр-ёр,
Севганингга вафодор бўл, ёр-ёр,
Муродига мард етади, ёр-ёр,
Баҳт йўлида фидокор бўл, ёр-ёр!

Иккови

Севган яхши, севишайлик, ёр-ёр,
Аҳду паймон қилишайлик, ёр-ёр,
Тўй-тўйлашиб, куй-куйлашиб, ёр-ёр,
Чимилдиқда қовушайлик, ёр-ёр!

Булар ўйнаётган вақтда Маҳмуд билан Сунбул ҳовлига кирадилар, ҳанг-манг бўлиб кузатадилар.

Лола (кўриб қолади). Вой!.. (*Юзини қўллари билан яширади.*)

Парвоз (қўл қовуштиради). Салому алайкум.

Маҳмуд. Баалайк?!.. (*Лолага.*) Ҳа, қизим, тинчликми?!

Лола. Бу киши Парвоз... танишинглар! (*Чопганча ўйга кириб кетади.*)

Маҳмуд. Парвоз... Қани, ўтиринг. (*Сунбулга имё қилади, у Лоланинг олдига кириб кетади.*)

Парвоз. Раҳмат, профессор. (*Муллаваччалардай, одоб билан тик туради. Маҳмуд ўтиргандан кейингина ўтиради.*) Ўзингиздан қолар гап йўқ, профессор, севги камдан-кам кишиларга насиб бўладирган нодир туйғу...

Маҳмуд. Албатта, албатта... (*Қалтираган бармоқларини қовуштиради.*) Ҳўш?

Парвоз. Лолита билан биз бир-биримизни севишдик. Энди, профессор, бу ёғи шахсан сизга қараб қолди.

Маҳмуд. Ҳа-ҳа... Нозик масала...

Парвоз. Шубҳасиз, профессор, масала нозик.

Маҳмуд. Кўпдан бери... ҳалигидай... учрашиб турасизларми?

Парвоз. Ҳа. Бир ҳафтадан бери.

Маҳмуд. Ў-хў?!

Парвоз (беихтиёр оёқларини чалишитиради). Навоий театрининг гўзал майдонида... Фонтан бўйида... Юлдузлар чақнаган сўлим оқшом... Биласизми, профессор, қалб — орзулар булоғи... Бир шоир, әсимда йўқ: нечанчи аср ва фамилияси нима, айтган экан:

Ишқ дардининг давоси тўйдир,
Оиланинг асоси тўйдир.

Маҳмуд. Менинг әсимда: йигирманчи аср шоири Парвоз айтган.

Парвоз (қийқириб кулади). Сизга тараф йўқ, профессор!

Маҳмуд. Ҳўш, мақсадга ўтайлик.

Парвоз. Эртага совчилао келади.

Маҳмуд. Дабдурустдан-а?

Парвоз. Профессор, пишган ошни сузмоқ керак, таги қирмоқ олмасин.

Маҳмуд (тириштаган пешаварини ээғилайди). Таажжуб... Томдан тараша тушгандаи... Ахир, бу умр савдоси... Ҳай... (Ўзини босиб олади.) Аввал ўзларини бир танитсалар!

Парвоз (жавоб беришдан қочиб, ўрнидан туради, қўл қовуштиради). Справкани Лолитадан оласиз. Энди, профессор, менга жавоб. Бошқармада кутишяпти. (Чопиб чиқиб кетади.)

Маҳмуд. Ҳой, тўхтанг! Ҳой, қайтинг! (Эшикка боради, лекин Парвозга ета олмай, орқасига қайтади, стулга ўтириб, бошини ҳовучлайди.) Ажаб савдолар!..

Чироқ ўчиб ёнади. Ҳовлида Лола билан Нодира.

Нодира. Совчилар кеча келишдими?

Лола. Ҳа, кеча келишди. (Инглайди.) Умидим, бахтим парчаланди.

Нодира. Совчилар кимлар экан?

Лола. Савлатли, фасон кишилар. Қора «Волга»да келишди.

Нодира. Қизиқ...

Лола (тутақади). Сенга қизиқ! Менга ўлим! Е ўзимни ўлдираман, ё у билан қочаман!

Нодира. Лола! Азиз дугонам! Дунёда шундай ишлар бўладики, уларга ҳали сен билан менинг ақлимиз етмайди. Сендан илтимосим шуки, ўзингни ўлдиришни ҳам, у билан қочишини ҳам бошингдан чиқариб ташла. Агар шунга кўнсанг, мен бахтингнинг, ҳа, дугонажон, чинакам бахтингнинг очилишига йўл топиб бераман.

Лола (ишонинқирамай). Қандай қилиб?

Нодира. Бу ёғини менга қўй. Ҳўш, сўз берасанми?

Лола (кўз ёши аралаш жилмаяди). Майли...

Нодира

Яхши қол, дугонажон,
Сўзи бол, дугонажон,
Ўзингни, дугонажон,
Қўлга ол, дугонажон!
Ҳаёт ўйинчоқ әмас,
Ҳар бир тош мунчоқ әмас,
Қадрингни бил, қақажон,
Қизлар қўғирчоқ әмас!

Л о л а

Дил муштоқ, дугонажон,
Тоқат тоқ, дугонажон,
Бир соат бир йил менга,
Кел тезроқ, дугонажон!

И к к о в и

Дугона, дугонажон,
Парвона, дугонажон,
Бахтимизга етамиз
Мардона, дугонажон!

Нодира кетади. Лола стоддан китоб олиб, паришон бир аҳволда варақлайди. Кўча әшиги аста очилиб, Ҳумор ҳовлиқиб кириб келади.

Ҳумор. Лоличка! Шўримиз қуриб қолди! Парвоз ўзини отиб қўйди!

Лола. Нима?! Дод!!!

Китоб қўлидан тушади, ҳушидан кетиб йиқилади. Ҳумор ҳовлидан чиқиб кетади. Лоланинг додини эшитган Маҳмуд билан Сунбул айвонда пайдо бўладилар.

Сунбул. Вой ўлмасам. Қизингизга нима бўлди?

Маҳмуд (айвондан ҳовлига сакраб тушади, Лолани бағрига олади). Лолажон! Оппоқ қизим! Сенга нима бўлди? Кўзингни оч!

Сунбул (Лоланинг томирини ушлайди, дори ҳидлатади). Кўрқсан. Қаранг-чи, домлажон, ҳовлига ит-пит кирмаганми?

Маҳмуд. Йўғ-е... (У ёқ-бу ёққа аланглайди.) Ҳеч нарса кўринмайди. Нима фалокат содир бўлди экан-а?

Лола (кўзини очади. Ожиғина инграйди). Ана... Мақсадингизга етдингизлар... Мени ҳам қўшиб кўминглар...

Маҳмуд (Сунбулга). Нима деб алжираяпти?

Сунбул. Жим туринг!.. (Лолага укол қиласди.)

Лола. Ўзини отибди...

Маҳмуд. Ким? Ким ўзини отади?

Лола. Парвоз...

Маҳмуд. Ким айтди буни сенга?

Л о л а (ўэига келиб, ўрнидан туради). Ҳумор. Унинг синглиси.

Маҳмуд Ҳумор? Қани у Ҳумор? Туш кўргансан, қизим. Одам қўрққандга тушига ҳар нарсалар киради.

Л о л а (кўчага интилади). Мен ҳозир бориб уни топман. Балки, жон беряётгандир. Балки, кўзлари йўлимга тўрт бўлиб ётгандир.

Маҳмуд (Лоланинг ўйлини тўсади). Бормайсан!

Л о л а. Қўйворинг, дада! Бораман дедим, бораман!

Маҳмуд. Ёпирай! Ёпирай! (Сунбулга.) Табибам, қинингиз билан ўзингиз гаплашинг!

Сунбул. Лола! Парвознинг уйини биласанми?

Л о л а. Топаман!

Сунбул. Ишхонасини-чи? Телефонини-чи?

Л о л а. Топаман!

Маҳмуд. Ҳаммасини билади бу қизинг! Фақат сен билан биз билмаймиз, холос.

Л о л а кўчага чопиб чиқиб кетади. Маҳмуд юрагини чангллаганча беҳушланади. Сунбул әрини суюб стулга ўтқизади. Бошини силайди.

Сунбул. Эҳ, домлажон, домлажон! Ёшларнинг раъйнга қарамаган кексаларнинг аҳволи шу.

Маҳмуд озиғина бош чайқайди.

ПАРДА

ИККИНЧИ ПАРДА

Мўъжазгина айвон. Ўнг ва чапдаги хоналарга кирадиган эшиклар ёпиқ. Айвон олди — ҳовли саҳни тап-тақир; на дараҳт бор, на гул. Елгиз водопровод кранни қаққайиб турибди. Айвонда ёскигина шкаф; токчаларда чиннилар, китоблар тартибсиз столда — мода журнallари. Озода айвонда машина тикиб ўтирибди. Угоҳ журнالга қарайди, гоҳ чок тикиди, гоҳ кўча эшигига олазарак тикилади.

Озода. Уҳ, сиқилиб кетяпман. Хумор ҳам кела қолмади. (Ўйлайди.) Сассиқ чолнинг пулига учиб тегдиму панд едим. Гўрсўхтанинг бир оёғи гўрда десам, мендақа нозаниндан ўнтасини қаритиб чуритади ер юткур! Деви Аҳраманинг худди ўзгинаси, соқолинг тўкилгур! Нуқул жигар қовуриб ейди, илик ютади. Уйланмаган йигитдай пишқиради яшшамагур! Отмиш беш ёшда-я! Уҳ, силлам қуриди...

Кўча эшиги орқасида ҳаракат сезилади. Озода ишини йигиштириб шкафга тиқади. Ҳовлига тушиб, эшик тирқишидан мўралайди.

Ҳеч ким йўқ.. Молия инспектори ўлгур на қистирганингни олади, на тинч қўяди. Солиг тўлашим шартмиш. Тўлатиб бўпсан! (Чапдаги уй деразасига яқинлашади, қулоқ солади.) Пешин бўлди, ҳали ҳам ухлайди. (Дераза ойнасини чертади.) Парвоз! Парвозжон! Турсанг-чи! Тур, тойчоқ! (Айвонга чиқиб, шкафдан ишини олади, машина ёнига ўтиради.) Бир ташвиш келмасин, келса, қўшалоқ келади. Совчиларини қайтаришгани етмагандай, ишидан ҳам ҳайдашди. Э, худойим-ей, уйлана қолса иши юришиб кетармиди... Энди бутун умидим Хумордан. Ишни қизим дўн-

диради! (*Иши бир четда қолиб, пардоэга тушади; оёқ машина устига кўзигу қўйиб, киприклариға сурма тортади, юзига упа суртади, лабига бўёқ суради.*) Чолим келсин, ўлгудай ялинтираман, ҳамёни очмасин-чи!

Чолгинамни эъзоз билан кутаман,
Минг таманно, минг ноз билан кутаман,
Оёғимга йиқилмаса ҳисобмас,
Кўзи тинсин, пардоэ билан кутаман.

Карашмага қул бўлади имони,
Етармикан менга чидам, дармони,
Агар бу гал очилмаса ҳамёни,
Дод соламан, уввос билан кутаман.

Эшик беш марта тиқиллайди. Озода қулоқ солиб санайди.

Хумор! (*Чопиб бориб эшикни очади. Ясан-тусан Хумор ҳовлига киради.*)

Олчими?

Х у м о р . Олчи! Лола ҳовлисида бир ўзи дарс тайёрлаб ўтирган экан. «Парвоз ўзини отиб қўйди», дейишим билан дод солди-ю, ҳушидан кетди.

О з о д а . Боплабсан! Ана энди ота-онасининг ялинишини қўрасан! Ҳа! Ялинтирамиз! Улар менинг совунимга ҳали кирини ювиб кўрмаган! Тўйни ўзлари тезлаштиради! Энди биз галга соламиз!

Х у м о р . Парвоз уйдами?

О з о д а . Кечаси маст бўлиб келганча хуррак отиб ётипти.

Х у м о р . Мен бошини бинтлаб қўяй, тағин...

О з о д а . Бинтла! Қаттиқроқ бинтла! (*Хумор уйга кириб кетади.*) Энди биз совчи юбормаймиз, улар совчи юборади. Қизини икки қўлида опкелиб топширади. Парвозга ҳовли оберади, машина миндиради, катта ишга қўйди. Ана ўшанда мен ҳам сассиқ чолимнинг жавобини бераман, ўғлимнинг давлатида маза қилиб яшайман.

Х у м о р (*уйдан чиқади*). Турди. Соқолини оляпти.

О з о д а . Бошини боғладингми?

Х у м о р . Боғладим.

О з о д а . Лола қалай? Нодирадан чиройлироқми?

Х у м о р . Ўлса ўлиги ортиқ. Ёши йигирмада. Хипча бел. Қош-кўзи попукдай. Юзи сутга чайиб олгандай оппоқ.

О з о д а. Кийиниши қанақа? Фасонми?

Х у м о р. Қўйлаги одмигина.

О з о д а. Ҳа, ўзимиз кейин фасон қилиб оламиз... Уйи-
га кирдингми? Молини кўрдингми?

Х у м о р. Йўқ.

О з о д а. Кирмайсанми! Сепини мундог чўтга солмай-
санми! Дадаси бой бўлса керак-а?

Х у м о р. Профессор.

(Эшик турсиллади.) Чолим келди. Қўпол бўлмай ўл!
(Хуморга.) Парвознинг олдига кириб тур.

Х у м о р уйга кириб кетади. О з о д а ўзига оро беради. Эшикни
очади.

В а к и л (ҳовлига киради. Озодага халта беради). Би-
қин гўшти билан оқ шолғом. Тушликка қайнат!

О з о д а. Қўйни сўйиб сотдингиэмси?

В а к и л. Ҳа.

О з о д а. Қанча фойда қилдингиз?

В а к и л. Э, фойда қаёқда, Пашмак! Магазин тўла
гўшт.

О з о д а. Отим Озода.

В а к и л. Бошқаларга Озода, манга Пашмак. Фойдага
қўлингдаги биқин қолди.

О з о д а. Ҳо-о! (Вакилга яқин келиб, хумор тикилади.)
Териси-чи? Калла-почаси-чи? Муғамбир!

В а к и л. Ия-ҳа, бугун ноз-карашма бўлакча?

О з о д а (тантигланади). Ҳа, ёқмайдими?

В а к и л. Оббо, Пашмаг-еў! (Озоданинг иягини силай-
ди.) Шўрвани қайнат, қолган гап кейин бўлади.

О з о д а (халтани ерга қўяди, Вакилнинг бўйнидан қу-
иоқлаб, соқолини силаб ўпади.) Кейин эмас, ҳозир!

В а к и л. Ҳозир бўлса ҳозир. Йўтал, нима гап?

О з о д а (суюлади). Мени яхши кўрасизми?

В а к и л. Вой, Пашмаг-еў! (Озодани қаттиқ қучоқлаб
ўпади.)

О з о д а. Секинроқ! Соқолингиз чағир тиканакдай бот-
май тўкилсин! (Вакилни итаради.) Айиққа ўхшайсиз-а!

Иккови ўйинга тушиб айтади.

Вакил

Айиқ дема, арслонман,
Мен Рустами давронман.
Майдонда соврун олган,
От йиқитган полвонман.

Озода

Соқоли халта чолим,
Сенга қурбон жамолим,
Ҳам қувватим, ҳам молим,
Бир нарсага ҳайронман.

Вакил

Сўзла, сўзла, Пашмакжон,
Нимага бўлдинг ҳайрон?
Етса — мол, етмаса — жон,
Мен толиби фармонман.

Озода

Бас қил энди эртакни,
Чўнтакни оч, чўнтакни,
Ростламагил жуфтакни,
Қочиб бўпсан, посбонман.

Вакил

Қочмайман, ой жамолим!

Озода

Соқоли халта чолим!

Вакил

Айиқ дема, арслонман!

Озода

Бир нарсага ҳайронман..

Вакил (*Озоданинг билакларидан маҳкам ушлайди*),
Пашмак! Пашмакхон!

О зод а. Қўйворинг! Елим бўлманг, бағри тош!..
Вакил. Лаббай?

О зод а. Үғлимиз уйланмоқчи... Сиз бўлсангиҳ... (кўзига ясама ёш олади). Қачон оталик қиласиз?

Вакил. Ўғил уйлантириш — ҳам қарз, ҳам фарз. Нима хизмат бўлса, биз тайёр.

О зод а (айвонга чиқади, шкаф очади, турли-туман матоларни айвон олдига тап-тап ташлайди). Келиннинг кўйлакликлари. Пальто, костюм, туфли, ич кийимларини алоҳида оласиз.

Вакил (материалларни бир-бир кўздан кечиради). Жуда соз. Келин бола ким?

О зод а. Профессорнинг қизи!

Вакил. Үҳў, Валибой катта дорга осилибди-ку!

О зод а. Вали әмас, Парвоз!

Вакил. Ҳўп-ҳўп, Парвоз. Салима қани?

О зод а. Салима әмас, Хумор.

Вакил. Хумор... Бай-бай! Заб отларни топасан-да, Пашмак!

О зод а. Минг марта айтдим: Пашмак әмас, Озода!

Вакил. Ҳўп, ҳўп. Совчи юборайлик, бўлмаса.

О зод а. Парвоз ўзи гаплашган, қиз кўнган.

Вакил. Ота-онаси-чи?

О зод а. Ҳозирги одат шу: ота-онасини қизнинг ўзи кўндиради.

Вакил. Йўғ-e! (Соқолини тутамлаб, ўйга чўмади.) Бўлгуси қудаларимиз билан танишайлик, борди-келди қиласлик. Тўй тадорикини кейин кўрамиз.

О зод а. Кейин эмиш... Буларни нимамга, битимга оламами?

Вакил. Ундей дема, Пашмак! Шириллатиб машина тикиб турибсан. Топишинг мендан кам әмас: казо-казо хонимлар қовургаси синмаган червонларни санаб беришади.

О зод а. Ия, манов чолни қаранг! Ҳозир қассобларнинг бозори чаққон, туёғидан калласигача палон пул. Мени лақиллатманг. Канкret айтинг: бу молларни олиб берасизми, йўқми?

Вакил. Олиб бераман.

О зод а. Чўзинг!

Вакил. Лаббай?

О зод а. Мулла жирингни чўзинг!

Вакил. Ҳўп. Эгаларига айт, келишсин. Ўзим савдо дашиб оламан.

О зод а. Нима, нима? «Ўзим савдолашиб оламан?»
Менга ишонмайсизми?

Вакил. Гўлсан, Пашмак! Бирни ўнга сотишади.

О зод а. Ҳо, мижозларимни сизга кўрсатиб бўпман!
Ҳар бири бир малак... Ҳа, муғомбир, биламан мақсадингизни!
Чолгинам! (Вакилнинг ияк-бўйини силайди.) Йигитим!
Паҳлавоним! Ростини айтинг, ҳанча пулингиз бор?

Вакил. Унча-мунча бор, Пашмакка етади.

О зод а. Боринге! (Силтанади, ер тепади.) Бошқа менга яқинлашманг. Ора очиқ. Тағин бу одамдан: болаларимга ота бўлади, тўйларига бош бўлади, деб умид қилиб юрибман. Ҳалиям машиначилигимдан қолмай.

Вакил (бепарво). Қани, қозонни освор!

О зод а. Нима, нима? «Қозонни освор!» Буйруқ қилганига ўлайми!

Вакил. Гап шу, Пашмак: мен эр, сен хотин. Никоҳимга кираётиб қанақа режалар тузганинг менга қоронги. Меҳнат қилиб рўзгорингни тебратиб турибман. Болаларинг — болаларим. Икки ёрти бир бутун бўлиб, тўйларини юрт қатори ўтказамиш. Ҳа, Пашмак, қочган номард. Аммо найрангбозликни ташла. (Кийимликларни кўрсатади.) Бу матоларнинг эгалари бор, тикиб топшири. Гап тамом. Сен қозонга унна, мен Валибой билан бир суҳбатлашай.

О зод а. Валибой эмас, Парвоз.

Вакил. Бор ўчоқбошингга, ғашимга тегма!

О зод а (ҳайрон). Нега менга дўқ урасиз? Нима ҳақингиз бор?!

Вакил. Хотинимсанки, ҳаққим бор. Бас, Пашмак! Қайнатмага пиёзни кўпроқ тўғра! Тезроқ бўл, биласанку жаҳлимни!

О зод а лабини тишлайди, халтани ердан олиб уй орқасидаги ўчоқбошига ўтиб кетади. Вакил айвонга чиқади, чапдаги уй эшигини итариб очади.

Вакил. Вали, бу ёққа чиқ!

Парвоз. (Уйдан чиқади). Ҳўш?

Вакил. Салом қани?

Парвоз (менсимай, кулади). Нима? Салом? Ҳаха-ха!

Дўқни қаранг, қаранг-а!
Асаблари таранг-а!
Парво қилмайди бу чол
Бошимдаги ярамга!

Кўнглим қилдан ҳам нозик
Севганим кўзи сузик,
Чидасанг, тақиб олдим
Кўлимга олтин узук.

Эркин қушман, учаман,
Булутларни қучаман,
Чидасанг шу, чолгинам,
Ичаман, оқ ичаман.

Вакил (*Парвознинг билагидан маҳкам ушлаб, стулга ўтқизади*). Ўтири, жибилажибон! Кечаси қаёқда ичдинг?
Парвоз (*билигини силайди*). Вой қўлим! Бу нима зўрик?

Парвознинг шовқинига уйдан Хумор чиқади, акасининг ёнига келиб туради. Вакилга ёвқарашиб қилади.

Вакил. (*Парвознинг қаринисига ўтиради, соқол-мўйловини бамайлихотир силайди*). Уйланмоқчишишсан. Келин ким, қудаларимиз ким, биз ҳам билиб қўяйлик.

Парвоз. Қиз кўп. Бири Ширин, бири Лайлло, бири Зухро, бири Узро... Танлай олмай, бошим қотган.

Вакил. Ия-ҳа, бошингни боғлаб олганинг шундан әкан-да?

Хумор. Парвоз ҳозир икки ўт ўртасида: бири — Лола, бири — Нодира.

Вакил. Ҳўш, ҳўш, эшитайлик.

Парвоз. Лола... Баҳор лоласи... Қип-қизил, тип-тиниқ. Қалби тўла ишқ олови. Отаси профессор, онаси дўхтири, акаси инженер. Ички-ташқи дангиллама ҳовли. Гаражда куёвга аталган янги «Волга».

Вакил. Ўҳӯ! Нодирачи?

Парвоз. Нодира — Лоланинг акси, кони ақл. Сепи-селони ҳам ўртамиёна.

Хумор. Нодира Парвозга тенг әмас, машинаси йўқ. Иннайкейин, Лоланинг ўзи рози, ота-онаси қарши, Нодиранинг ота-онаси рози ўзи қарши.

Вакил. Ҳа-ҳа! Бундан чиқдики, иккала ош ҳам хом әкан.

Парвоз. Пиширамиз!

Вакил (*Парвозга тикилади*). Кечаси қай аҳволда келдинг?

Парвоз (довдираиди). Нима... Мен... кечаси...

Вакил. Кўчадаги ариқдан тортиб олдим.

Хумор. Нима бўпти? Аламидан ичган. Ишдан ноҳақ бўшатишипти

Вакил. Йўғ-е? Жавр қилишибди сен бечорага. Дарвое, ҳунарсиз қийин. Дўхтир бўл, машвоқ бўл, дурадгор бўл, қассоб бўл. Югурдалик ҳунар эмас!

Парвоз. Боринг-е! Сиз борми менга ақл ўргатмаган! (*Оёқларини чалишириб, сигарета тутатади*). Бошқармадан ўзим кетдим! Энди министрикка ўтаман! Мендай содик ёрдамчилар бошлиқларга сув билан ҳаводай зарур. Буйруқларни ёзаман, телефонларни улайман, машиналарни тўғрилайман, гўзал котибаларга фармон бераман, ҳамма оғзимга қарайди, ҳамма кайфиятим билан ҳисоблашади, ҳа, ҳа! (*Ўрнидан туриб, айвонда юра бошлиайди*). Ҳунар эмас эмиш! Суф-эй! Ҳунар! Маҳорат! Талант!

Вакил (мийигида кулади). Ҳўш, кимникига совчиликка борасизми?

Парвоз (бармоғини Вакилга ниқтайди). Сизми? Үлай агар, кулгим қистаяпти. Сиз, қассоб, совчиликка борасизми? Ҳа-ха-ха!

Хумор. Парвоз кеча Лоланикига совчи юборди... (*Бу гапни беихтиёр айтиб юборганидан лабини тишлайди*.)

Вакил. Э, тўнни бошқалар кийиб кетишибди-да!

Парвоз (жазаваси тутади). Йўқ, менинг кимлигимни улар ҳали билмайдилар! Профессорнинг ҳам, хотинининг ҳам ҳали кўзи очилгани йўқ! Мен... мен... мен шундай қиласманки, ўзлари ялиниб келадилар!

Вакил. Э, совчиларни қайтаришибди-да. (*Ўзича*.) Эслик одамлар экан...

Хумор (ўчоқбошидан келаётган Озоданинг қарши-сига чопади). Ойи! Чолингизни йўқотинг, Лола кеп қолса ишни бузади.

Озода. Қандай йўқотаман елимни?

Хумор. Нега тегдингиз-а?

Озода. Тсс... Пули кўп.

Вакил (сезиб қолади). Нима пичир-пичир?

Озода. Қизингиз, «дадам гастрономдан битта шампанский опкелсинлар», деяпти.

Вакил (ёнидан пул чиқаради. Хуморга). Ма, ўзинг опкела қол.

Хумор (Озодага). Ўлгудай муғомбир. (*Вакилдан*

пулни олиб, кўчага чиқади. Лекин дарҳол ҳовлиқиб киради.) Ойи! Нодира келяпти!

Озода (*Вакилга*). Қочинг! Ешларга халал берманг!

Вакил (*ҳайрон*). Қаёққа қочай?

Озода Уйга! Тезроқ!

Вакил ўнгдаги, Хумор чапдаги уйга кирадилар. Озод ўчоно бошига кетади. Парвоз ўзига оро бера бошлайди. Нодира киради.

Нодира. Ишхонангизга борсам, йўқсиз. Уйингизни вўрға қидириб топдим.

Парвоз. Келинг.

Нодира (*сумкасидан хат олади*). Буни нега ёздингиз?

Парвоз. Ҳаққим йўқми? Севаман-ку?

Нодира (*хатни йиртиб, Парвоэга отади*). Мана! Мана сизга севги!

Парвоз. Надиричка! Бу нима қилганингиз? Ҳатими эмас, юрагимни парчаладингиз! (*Ҳат парчаларини врдан олиб, кўзларига сурди*.)

Аччиқ жавоб ҳатимга!
Бир марта журъатимга!
Заҳрингни сочма, жоним,
Севгимга, ҳурматимга!

Жоним, ишон, қулингман,
Ушлаб сенинг қўлингдан,
Доим борай йўлингдан,
Йўл бер муҳаббатимга!

Бошимда бор савдоинг,
Жоним, бўлиб фидоинг,
Парвоз сенинг адойинг,
Ол энди хизматингга!

Нодира

Ёлғон! Ёлғон! Ёлғон!
Ёлғон сўзинг! Муҳаббатинг ёлғон!
Айёр ўзинг! Садоқатинг ёлғон!
Ҳар бир сўзинг, ёзган ҳатинг ёлғон!
Алдар кўзинг! Латофатинг ёлғон!

Ошиқ әмиш! Ҳар бир ишинг фириб,
Бўш келса ким, сен қўйнига кириб,
Олмоқчисан қиз баҳтини юлиб,
Сен тулкисан! Диёнатинг ёлғон!

Хатнинг ерда қолган парчаларини тепади.

Парвоз. Надира! Надиричка! Сизга нима бўлди?

Нодира. Менга ҳеч нарса бўлгани йўқ. Эс-ҳушим жойида. Аммо, шуни яхши билингки, әшигимга тағин бир марта яқин борсангиз, энди сиз билан отамнинг ўзи гаплашади. Мен унга сизнинг кимлигингизни айтиб бердим. Болта чархлаб ўтирибди! (Бурилиб чиқиб кета бошлиди.)

Парвоз (қиэнинг орқасидан югурлади). Надиричка! Тўхтанг! Илтимос!

Нодира (эшикда тўхтайди). Ҳўш?

Парвоз. Жоним! Ҳаётим!

Нодира. Лолита-чи. У кимингиз?!

Парвоз. Ҳа, гап бу ёқда денг... Э, ҳайрият-ей! Рашикингиз бунақа зўрми? Йўқ, Надиричка, мен Лолитани әмас, сизни севаман!

Нодира. Мунофиқ! (Эшикни тарақлатиб ёпиб чиқиб кетади.)

Вакил (уйдан чиқади). Ҳўш, Валибой, бу ёғи неча пулдан тушди?

Парвоз. Э, кетса-кетавермайдими, нимасига уйланаман: бошида сочи-ю, оғзида тиши.

Хумор (уидан чиқади). Акам тўғри айтади, келин бўлгандан кейин сепи билан бўлсин.

Озода (ўчиқбошидан косаларда шўрва кўтариб келади). Ажаб қилдинг, Парвожон, Нодира сенга муносиб әмас.

Вакил (столга дастурхон ёзади, Озоданинг қўлидан косаларни олади). Тўхта! Тўхта, Пашмак! Сен нима деб валдираяпсан? Вали Нодирани әмас, Нодира Валини ташлаб кетди-ку, фарқига борасанми?

Озода. Лола турганда Нодирага йўл бўлсин?

Вакил. Унча-мунча нарсага етадиган ақлим, Пашмак, сенга уйландиму, ўтмасланиб қолди. Ҳай, аввал таом баъдаз калом. (Хуморга.) Шампанский қани?

Хумор. Нодира иштаҳани бўғди.

Вакил Иштаҳани Нодира бўғмади, сенларнинг хулқинг бўғди.

О з о д а лаганда гўшт олиб келади. Ҳаммалари ўтирадилар.

Пашмак! Кечагидан қолганми?

О з о д а . Ана.

В а к и л токчадан шиша олади, пиёлага қуйиб симиради, шўрвадан ҳўплайди, соқол-мўйловини силаб ўйга толади.

П а р в о з . Тешиб чиқсин!

В а к и л . Лаббай? Бир нима дедиларми?

П а р в о з . Йўқ, шундай...

В а к и л . Ҳа, тушунарли... (Бирдан уйқудан уйғонгандай.) Мана, бир йилдан бери уйларингиздаман. Остонангизга яхши ният билан қадам қўйдим. Биз энди содда одам... Чала савод бир қассобмиз... Меҳнатдан бошқа таянчимиз йўқ... Ҳар қалай, рўзгор тебратишга қурбимиз етади... Аммо лекин, гапнинг рости: тулкининг уясига тушиб қолган одамга ўхшайман, наинки, бу даргоҳда эрта-ю кеч найрангбозлиқдан бошқа гап йўқ.

О з о д а . Қўйинг, сасиманг!

В а к и л (овозини кўтаради). Қулоқ сол! (Ўзини босади.) Ҳуллас, биродарлар, бу уйдаги тартиб менга маъқул әмас.

О з о д а . Маъқул бўлмаса, катта кўча.

Х у м о р . Яшанг, ойи! Үн сакиз яшар қиздан қаерингиз кам! Ҳайданг қассоб чолни?

П а р в о з . Шундай йигитлар борки, бошингиздан сув ўгириб ичади!

О з о д а (ясама йиглайди). Эссиз умрим! Бир йилда ўн ёш қаридим! (Вакилга.) Сиздан нима яхшилик кўрдим? Нуқул пулингизни яширасиз...

Х у м о р . Нега пулингизни хотинингиздан яширасиз? Қанақа эрсиз?

П а р в о з . Шишанинг тагидагини ҳам бир ўзи ичди! Зиқна. Лолитага уйланай, сизни «Волгам»га туширмайман!

В а к и л . Бас! Бас-ей! Пулдан бошқа ҳам ташвишларинг борми?

Х у м о р . Йўқ! Чидайсизми?

В а к и л . Епирай! Епирай! Овқат ҳам заҳар бўлди.

Вакил қўлинини артиб ҳовлига тушади. Бошқалар ҳам ҳовлига тушадилар.

О з о д а

Турмуш лаzzати пулдан, қассоб!
Одам иззати пулдан, қассоб!
Жоним бераман ҳамён очсанг,
Сенга тутаман гулдан, қассоб!

П а р в о з

Пулсиз бу ҳаёт нурсиз, қассоб,
Гўзал на гўзал дурсиз, қассоб?
Кўзларни очиб катта қаранг,
Пул бўлмаса, сиз кўрсиз, қассоб!

Х у м о р

Пул бўмаса, хушёқмас қассоб,
Ёр сизга кулиб боқмас, қассоб.
Пулсиз қора ҳам қора бўлмаса,
Пул бўлмаса, оқ — оқмас қассоб!

В а к и л

Копқонда ишинг душвор қассоб,
Бор бўлса пулинг, сочвор, қассоб,
Бу учта наҳанг ютмай, тезроқ
Обрў борида қочвор, қассоб!

(Чўнтағидан ҳамён чиқариб Озодага беради.)

Мана, Пашмакхон, қолганига қарздормиз! Хайр, ма-
ликайи дилозор! (Хуморга.) Хайр, читтак! (Парвоэга).
Хайр, жиблиажибон! (Кетади.)

О з о д а (Ҳамённи очиб, пулни олади.) Бори шугина-
ми? Йўқ, мендан осон қутулмайсан! Яширганларингни ка-
вак-кавагидан тортиб оламан! (Вакилнинг орқасидан чопа-
ди.) Ҳўжайн! Ҳо, ҳўжайн! Узим ўргулай! Тўхтанг! (Ке-
тади.)

П а р в о з . Лолита келмади-ку?

Х у м о р . Келади. Менга қара, Лола келса... менга ни-
ма олиб берасан?

П а р в о з . Атир.

Х у м о р . Керакмас!

Парвоз. Пайпок.
Хумор. Керакмас!
Парвоз. Шампанский.
Хумор. Керакмас.
Парвоз. Ўзинг айт, бўлмаса...
Хумор. Лоланинг акаси бор-ку... Кашибоф...
Парвоз. Ҳалиги... чўлдагими? Ҳўш, хўш?
Хумор. Ўша билан таништириб қўясан!
Парвоз. Қойил! (*Бармоқларини қайчи қиласди.*) Демак, қайчи қудал
Хумор. Ҳа-ҳа-ҳа!

Иккови чир-чир айланиб ўйнайди, куйлади.

Хумор

Кўнглим ўшанда, ўшанда,
Мен унга банда,
Ҳижрон кушанда, кушанда,
Бир ўт баданда...

Парвоз

Ёнима аламда, аламда,
Ҳеч қилма парво.
Мен бор оламда, оламда,
Ёринг муҳайё.

Иккови

Парвоз этармиз, этармиз,
Гуллар тутармиз,
Оқшом кутармиз, кутармиз,
Ёрга етармиз!

Эшик аста чертилади.

Хумор. Келди! Айвонга чиқ! Чўзил!

Парвоз айвонга чиқиб диванга чўзилади. Хумор эшик тирқишидан қарайди, Парвозга кўз қисади, эшикни очади. Лола ҳевлиқиб киради.

Лола. Қани у? Тирикми? Уйдами?

Х у м о р. Бахтингизга, соғ. Лекин аҳволи оғир...
Л о л а (айвонда ётган Парвозни кўриб қолади). Парвоз! Азиизм! (Айвонга чиқади, кўзларини юмиб ётган Парвознинг ёнига тиз чўкади, бошидаги бинтни, кўз-қошлигини авайлаб силайди.) Нима қилиб қўйдингиз? Мени ўйламадингизми?! (Парвоз ихрайди.) Бечора! Бошингиз оғрияптими? Мени деб, мен баҳти қарони деб ширин жонингизга қасд қилдингизми-я?

Кошки жоним бўлса малҳам жонингизга,
Кошки қоним бўлса дармон қонингизга!
Мингта жоним бўлса қурбон, меҳрибоним,
Умрингизга, шавкатингиз, шонингизга!

Бошингизда мен паришон Лолангизман,
Ишқингизда зору нолон Лолангизман,
Қоп-қорайган мисли ҳижрон Лолангизман,
Минг пушаймон бир-ла келдим ёнингизга!

П а р в о з (кўзини сал очади). Лолита!..
Л о л а. Жонгинам!..

П а р в о з (Лоланинг қўлларини силайди). Агар ўлсам, рози бўлинг.

Л о л а. Йўқ! Йўқ! Ўлмайсиз! Ўлмайсиэ! Бирга ўламиз, бир гўрга кўмсинлар иккимизни!. (Сочларини ёйиб уввос солиб ийғлайди.) Дод, бу не кўргулик!..

Х у м о р. Лола! Лолаҳон! Ўзингизни қўлга олинг!
Парвоз тузалади! Уни сиз тузатасиз!

Л о л а. Ҳа! Парвозни мен тузатаман! Уни уйимга олиб кетаман. Ойим врач, даволайди. (Кўчада машина сигнали әшитилади.) Хумор! Кўчадаги машинани тўхтатинг! (Хумор кўчага чиқиб кетади.) Парвоз! Кўзингизни очинг! Менга суялинг! (Парвознинг қўлтиғидан суяб, ўрнидан турғивади.) Оёғингизни босинг, қўрқманг, мен — Лолангизман! (Уни суяб ҳовлига тушади.)

Х у м о р (киради). Такси әкан, тўхтатдим.

Л о л а. Раҳмат. Менга ёрдамлашворинг.

Х у м о р (Парвозни бир ёнида суяб бораётуб, унинг қулогига). Кашибони унутма!

П а р в о з кўза қисиб, тасдиқ ишорасини беради.

Л о л а билан **Х у м о р** Парвозни суяб, кўчага олиб чиқадилар. Машина шовқини, сигнали әшитилади. **Х у м о р** ҳовлига ёлғиз киради.

Хумор. Фишт қолипдан кўчди. (*Ҳовлида чир-чиҳр айланиб ўйинга тушади*).

Кўнглим ўшанда, ўшанда,
Мен унга бандар,
Ҳижрон кушанда, кушанда,
Бир ўт баданда...

Озода (*ҳовлиқиб киради*). Машинада ким кетди?

Хумор (*хурсанд*). Лола Парвозни уйига олиб кетди!

Озода. Вой ўлмасам! Эсинг жойидами? Бошидаги бинтни ечишса шарманда бўлади-ку!

Хумор. Ҳа-я... (*Бўшашиб ўтириб қолади*.) Нима қиласиз?

Озода. Югур! Таксига ўтири! Бошини ўзинг ечиб боғла, дори беришса ўзинг сур! Яхиси, уч-тўрт кун ёнидан қимиirlама!

Хумор. Ойижоним! (*Озоданинг бўйнидан қулоқлаб, ҳовлида чир айлантиради*.)

Озода. Нимага қувонасан? (*Маъюс тортади*.) Қассоб кетиб қолди. (*Қўчага*). Ҳу, соқолинг тўкилгур, шошмайтур, сени шунаقا нўхталаб олайки!

Хумор. Лоланинг акаси бор... Кашшоф... Инженер... Мени яхши кўриб қолса... Тегсам... Розимисиз?

Озода. Розиман! Тезроқ чоп!

Хумор кўчага чиқиб кетади. Озода айвон пешига беҳол ўтириб қолади. **Х**уморнинг кетидан қичқиради.

Минг марта розиман!

ПАРДА

УЧИНЧИ ПАРДА

Биринчи пардадаги манзара. Чаманзор ҳовли. Ола байроқ тоңг отган падда.

Чорбурчак зангори сўри устида, атлас кўрпа, парқу болишларда Парвоз, худди тахти-равонда ётгандек, талтайиб ётибди. Унинг ҳамон боши боғлиқ. Маҳмуд билан Сунбул уйдан айвонга чиқиб, ҳовлига оёқ учida аста тушадилар. Сўри ёнидан ўта туриб, Сунбул уйқудаги ошиқка маъюс кўз ташлайди, Маҳмуднинг энсаси қотиб, елка учиради. Ўқуча эшигини очаётгандা ошиқ-мошинги тижхирлайди, Сунбул Парвоз томонга ишора қилиб лаб тишлайди. Эр-хотин эшикни авайлаб ёпиб кетадилар. Парвоз ётган срида бу ҳаракатларнинг ҳаммасини зиддан кузатади.

Уйдан Лола чиқади. Ўҳам айвондан оёқ учida аста тушади, сўри ёнига келади, кўзлари юмуқ Парвозга, унинг чиройли юзига, бурни тагидаги қўнғиздай мўйловига ҳавас билан термилади. Парвоз худди туш кўраётгандай ихрайди.

Парвоз. Уҳ... жоним... Лолитам... Чеҳраси гулгун... Сочлари тун... Кўзлари қуралай... Деразангдан фақат ўзим мўралай... Лолита!..

Лола. Бечора тушида ҳам мени кўряпти!.. (Парвознинг бошини секин силайди.) Лочин! Севгиси чин! Жоним, севгилим, сизга ҳаётимни беришга тайёрман.

Бахтим бор, жон, бахтим бор,
Севганимга аҳдим бор,
Гуллардан, лолалардан
Бир умрга тахтим бўр,
жон, бахтим бор.

Сўнмас умид шуъласи,
Кўнглимда ёр нашъаси,
Тилимда мудом янграп

Мұҳаббат ашуласи,
жон, баҳтим бор.

Сочларим толим-толим.

Әр, сендаидир хаёлим.

Сендан бошқа бегона,

Фақат ўзинг иқболим,

жон, баҳтим бор.

Булбуллар, қулоқ солинг,

Әрка еллар, қўзғолинг,

Баҳор, дунё, инсонлар,

Мендан андоза олинг!

Жон, баҳтим бор!

Хумор. (Үйдан бинт күтариб чиқади. Конфет чайнаб туриб гапиради.) Лоличка!..

Лола. Тсс... Секинроқ... уйғотиб юборасиз!..

Хумор (ховлига тушади). Мунча қизғонасиз?.. Үз акам-ку!..

Лола. Боши оғриётганга ўхшайди... ихраяпти... (Бинтини силайди.)

Хумор. Тегманг! Ўзим боғлайман!

Лола. Мен қарашворай.

Хумор. Сиз нонушта тайёрланг. Қорни очгандир шўрликнинг..

Лола. Хўп.

Лола уйга кириб кетади. Хумор Парвозни туртади.

Парвоз. Ҳа, нега туртасан?

Хумор. Тур, иш чатоқ.

Парвоз (туриб ўтиради, кўзлари олаланади). Нима гап? Йўтал!

Хумор (кўзлари олазарак. Эски бинтни ечади, янги-сини боғлайди). Бугун акаси келармиш. Нима қиламиш?

Парвоз. Акаси сенга тан, синглиси менга...

Хумор (Парвознинг қулогини чимчилайди). Ҳа, ёқмай ўлсин!

Парвоз. Энди мени бу жаннатдан тўп отиб ҳам чиқариб бўптилар!

Хумор (секин). Режани пухта ўйлаш керак.

Парвоз. Режа тайёр! (Сўри устида ўйинга тушиб куйлади, Хумор қўшилишади.)

Сингилжон, сингилжон, қулоқ сол!
Режалар режаси, режаси:
Сингилжон, сингилжон, уқиб ол,
Пиширдим кечаси, кечаси.

Х у м о р

Акажон, акажон, айта қол,
Сабримни тоширма, тоширма.
Акажон, акажон, айта қол,
Сирингни яширма, яширма!

П а р в о з

Сингилжон, сингилжон, қулоқ сол:
Бахтинг бор, кўнглингни боғлагил.
Сингилжон, сингилжон, уқиб ол:
Кашшофони ўзингга боғлагил.

И к к о в и

Акажон, қойилман!
Сингилжон, қойилман!
Дунёда сен бору мен борман!
Акажон, хизматга тайёрман!
Сингилжон, бахтингга мен борман!
Акажон, қойилман!
Сингилжон, қойилман!

Х у м о р (*Парвозга*). Тсс!..

Л о л а (*үйдан чиқади*). Нонушта тайёр!

Х у м о р (*Лолага*). Суюнчи беринг, Лоличка, Парвоз
анча тузалиб қолди.

Л о л а. Суюнчисига бугун Марино Марини концертига
борамиз.

Х у м о р. Малина Малини ким?

Л о л а. Марино Марини...

П а р в о з (*Хуморга*). Э, каллаварам-ей, Маррино Мар-
ринини ҳам билмайсанми? Машҳур францууз ашулачини-я?

Л о л а (*ҳайрон*). Маррино Марини — итальян ашулачи...

П а р в о з. Маррино! Аввал Франция фуқароси бўл-
ган, кейин Италияга бир миллион долларга антракт туз-
ган. Мен Маррино билан аввалги келганида Москвада
танишганман. «Метрополь»да ёнма-ён хонада турганимиз.

Марринога нуқул қизлар телефон қилишарди. Нуқул бландинкалар... Маррино мени чақириб: «Синьор Парвозо! Үзингиз даф қилинг, жонимга тегди!»—деб илтимос қиласарди. Мен уларга кофе, конъяк ичириб жўнатаб юборадим. Эҳ, ўша totли оқшомлар!..

Лола (ҳайратланади). Менингча, Маррино Маринининг биринчи келиши...

Парвоз. Тўғри, Лолита, мутлақо тўғри айтдингиз; Маррино Марринининг биринчи келиши. Лекин Маррино Маррини илгари ҳам келган. Ана овоз! Ана электрик гитарлар! Ана саксонполлар!..

— Лола (хижолатда). Саксофонлар...

Парвоз. Саксофон бошқа, саксонпол бошқа. Саксонпол ҳўқизнинг шохига ўхшайди.

Лола. Кўрмаганман...

Парвоз. Энди кўрасиз, жонгинам, мен билан кўрасиз! Айтди дерсиз, Маррино Марини билан танаффус вақтидаёқ танишиб оламан. Тўйимиэда хизмат қилмай туриб, Франциясига кетиб кўрсин-чи!

Лола. Италияга...

Парвоз. Барибир Италияга Франция орқали боради. Париж! Гўзал Париж! Кут, бораман! Маррино Марринига ҳамроҳ бўлиб бораман! Сенанинг сўлим қирғозлари!.. Булон ўрмони!.. Эйфель минораси!.. Мен умрбод сизники, гўзал даргоҳлар!..

Лола. (Бир нафас ағрайиб қолади, кейин ҳуркибигина сўрайди). Мен-чи? Мени олиб бормайсизми?

Парвоз. Нега олиб бормас эканман? Тўй саёҳатимиз ўша ерда ўтади. Дадангизга айтинг, иккита путёвка олиб берсин. (Гаражга ишора қиласади). «Волга»мизда автотурист бўлиб борамиз. Француздар... француженкалар бизни гулдасталар билан кутиб олишади. «Мосъе.. мосъе Парвозо ўз маликаси Лолита билан келди!» деган сарлавҳалар газеталарнинг биринчи саҳифаларини безайди. Фотографиялар... Банкетлар... Кабарәлар...

Айвондаги телефон аппарати жиринглайди. Лола бориб, трубкани олади.

Лола. Салом, жонгинам! Қаёқларда қолиб кетдилар?

Парвоз билан Хумор бир-бирларига кўз қисишиб, олазарак бўлишади, тоқатсизланиб қулоқ солишади.

Нима янгиликлар, дейсанми? Янгиликлар бир дунё — келсанг биласан. Йўқ, йўқ, телефонда айтмайман. Кечқурун келаман, дейсанми? Э, аттанг, биз Марино Марини концертида бўламиз. Менга қара, ҳозир кел! Келолмайсанми? Э, аттанг... Ундан бўлса, ҳали кел, бирга овқатланамиз, кейин концертга ҳам бирга борамиз. Ҳўп, хўп танишириб қўйман. Исми, дейсанми? Ҳаммасини келганингда билиб оласан. Кутаман. Кечикма! (*Трубкани қўяди*)

Хумор. Ким экан, жуда қуюқ сўзлашдингиз?

Лола. Энг яхши дугонам.

Хумор. Исмлари нима?

Лола. Исми... Қизиқ, у сизларнинг исмингиэни сўрайди, сиз унинг исмини...

Парвоз (*тоқатсизланади*). Билишимиз керак-да...

Лола. Исми Нодира!

Парвоз. Нодира?!

Лола. Ҳа, Танийсизми?

Хумор (*лабини тишлайди*). Ҳм...

Парвоз. Битта Нодирани танирдим. Ўлгудай шилқим. Менга севги изҳор қилиб хат ҳам ёзган. Ҳайдаб юборганман. Йўқ, у сиздай олижаноб қизнинг дугонаси бўлиши мумкин эмас!

Хумор. Бо! Дунёда ким кўп — Нодира кўп. Келинглар, ионуштани очиқ ҳавода қилайлик. Мен ҳозир олиб чиқаман. (*Ўйга кириб кетади*.)

Парвоз (*ўйга чўмған Лолага*). Нимани ўйлаяпсиз. Лолитам?

Лола. Шундай... Ўзим...

Парвоз. Сиздан бир илтимосим бор?

Лола. Эшитаман.

Парвоз. Бундан буён сизнинг ҳам, менинг ҳам кўнглим ғаш бўлмаслиги учун шартлашайлик, яъни сиз ҳам, мен ҳам бошқа бирор билан гаплашсак, таклиф қилмоқчи, кўришмоқчи бўлсак, аввал иккаламиз маслаҳатлашиб олайлик. Ахир, умид билан бир ёстиққа бош қўймоқчимиз-ку. Нима дейсиз?

Лола (*чеҳраси ёришади*). Албатта... Парвоз ака!

Парвоз. Лаббай, Лолитам?

Лола. Мени чиндан севасизми?

Парвоз (*сўридан сакраб тушади, Лоланинг билакларидан ушлайди*).

Кошкийди, дилим кўрсата олсан,
Кўнглим сирини англата олсан,
Шубҳангни, гулим, тарқата олсан,
Ишқ дарсини мен ўргата олсан!

Л о л а

Кошкийди, бўлиб сенга мададкор,
Ёнингда мудом ёру вафодор,
Бахтингга ўзим бўлиб сабабкор,
Бахтим-ла кўзинг қувната олсан!

И к к о в и

Дунёни менга очар муҳаббат!
Бошимга қуёш сочар муҳаббат!
Кўнглимда булоқ, тошар муҳаббат!
То мен яшасам, яшар муҳаббат!

Х у м о р (уйдан неъмат тўла дастурхон кўтариб чиқади). Ҳой, Лайли-Мажнунлар! Қумри-ю саъвалардай сайрай бериб, қоринларингиз чапак чалаётгандир-а?

П а р в о з . Яшавор, сингил! (Патнисни ола туриб, унини қулогига шивирлади). Кўнглим ғаш... Ҳали замон Нодира келиб қолади... Нима қиласиз-а?

Х у м о р . Қорин тўйсин, нодир фикрлар кейин туғилади.

П а р в о з . Браво!

Л о л а (саддадиллик билан ҳавасланади). Бунақа иноқ ака-сингилни биринчи кўришим Сирларингизга бизни ҳам шерик қилинглар!

П а р в о з . Унда... сир бўлмай қолади-да!

Л о л а (ўпкаланади). Ҳали... шунақами?

П а р в о з . Йўқ! Йўқ, Лолитам! Хумор... ҳалигидай... менга жуда эрка. Магазинга худди сизникидай нозик итальян кофта келган әкан. Шуни олиб берасиз деб қистаяпти...

Л о л а (кофтасини ечиб, Хуморга узатади). Манг, олинг. Мендан сизга арзимас совға.

Х у м о р (кофтани дарҳол олиб кияди). Худди ўзимга тўқилгандай. (Парвозга.) Ярашдими?

Парвоз. Браво! Лолитә сенга бунақаларни ҳали кўп совға қиласди. Тўғрими, Лолита?

Лола. Албатта! Қани, нонуштага марҳамат!

Учовлари нонушта қила бошлайдилар.

Парвоз. Жон дилим қаймоқ, қуймоқ ва қайноқ қора кофе.

Хумор. Қора кофега арман конъяги ҳам истарсиз?

Лола. Ҳозир олиб чиқаман. (Уйга кириб кетади.)

Хумор. Жаннат... Бое жаннат... Қиз жаннат...

Парвоз. Браво!

Хумор. Энди бу ёғи ҳам «браво» бўлиши керак. Тезроқ йўталинг, нима қиласми?

Парвоз. Аввало, Нодирани бу ҳовлига киритмаслик керак. Бунинг учун, эшик тиқирлаши билан сен чиқасан, уйда ҳеч ким йўқ, деб қайтариб юборасан. Мабодо, у шилқимлик қилиб кирса, ўзимга қўйиб берасан — ўлимдан бошқа ҳар бир нарсанинг иложи бор. Хўш, қалай?

Хумор (кулади). Браво-ю... лекин...

Парвоз. Нима «лекин?»

Хумор. Лола ёниб турганда ЗАГС дан ўтиб қўйинг! Шу бугуноқ!

Парвоз. Браво! Кейин на ота-онаси, на акаси, на Нодира...

Хумор. Тсс...

Лола (уидан шишада конъяк, иккита жажжи билур рюмка кўтариб чиқади). Мана, Парвоз aka, сиз истаган арман конъяги.

Парвоз. Браво, Лолитам! (Шишани олиб, кун нурига солиб томоша қиласди.) Ошиқлар қонидай лоларанг!. Э, нега рюмкамиз иккита?

Лола. Мен ичмайман... Умримда ичганмасман...

Парвоз. Аммо мен билан ичасиз, яъни сиз лабингизга теккизисб ширин қилиб берасиз, мен кўтараман. Келишдикми?

Лола. Майли...

Кўчада ҳаракат сезилади. Кашшоф билан Қамбарнинг шўжӯшиги янграйди. Парвоз билан Хумор бир-бирларига маъноли тиқиласдилар, ранглари оқаради.

Лола (шод). Ақажоним келди!

Қашшоғ ва Қамбар

Қабул әтгил, азиз даргоҳ, садоқатли саломимни,
Отам, жоним онам, синглим, юракдан әхтиромимни!
Ватан бурчин бажарган яхши ўғлон келди қошингга,
Әшит, әй мөхрибонлар, дил соғинчимни — қаломимни!
Келинг, улфатларим, созу навозиш бирла яйрайлик,
Тамоман тўлдириб қуй, соқиё, энг катта жомимни.
Баҳор бўстони гуллар ҳуснини қўз-қўз қилиб порлар,
Саҳар булбуллари, куйла, қўшиб оҳангга номимни!

Рюкзак, чамадон кўтарган йигитлар ҳовлига тасира-тусур кирадилар.
Икковининг ҳам оёғида — кирза әтиклар, әгнида — коржома; бошли-
рида соябон сават шляпалар, соқоллари ўсган.
Лола Қашшоғнинг бўйнидан қучоқлаб, ҳовлида чир айланиб суяди,
әркаланади, Қамбар билан қўл учидагина саломлашади.

Лола. Акажоним! Яхши келдингизми? Адам, аям ҳар
кун кутадилар, эшик тиқ этса, мўралайдилар...

Қашшоғ. Сен-чи? Сен соғинмадингми?

Лола. Акажоним!

Қашшоғ (*Парвоз билан Хуморга ишора қиласди*).
Булар... Уйни ижарага қўйибсизлар шекилли... Нима ба-
ло — дадамга пул керак бўп қолдими? Еки...

Лола (*қўли билан Қашшоғнинг оғзини ёлади*). Бор-
инг-е! Танишинглар: бу — Парвоз, бу — сингиллари Ху-
мор...

Хумор (*Қашшоғга тикилади*). Таърифингизни кўп
әшиятдик. Ҳали... шунақа әкансиз-да?

Қашшоғ (*ҳайрон*). Қанақа әканман?

Хумор (*туфлисининг уни билан ер чизиб, қўзларини
сузади*). Чўл шери... Афсонавий оловкор... Олов йигит!

Парвоз (*Қашшоғ қўришганда сиққан қўлининг оғри-
ғини ёзаетиб*). Синглим сизга гойибона ошиқ...

Қашшоғ. Ҳа-ҳа! (*Қамбарга*.) Иш катта-ку, дўстим!
(*Парвозга*.) Қарс икки қўлдан... Шундайми? Сизнинг
синглингиз менга ошиқ, менинг синглим сизга... Зўр режал

Лола. Ака!..

Қашшоғ. Ҳўп, ҳўп! Тушундим! (*Қамбарга*.) Дўст-
им, дастурхон ҳам тайёр әкан. (*Лолага*.) Йўлдан ўлгудай
очқаб келдик... Ӷҳў, арман конъяги! Ичмабсиэлар-ку?

Парвоз. Қайнанангиз суръ әкан...

Қашшоғ. Қайнанам, яъни сизнинг онангиз? Ҳў-
ҳў-ҳў!..

Лола. Ака!

Кашшоф. Бўлди! Бўлди! Бошқа гапирмайман. (Лоланинг бошини силайди.) Оппоқ синглим! Чиндан ҳам соғиндим. Қалай, ўқишлиаринг бажоми?

Лола. Раҳмат.

Кашшоф. Нодира яхши юрибдими?

Лола. Бугун келмоқчи. Маррино Маррини концертига бормоқчимиз.

Кашшоф. Ўзим олиб бораман. Дадамни, аямни, сени, Нодирани, агар майллари бўлса, квартирантларни ҳам олиб борамиз.

Лола. Ака!

Кашшоф. Узр! (Гаражга бориб, машинани кўздан кечиради.) Жийроним! Бугун иш беради биэга!

Парвоз (инграйди). Бошим зирқирайти. Мен ётай...

Лола. Етинг! Дам олинг!

Қамбар. Ха, бошга нима қилди?

Кашшоф. Кайфчиликда бўлади бунақа ишлар... Пичоқ уришдими?

Хумор. Акам бечора... ўзини-ўзи отган...

Кашшоф. А?

Хумор. Ха! Парвоз — муҳаббат қурбони...

Кашшоф. Е, раббий! Шундай баҳтли замонда-я?

Хумор. Ота-онағиз акамнинг созчиларини қайта-ришид... Аламига чидаёлмай ўзини-ўзи отди... (Кўзига яса-ма ёш олади.) Бечора акам...

Кашшоф (Қамбарга). Дўстим! Ақлим ўтмай қолди. Ёрдамга кел! (Хуморга.) Ҳайрон бўлманг, биз Қамбар билан шунақа дўстлармиз: биримизнинг ақлимиз етмай қолса, иккинчимиз ақлимизни улаб еткизамиз.

Қамбар. Бу оддий аксиома, дўстим, яъни икки карра икки — тўрт. Сенинг ота онанг Парвоздинг совчиларини қайтаришган. Парвоз бу номусга чидай олмаган. Ўзини ўзи отиб, кулфатли ҳаётига осонликча якун ясамоқчи бўлган. Лекин отган ўқи ё пахтавонлик бўлган ёки тепкини босаёт-гандага қўли қалтираган. Натижада ўқ мияни тешніб, қатигини титиш ўрнига терисини шилиб ўтган, холос.

Кашшоф. Таҳлилингдан қониқмадим, дўстим. Ҳўп, ўқ мия косасини ялаб ўтган бўлсин. У тақдирда... нега шўрли ошиц ўз уйида әмас-ку, биёкинг уйимида?

Лола. Парвозни мен олиб келдим!

Кашшоф. А?!

Хумор. Муҳаббат сизлар ўйлаганча жўн нарса әмас.

Қамбар. Хўш, хўш? Нақлнинг давомини файласуф қиздан эштайлик.

Кашшоф (Лолага ҳамон таажжубланиб тикилади). Синглим... Жоним синглим... Ўзи тинчликми?

Лола (бошини Кашиофнинг бағрига қўйиб, ўқраб иғлайди). Акажон... Севиб қолдим!

Кашшоф. Ажаб савдолар!..

Хумор. Мұхаббат — ҳаёт зийнати, дил ҳазинаси...

Қамбар. Гапиринг! Гапира беринг!

Хумор. Севиш... Севилиш... Севги йўлида ширин жон бериш... Бу мардлик! Акам мард!

Қамбар. Кўриниб турибди... (*Парвозга.*) Оғайни, инженер бўлсан ҳам; медицинадан унча-мунча хабарим бор. Қани, жанобларини бир кўриб қўйай!

Хумор (*Қамбарнинг йўлини тўсади*). Кераги йўқ!

Қамбар. Нега?

Хумор. Бинтини яқиндагина янгиладим.

Вакил (*кўча эшигини қия очади, йўталади*). Ҳой яхшилар!

Кашшоф. Келинг ота, хизмат?

Вакил. Вали, Салима деган болалар шу даргоҳга қўнишганми?

Хумор (*Парвозга*). Кўрпага буркан! Бир камимиз шу кўргилик эди.

Кашшоф. Вали? Салима? Йўқ, бизникида бунақа болалар йўқ... Парвоз, Хумор керак бўлса, ана, улар!

Вакил. Лақабларини айтяпсиз, хўроз! Асл исмлари — Вали, Салима. Оналари Пашмаккон. Мен ўгай оталари бўламан. Эшитганмисиз қассоб Вакил отани? Бутун Каллахона билади. Аммо лекин... оналарини талоқ қилган бўлсан ҳам, машойихлар айтганлар: «бир кун туз ялаган ерингга минг кун салом бер», деб... Жибилажибондан хабар ола кетай дедим.

Кашшоф. Жибилажибон?!?

Вакил. Ҳа, ҳалиги... Вали бола...

Хумор. Ҳой, амаки, нималар деб валдираяпсиз?

Вакил (*Хуморга бурнини қийашайтиради, куйлаб ўйнайди*).

Қопқонда ишинг душвор, қассоб,
Бор бўлса пулинг, сочвор, қассоб.

Бу учта наҳанг ютмай, тезроқ
Обрў борида қочвор, қассоб!

Парвоз (ёстиқдан бошини күтаратади). Ишонманглаф унга! Жинни чол! Жиннихонага қамаш керак уни!

Кашшоф. Қани, ота, бундоғ ўтириңг! (Нон ушатади, чой қуйиб узатади.) Конъякка қалайсиз?

Вакил. Эсим расо, ўғлим, әрталабдан ичиб ўлибманми?

Кашшоф. Аммо ўғлингиз... Вали... яъни, Парвоз әрталабдан ичар әкан.

Вакил. Қип-қизил жинни-да!

Озода (кўча эшигини қарсиллатиб очиб кириб кела-ди). Қани болам? Қани Парвожоним?.. (Валини кўриб.) Ҳў, зиқна чол! Сиз ҳам пашшахўрда бўлибсиз-да? Ҳумор, қизгинам, қалай, аканг тузалиб қолдими?

Вакил. Ҳар қалай, ўлмапти.

Озода. Ҳў, нафасинг совуқ бўлмай, яшшамагур!

Вакил (чўнтағидан ҳамён чиқарип, Озодага кўз-кўз қилади).

«Турмуш лавзати пулдан, қассоб,
Одам иззвати пулдан, қассоб,
Жоним бераман ҳамён очсанг,
Сенга тутаман гулдан, қассоб!»

Озода ҳамёнга чанг солади, Вакил олиб қочади.

Озода

Пул бўлмаса, хушёқмас қассоб,
Ёр сизга кулиб боқмас, қассоб,
Пулсиз қора ҳам қора бўлмас,
Пул бўлмаса, оқ — оқмас, қассоб!

Ҳамённи кўчага отади. Озода чопиб чиқиб кетади.

Вакил. Пашмак даф бўлди... (Кашшофга.) Ака-сингилларга қалайсиз, ҳўроз?

Кашшоф (Қамбарга). Дўстим, сен нима дейсан?

Қамбар. Кечқурунги концертдан воз кечсак... Бу ердаги томоша ҳам ёмон бўлмаяпти.

Кашшоф. Қозимиз — Лола... Ҳўш, сингилжон, нима дейсан?

Лола. Дод!.. (Юзини кафтларига яшириб, уйга қочиб кираётганда, чақирган товушни эшитиб тўхтайди.)

Нодира (ҳовлига ҳаяжонланиб кириб). Лола! Қайт! Гап бор!..

Кашшоф. Нодира! Жоним!
Нодира. Кашшоф ака!

Иккови қучоқлашиб кўришадилар. Лола бенхтиёр изига қайтиб,
Нодиранинг қаршисида тўхтайди.

Лола. Нима гапинг бор?

Озода (кириб, Вакилга). Шунча пулни яшириб юриб-
сиз-а, бетавфиқ! (Вакилнинг елкасига қўлларини қўяди,
кейин соқолини силайди.) Уятсиз!

Вакил. Оббо, Пащмаг-еъ! Тошдай қотишингга ҳам,
ҳалимдай юмшашингга ҳам тараф йўқ.

Нодира. Лола! Дугонажон! Сенга биттагина саво-
лим бор. Шу саволга жавобингга қўп нарса боғлиқ, ай-
ниқса сенинг тақдиринг...

Лола. Сўра!

Нодира. Уйингга опкелиб парвариш қилаётган ки-
шинг кимлигини биласанми?

Лола. Биламан: Парвоз.

Нодира. Парвоз ким?

Лола (қизаради). Биласан-ку...

Нодира. Ҳа, биламан. Сен-чи? Сен ҳам биласанми?

Лола. Ҳа.

Нодира. Ёлғон! Билмайсан!

Лола (тажанги). Е, тавба... Билмасам, билдири!

Нодира. Иблис!

Лола. Тухмат қилма!

**Хумор (Нодирага човут солади). Ҳой, нима де-
япсан?**

Озода. Уялмайсанми, ноппа-нозандай йигитни иблис
дэйишга?

Вакил. Ҳо, яхшилар! Сабр қилинглар! (Нодирага.)
Қани, қизим, жибилашибоннинг иблислигини исбот қил!

Нодира. Бошини ечинглар!

Қамбар. А?!

**Кашшоф (Парвозга). Меҳмон, саллангизни ё ўзин-
гиз ечинг, ё биз ечамиз!**

Хумор. Яраси оғир... Ечтирмайман!

Озода. Нима, бироннинг боласига зўрликми?

Вакил. Ҳой, жибилашибон, мард бўлсанг — еч!

Нодира. Еч, номард!

**Парвоз (Кашшоф билан Қамбарнинг икки томондан
келаётганини кўриб, бошини чанглайди, қочиш учун**

эшикни мўлжаллаб шайланади. Лолага). Менга ҳурматин-
гиз шуми. Лолита? Ваъдага вафо қани?

Л о л а (*тетикланади*). Ўша ваъда — ўша ваъда... Бо-
шингилизни ечинг. Мени деб ўзингизни отганингизни исбот
қилинг. Тўй қиласиз. Уй ҳам, баҳт ҳам, «Волга» ҳам
сизники. Дадам путёвка олиб берадилар, Парижга бора-
миз... Умуман, орзуларингизнинг ҳаммасига етасиз. Ҳа,
нега иккиланяпсиз! Йигитсиз-ку!

П а р в о з. Бошимни ечмасам-чи?

Л о л а. Унда... унда... шўрим қурийди!

П а р в о з ўзини эшикка уради. Кашшоф билан Қамбар уни ушлай-
дилар. Кашшоф бинти олиб ташлайди. Парвознинг чаккасига тарса-
ки уриб орқасига тепади. **П а р в о з** кўчага учиб йўқолади.

Л о л а. Вой шўрим! (*Хушидан кетиб йиқилади.*)

В а к и л (*Озодага*). Ҳамённи чўз!

О з о д а. Бермайман!

В а к и л (*қалтирайди*). Чўз! Қонимга ташна қилма!

О з о д а (*ҳамённи ноилож беради*). Зиқна чол!

В а к и л. Энди бизники уэр. Одам ёшлигига қоқил-
са — ўзини ўнглаб олади, аммо кексайганда қоқилса...
Шайтонга ҳай бермай иложимиз йўқ. (*Кетади.*)

О з о д а (*унинг кетидан*). Сени қўлимдан чиқариб
бўпман! (*Кетади.*)

Қ а м б а р (*Хуморга*). Хўш, ойимча, «муҳаббат — ҳа-
ёт зийнати, дил ҳазинаси... Севги йўлида ширин жон бе-
риш...» Йўқол, маккора!

Х у м о р. Кетаман. Ҳайдамасангиз ҳам кетаман... ле-
кин бир кун ўзингиз ялиниб борасиз. Ҳусним, ноз-караш-
мам сиздайларнинг кўпини куйдиради! (*Кетади.*)

Кашшоф билан Қамбар Лолани суюйдилар, Нодира унга сув сепиб
ўзинга келтиради.

Н о д и р а. Лола! Дугонажон! Кўзингни оч! Иблис
даф бўлди!

Л о л а (*кўзини очади*). Вой жоним... Акажон, мени
кечиринг!

К а ш ш о ф. Опоқ синглим! Ҳаёт шунаقا: кенг текис
йўллар чеккасида эгри сўқмоқлаар ҳам бор.

Қ а м б а р. Лолакон, бир имтиҳондаш ўтдингиз.

Ҳодира. Кашшоф ака! Мариню Марини концертига борамиз, а?

Кашшоф. Албатта!

Қамбар (Лолага). Тузукмисиз?

Лола. Раҳмат... (Кашшофга.) Ақажон! Дадамга, аямга нима дейман?

Кашшоф. Қамбар түғри айтди: «бир имтиҳондан ўтдим», дейсан.

Битгувси паришонлик,
Үтгувси пушаймонлик,
Гард қўнса-да, бир онлик,
Гангитмаса сарсонлик,
Енгувси чин инсонлик!

Ҳодира

Отгувси чаман тонглар,
Оlamda қўшиқ янграр,
Яшайди фикр, онлар,
Ёр қалбини ёр тинглар,
Пок севги шараф-шонлик!

Қамбар

Ишқингда гўзал дилдир,
Ёр, энди дилинг билдири,
Жилванг менга бир гулдир,
Бахтимни ўзинг кулдир,
Кетгувси бу ҳайронлик!

Лола

Найлай, бу қўигил гирён,
Елғонга учиб вайрон,
Синдиоди уни армон,
Излаб топаман дармон,
Битгувси паришонлик!

Тўрттоғи

Зулматни зиё енгар,
Чин аҳду вафо енгар,

Бир нурки, ҳаё енгар,
Жон бўлса фидо — енгар,
Пок севги шараф-шонлик!

Маҳмуд билан Сунбул ҳовлига оёқ учиди аста кириб кела-
дилар.

Маҳмуд. Табибам! Қорлар эриб, излар босилибди-
ми? Э, Кашшоф билан Қамбаржон ҳам кеп қолишибди-ку!
Сунбул. Ҳақ бўлиб чиқдингиз, домлажон!

Ота-она Кашшофни қучадилар, Қамбарни суждилар. Маҳмуд Лолани
бағрига босади.

Маҳмуд. Уйқудан уйғондингми, қизим?
Лола. Дадажоним!. Адашган қизингизни кечиринг!..

ПАРДА

1968 йил

ДИЛ КЎЗГУСИ

УЧ ПАРДА, ОЛТИ КУРИНИШЛИ МУЗИКАЛИ КОМЕДИЯ

ИШТИРОК ЭТУВЧИЛАР

Аъзам Самарзода. Эллик ёшда.
Укпархон. Унинг хотини, қирқ беш ёшда.
Акрам. Буларнинг ўғли, йигирма тўрт ёшда.
Темир Бадинов. Эллик ёшда.
Санъатхон. Унинг хотини, қирқ беш ёшда.
Интизор. Буларнинг қизи, йигирма ёшда.
Тоштемир. Йигирма беш ёшда.
Гўзалхон. Қирқ ёшда.
Камтарин. Қирқ беш ёшда.
Маҳалла аҳли.

Воқеа шу кунларда Ҳалқобод маҳалласида бўлиб ўтади.

БИРИНЧИ ПАРДА

Халқобод маҳалласининг гузари. Идора. Клуб. Шинам сўрилар: Гулзор. Атиргуллар қийғос очилган. Тонг отяпти. Тоштемир сўрилар устига сим тортятти, катта чироқлар қўйяпти.

Тоштемир

Гул, лола зор нурсиз,
Дил беқарор нурсиз,
Севгим қуёши кулмас,
Мен интизор нурсиз.

Чексиз қувонч — зиёда,
Нурдан ривож гиёда,
Ёнса чироқ йўлида,
Ерим ўтар пиёда.

Нурсиз ҳаёт шуурсиз,
Нурсиз юрак фурурсиз,
Нурга кўмай жаҳонни,
Мен интизор нурсиз...

Камтари идорадан эълон олиб чиқади, деворга қоқади. Эълон одам бўйи картонга турли рангларда чиройли ёзилган, айниқса ўртароқдаги «Дил кўзгуси», «Ростлик кечаси» деган сўзлар кўзга яққол ташланади.

Камтари. Ҳа, мулла Тоштемир, саҳарлаб сайраб қолдингиз?

Т о ш т е м и р. Ҳа, әнди, амаки, кўклам... мушуклар мов бўлган фасл...

К а м т а р и н. Гапни чалғитяпсиз, савлатингдан. Ашулангиизда Йиғизор деган сўз қулогимга чалингандай бўлди?

Т о ш т е м и р. Йиғизорлик — кутиш, соғиниши... Шунга ўҳшаган бир тоқатсизлик... (*Чироқларни ёқади.*) Мана, олам гулистон... Қабул қилиб олинг. Мен борай... Байрам арафасида заявкалар кўп. Мана бу қоғозга қўл қўйинг.

К а м т а р и н (*қўл қўяди*). Ҳайр, савлатикдан. Оқшом ҳаваскорларингиз йифилишади-я. Кечикманг!

Т о ш т е м и р. Ҳўп бўлади. (*Монтёрлик сумкасини кўтариб кетади.*)

К а м т а р и н (*эълонни товуш чиқариб ўқийди*). «Шу йил 30 апрель кеч соат 8 да Ҳалқобод маҳалла клубида.

Дил кўзгуси деган мавзуда Ростлик кечаси ўтказилади.

Кечада қўйидаги масалалар ўртага ташланади:

1. **Дилинг покми?** Дилингда ножўя хатти-ҳаракатларингнинг доғлари йўқми, яъни:

а) әлга содиқмисан?

б) оиласнгга вафодормисан?

2. Яширин сирларинг, доғларинг бўлса, оч, токи:

а) виждан азобидан қутул,

б) истиқболга ёруғ юз билан кир.

Кечага жами маҳалла аҳолиси таклиф этилади.

ҲАЛҚОБОД МАҲАЛЛА КОМИТЕТИ».

К а м т а р и н (*сўрига келиб, эълонга юзма-юз ўтиради, дўйпинини гиламга қўяди*). Ана холос! (Ўзи билан ўзи сўзлашади.) Қани, дўстим Камтарин, эълондаги саволларга аввал ўзимиз биро жавоб бериб кўрайлик-чи! «Дилинг покми?»— пок!—«Дилингда ножўя хатти-ҳаракатларингнинг доғлари йўқми?»— Худо сақласин, йўқ!—«Элга содиқмисан»— Юз процент!—«Оиласнгга вафодормисан?»— Ўғил бола савол.— Аммо, афсуски, оиласнг йўқ... Бироқ ҳеч кимга айтмаган, «гавҳар қутича» тубида яширин битта сирим бор. Ҳўп, ўша биттагина сиримни то мажлисгача мана шу гулларга, ҳўв анави терак орқасидаги олтин баркашга сўзлаб берай...

Бир вақтлар биз ҳам ёш әдик. Боботоғ бағридаги Сумбусоғ деган қишлоқда турағардик. Даражатларнинг сироли шарпалари, булбуллар чаҳ-чаҳи... (*Қулоқ солади.*) Чаш-чаҳ, чаҳ-чаҳ, чуҳ-чуҳ-чуҳ, чаҳа-чаҳ, чаҳа-чаҳ, чаҳа-чаҳ... (*Мамнун жилмаяди.*) Оқизоқ нон еб, булоқ сувидан зақуска қилиб, баъзи боғлар ёнидан ўтганимизда оғизга дўпли тутиб ашула кўтарардик.

Термиларман, севгилимни ёд этиб,
Орзулардан дилим обод этиб,
Кошки, бир боқса бизга у гўзал,
Ой жамоли қўнглимини шод этиб.

Ғунчани булбул навоси уйғотур,
Ул тиниқ кўзлар қаросин ўйнатур,
Индамас, бизни сукути ўйлатур,
Термиларман боғига, фарёд этиб...

Ё тавба, ўша вақтда шотутлар бўларди. Йирик-йирик доналари қип-қизил, қоп-қора пишарди. Шотутлик ҳовлидаги Назокатнинг лабларидай қип-қизил, кўзларидай қоп-қора. Кейин, уруш... Бизга насиб бўлмади ўша боғнинг шотути... Э, нега эслаб кетдим ўша кунларни, эски ярани янгилаб! Ҳа, саволга жавоб... Ҳуллас, шу сир, шу доғ «гавҳар қутича»да урушнинг битта осколкасидай ётибди. Бошқаларни билмадигу, аммо бизнинг шундан бошқа гапимиз йўқ, ростлик кечасида айтадиган...

Водопровод жўмрагидан бакка сув тўлдириб, газ ёқади. Кўлтиғига туфли қутисини қисиб Акрамхон пайдо бўлади, йўлга аланглади.

Камтарин. Келинг, кичкина Самарзода. Нечун бугун маҳалла хўролари билан баббаравар турвордилар?

Акрамхон. Уйқу харом. Чой дамланг! (*Сўрига ўтиради.*)

Камтарин. Ҳозир қайнайди, дамлаймиз, савлатингдан. Ноxуш кўринасиз?

Акрамхон. Чибин чақиб ухлатмади. Ишқ деган чибин.

Камтарин. Ия-ҳа, тагин янгисига мубтало бўлдиларми? Қани-қани, дафтарни очинг!

Акрамхон. Бошқа чибинлар танингни чақса, буниси жонингни чақади, Камтар ака.

Камтарин. Мулла йигитсиз, талаффузда хато қиласманг, Камтар ака эмас, Камтарин ака.

Акрамхон. Камтарин ака... Анқо ҳам биз «га!» деганда «ака!» деган.

Камтарин. Йўғ-е? Катта кетдингиз! Шаҳарнинг дарвозаси, дарвозасининг посбонлари бор, кичкина Самарзода!

Акрамхон. Емон мatalчи бўпсиз-да!

Камтарин. Сиздақа заршунослар билан жўн гаплашиб бўлмайди, савлатингдан. Ҳай, чивинни қўйинг, ишдан келайлик. Ҳўш, қўлтифингиздаги нима?

Акрамхон (нотисанд). Вайваякнинг боласи. (*Туфлини қўз-қўз қиласди.*) Силлиқ, нозик... Арчилган тухумдай-а...

Камтарин (ўсмоқчилаб). Уруғи кўпми?

Акрамхон. Топилади. Мулла жирингга жон ҳам топилади, жонон ҳам... (*Талтайиб куйлади.*)

Вайваякжон, вайваяк,
Қирра бурун, тик пошна.
Туфлисиzlар жонсарак,
Олиб қолинг, жон ошна.

Нархи эллик сўлкавой,
Англизча маркаси.
Буни кияр әркавой —
Дадасининг әркаси.

Вой-вой ака, вой ака,
Савлат тўкиб кийгайсиз.
Пулни чўзинг, бой ака,
Кейин топмай, куйгайсиз,
Вайваякжон, вайваяк...

Камтарин. Чайқовни йифишириинг, хўрозд! Уйингиздаги резинка ичакни опчиқинг, мен йўлга бир сув сепворай, ҳадемай ўзингиз машина чангитиб ўтасиз.

Акрамхон. Бизда шланг йўқ.

Камтарин. Елғон гапидингиз. Ҳа, иложимиз қанча? Мен нариги ҳовлидан шланг опчиқай, сиз манов эълонни ҳазм қилиб туринг.

Камтарин кетади. **Акрамхон** бир эълонга, бир соатига қарайди.

А крамхон. Етти ярим. Ҳозир уйидан чиқади: «га!» деймиз, «ака!» дейди. Ожшом боғда сайр. Йўлагида биринчи бўса... (*Ғингиллайди*.)

Қарасам — қарамайсан,
Қарамасам — қарайсан...

(Эълонни парвосиэгина ўқийди). Ҳм... «Дил кўзгуси...», «Дилинг покми?» Ҳмм... «Яширин сирларинг, доғларинг...» Қизиқ! Менинг дилимдаги билан бошқаларнинг нима иши бор? (*Тобора ҳушёёр торта бошлайди*.) ...«Виждон азобидан қутул...»

Интизор келади, эълонга тикилади.

«Дил кўзгуси...» Бу нима ўзи? Ойнами? Машинами?
Интизор (парвосиэгина). Дил кўзгуси — бу, дил кўзгуси! Шуни ҳам тушунмайсизми?

Акрамхон (ҳайрон). Тушимми, ўнгимми? «Дил кўзгуси» чин әкан. Сизни ҳозир ўйлаб турувдим...

Интизор (ўқийди). «Элга содиқмисан?...»

Акрамхон (саросимада). Мендан сўраяпсизми? (*Қизга сўйкалиб келади*.)

Интизор. Йўқ, ўқияпман... Нари туринг! (*Ўқийди*.) «Истиқболга ёруғ юз билан кир...»

Акрамхон. Ҳўп, ёруғ юз билан кирай... Сиз ҳам ёнгинамда бирга кирасиз-да, а?.. (*Интизорга ҳаёсиэларча тикилади, билагини ушлайди*.)

Интизор. Қўйворинг, қўлимни!

Шланг тортиб келаётган Камтарин Акрамхоннинг қулоғи тагида ҳуштак чалиб юборади. Интизор Акрамхоннинг қўлидан қутулиб қочади.

Камтарин (*Интизорга*). Бор, қизим, ўқишингдан колма! (*Акрамхонга*.) Одамнинг ҳар нарса бўлгани яхши! Уят!

Акрамхон. Боринг-е! (*Интизорнинг кетидан чопади*.)

Камтарин. Тўхта! (*Шлангни тўғрилайди*.) Қайт! (*Сув отади*.) Қайт дейман!

Акрамхон (уст-боши шалаббо, ноилож қайтади). Э, ҳазилингиз қурсин!

Камтарин. Садқайи одам! Эшитган қулоқ нима дейди?

А крамхон (*шимининг почасини сиқади*). Деб кўрсинг!

Камтарин. Эўравонликнинг падарига лаънат! Кучинг мусичадай қиз болага етдими?!

Акрамхон. Нима, севиш гуноҳми?

Камтарин. Севиш... Тулки кабутарни севибди, десалар ишонаман, аммо... (*шлангни тўғрилайди*.) Қани, жуфтакни ростла!

Акрамхон сувдан қочиб, уйи томонга кетади. Камтарин йўлга, гулзорга сув сепа бошлайди. Ишга ошиқсан йўловчилар пайдо бўлади.

I-йўловчи. Салом, Камтарин ака!

Камтарин. Ваалайкум ассалом! Эълонни ўқиб кетинг!

II-йўловчи. Нима гап? Тинчлиқми?

Камтарин. Айни муддао, савлатингдан. Яна уч кундан кейин ростлик кечаси бўлади.

III-йўловчи (*эълонни ўқийди*). Қайси доно ўйлаб чиқарди буни?

Камтарин. Маҳалла активлари-да... Қалай, тувукми?

IV-йўловчи. Қойил!

Бир қиз (*эълонни ўқиб чиққач*). Маҳалламиздан ёмонлар йўқоладиган бўпти.

Камтарин (*гул узуб қизга узатади*). Иқболинг гулдай очилсин, қизим!

Қиз. Ташаккур, амаки!

Ҳамма кегади. Қалин чарм папка қўлтиқлаган **Аъзамхон** пайдо бўлади, эълон олдида тўхтайди.

Камтарин (*атайлаб зарб билан*). Ассалому алайкум!

Аъзамхон (*нописанд*). Ваалай...

Камтарин. Гапнинг қоқ ярми ичингиэда қолади-я, катта Самарзода.

Аъзамхон. Торт ичагингни! (*Эълондан ижирғанади, зарда билан*.) Ким ўйлаб чиқарди бу bemáъни гапни?

Камтарин. Узумини енг, борини сўраманг, савлатингдан.

Аъзамхон. Ҳмм... Қўп bemáъни гап.

Камтарин. Йўғ-е?
Аъзамхон. Бачканалик!

Папкасини сўрига қўяди, ғълонни яна ўқийди.

Камтарин. Ўтилинг, чой дамлайман.
Аъзамхон (*ўтиради*). Чойни қўйинг. Бошқа гап бор.
Камтарин. Кани, эшитайлик.

Аъзамхон. Иккаламизнинг ўртамиизда қолади-да, а?

Камтарин (*эълонга шора қилади*). «Агар доғларинг, сирларинг бўлса...» А, лаббай, савлатингдан?

Аъзамхон. Тавба... Шу галча савлатни ўртага тиқманг!

Камтарин. Нега энди? Одам савлатли бўлиши кепрак. Аммо сир, доғ...

Аъзамхон (*ясама кулади*). Файлласўфсиз, биродар, файлласўфсиз. Ҳа, майли... (*Яна эълон олдига боради*.)
Хой, биродар, байрам арафасида бу ташвиш кимдан чиқди?

Камтарин. Ташвиш әмас, кори хайр.

Аъзамхон. Кори хайр... кимдан чиқди?

Камтарин. Кўпчиликдан...

Аъзамхон. Кўпчилик... Ҳм... Келинг, биродар, сиз ҳам биз билан мундоғ... очилиб гаплашинг.

Камтарин. Қарс икки қўлдан чиқади-да.

Аъзамхон. Яъни?

Камтарин. Сив ҳам очилиб гаплашсангиз?

Аъзамхон (*овозини пасайтириб*). Сир ўртамиизда қоладими?

Камтарин (*эълонга қош қоқади*). Буни нима қила-миз?

Аъзамхон. Бу нима? Ҳамма гап ҳов анави ҳовлида.

Камтарин. Қайси? Бадиновнинг ҳовлисидами?

Аъзамхон. Балли! Дил кўзгусини ўша ўйлаб чиқарган.

Камтарин. Кимдан эшиттингиз?

Аъзамхон. Бирордан эшитишнинг кераги йўқ. Дом-ком раиси, инженер...

Камтарин. Ия-ҳа... Шубҳангизда жон бор.

Аъзамхон. Ҳусуматнинг олди олинмаса... (*Хўрси-нади*.) Э, бевафо фалак! (*Ўйга толади*.)

Камтарин (*мийифида кулиб, атайлаб ҳиргойи қи-лади*).

«Ҳасратим дафтарга сифмас ёзганим бир-ла, ука,
Ут әкан, куйди оёғим босганим бир-ла, ука...»

Аъзамхон. Ашулага қирон келсин, шунаقا пайтда...
Камтарин. Ҳадеб дим бўлаверманг, Самарзода.

Аъзамхон. Ҳайрон қоласан киши: Бадинов бошқаларнинг ишига афалашиб нима қиласди?

Камтарин. Ёйилмоқроқ гапиринг!

Аъзамхон. Манави ғурбатни айтаман. Агар Бадинов хусуматчи бўлмаса, «Дил кўэгуси» ни ўйлаб топармиди!

Камтарин. Табиатнинг нозик ери жанобларини яратганда савиядан ҳам зигирча қўшиб бермаган әкан-да, а?

Аъзамхон. Менинг гапим бир илмоғлик бўлса, сизники қўш илмоғлик. Ҳўш, менинг савиям билан нима ишнингиз бор?

Камтарин. Савиянгиз жинчалоқча юқори бўлганда, мен билан ади-бади айтишиб ўтирмай, Бадиновга ёрилиб қўя қолардингиз.

Аъзамхон. Сал гапга оқ шўрванинг кўпигидай тошасиз-а!

Камтарин. Тагига чўкиб ётгандан тошиб юзага чиққани маъқул. Ҳали ҳам Бадиновнинг олдига боринг. Дардингилини ўшанг айтинг.

Аъзамхон. Бу маслаҳатингизда жон бор. Ҳафа бўлмайсиз, биродар, маҳаллачилик... (*Кетади.*)

Камтарин. «Ичимдагини топ» тоифасидаги шунақа одамларни кўрсам бўғилиб кетаман. (*Сигарет тутатади, чека олмайди, ташлайди, этигининг товонида эзади, гулзорга киради, гул узиб томоша қиласди.*) Гул.. Мана бу чиндан ҳам гўзаллик самараси... Ҳай, майли... Ҳализамон котибамиз Гўзалхон келадилар. (*Стулни кафти билан артиб, силайди.*) Мана шу стулга ўтириб, маҳаллани сўрайдилар, одамларнинг ҳожатини чиқарадилар. Қуралай қўзларида нур порлаб, ширин сўзлари яхшиликка чорлайди.

Термиларман севгилимни ёд этиб,
Орзуладан дилим обод этиб,
Кошки әрди боқса бизга у гўзал,
Ой жамоли кўнглимизни шод этиб...

Оҳ, ўша шотутли ҳовли... Гўзалхонни кўриб эски яра янгиланди.

Гўзалхон пайдо бўлади, жилмайиб қулоқ солади.

Гўзалхон. Ҳай, Камтарин ака, ўзингиздан-ўзингиз нималар деяпсиз?

Камтарин (*хижолатда*). Э, келинг, Гўзалхон, яҳши ором олдингизми, гўзал тушлар кўриб? Мана, гул.

Гўзалхон. Раҳмат. (*Гулни ҳидлайди*.) Ҳўш, нима гаплар?

Камтарин. Табиат гўзал, тонг гўзал, гуллар ундан ҳам гўзал. Мана, сиз келиб гузаримизнинг гўзалиги ўн чандон ошди.

Гўзалхон. Шоир бўлиб кетинг-е! Мен сиздан маҳаллада нима гаплар?— деб сўраяпман.

Камтарин. Янги гап шуки, «Ростлик кечаси»га тайёргарлик кўряпмиз. Баъзи бирорлар ташвишда...

Гўзалхон. Кимлар ташвишда?

Камтарин. Самарзодалар ташвишда.

Гўзалхон. Ҳа... Ташвишлари асосли... «Дил кўзгуси...» Ҳўш, Камтарин ака, сиз ўзингиз ташвишга тушиб қолганингиз йўқми?

Камтарин. Ия-ия, бу нима деганингиз?

Гўзалхон. Бу, ростлик кечасида ҳов... шотутли ҳовли ҳикоясини эшитамиш деганим.

Камтарин (*манглайини артади*). Қўйинг-е, одамни тер босиб кетди...

Гўзалхон. Демак, ўзингиздан шубҳангиз бор эканда?

Камтарин. Шубҳам йўқку-я, андак хавотирим бор...

Гўзалхон. Хавотирингиз бор?

Камтарин. Ҳа, дил кўзгусига рўпара бўлганимда туйқусдан... сирим очилиб, бирорларни севишим фош бўлиб қолса...

Гўзалхон (*қийқириб кулади*). Вой, сизни қаранг...
Вой Камтарин ака-ей!..

Камтарин. Гўзалхон... Майли, писанд қилмасангиз ҳам... аммо мабодо дейман-да, ўша кўзгу дилимдаги сизга булоқдай тиниқ, нурдай пок муҳаббатимни очворса...

Камтарин

Банд әтди ой жамолинг,
Меҳру вафо, камолинг,
Ороми йўқ кўнгилнинг,
Софинтириб висолинг.

Г ў з а л х о н

Ёшлик баҳори ўтди,
Ҳижрон мени қуритди,
Кўнглим ҳавас унутди,
Тарк эт, aka, хаёлинг.

К а м т а р и н

Қиши сўнгги навбаҳордир,
Кўкламга севги ёрдир,
Қисматда балки бордир,
Лаб узра инжу холинг.

И к к о в и

Қилди адо муҳаббат,
Берди садо муҳаббат.
Жоним фидо, муҳаббат,
Менга қийин саволинг.

К а м т а р и н . Ўтган ўтиб кетди... Чорак аср муқаддам уруш менинг ҳам, сизнинг ҳам ишқимизни балодай ютди. Лекин ҳаёт давом этяпти-ку?.. Ёнингизда соядай юрсам, шу бас. Бу рост гап. Бу — ростлик кечасида айтса бўладиган гап.

Г ў з а л х о н . Бу мушкул савдо, Камтарин aka... (*Гулзорга эгилиб, юзини гулларга яширади.*)

ИККИНЧИ КУРИНИШ

Б а д и н о в н и н г ҳовлиси. Дам олиш куни. Тонг. Гулзор бўйидаги сўрида И н т и з о р дарс тайёрлаб ўтирибди.

И н т и з о р . Медицина... Нақадар мураккаб, мушкул фан! Юрак... Бутун бир китоб. Аслида у, Қуванинг ано-ридай бир нарса... Аммо сонсиз ҳужайра, ҳисобсиз ҳаёт томирларидан ташкил топган. Юрак... Масалан, менинг юрагим... Оҳ, ундаги сир-асорни билса әди юраги тош Тоштемир!..

Олмадинг, эй бағри тош, бу интизорингдан хабар,
Сенда йўқдир севгидан, ҳижрон, жафолардан асар.

Тош, темирлардан ясалган, исмига мос Тоштемир,
Сенга ёринг қалби бегона, фақат иш мўътабар.

Бошқаларга нур бериб, зулматда қолдирдинг мени,
Тобакай сен менга тунсан, ўзгаларга жилвагар.

Бир қарашда билмасанг,
икки қарашда билмасанг,
Уч қарашда билмасанг,
бизга қийин, бечоралар...

(Китобни зарда билан ёпади.)

Битди тоқат! Келма! Келсанг ҳам кўролмайсан мени,
Энди қилгайман сени кўйимда минг оворалар!

Үйга толади. Булбуллар сайдайди. Олисдан Тоштемирни в
ашуласи әшитилади.

Тоштемир

Тонг отди, лола ранг нурга бўялиб,
Интизор, уйингдан чиққил уялиб.

Интизор

Ҳол.. (Зарда билан лабини буради.)

Тоштемир

Тонг отди, табиат тўлди виёга,
Борайлик ям-яшил соҳил-дарёга!

Интизор

Ҳол..

Тоштемир

Тонг отди, ғунчалар очилди аста,
Чиқ тезроқ, қўлимда сенга гулдаста.

Интизор

Ҳол..

Тоштемир

Тонг отди булбуллар навоси билан.
Гўзалдир муҳаббат вафоси билан.

Интизор өшикка яқинлашади. Тоштемир кўчада булбул бўлиб сайрайди. Қиз өшикни очади, йигит отилиб киради

Тоштемир. Ҳайрият... (*Қизнинг қўлларидан маҳкам ушлаб олади. У ёқ-бу ёққа аланглайди.*) Ҳайрият... Ҳолам, амаким, ҳалиги... сигир-бузоқ, қўй-қўзилар, хўрзотвуқлар... (*Қиз қийқириб кулади.*) Ҳайрият...

Интизор (кесатади). Ҳайрият! Ҳайрият!.. Нима, гуноҳ қилиб қўйғанмисиз, қўрқасиз?

Тоштемир. Биргина гуноҳим — сизни севишими.

Интизор. Елғон! Севган киши бир йиллаб йўқолиб кетмайди.

Тоштемир. Ё, туҳматингдан ўзинг асрал! Кеча әмасмиди келганим?

Интизор (*ҳамон араз*). Менга бир кун — бир йил.

Тоштемир. Ҳайрият... (*Этигининг учи билан ер чизади.*) Ҳалиги... Ростлик кечасига борасизми?

Интизор. Бораман. Сиз-чи?

Тоштемир ҳамон ер чизади.

А-ҳал! Сирингиз очилишидан қўрқасиз! (*Эркаланади.*)
Кетинг! Кўзимга кўринманг!

Тоштемир. Сирим битта — сизга муҳаббатим...

Сирим — севгим, ўзинг сирдошим,
Синаб билдинг сабру бардошим.
Сирим ошкор қилас әлимга
Тўйда катта қозонда ошим.

Созандалар айтар соз билан,
Хонандалар хушвовоз билан.
Чимилдиқни шоҳидан тикай,
Кириб келгил, ёрим, ноз билан.

Интизор

Чорси тикдим, гули бурама,
Сеҳринг билан мени ўрама,
Қиз боланинг савдоси қийин,
Тил учидаб сўрама.

Тентаксойга ўхшайди кўнгил,
Телбаликни хушлайди кўнгил.

Аммо катта дарёга тушиб,
Ишқни қаттиқ ушлайди кўнгил.

Иккови

Бевафолар доим адашар,
Севмай туриб бетоқат, шошар.
Садоқатли юраклар яшар,
Муҳаббатга вафо ярашар.

Тоштемир. Қани, кетдик!

Интизор. Қаёққа?

Тоштемир. Ҳаваскорлик тўгарагига. Ростлик ке-
часига концерт тайёрлаймиз.

Интизор. Каллайи саҳарлаб-а?

Тоштемир. Аввал дарё бўйига борамиз, сайд қила-
миз.

Интизор. Ҳозир эмас. Ҳалироқ.

Тоштемир. Сойда кутаман.

Тоштемир лотереядан «Запорожец» ютгандай шодланиб чиқиб
кетади. Интизор айвонда дазмолга уннайди. Бадинов билан
Санъатхон уйдан чиқадилар.

Интизор. Ассалому алайкум, дадажон, ассалому
алайкум, аяжон!

Бадинов. Яша, қизим.

Санъатхон. Саҳарлаб дазмолга уннаб қопсан?

Интизор. Бугун ҳаваскорлик тўгарагининг машғу-
лоти. Ростлик кечасига тайёргарлик кўрятмиз.

Бадинов. Кулгили номерлар ҳам бўладими?

Интизор. Билмадим. Тоштемир...

Бадинов. Тоштемир ишга киришган бўлса, боплайди. Монтёр бўлса ҳам, бир инженерчалик билими бор. Кечки институтга кирдими?

Интизор. Ҳа. Сизга шогирд бўлмоқчи.

Бадинов. Ҳа-ҳа! Арзиди.

Интизор фахрланиб жилмаяди. Бадинов ҳовлидаги столга чизма-
сини ёзади. Санъатхон журнал варақлайди.

Санъатхон. Ҳай, дадаси, дам олиш куни ҳам тин-
майсиз.

Бадинов. Ўзингиз-чи?

Санъатхон. Медицина журналида ажойиб мақола босилибди. Ракнинг сабаби очилибди. Совет олимларининг бу масалани қондаги ўзгаришга боғлашини америка, немис, француз олимлари тасдиқлашибди.

Бадинов. Ҳа-ҳа...

Эшик қўнгироги жириングлайди. Интизор бориб очади. Почта ло н телеграмма бериб кетади. Интизор телеграммадаги адресга кўз ташлайди.

Интизор. Дада, сизга.

Бадинов. Раҳмат, қизим (*Телеграммани кўздан ке чиради.*) Тошкентдан. Таажжуб... (*Ўқийди*). «Туғилган кунингиз билан табриклайман. Дўстлигимизнинг эътиқод даражасига кўтарилишини орзу қиласман. Қучоқлайман. Умрбод сизнинг: Аъзамхон Самарзодангиз». (*Елкасини қисади*). Таажжуб... Хоним, менга қаранг.

Санъатхон. Қараб турибман.

Бадинов. Бу табрикномадан ҳеч нарса тушундингизми?

Бадинов. Нима тушундингиз?

Санъатхон. Ҳа.

Санъатхон. Ишга ўралашиб қолиб, сизнинг туғилган кунингизни унутиб қўйганимни тушундим. Яхшиям, озигина ҳозирлигимиз бор.

Бадинов. Мен бошқа нарсани айтяпман. Телеграмма берган Самарзода туғилган кунимни қаёқдан билади? Ҳай, билди ҳам дейлик. Нега амалда йўқ «дўстлик», яъни «дўстлигимиз»ни даъво қиласди? Таажжуб...

Санъатхон. Нимаси таажжуб, дадаси? Самарзода сиз билан бирга ишлайди. Туғилган кунингизни билиши мумкин. Табриклабди, дўст бўлишини орзу қилибди, бунинг нимаси чакки?

Бадинов. Тўғрику-я... Аммо мендан бир тош нарида қочиб юрадиган одам...

Интизор. Қизиқ-да, ая. Телеграммасининг тагида бир гап бўлса керак.

Бадинов. Ҳар ҳолда, ғоятда таажжуб...

Айвондаги телефон жириングлайди. Интизор әшитади:

Интизор. Ҳўп, ҳозир чақираман. (*Санъатхонга*) Ая, сизни сўрашяпти.

Санъатхон. Ким өкан?

И н т и з о р. Укпархон опа.

Б а д и н о в (*кулади*). Навбат сизга, хоним.

С а нъатхон (*трубкага қулоқ солади*). Эшитаман. Ҳа, мен. Эшитаман, Укпархон, нучук эсингизга тушиб қолдик? Телеграммани дейсизми, ҳа, олдик. Раҳмат. Табриклигани кирамиз дейсизми? (*Эрига қарайди, у бош чайқайди.*) Майлику-я... аммо нишонлаётганимиз йўқ. Нега, дейсизми: Темир aka тантанани ёқтирилмайдилар. Аъзамхон aka, борамиз, деяптилар? Келсангиз, эшигимиз очиқ. (*Бадинов тағин «Келмасин» ишорасини қилади*). Балки бошқа бир гал... Яхшиси, ўзимиз бир кун чақирайлик. Аъзамхон aka «Беш минутга бўлса ҳам кирамиз» деяптилар...

Б а д и н о в (*бўғилади*). Ёпирай... Айт, келмасин.

С а нъатхон (*трубкани ёпib, эрига*). Қандай айтаман, маҳаллачилик... (*Трубкага, бўшашиб*). Ҳа, майли... (*Трубкани қўяди*.) Қиёматлик қўшни эмишмиз, бир-бirimizni йўқлашимиз керак эмиш. Самарзода бордикелдини биринчи бўлиб бошлаб бермоқчимишлар...

Б а д и н о в. Майлику-я... Лекин қизифи шундаки, Укпархон эрининг қистови билан телефон қилганга ўхшайди... Тавба... Биз уларга нега керак бўлиб қолдик-а?

С а нъатхон. Одам одамга керак-да, дадаси.

Б а д и н о в. Ҳа-я... ва лекин... Ҳай, келсинлар, суҳбатлашайлик, шояд ҳақиқат бетидан парда кўтарилса!

Яна телефон жиринглайди. Санъатхон қулоқ солади.

С а нъатхон. Лаббай? Ҳўп, ҳозир. Интизор, сенга!

И н т и з о р (*эшитади*). Ким сўраётган? «Дўсти ғойибона...» Кимсиз, ахир? Мен сизни танимайман... (*Дадасига*.) Номаълум бир йигит сизнинг туғилган кунингиз билан мени табриклайти. (*Трубкага*.) Ташаккур. Аммо кимлигингишни ҳам айтинг-да. «Сир». Бас, нотаниш одам билан гаплашмайман! (*Трубкани қўяди*, аммо телефон тағин жиринглайди. Уни олиб, бир нафас индамай қулоқ солади, ранги оқаради, магнитофонни телефонга улади, йигитнинг сўзларини плёнкага ёзди, кейин трубкани секин қўяди.) Овозини кимгаям ўхшатяпман, таажжуб...

Б а д и н о в. Ҳа, қизим, ҳаммамиз таажжубда қолдик. Охири бахайр бўлсин. (*Чизмасининг устига ғилоф тортали*.) Иш нала қолди...

И н т и з о р. Дадажон, нега туғилган кунингизни нишонламайсиз?

Бадинов. Саволинг ажойиб, қизим. Ахир, аянг билан, сен билан ҳар гал биргаликда ширин таом есак, ширин суҳбат қурсак, кинога, театрга борсак — шу байрам эмасми?

Санъатхон. Дадаси... Гўзалхоннинг айтишига қарандо, ростлик кечаси ўтказилишини эшитиб, маҳалладаги баъзи бирорлар ташвишга тушиб қолганмиш...

Бадинов. Эшитдим. Дил кўзгусини телевизорга ўхшаган аппарат деб гумон қилишаётганмиш. Аппаратни мен ишлаб чиқарганмишман. Кимки, унинг рўпарасига келса, юраги кўринармиш, сирлари очилармиш. Аппаратнинг тугмаси босилса, унинг кўзгусида кўринган юрак тилга киравмиш, сиру асрорини сўзлаб берармиш...

Интизор (кулади). Кеча Акрамхонни учратган эдим, у ҳам дил кўзгусини машина деб юрибди.

Бадинов. Ўғрилар!

Санъатхон (ҳайрон). Кимни айтяпсиз, дадаси?

Бадинов. Самарзодаларни... Базага ўрнашган ўғрилар... Ушлаш қийин бўлган замонавий ўғирлик... Чунончи, Аъзамхон база мудири. Ноёб молларни дўконларга чиқармайди, чайқовчиларга оширади. Касса жойида, ҳисоб тўғри, текширсангиз чатоги йўқ.

Интизор. Ўғри «Волга»сида мол ташигани ташиган...

Бадинов. Хавотирлари бежиз эмас ҳарқалай...

Учови дастурхон тузатишга машгул бўлишади. Эшик қўнғирори устма-уст жиринглайди. Тугун, сават, гулдаста кўтаган ота-бона **Самарзода**, **Укпархон** кириб келишади. **Санъатхон** уларни кутуб олади.

Аъзамхон

Қутлуғ бўлсин, фахримиз бениҳоя,
Саватда нон, билакда тўн сармоя,
Қўй-қўзисиз кириб келдик, афв әтинг,
Елкангиизни тутинг бизга, ҳамсоя.

Аъзамхон Бадиновга тўн ёпади.

Укпархон

Эгачижон, хотинсиз эр шумшукдир,
Бамисоли, селда қўлган мушукдир.

**Сизга раҳмат, баҳт бошига түшибидир,
Хотин әрга тарбияга чин доз.**

Укпархон Сантатхонга атлас тутади.

А к р а м х о н

**Дадасининг эркасига саломлар,
Йўлингида биз бўлайлик гуломлар,
Бу гулларнинг умри қисқа, олингиз,
Йқболингиз минг йил ётсин давомлар.**

Акрамхон Интизорга гулдаста беради.

У ч о в и

**Яшайверинг токи дунё тургунча,
Насибангиз тузларини тергунча!**

Бадинов бир аҳволда тўнни елкасидан олиб, айвон қозигига илади, кўришади. Интизор Акрамхонни шубҳаланиб кўздан кечирали. Санъатхон атлас қўлини кўйдиргандек, ўнгайсиз бир аҳволда.

Бадинов (*бўшашиб*). Келинглар...

Аъзамхон. Табриклаймиэ, қутлуғ бўлсин! Айтмай-
сиз ҳам, қўшни. (*Бадиновни елкаси билан туртиб сую-
лади.*)

Бадинов (*столга таклиф қиласди*). Қани, марҳа-
мат.

Ҳамма ўтиради. Ўртада совуқлик, жимлик.

Санъатхон. Овора бўпсизлар...

Аъзамхон (*Бадиновга ўғлини кўрсатиб*). Эурё-
димиз...

Бадинов. Маҳалламизиңинг доим бедор хўрозвла-
ридан...

Аъзамхон. Ия-ия... Жуда мақтаб юбордингиз.

Акрамхон. Ҳа, дада, арзимабмизми?

Аъзамхон. Нима чизяптилар, агар сир бўлмаса?

Бадинов. Иш, иш, иш...

Акрамхон (*дадасининг қулогига*). Дил кўзгусини
чизяпти. Мақсадга ўтинг, дада. (*Бадиновга*) Амаки,
«Дил кўзгуси»ни бизга бир тушунтириб берсангиз.

Бадинов. Ҳўп (*Интизорга*). Дугорни ол, қизим.

Интизор айвондаги қозиқдан дутор олиб келади.

Бадинов. Эшитинглар. (*Дуторни узоқ созлайди, ўйлаиди, Самарзодалар безовта.*)

Эл аро бор кўнгли кирлар, сийқалар
Эгри қўллар яхшиларга суйкалар,
Тоза дил бир-ла яшанг, ёронлар,
Йўқ этинг, гар бўлса доғлар, қўйқалар.

Дилни элга кўрсатур дил кўзгуси,
Ўйламасни ўйлатур дил кўзгуси,
Ким адашган бўлса, виждан олдида,
Пок яашни ўргатур дил кўзгуси.
Тил билан дил бошқа-бошқа бўлмасин,
Эгри қўллар бизни алдаб юрмасин.
Ҳамма билсин тўғри турмуш нормасин,
Тулкиларни ўйнатур дил кўзгуси.

Аъзамхон. Муболаганинг пири бўпкетинг-е, қўшни!
Бадинов. Сўзимда муболага йўқ. Ё, исбот керакми?

Аъзамхон (безрайиб). Керак!

Бадинов. Мана, сиз...

Аъзамхон (саросимада). Мен?!

Бадинов. Ҳа, сиз. Сизнинг дилингиз бошқа-ю, тилингиз бошқа.

Аъзамхон. Бўҳтон!

Бадинов. Бўҳтон эмас. Сиз давлат базасига келган асили моллардан ҳар куни бир қанчасини чайқовчиларга ошириб келасиз... Ё, тўғри эмасми?

Аъзамхон. Астағфурулло...

Бадинов. Ҳойнаҳой, бирор сизга «Дил кўзгуси»ни йилаб чиқарган, сендақаларни фош қилмоқчи» деган бўлса керак. Сизни бу ерга менинг туғилган куним эмас, балки хавотир, ҳа, ўзингиздан хавотирингиз етаклаб келган. Анов сават, манов тўн баҳона, сиз мендан сир олишга келгансиз. Ҳулласи калом, тилингизда бир гапу, дилингизда бошқа ташвиш. Ё, шундоғ эмасми, қўшни?

Аъзамхон. Яхшиликка ёмонлик...

Акрамхон. Ҳой амаки, нега дадамга туҳмат қиласиз?

Интизор (Акрамхонга). Сиз ҳам дадангиздан қолишмайсиз.

Акрамхон. Исбот қилинг, яхши қиз!

И н т и з о р. Бундан ярим соат илгари менга телефон қилдингиэмі?

А к р а м х о н (*безрайганча*). Йўқ!

И н т и з о р. Исбот қилсам, нима бўласиз?

А к р а м х о н (*қизишиб*). Ит бўламан, эшак бўламан!

И н т и з о р. Катта кетдингиз.

И н т и з о р айвонга чиқади, магнитофон кнопкасини босади, **А к-
рамхоннинг овози** ёшитилади.

А к р а м х о н (*плёнкада*). «Нега индамайсиз? Гапи-
ринг, кўзидан! Дадангизнинг туғилган куни баҳона, бир
отамлашайлик. Анҳор бўйига чиқинг. Оҳ, оппоқ томо-
фингдан аканг айлансин! Вой-дод...» (*Иргиб ўрнидан ту-
ради, ота-онасини судрайди*). Юриналар, кетдик бў дар-
гоҳдан!

И н т и з о р (*Акрамхонга маъноли тикилади*). Хўш, ни-
ма бўлдингиз?

А к р а м х о н (*муштини кўрсатади*). Ҳаҳ, шошмай тур!

У к п а р х о н (*хижолатда*). Бизни афв әтинглар, қўщни-
лар, безовта қилдик. (*Эрини кўрсатиб*.) Айб бу кишида.

С а н ъ а т х о н. Тугунларингизни ола кетинглар!

А ъ з а м х о н, **А к р а м х о н**, **У к п а р х о н** сават, тугун, тўн, ат-
лас, гулдастани кўтариб олишади.

А ъ з а м х о н

Бу ишингиз унутманг,
Ҳамсоя, катта кетманг!

А к р а м х о н

Яҳшиликни билмади,
Қўшнимиз, дада, аттанг!

У к п а р х о н

Санъатхон, маъзур кўринг,
Юзимга қора суртманг!

С а н ъ а т х о н

Жон қўшнижон, эрингиз
Йўлини асло тутманг!

И н т и з о р

**Ростлик кечаси — шодлик,
Ундан ёмонлик кутманг!**

Меҳмонлар кетишади.

**Б а д и н о в (уларнинг орқасидан). Кеп туринглар..
туғилган кунимизга!**

П А Р Д А

ИККИНЧИ ПАРДА УЧИНЧИ КУРИНИШ

Оқшом. Маҳалла гузариди бадний ҳаваскорлар машғулоти. Созандалар майин куй чалишяпти. Тоштемир дирижёрлик қиляпти. Интизор қоғозга қараб шеър ёдлаяпти. Камтарин гоҳ идорага кириб, гоҳ гузарда кезиб, тимискиланиб юрибди.

Тоштемир. Навбат — Интизорга, Афон халқ қўшиғи — «Шаҳлоларинг...»

Интизор «Шаҳлоларинг» ашуласини ижро этади.

Ҳой, Камтарин ака, бери келинг!

Камтарин. Мана, биз тайёр.

Тоштемир. Ҳажвий қўшиғингизни такрорлаб ола-
миз.

Камтарин. Ҳўп, савлатингдан.

Созандалар чалади, у образга кириб айгади.

Бир бор әкан,
Бир йўқ әкан,
Бир фирибгар бор әкан,
Кўзи доим лўқ әкан,
Тулкидай айёр әкан.

Гўшт-ёғни ютар әкан,
Суякни сотар әкан.
Нинанинг тешигидан
Ип каби ўтар әкан.

Одам қиёфасига
У кириб кетар әкан,

Әгри топган «Волга»си
Йўлни чангитар әкан.

Бир бор әкан,
Бир йўқ әкан,
Дил кўэгуси бор әкан.
Шу сабабдан тулкивойнинг
Турмуши хатар әкан,
Титрофи тутар әкан.

Тоштемир. Дуруст. Ростлик кечасида орқангизга
дум боғлаб оласиз.

Камтарин. А, лаббай?
Тоштемир. Тулкийнинг думи бўлади.
Камтарин. Хўп, савлатингдан.
Тоштемир. Энди ялла — «Халқобод». Бошладик.

Xамма

Ажойиб боғимиз бор, янграсин куй, созу шодликлар,
Муҳаббат ялласига жўр бўлинг дўст халқободликлар.

Тоштемир

Ниҳоллар барқ уриб, гуллар очисин тоза диллардек,
Ҳалоллик, турмушу ишқда, ширин тилларда тотликлар.

Интизор

Вафо булбулдари гулларга куйлар баҳт-саодатдан,
Фидойӣ мёҳнатидан топди шуҳрат яхши отликлар.

Гўзалхон

Ер узра сургалиб, бир кун завол топгай тубан махлуқ,
Ҳамиша баҳтиёр, обод яшар маҳкам қанотликлар.

Камтарин

Гўвалсан, бегуборсан, шавкатинг-шонинг-ла дилдорсан,
Етар бир кун муродга чарчамас, тоғдек саботликлар.

Xамма

Ажойиб бофимиз бор, янграсин куй, созу шодликлар,
Мұҳаббат яласига жүр бўлинг дўст халқободликлар.

Тоштемир. Дуруст. Машгулот тамом. Энди,
дўстлар, ростлик кечасида учрашамиз.

Ҳамма тарқалади. Елкасига тўн ташлаган паришон Аъзамхон
пайдо бўлади. У ёқ-бу ёққа аланглайди. Эълон қаршисинга
келади.

Аъзамхон. Ҳм... Юрак ўйноғининг сабаби! Мана
бундоқ (қўлини эълонга олиб боради) ғижимлаб йиртиб
ташлайману, қутуламан. Йўқ, (қўлини тортади)
буни йиртсан, бошқасини осадилар. Астағфурулло,
шунаقا пайтда калима келтиргинг кеп қолади. (Ўқийди.)
«Дилинг покми?» (Аллакимга пўписа қиласди.) Ҳў, ўша
сен, «Дил кўзгуси»ни ўйлаб чиқаргани!.. Дунё сув
сепгандай жимжит әди, бирдан тўфон қўзғалди. Бу
тўфон кимларни ютади-ю, кимлар жон сақлаб қолади!
(Ўқийди.) «Яширин сирларинг, доғларинг бўлса, оч...»
Оббо, айёрлар-ей, тағин бир ёғини нишаб қилиб қўйиши-
ган, йиқилсанг — оёғинг синмасин, деб. Лақиллаб бўпман!
Биламан, қўлга туширгандан кейин нима қилишларингни!

Камтарин (кириб). Ҳа, савлатингдан, бевақт юриб-
дилар?

Аъзамхон (кўкрагини ушлайди). Юрак...

Камтарин. Дил ҳақида эълон осилгандан бери
юрагингиз бежо?

Аъзамхон. Э, сиз нимани биласиз?

Камтарин. Қани, келинг, мундоғ ўтириб, бафур-
жа гаплашамиз.

Аъзамхон. Қўйинг, ўша эски гапни!

Камтарин. Янги гап бор, ўтиринг.

Иккови сўрида анча жим ўтиришади.

Аъзамхон. Қани, йўталинг.

Камтарин. Янги гап шуки, дардингизга даво
бор.

Аъзамхон (жонланиб). А?! Қанақа даво?

Камтарин. Аввал қанақа дардлигини айтинг.

Аъзамхон (бўшашиб). Нима қиласиз, ўсмоқчилаб?

Камтарин. Сиз-чи! Сиз нима қиласиз, яшириб?
Аъзамхон. Нимани яширибман?

Камтарин. Дардни! Иситмалашингиз бежиз әмас-
дир, ахир? Юрак ҳар нарсага бежо бўлавермайди. Ичи-
да қурт қимирласа иситма чиқаради. Ўша қурт нима
зулукми, чаёни, бошқа бир дардисарми? Сиз менга
ўшани кўрсатинг, мен малҳамини берай.

Аъзамхон (*кесатади*). Раҳмат, малҳамини ўзимиз
ҳам топамиш.

Камтарин. Ихтиёрлари!

Иккови тарин бир муддат жим қолишади.

Аъзамхон. Менга қаранг, рости билан яхшилик
қилмоқчимисиз?

Камтарин. Онт ичсам ишонасизми?

Аъзамхон. Кераги йўқ. Ишондим. (*Овозини пасай-тириброқ*.) Агар менга яхшилик қилмоқчи бўлсангиз,
Бадиновга айтинг, шу «Дил кўзгуси»ни ўртага қўймасин.

Камтарин. Э, савлатингдан-эй, Бадинов ҳалимдай
юмшоқ одам, ўзингиз гаплашаверинг.

Аъзамхон. Ҳалимдай юмшоқми, суяқдай қаттиқ-
ми — буни бир четга қўйиб турайлик.

Камтарин. Э, ана, ўзлари ҳам келиб қолдилар.

Бадинов (*йўлда пайдо бўлиб*). Бадантарбия қилиб
юрибман. Ҳавони қаранглар, тиниқ зангори. Осмон тў-
ла юлдуз. Енгилгина шабада-ю, ҳамма ёқ гул ҳиди. Ҳар
нафас олганингда дил бир яйрайди.

Аллақаерда булбул сайрайди. Бадинов мароқланиб қулоқ солади.

Камтарин (*Аъзамхоннинг қулогига*). Домланинг
кайфи чоғ пайтига дуч келдингиз. Сизни у билан ёлғиз
қолдирараман. (*Кетади*.)

Бадинов. Ажойиб куй. Ишқ таронаси. Бу йилги
баҳорнинг илк булбули нафмасоз. Эшитинг-а? (*Тинглай-
ди, ўзи булбулга жўровов бўлади*.)

Очмағай әрдинг жамолинг олам оро кошки,
Солмагай әрдинг бари оламга гавфо кошки.
Чун жамолинг жилваси оламга солди рухтахез,
Қилмағай әрди кўзум они томошо кошки...

Аъзамхон. Балли, домла! Оламга ғавғо солиши-
нинг ҳеч бир зарурати йўқ әди.

Бадинов. Яъни?

Аъзамхон. Яъни, мана бу ёълонни томоша қил-
гунча кўзим чиқса кошки әди... Ўртага тушиб, ҳаммага
кулги бўлиб...

Бадинов. Шошманг, шошманг... Шунаقا чуқур
гапиряпсизки, ақлим ўтмаяпти. Ҳўш, ким ўртага туша-
ди-ю, ким ҳаммага кулги бўлади?

Аъзамхон. Масалан, мен...

Бадинов. Ўртага тушишдан қўрқасиами?

Аъзамхон. Ундоғмас-ку... Эшимиз ҳам анча жой-
га бориб қолди. Болаларга масхара бўлиб нима қиласми? Нима,
бошқа мавзу қуриб қолганми? «Халқаро аҳвол»,
«Шаҳар озодалиги», «Суд сайловлари...» сон мингта.
(Эълондан ўқийди.) «Агар доғларинг, сирларинг бўлса..»
Бачканалик!

Бадинов (*Аъзамхоннинг кўзларига тикилади*). Ростини айтинг: давлат молларини чайқовчиларга оширмай-
ман деб онт ичишга тайёрмисиз?

Аъзамхон (*орқага тисарилиб*). Илмоқли гапиряп-
сиз...

Бадинов. Мен сизни одам ўлдирган, демоқчимасман.
Аммо чайқовчиларнинг гумоним йўқ әмас. Ростлик
кечасида шуни айтиб берасиз. (Кетади.)

Аъзамхон. (*Пешана терини тўнининг енгига арта-
ди*) Емон терлатди! Йўқ, булар билан тил топиш қийин.
Бошқа чорасини кўрамиз.

Маст Ақрамхон ашула айтиб келади.

Ақрамхон (*ғандираклайди*).

Ёрим бору ёрим бор,
Богимда анорим бор,
жон болажон,

Еноғида қора хол,
Кўзлари хуморим бор,
ой болахон.

Еноқчасида қора хол ..

Аъзамхон. Бери кел, әшон!

Ақрамхон (*кўкрагига уради*). Лаббай, дадажон!

Аъзамхон. Домла Бадиновнинг қизи Интизор... танийсанми?

Акрамхон. Таниганда қандоғ!

Аъзамхон. Сенга ўшани олиб бераман.

Акрамхон (*суюлади*). Дадажоним!..

Аъзамхон. Тўй мендан, кўндириш сендан... Агар кўнмаса...

Акрамхон (*кўкрагига уради*). Кўнади! «Волга»га тушади... Тамом!

Аъзамхон. Қани, бир разведкага бориб кел.

Акрамхон. Есть, ўртоқ командир! (*Кетади.*)

ТУРТИНЧИ КЎРИНИШ

Самарзоданинг уйи. Оқшом. Ҳовли бўм-бўш. Якка туп олмада чумчуқлар чуғурлайди. Уй ичидаги телефон босим жиринглайди. тўхтайди, тағин жиринглайди.

Укпархон кўчадан бир аҳвозда кириб келади, иш кийинмини ечиб, айвон пешига ўтиради.

Укпархон. Ўлсам ўлиб бўлдим, ота-боланинг дастидан. Кўчада эшитмаган гапим қолмади. «Эрингни йўлга солсанг бўлмайдими? Ўғлингни тийиб олиш қўлингдан келмайдими?» На юаримда, на ётаримда халоват бор. Кун уззукун ташвиш. Э, ташвишларинг бошлигинда қолсин!

Инсон юраги чашма каби соф бўлса,
Оlamни чароғон этувчи офтоб бўлса!

Шубҳа, надомат йўқолиб буткул дилдан,
Мисли ҳаводек очилиб шаффоғ бўлса!

Ташвиш тугаса, битса хижолат асари,
Кўнгил тилаги баҳт, ҳаётбоп бўлса!

Ростлик йўлида эгри, хиёнат йўқолиб,
Инсон юраги чашма каби соф бўлса!

Айвонга чиқиб, чироқ ёқади, уйга, телефонга югуради, аммо етолмай қайтиб чиқали.

Ким бўлди әкан? Кейинги кунларда бизникинга ҳеч ким телефон қилмай қўювди. Ота-бала қора қозондай,

ҳамма яқин келишга қўрқади. Гўзалхонга бир телефон қиласай, шояд маслаҳат берса.

Уйга кираётганида Аъзамхон билан Акрамхон пайдо бўладилар. Укпархон ўзини панага олиб, уларнинг гапига қулоқ солади.

Аъзамхон. Ҳўш, разведка қандай хушхабар келтириди.

Акрамхон. Қалъанинг дарвозаси доим берк. Йўлагида олапар.

Соқчилар ҳушёр. Яқин боришининг иложи йўқ.

Аъзамхон. Э, афсус. Сигаретдан ол!

Ота-бала чекишиди.

Қани, ўзинг бир холисанилло айт-чи. Интизорга учрашсанг, севги изҳор қилсанг, кўнармикан? Бадинов билан қудачилик бошлаб Фалокатнинг олдини олсак.

Акрамхон. Қайдам... Қизи тушмагур ёввойироқ, ҳеч яқинига бориб бўлмаяпти...

Аъзамхон. Ихтиёrimизда (соатига қарайди) салкам бир сутка ганимат вақт бор. Ҳар бир дақиқа олтинга баравар. Нима қилдик энди, Акрам эшон?

Акрамхон. Кечаси, улар ухлаганда...

Аъзамхон. Ҳўш, хўш?

Акрамхон. Девордан ошиб уйига кираман, қизини...

Аъзамхон. Қалтис, жуда қалтис, худо кўрсатмасин!.. (Ташвиши тобора ортади.) Маҳалладагилар нима дейишяпти?

Акрамхон. Одамларга тушуниб бўлмайди. Ҳамма курсанд. Эртага томоша кўришадигандай...

Аъзамхон. Ҳа-ҳа! Томоша! Аммо, кимнинг томошаси?! Епирай, бу қандай кўргилик бўлдики, дил кўзгуси келиб-келиб шу кунда бизга рўпара бўлса! Э, парвардигор!

Акрамхон. Ташвишланманг, дада, иложини қиламан. Ҳайр, кетдим.

Аъзамхон. Бор! Йўқ, тўхта, борма! Епирай, ёпирай! (Ховлида бетоқат юради, ўйлайди, эзилади.) Шундог нозик масалаки, бирорвга маслаҳат солиб бўлмайди. Майли, бор. Тўхта. Қўлингни оч. Омин, ишинг ўнгидан келсин.

Акрамхон

Кетдим, дадажон, йўлга,
Қизни оламан қўлга,

Тулпор минаман ҳозир,
Тулпорки, яшил «Волга».
Тезлик, дадажон, юз ўн
Е кўнма, гўзал, ё кўн,
Лочин каби илсам,
Дарҳол битади иш жўн.

Ростлик кечаси битгай,
Мақсад юришиб кетгай.
Ташвиш йўқолиб, элни
Тўй довруғи тутгай!

Чиқиб кетади. Кўчада машина мотори гуриллайди. Укпархон панадан чиқиб, әрининг қаршиига тик келади.

Укпархон

Қайтаринг Акрамни дарҳол!

Аъзамхон

Босиб ол ўпкангни дарҳол!

Укпархон

Номус-ор борми зигирча,
Қайтаринг Акрамни дарҳол!

Аъзамхон

У — йигит, уйланса арзир,
Тўй қилиш бизларга қарзидир.

Укпархон

Шунча ташвиш энди басдир,
Қайтаринг Акрамни дарҳол!

Укпархон әшикка интилади, Аъзамхон унинг йўлини тўсади.

Қочинг йўлимдан.

Укпархон әрини четлаб, кўчага отилади, аммо бир оздан кейин бўшашиб қайтиб келади, әрига истеҳзоли тикилади.

Эсиз одам!

Аъзамхон (ўэига келиб). Нима, нима?!

Укпархон. Ўғлингизни ҳали ҳам қайтаринг, оқибати ёмон бўлади.

Аъзамхон. Ҳой, сен нима деб вақиллаяпсан?

Укпархон (эрига тобора қаттиқ тикилади, у беихтиёр чекиниб бориб, айвон пешига ўтириб қолади). Аъзамхон, гап шу. Мен бу кунгача индамадим, энди бас. Дилем ёнди, ақлим уйғонди, тилимга жон кирди. Кўзларимга бир қаранг, қарайверинг, қўрқманг. Бу кўзларда анчагина фикр, ўй, изтироб бор. Қаранг-а. Йўқ, қараёлмайсиз. Бу кўзлардаги ҳақиқатга боқиш учун тоғдай юрак қерак.

Аъзамхон (саросимада). Нима демоқчисан? Мақсадингни айт!

Укпархон. Ўзингиз ҳам, ўғлингиз ҳам әртага эл олдида шарманда бўлишингизни биласизми?

Аъзамхон. Ҳой хотин, ҳой ноинсоф...

Укпархон. Мендан, юртдан яшириб келган кирдикорларингизни әртага «Дил кўзгуси»да кўрасив.

Аъзамхон (ранги оқаради, қалтираиди). Ёпирај, ёпирај, сен ўша Укпармисан, ё битта-яримта ялмоғиз сенинг кўйлагингда кўриняптими?

Укпархон. Мен ўзгармаганман, сиз ўзгаргансиз. Мен ўша, «әрим палончи» деб лақиллаб юрган Укпархонман. Аммо энди кеч бўлса ҳам эсим кирди. Бугун биринчи марта заводда ишлаб келдим. Қорним, уст-бошим ташвишидан қутулдингиз. Ана энди иккита тенг ҳуқуқли граждан бўлдик. (*Овозини кўтаради.*) Ўтиринг!

Аъзамхон. Ёпирај... (Бемажол ўтиради.) Ўзимдан чиқкан балога...

Укпархон. ...қайга борай давога? Шундайми? Дардингизнинг давосини бошқа ёқдан изламанг. Сизга балодай кўринган ҳалол хотинингиз ҳали ҳам кунингизга ярайди.

Аъзамхон. Кечир... Асаб... Шу кунларда инфарт бўлиш ҳам ҳеч гапмас.

Укпархон. Агар сўзимга кирсангиз, асабингиз ҳам тинчийди, инфарт ҳам бўлмайсиз.

Аъзамхон. Гапир, бўғилиб кетдим!

Укпархон. Қани, сирни очинг!

Аъзамхон. Қанақа сирни?

Укпархон. Сизни қийнаётган сирни.

Аъзамхон. Сир йўқ!

Укпархон. Бор! Мендан, элдан яширган сирингиз бор. Дилингизда чақадай бўлса ҳам яра, доғ бор. Сизга

Ўша авоб беряпти. Яширсангиз газак олаверади. Ўшани очиб, кесиб ташлаш керак.

Аъзамхон (*ўрнидан туриб кетади*). Ҳеч қанақа сир йўқ! (*Четга.*) Ҳаммасининг тили бир. Менга қарши фитнага хотиним ҳам шерик! Сотилган! (*Укпархонга.*) Ке, қўй, бўладиган гапдан гаплашайлик! (*Эркаламоқчи бўлади.*)

Укпархон (*босиқ*). Чалғитманг, Аъзамхон! Эндиғи турмушимиз сизга боғлиқ. Эл олдида рост гапни айтинг, кечирим сўранг. Ахир, эркаксиз-ку!

Аъзамхон (*қизишишади*). Ҳўп, хўп дедим-ку! Нимаики қилган бўлсам, сен учун, болам учун қилдим. Лекин менинг қилганларим на жиноят ва на хиёнат!

Укпархон. Нега? Айтаверинг!

Аъзамхон. Базамни текширтир, учма-уч келмаса, оттириб юбор!

Укпархон. Қизишманг. Қаршингиздаги — на терговчи, на суд. Ташвишингиздан сочи оқарган вафоли хотинингиз сиздан фақат бир нарсани — рост гапиришини сўрайти. Айтинг, сизни илондай чақаётган сир нима?

Аъзамхон. Сир йўқ, дедим-ку!

Укпархон. Агар айтмасангиз, шу бугуноқ кетаман.

Аъзамхон. Йўғ-е!

Укпархон. Ҳа! Ё кетаман...

Аъзамхон. Еки...

Укпархон. Еки шартимга кўнасиз.

Аъзамхон. Қанақа шарт?

Укпархон. Шартим шуки, сирингизни очасиз.

Аъзамхон. Ўнта терговчига дарс беради бу.

Укпархон. Юрт олдида сирингизни очиб, доғингизни ювасиз. Чайқовчиликни йиғиштирасиз. Айёрлик қилмайсиз. Ана шундан кейин сиз ҳам, ўғлингиз ҳам мен чизган чизиқдан юрасизлар!

Аъзамхон (*заҳарханда*). Сен чизган чизиқдан?!

Укпархон. Ҳа, ўқдай, тўппа-тўғри чизиқдан! Бу чизиқдан юрганлар эгри ишдан ор қилади, манманликни билмайди, бирорга озор бермайди, дили тўғри бўлади.

Аъзамхон. Ҳа-ҳа...

Укпархон. Ҳа! Тилнинг тўғри бўлиши учун аввало дил тўғри бўлиши керак. Ҳуллас, ишни ота-боланинг бузук дилини ремонт қилишдан бошлаймиз!

Аъзамхон. Бошлаймиз?! Демак, бир ўзинг эмас, кўпчилик... Епирай.

Укпархон. Ё шундай қиласиз, ёки бу ғурбатхонадан кетаманда, әртага маҳаллаға чиқиб сизларни томоша қиласан.

Аъзамхон (*кўпиради*). Бор, томоша қил! Қўрқмайман!

Укпархон. Отдан тушсангиз ҳам эгардан тушмайсиз-а!

Айвонда кийимларини туга бошлайди, Аъзамхон ҳовлида бетоқат кезади. Кўчадан Акрамхоннинг додлагани эшистилади.

Акрамхон. Дод! Ким бор! Зўравонлар итга талатди!

Аъзамхон. Епираи!

Аъзамхон кўчага чиқади. Бир оздан кейин кийими йиртилган, оғзи-бурни қон Акрамхонни судраб киради.

Акрамхон. Зўравонлар! Итга талатди!

Аъзамхон. (*Укпархонга ўшқиради*). Ҳой, нега сўррайиб турибсан?! «Тез ёрдам»ни чақирсанг-чи!!!

Укпархон (*пинагини бузмайди*). Чакки юрган дакки ейди! (*Тугунини кўтариб чиқиб кетади*.)

Аъзамхон. Ана, онангни кўрдингми, ўшалар томонга ўтиб кетди! Машина қани? «Волга» қани, лапашанг?!

Акрамхон (*кўкрагига муштлайди*). Кўрсин, ўша «Дил кўзгуси»да кўрсин! Кўраверсин!

Аъзамхон. «Волга» қани деяпман, сўтак әшон?

Акрамхон. «ГАИ» да... Тоштемир мендан тортиб олиб ҳайдаб кетди...

Аъзамхон. «Қайси ГАИ» да? Милисанинг оти нима? Ҳалиги, ўзимизнинг мўйловми?

Акрамхон (*ўкраб ийғлайди*). Зўравонлар...

Аъзамхон. Бос ўзингни! (*Уйдан телефон аппаратини кўтариб чиқади, номер теради*.) «Тез ёрдам»ми? Ҳалқобод маҳалла, биринчи уй. Акрамхон Аъзамхонов. Йигирма тўрт ёшда. Ит қопган. Йўқ, итга қоптирилган. Ҳа, қастдан итга талатилган. Жиноий иш. Тезда келинглар, акт тузинглар! (*Ишишади*.) Ана, чораси тошилди. «Дил кўзгуси» ни ўзларига бурамиз!

Акрамхон (*ҳамон телбаланади*). Кўрсин! Қўрқмайман!

Аъзамхон. Товушингни кўтар! Баландроқ додла!

Акрамхон. Дод, зўравонлар! Мени итга талатдилар! «Волга»ни тортиб олдилар!

Иккови. Вой-дод!..

ПАРДА

УЧИНЧИ ПАРДА БЕШИНЧИ КУРИНИШ

Бадинов билан Самарзода уйлари олдиаги дараҳтзор, орқаси — анҳор. Мевалар қийғос гуллаган. Самарзоданинг уйи ваҳимадор, кўчадан ажратиб олинган саҳнда баланд сўри, эшик тагида скамейка.

Бадиновнинг уйи мўъжазгина.

Чироқлар ёнган оқшом. Аъзам хон Самарзода бетоқат кезинади. У кимнидир кутмоқда. Лекин анҳор бўйида шарпа сезиб, ўзини панага олади. Соҳилдан Тоштемир чиқиб келади, Бадинов эшигига яқинлашади.

Тоштемир

Мен кутарман, чиқ уйингдан, Интизор,
Бош кўтар ғамли ўйингдан, Интизор.
Ям-яшил бўстонда сайр әт, дил ёзиб,
Сайрасин қушлар куйингдан, Интизор.

Бахту иқболингни әтдим ихтиёр,
Менга, жоним, бир нафас бер әътибор,
Ҳасратингни сўзлагил, кўнгил ёзиб,
Ўргилай шамшод бўйингдан, Интизор.

Бадиновнинг эшиги очилиб, Интизор кўринади. У ғамгин, кўзлари ёшли.

Интизор

Битди ором, эзди бағримни алам,
Тоштемир, хавфу хатарли ҳар қадам.
Буздилар тинчимни, шум безорилар,
Отдилар фийбат тошини дам-бадам.

Севгимиз пок сақлагил, жон Тоштемир,
Чин вафони оқлагил, жон Тоштемир
Интизоринг ёқлагил, жон Тоштемир,
Ҳар нафас ардоқлагил, жон Тоштемир.

Тоштемир

Йиглама, менга азиз ишқу вафо,
Йиглама, безорига бергум жазо!
(Кетмоқчи бўлади.)

Интизор

Кетма, жоним, бунда ёлғиз қўрқаман,
Уйда ёлғиз, тунда ёлғиз қўрқаман.

Тоштемир. Қўрқмал Ақрам қуёнга ўхшаган бир нарса. Девордан ошишга журъат этганига ҳали ҳам ҳайронман. Мана шу чап қўлим билан билагидан шундоғ ушласам... жони чиқиб кетаёди... Тиззалири қалтирайди-ю, оғзидан қўпик сочади. «Волга»сини «ГАЙ»га топширдим.

Интизор (кўз ёши орасидан жилмаяди). Паҳлавоним!

Тоштемир. Биз у безорини ҳам, чайқовчи дадасини ҳам ростлик кечасида, юрт олдида тавба қилдирамиз!

Аъзамхон (даражат орқасидан). Ҳа-ҳа! Тавба қилдириб бўлсан! (Муштини қисади.) Сен «ГАЙ»га топширган «Волга» аллақачон гаражимга қайтиб келган. (Газабнок.) Ҳали шошмай тур, мен сенларни!..

Интизор билан Тоштемир уйга кириб кетадилар.

Аъзамхон. Ҳм... Ростлик кечаси... Дил кўзгуси... Ҳм... (Соатига қарайди.) Нега у ҳаяллади? Е, Укпархон: бормайман!— деб туриб олдимикан? Йў-ў-ўқ... Жон деб келади. (Бадиновнинг эшигида олапағ кўринади.) Ҳор... аҳмоқ!

Ақрамхон бўшашиб кириб келади.

Қани?

Ақрамхон. Иккинчи сменага кетибди.

Аъзамхон. Жазосини тортсинг! Ўтирадилар!

Эшик олдидаги скамейкага ёнма-ён ўтирадилар.

А крамхон

(бепарво гингиллайди)

Қарасам — қарамайсан,
Қарамасам — қарайсан...

Аъзамхон. «Волга»нг гаражда. Эртадан мижозларга
мол ташийсан. Ҳар ишнинг отаси — пул.

Акрамхон (*суюлади*). Үзгинамнинг дадажонгинам!

Аъзамхон. Тўшакни опчиқ, шу ерда ётаман.

Акрамхон. Бу ер салқин, шамоллаб қоласиз.

Аъзамхон. Ичимдан олов ўрлаб чиқяпти. Бамисоли
гулхан ўртасида тўнкада ўтирибман. Бор, тўшакни опчиқ!

Акрамхон уйга киради, Аъзамхон водопровод кранини бу-
раб сув ичади.

Э, дунёйи қўтир!

Акрамхон уйдан тўшак-кўрпа опчиқади, сўрига ёзади.

Акрамхон. Мана, ётинг.

Аъзамхон. Менга қара, заводини сўрамадингми?

Акрамхон. Сўрадим, «Ташсельмаш» экан.

Аъзамхон. Машинага мин, заводига бор, тўғри шу
ерга опкел!

Акрамхон. Ҳўп.

Аъзамхон сўрига ёнбошлайди. Акрамхон гараждан машина
чиқара бошлайди.

Аъзамхон. Йўлда битта-яримтани босиб кетма!

Акрамхон. Номерига латта ўрадим.

Аъзамхон. Қайт! Керакмас!

Акрамхон уйга киради. Аъзамхон сўрига чиқиб ўтиради,
уйга толади.

Э, хотин! Мен ёняпман. Ундан тиқ этган хабар йўқ.
Дарс ўқиди-ю, кетди. Аммо феъли бирдан айниди-қолди.
Қарашида бир бало бор. «Дил кўзгуси» эмиш! «Дил кўз-
гуси»—Укпархоннинг кўзлари. Тик қараса — ич-ичинг-
дагини суғуриб олаётгандай. Ёпирай, ёпирай! Ҳай, келсин,
авраймиз, юшшатамиз. Шундоғ қиласизки, ганимларимиз
панд ейди.

Камтарин

(ашула айтиб киради)

Маҳалламиз Ҳалқобод, омон ёр,
Иқболидан ҳамма шод, омон ёр.
Яхшилардан элида, омон ёр,
Қолар фақат яхши от, омон ёр,
Ёмонлардан элида, омон ёр,
Қолар фақат алам, дод, омон ёр.

Аъзамхон (ёнбошлиб ётган ерида ижирғанади).
Ким у?

Камтарин. Қалай, тинчликми, савлатингдан?

Аъзамхон. Тинчлик. Хизмат?

Камтарин. Ўғил тузукми?

Аъзамхон. Тузук.

Камтарин. Хайрият. Опамни опкелдингизми?

Аъзамхон. Йў-ў-ўйқ...

Камтарин. Чакки бўпти. Опкелинг. Ахир, бир умр-
ли қадрдонингиз.

Аъзамхон. Ҳў-ў-ўп... Тағин нима хизмат буюради-
лар?

Камтарин. Маҳалла тинчлигини сўраш — вазифа-
миз. Саломат бўладилар! (Кетади.)

Аъзамхон. Бор-е!

Аъзамхон чироқни ўчиради, ётади. Салдан кейин ўрнидан ту-
риб, чироқни яна ёқади.

Нега келди айғоқчи? Разведкага келдимикан? «Самар-
зоданинг уйида қирғин, эр-хотин, ота-бала бир-бирининг
гўштини еяпти» деб ўйлаган. Қуруқ кетди. Зап бўлди!

Чироқ тўсатдан ўчади. Аъзамхон ҳайрон. Уйдан Акрамхон
сарпойчанг чиқади.

Акрамхон. Дада, чироқни ким ўчириди?

Аъзамхон. Анавларнинг иши. Атайлаб ўчиришган.
Монтёр шу ерда.

Акрамхон. Монтёр? Тоштемирми? Ҳозир боплай-
ман!

Бадиновнинг эшигига боради, ит вовуллайди, эшик тавақасини базўр
ғилиб, муштлайди. Тоштемир чиқади, сарпойчанг Акрамхонни
кўриб, унга яқин келади.

Тоштемир. Ким бу арвоҳ?
Акрамхон. Нима дединг?

Тоштемирниң ёқасидан олади, Тоштемир унинг қўлини бураб, ерга ёпишириб қўяди.

Дод! Бироннинг уйига бостириб кирасан, чироқни ўчирасан, қўлимни қайирасан! **Дод!**

Аъзамхон. Нима гап? (*Келади.*) Ким у ўғлимни ураётган? **Ҳа,** сен зўрми? **Дод!** Войдод!

Қўни-қўшинилар йигилади. **Бадинов,** **Камтарин,** **Гўзалхон** келишади.

Бадинов. Нима шовқин?

Гўзалхон (*Акрамхонга*). Уялмайсиәми, кўчада сарпойчанг юргани?

Акрамхон атайлаб ерга чўзилиб ётиб олади.

Аъзамхон

Энди кўриб қўйинглар,
Томошага тўйинглар.
Етар шунча ўйинлар!

Акрамхон

Жонга тегди бу қўшни,
Босмаймиз тишга тишни,
Билиб қилинглар ишни!

Бадинов

Садқайи одам, уят,
Борми сизда ҳамият,
Заррача самимият?

Тоштемир

Ота-бола шум экан,
Ишлари машъум экан,
Элга ҳам маълум экан!

Чироқ ёқиши учун симёғочга чиқиб кетади.

И н т и з о о

Қутқаринг маломатдан,
Зўравонлик одатдан,
Кулфатдан, фалокатдан!

К а м т а р и н

Ҳаммаси юртга аён,
Айб кимда, ким зўравон,
Эҳ, аттанг, эсиз инсон!

Чироқ ёнади. Тоштемир симёғочдан тушади.

Г ў з а л х о н

Биз ростлик кечасида
Бу жанжални кўрамиз,
Тўғри баҳо берамиз.

Ҳамма тарқалади.

Аъзамхон (ўғлига). Машина га мин, онангни ер тагидан бўлса ҳам топиб кел! Нажот эшигини фақат ўша очиб беради!

Акрамхон сарпойчанг ҳолда машинага миниб жўнайди. Аъзамхон тўнини елкасига ташлаб, дараҳтзорда тоқатсиз кезади, соатига қарайди.

Чоракам уч... Укпархон кўнармикан, кўнмасмикан? Кўнади. Келади. Эртага бўладиган машмашани, айтадиган гапларини ҳижжалаб қулоғига қуяман. Уни пинҳоний ишлайман. Ўзим ҳам мажлисда бамисоли булбул, шундоғ сайрайманки, ўта ҳалол, оиласараст, хотинининг вафодор ити әкан деб офарин айтадилар. Шундан кейин мени юзта «Дил кўзгуси»га рўпара қилсинглар, тиниқ чиқавераман. (Яна соатига қарайди, ташвишланади.) Ўнтакам уч... Тиқ этган товуш йўқ... Укпархон ҳозир қаерда әкан? Онасиникидадир... Ҳай, келса-ку, ишимиз беш. Келмаса-чи? Унда на чора? Чора йўқ... Э, мени қаранг, шайтон вассвасасига учиб... (Сўрига чиқади.) Маликаи ҳурилиқонинг келишларига ҳозирлик кўрай. (Ўрнини йигради, кўрпачалар ёзиб, лўлаболишлилар қўяди.) Мана бундоғ, атлас кўрпачага ўтқазиб, аста

авраймиз... Ҳозирча (қалам-қоғоз олади) тегишли идора-
га юмaloқ хат ёзамиш...

Машина сигнали өшитилади. Акрамхон пайдо бўлади, дадасига
юзма-юз келишга ботинолмай, орқасига тисарилади.

Аъзамхон. Қани?

Акрамхон. Келмади.

Аъзамхон. Нега?

Акрамхон. «Эртага маҳаллада, халқ олдида учраша-
миз» деди.

Аъзамхон. А? (Бемажол ўтириб қолади.)

ОЛТИНЧИ КУРИНИШ

Халқобод гузари. Камтарин пайванд қиляпти. Оқшом. Ҳамма ёқ
машъала. Одамлар йигилишяпти. Эълон: «Ростгўйлик кечаси. Дијл
кўзгуси».

Ҳаваскорлар дилбар куй чалишяпти, рақсга тушишяпти.

Ёшлар

Бахтиёрликдан чароғон юртимиз,
Яшнаган тоза гулистон юртимиз.
Тонг-саҳаб уйғонур булбуллари,
Завқини куйлайди хушхон юртимиз...

Тоштемир

Кўнглимизда қайнаган илҳомимиз,
Меҳнату ижодда тонгу, шомимиз,
Элда достон бўлди яхши номимиз,
Биз туфайли боғу бўстон юртимиз.

Интизор

Боғ шамолидан кўнгил роҳат топар,
Яхши куйдан яхшилар лаззат топар,
Ҳар киши ўз меҳридан иззат топар,
Бизга баҳш этди шараф-шон юртимиз.

Ёшлар

Хуш наволик, яхши созлик кечамиш,
Чин самимий, бегаразлик кечамиш,

Яхши ўтсин әнди ростлик кечамиш,
Яшнасин мангу фаровон юртимиш.

Гўзалхон (*Камтариннинг ёнига келади*). Нима қил-
япсиз?

Камтарин. Тутга шотут пайванд қиляпман.

Гўзалхон. Қаламчасини ҳў ўша... ёшлигингиздаги
бог кўчадан опкелдингизми?

Камтарин. Топдингиз.

Гўзалхон. Тутадими?

Камтарин. Тутади. Келаси йил шу маҳалда ни-
шона қилади. Қип-қизил... Коп-қора... Нордонгина пи-
шади.

Гўзалхон. Нордонгина?

Камтарин. Балли! Энг нозик дардларга даво шу!

Гўзалхон (*кулади*). Шотут жинниси бўпсиз.

Камтарин. Ҳа. Шундай шотутки, энг мазали, энг
гўзал...

Гўзалхон. Боринг-е! (*Камтаринни суйиб, юзиға
беозоргина шаппати уради.*)

Камтарин. ... энг севимли...

Гўзалхон. Ишонсам бўладими?

Камтарин. Ана холос (*Эълонга қарайди.*) «Рост-
лик кечаси»да ишонмасангиз, қачон ишонаси?»

Гўзалхон. Нозик еридан ушлайсив-а?

Камтарин. Ростгўйлик оқшомида чин мақсад билан
пайванд қилдим. Бу, албатта, кўкаради, мева беради.
Эҳ, ёшлик! Қани энди қайтиб келсангу, ёлғизликда ўтказ-
ган йилларимни шу шотут соясида бошқатдан яласам.

Гўзалхон. Ёшлик қайтмайди. Аммо кўнгил ҳам қаримайди.

Камтарин

Кўнгил боғида гул очади ишқ,
Гулзор ора кўнгил очади ишқ.
Ойдин кечалар кўзда уйқу йўқ,
Оlamга ажиг нур сочади ишқ.

Гўзалхон

Булбул куйида соғ тарона ишқ,
Дарё бўйида, мен, мастона ишқ,

Үтди у баҳор, умр отилган ўқ,
Эслашга уни бир баҳона ишқ...

Иккови

Кўнгил қаримас, ҳеч қаримас ишқ,
Ошиқ дилидан ҳеч аrimas ишқ.
Кетмас нарига, ҳеч наримас ишқ,
Мангу яшааро ҳур замона ишқ.

Гўзалхон (*гапни буради*). Ана, келдилар...
Аъзамхон. Асса... кўм.

Камтарин. Ҳали ҳам гапнинг ярми ичингизда қолади-я, савлатингдан!

Аъзамхон. Ассалому алайкум.

Камтарин. Бу бошқа гап. Ваалайкум ассалом.

Аъзамхон. Элдан бурун кепмиз шекилли.

Гўзалхон. Шундай бўлиши керак. Ахир, сиз ҳам маҳалла оқсоқолларидансиз.

Аъзамхон (*мужмал*). Ҳа... энди... (Эълонни ўқийди.) «Ростгўйлик кечаси...» (*Афти буришади*.) ... эстойдил ўтказилмоқчими?

Гўзалхон. Ҳа, бугун — дил кечаси.

Аъзамхон. Тўғрику-я... Бироқ бизнинг даъвомиз бор.

Камтарин. Қанақа даъво, савлатингдан?

Аъзамхон. Бу суҳбатнинг дарагини әшишиб, хотинимиз кетиб қолди, бунга «Дил кўзгуси» эмас, «Оила бузар» деб от қўйиш керак... (У ёқ-бу ёққа аланглайди.) Аммо... умидимиз ҳам катта.

Камтарин. Хўш?

Аъзамхон. Ўғлимизни итга қоптирганларнинг таъзирни берилишидан умидвормиз.

Гўзалхон. Сабр қилинг, ҳамма чигил ечилади.

Аъзамхон бир четга ўтиради, сигарет тутатади. Санъатхон билан Укпархон келадилар.

Санъатхон. Йўлда учрашганимиз яхши бўлди. Гина-кудуратни ёзиб олдик.

Укпархон (*эрини кўрмайди*). Айб эримда, шарманда қилди.

Санъатхон. Ҳа, шунақа әркаклар ҳам бор.

У к пархон. У мени хотин ўрнида кўргану, лекин одам ўрнида кўрганмас. Шунча йил чидаб келганимга ўзим ҳайронман.

Санъатхон. Ишга кирибсиз-а?

У к пархон. Заводимизда шунаقا эркаклар борки, ана дўстлик, ана меҳрибонлик, ана — хотинга ҳурмат!

Аъзамхон (базўр ўзини босади). Ёлирай, ёпирай!.. Тағин бирортасини топиб олган бўлмасин?

У к пархон. Ўша эркакларнинг олдида менинг әrim тўнғиздай бир гап әкан.

Санъатхон (кулади). Пастга урманг!

У к пархон. Ҳа-да! Ейиш, ичиш, ётиш, савлат тўкишдан бошқани билмайди! Ҳўқиз нима-ю, у нима?

Аъзамхон (четга). Ҳм... ҳм...

У к пархон. Баъзи қора айқалар бўлади, қуруқ ва жоҳат!

Аъзамхон. Ҳой! Мен шу ердаман! Оғзингга қараб гапир!

У к пархон. Мен бугун «Ростгўйлик кечаси»га таклиф қилинганман, Аъзамхон. Тилимнинг сиз чандиб боғланган боғичи ечилган, дилимдагини айтавераман.

Аъзамхон. Хотин кишига гап тегмасин...

У к пархон. Мен ҳали гапирганим йўқ, энди гапираман. (Бурилиб кетади.)

Аъзамхон. Астағфурулло...

Одамлар йигила бошлайди. Акрамхон шовқин солиб келади.

Акрамхон. Қани, ўша, мени итга талатганлар?

Камтарин. Ҳой, бола, шангиллама!

Акрамхон. Дод дейман! Маҳаллани бошимга кўтараман!

Интизор келади, Акрамхоннинг қаршисида тўхтайди, унга тикилади. Акрамхоннинг товуши ўчиб, ранги оқаради.

У к пархон (Интизорга). Беандиша, бетавфиқ ўғлим учун мени кечир. У сенинг тирноғингга ҳам арзимайди.

Аъзамхон. Ўғлингни ерга урма!

У к пархон. Жим, кўча хандон!

Аъзамхон. Э, қудратингдан!..

Одамлар тобора кўпаяди. Бадинов келади. Аъзамхон уни кузатади. Бадинов одамлар билан иссиқ кўришади. Аъзамхонга дуч келади.

Аъзамхон юзини буради.

Бадинов

Юзингизни бурмангиз,
Ўзни алдаб юрмангиз,
Обрўнинг қолганини
Ҳавога совурмангиз!

Аъзамхон

Мени ўйламанг латта,
Шошмай туринг, иш катта,
Зўравонлик қилдингиз,
Фош бўласиз албатта.

Бадинов

Дарёning ҳам таги бор,
Туҳматнинг ҳам чеги бор.

Аъзамхон

Унутманг, Аъзамхоннинг
Юрагида кеки бор!

Камтарин (ёқасини ушлайди). Епирај, ёпирај...
Шу ёшга кириб, бунақасини кўрмаганман! (Аъзамхонга)
Хап туринг, савлатингдан, кеча бошланяпти.

Бадинов. Азиzlар! Мен маҳалла раиси бўлсам ҳам,
жанжалга беихтиёр аралашиб қолдим. Шу сабабдан раис-
лик қилишни Гўзалхонга топшираман.

Ҳамма ҳайрон.

Гўзалхон (раислик ўрнига ўтади). Азиzlар! Ма-
ҳадладошлар! Сизнинг истагингиз билан бугун «Ростгўй-
лик кечаси» ўtkазамиз. Бу «Коммунизм қурувчисининг
ахлоқ кодекси» мавzuидаги суҳбатларимизнинг навбатда-
гиси — «Дил кўзгуси». Қалай, мавзу маъқулми?

Одамлар. Маъқул!

— Жуда соз!

— Айни муддао!

Гўзалхон. Қани, ўтиринглар. Маҳалла комитети-
нинг аъзолари, президиумга марҳамат! Бошлайми!

Xамма

Ростлик кечаси, дил кечаси,
кўнгилни очар кун,
Кўнгил, бу чаман атр нафасин
ҳар ёнга сочар кун.
Ҳар ким ёзилиб шод бўлади,
эл обод бўлади.
Яхшига яқин, лек ёмондан
юз тошга қочар кун.
Ростлик олови куйдиради
гийбату ситамни,
Ким эгри әкан, эл тифига,
албатта дучор кун.
Дўстлик кечаси, завқ кечаси,
яхши кечар кун,
Диллар чигилин юрт қўзида
ошкора ечар кун.

Гўз алхон. Суҳбат қуруқ бўлмаслиги учун шу ма-
жаллалик «Холис» таҳаллусли бир кишининг районимиз
прокурорига юборган шикоятини ўртага қўямиз.

Мажлисда ола-ғовур.

Одамлар. Ким әкан у «Холис?»
Биринчи марта эшитишимиз!
Анонимкага ишонилмасин!
— «Холис» ўртага чиқсин!

Аъзамхон тоқатсизланади, аммо ўзини босишга уринади.

Гўз алхон. Азизлар, тинчланинглар! Прокурор тек-
шириш ўтказиб, Холис кимлигини, ариза ёзишдан мақсади
нималигини аниқлаши мумкин. Лекин «Ростгўйлик кечаси»
ўтказишдан мақсад — ҳар қандай масалани жамоатчи-
ликка ҳавола қилишдир. Мен ўйлайманки, ариза ўқиб
эшиттирилгандан кейин «Холис» ўртага чиқади, ўзини
танитади, мақсадини сўзлаб беради. Ахир, камчиликлари-
миизни «Дил қўзгуси»да, яъни, халқ қўзида ўзимиз кўриб
олмоқчимиз. Шундай әмасми?

Одамлар.— Шундай!
— Ҳақ гап!

Гўз алхон. Қани, Камтарин ака, «Холис»нинг ари-
засини ўқинг.

Камтарин (ўқийди). «Район прокурорига. Шикоят аризаси. Мен ким, адолатли совет қонунчилигининг содиқ мухлиси, ҳозирча ўзимни «Холис» деб аташга, яъни иши-шарифимни пардалашга мажбур бўлган Халқобод маҳалла фуқароси, сизга ёзиб маълум қиласманки, маҳалла-мизда шахс әркинлигига суиқасд қилувчи ғаламуслар пайдо бўлди. Темир Бадинов деган катта оғиз бир фитначи «Дил кўзгуси» деган машина ишлаб чиқариб, кўпчилик-нинг бошини айлантириди. Бунинг оқибатида одамлар бир-бирини титкилай бошлишди, ҳатто баобрў фуқароларимиздан Аъзамхон Самарзоданинг уйи бузилди, унинг хотини Укпархоннинг кўзи очилиб, әрининг юзига тик қарайдиган, гап қайтарадиган бўлиб қолди ва ниҳоят, юқорида номи зикр әтилган Аъзамхон Самарзода исмли, эллик ёшли бир муҳтарам зотни, яъни ўз әрини қайта тарбиялашни даъво қилди. Самарзода, албатта, бунга розилик бера олмади. Қайсар Укпархон «Дил кўзгуси»нинг сеҳрида эрини ташлаб кетди. Бу кўргулик етмагандай, Самарзоданинг мўмин-қобил ўғлини қутурган итга қоптиридилар. Ким қоптириди денг? «Дил кўзгуси»нинг ташаббускорлари ва кашфиётчиларидан Темир Бадинов. Зотан қутурган ит ҳам шу кейинги фитначининг олапаридир.

Афсуски, бу кўнгилсиз ишларга бош-қош Бадинов — шу маҳалла комиссиясининг раиси.

Ўтиниб сўрайман;

- 1) Ростлик кечаси бекор қилинсин, бинобарин «Дил кўзгуси» синдириб ташлансин;
- 2) Бадинов жазога тортилсин;
- 3) Хотиним уйимга мажбуран қайтарилсин. Мавкур адолатли талаб илтижосида

«Холис»,

Укпархон. Ариза қачон ёзилган?

Камтарин. Кеча.

Аъзамхон (бармоқлари қалтирайди, йўталади, луқма ташлайди). Ҳақиқат ёзилибди.

Акрамхон (безбетларча). Масала жиддий.

Гўзалхон. Чиндан ҳам, масала жуда муҳим.

Камтарин. Бадинов домланинг ҳам хати бор.

Гўзалхон. Ўқинг.

Камтарин (ўқийди). «Халқобод маҳалла комитетига. Йигирма тўққизинчи апрель кеч соат тўққизда Интизор ёлғиз вақтида бир шахс ҳовлимизга девордан ошиб

тушади. Ариқ бўйида ётган олапар итимиз ўрининг по-
часидан олади. Номаълум шахс билан олапар ўртасида
жанг бошланади. Шовқинга уйдан қизим чиққанда олапар
ўрини ариққа босиб, хириллаб ётган бўлади. Интизор ола-
парни тартибга чақириб, йигитни қутқаради-ю, уни таниб
ҳанг-манг бўлиб қолади, чунки ўғри Акрамхон Самарзода
бўлиб чиқади. Интизор қўшничиликни риоя қилиб, безо-
рини қўйиб юборади.

Баёй этилган ҳодисанинг тўғрилигига имзо чекдим:

Темир Бадинов».

Гўзалхон. Итни текширтирдик, қутурмаган экан.
Камтарин. Ҳайрият...

Ола-ғовуру.—Ишониш қийин...

— Наҳотки, одамлар шу даражада тубан кетади!

— Э, аттанг!

— Эсиз савлат!

— «Холис» ўртага чиқадими, йўқми?

Фовур аста-секин тинади. Ўртага жимлик, ўнғайсиэлик чўқади.

Акрамхон (*дадасининг қулогига*). Дод солайми?

Аъзамхон. Жим-эй!

Гўзалхон. Қани, азизлар, ким нима дейди?

Аъзамхон. Савол! Бадиновнинг ит сақлашдан мақ-
сади нима?

Бадинов. Ўғриларни қоптириш.

Ҳамма кулади.

Аъзамхон. Чалғитманглар, биродарлар, яна бир
савол. Нима, Бадинов менинг ўғлимни ўғри демоқчими?

Бадинов. Ҳа, кечаси девор ошиб тушган одам ўғри
бўлади. Аммо мол ўғрисими, жон ўғрисими?—Буни рост-
лик кечаси аниқлаб беради. Ҳўш, тағин саволлари борми?

Аъзамхон. Йўқ, кейинроқ...

Гўзалхон. Ихтиёргиз. (*Кўпчиликка*) Азизлар,
мабодо «Холис» шу ерда, ўртамизда бўлса, илтимос, мин-
барга чиқсин.

Ҳамма бир-бирига қарайди, кейин ҳамма кўзлаф бенхтиёр Аъзам-
хонга оғади. Аъзамхон сир бой бермасликка тиришади, ерга қарайди,
терлайди.

У к п а р х о н . Менга сўз беринглар!

А к р а м х о н . Ҳой, ойи, бу ерда донолар ўтиришибди,
сизга йўл бўлсин?

Г ў з а л х о н . Сўзланг, Укпархон!

У к п а р х о н (ўғлига). Тур, ўрнингдан!

А к р а м х о н . Э... э... э...

У к п а р х о н . Э-элама! Тур ўрнингдан, шумтака! (*Акрамхон ноилож туради.*) Қийшайма, қаддингни кўтар, юртдан кўзингни яширма! (*Акрамхон ерга қарайди.*)

А ъ з а м х о н . Ҳой, ғалча, нима қиляпсан?

У к п а р х о н . Ҳозир сенинг ҳам, дадангнинг ҳам аврастарингни ағдараман, бетларингни тиржайтириб кўрсата-ётган ниқобларингни йиртиб ташлайман.

А ъ з а м х о н . Ҳой, ношукур, ҳой ноинсоф! Ҳалоийқ, бу жинни бўпқопти, дўхтирга кўрсатиш, жиннихонага қа-маш керак.

У к п а р х о н . Гап шу. Эшигинлар.

Эгри қўл, әгри юрак, эсиз одам,
Пул топишдан бошқа йўқдир унда ғам.

Элга ҳурматдан асар ҳам қолмаган,
Кимки тўғри сўз деса, айлар ситам.

Унга рост гап айтдиму бўлдим ёмон,
Кимки ўғри, тўғридан айлар гумон,
Бир қаранг, у турланур мисли илон,
Макру ҳийла ишлатур у дам-бадам.

А ъ з а м х о н (бошини чанглайди). Дод! Бевафонинг дастидан дод!

У к п а р х о н

(А ъ з а м х о н г а)

Қанча ғавғо бошладинг ёлғиз ўзинг,
Дод дема, найранг пири иблис ўзинг,
Арза ёзган ҳийлагар «Холис» ўзинг,
Сен ўзинг солдинг бошимга шунча ғам!

Ўғлини ўғри бўлишга ундаган,
Пок юракларга маломат тўнкаган,
Яхши йўлга бошласам, ҳеч кўнмаган
Сен әмасми? Сўзла, эй, өсиз одам!

Аъзамхон тўлғанади. Акрамхон суратдек қотиб қолади. Созандалағ «Жазава» куйини чаладилар. Кейин Камтарин дум боғлаб, образга кириб «Бир бор экан...» қўшигини бошлайди, халқ чапак чалиб қўшилади.

К а м т а р и н

Бир бор экан,
Бир йўқ экан,
Бир фирибгар бор экан,
Кўзи доим лўқ экан,
Тулкидай айёр экан...

(Ba ҳоказо)

А к р а м х о н . Ҷада, индамайсиэми, шарманда бўлдик-ку!

Аъзамхон. Юм оғзингни!

Укпархон (*ўғлиға*). Гапир. Агар илон ёғини яла-маган бўлсанг, рост гапни гапир.

А к р а м х о н . Дадам гапирсинар.

Укпархон. Ўзинг гапир. Даданг эски қирриқ. Бор гапни айт, элдан' кечирим сўра.

А к р а м х о н . Ойим тўғри айтдилар. Ёмон ният билан Бадинов домланинг деворидан ошдим.

Тоштемир (*Акрамхонга юзма-юз келади*). Қандай ният билан?

А к р а м х о н . Интизорни опқочиш, менга турмушга чиқишига мажбур қилиш ниятида...

Интизор. Вой шўрим...

Тоштемир (*ўзини базўр босади*). Аблаҳ!

К а м т а р и н (*Аъзамхонга*). Тушунарли, савлатингдан. «Бадинов менга мажбуран қуда бўлса, сиримни очмайди», дегансан. А, лаббай?

Аъзамхон (*ноилож*). Ҳа...

Б а д и н о в . «Холис» таҳаллуслик шикоятномадаҳ ҳам мақсад шудир?

Аъзамхон. Ҳа... Тавба қилдим. Эгилган бошни қилич кесмайди.

Укпархон. Бекор айтибсиз!

Гузарда ғала-ғовур.

Б а д и н о в . Энди мендан эшитинглар. Аъзамхоннинг қўли эгрилиги, базага келган молларни чайқовчиларга ошириб келганлиги бизга маълум эди. Аммо биз шу пайтгача индамай келдик. Демак, айб бизда ҳам. Аммо шундай савол туғилади: нечун Аъзамхон шу даражада тубан кет-

ди? Нечун иғво, туҳмат йўлига кирди? Не сабабдан ўзини зўравон ҳисоблайди? Нега ўғлининг тарбияси расво? Нечун, биз, маҳалла аҳли бунга йўл қўйиб бердик?

Камтари н. Жуда тўғри!

Аъзамхон. Тавба қилдим, дедим-ку!

Акрамхон. Мен ҳам тавба қилдим.

Одамлар.— Осон қутулмоқчи!

— Суд қилиш керак ота-болани!

— Қамаш керак!

Гўзалхон. Азивлар! Ота-бала Самарзодалар ҳар қанча жазога лойиқ. Лекин бугунги ростгўйлик кечамида — «Дил кўзгуси»дан мақсад — одамлардаги нуқсонларни виждан ойнасида, уларнинг ўзларига кўрсатиш. Шояд кўрсалар, тушунсалар, афсус-надомат қилсалар, тузалсалар! — Мақсад шу! Агар тушунишни истамасалар, ўкинмасалар, тузалмасалар, унда ўзларидан кўрадилар.

Аъзамхон. Ҳай, ўзимиздан кўрдик...

Бадинов. Э, афсус... Аризамни халқ судига беришга мажбурман.

Акрамхон. Беринг! Қаматинг!

Камтари н (аламли). Э, савлатингдан-эй...

Укпархон (ўғлининг олдига келади). Мен сенга оқ сут берганман, бола! Тавба қил!

Акрамхон (дадасига қарайди, довдираиди). Дада, э... ахир...

Укпархон. Тиз чўк! Сени оқ қилиб, кейин доғингда куйиб ўлмай!

Акрамхон тиз чўкади. Укпархон ўпкаси тўлиб йиглайди. Даврадан чопиб чиқиб кетади.

Аъзамхон. Укпар! Қайт! Оёғингга йиқиламан, тавба қиламан! (Тиз чўкади.)

Ялла

Ер уэра сургалиб, бир кун завол топгай тубан маҳлуқ,
Ҳамиша баҳтиёр, озод яшар маҳкам қанотликлар.

Ажойиб боғимиз бор, янграсин куй, созу шоддиклар,
Муҳаббат яласига жўр бўлинг, дўст халқободликлар!

Гўзалхон. Азивлар! «Ростгўйлик кечаси» давом этиади...

ПАРДА

1967 йил

ДРАМА



МУҲАББАТ ТАНТАНАСИ

УЧ ПАРДА, ЕТТИ КҮРИНИШЛИ ДРАМА

ИШТИРОК ЭТУВЧИЛАР

Укташ Замонов. Қурилиш бошлиғи, әллик ёшда.

Бозор Ҳаққулов. Баш инженер ва партбюро секретари, әллик ёшда.

Салим Соқиев. Қурилиш бошлирининг таъминот бўйича ўринбосари, қирқ ёшда.

Уста Мустақим. Бинокор, етмиш ёшда.

Раъно Иброҳимова. Замоновнинг иккинчи хотини, ўттиз беш ёшда.

Санъатой. Иброҳимованинг биринчи әридан қизи, ўн беш ёшда.

Роҳат. Замоновнинг биринчи хотини, қирқ беш ёшда.

Рустам. Замоновнинг Роҳатдан ўрли, йигирма беш ёшда.

Мушарраф Каримова. Қурилиш трестида идора мудираси, йигирма етти ёшда.

Умид. Инженер-бинокор, ўттиз ёшда.

Дали. Экспедитор.

Воқеа шу кунларда бўлиб ўтади.

БИРИНЧИ ПАРДА БИРИНЧИ КУРИНИШ

Ҳали бўёқдан чиқмаган янги бино. Биринчи қаватда кенггина хона. Ўнгдаги әшикка: «Директор», чапдаги әшикка: «Партбюро» сўзлари ёзишган.

Хонада икки стол. Тўрдаги столда Салим Соқиев, пастроқдаги столда Мушарраф Каримова ўтирибдилар. Хона деворларига харита, схемалар осилган. Деразага кучли шамол урилади, ойналар зириллайди, кўкда булут карвони сузади. Кеч кузнинг одамларни шоширувчи нохуш манзарасини кузатиб ўтирган Мушарраф, стулга суялганча папирос тутатаётган Соқиевни зимдан кузатади. Мустақим ота киради.

Мустақим. Бай-бай-бай, изғирин турди... (*Брезент ёпқичининг ёқасини туширади.*) Салимбой, биз сени қурилишда кутиб ўтирибмиз; ана келади, мана келади деб, тунука қани?

Соқиев. Тунука келяпти.

Мустақим. Тунуканг бир ойдан бери «келяпти». Э, биз сени уддабурон деб адашиб юрган эканмиз.

Соқиев. Келяпти, ота.

Мустақим. Э, садқайи гап сенга! (*Мушаррафга.*) Қизим, Замонов қаёқда?

Мушарраф. Станцияга кетдилар.

Мустақим. Ана ундан бир иш чиқади. Ҳай, мен борай, Замоновга айтиб қўй, усталар кутишяпти.

Мушарраф. Ўқтам aka келишлари билан дарҳол айтаман.

Мустақим. Балли, қизим! (*Кетади.*)

Мушарраф (*Соқиевга.*). Сизга хат!

Соқиев (*хатни олиб*). Раҳмат!

Мушарраф. Мустақим отанинг ташвиши ўринли,

Соқиев. Қўйинг шу гапни! Томлар ҳам ёпилади, ёмғир-қорлар ҳам ўтади, ҳадемай чучмўмалар, бинафшалар яшнаб қолади, қип-қизил лола гиламлари қирларни қоплади... Менга қаранг, турмушга чиққанмисиз?

Мушаррафаф. Йўқ, гапни чалғитманг!

Соқиев. Мушаррафхон, менга қаранг, агар турмушга чиқмоқчи бўлсангиз, оғзидан она сути кетмаган болалардан танламанг, қадрингизга етмайди. Мана биз, турмушнинг аччиқ-чучугини татиб чиниқкан басавлат кишилар... Бизлар ардоқлаб сева оламиз. Қўлимизга дуо кетган, ёноқларингизни шундоқ силаганда ҳуснингиз ўн чандон очилади.

Мушаррафаф. Вайсаманг! Мен Замоновга ҳайронман, ишни орқага сураётганингизни кўра туриб, индамайди.

Соқиев. Ҳа, бошлиғимиз ландавурроқ... Аммо, бир нарсада ундан ибрат олса бўлади. Яъни, муҳаббатда... Замонов ва Раъно... Ҳўш, улар баҳтлими?

Мушаррафаф. Ҳа!

Соқиев. Отангизга раҳмат! Фараз қилинг: Сиз — Раъно, мен — Замонов.

Мушаррафаф. Сиз уларга тенг келолмайсиз. Улар тамом бошқа одамлар.

Соқиев. Биз тупроқдан яралганмиз. Улар нурдан пайдо бўлганлар. Шундайми?

Мушаррафаф. Балки, шундайдир. (Телефон жиринглайди, трубкани олиб қулоқ солади, ранги ўзгаради.) Ҳа, мен... Раҳмат... йўқ, йўқ, истамайман... Мумкин эмас. Кейин... Билмайман... Яхшиси бошқа телефон қилманг... Айтдим-ку... истамайман! (Трубкани қўяди, ўйга толади.)

Соқиев. Навбатдаги ошиқи беқарорми? Она сути оғзидан кетмаганларданми, демоқчиман.

Мушарраф хатларни тартибга солиш билан машгул бўлади.

Ия, ҳа, тилингиз ҳам боғланиб қолди. (Хатни очади. Мушаррафга синашта тикилади.) Мумкинми телефон қилгани ҳўрзонинг исм-шарифларини билсак?

Мушаррафаф. Ремонтни тезлатинг, ўзингизга алоҳида кабинет қилиб олинг.

Соқиев. Биз камтарин раҳбарларданмиз... Ҳўш, ким бўлди у ошиқи бечора?

Мушаррафаф. Келин ойим билан болаларингизни қачон қўчиріб көласиз?

Соқиев. Э, нима деяпсиз, аллақачон талоқ хатини берганман...

Мушарраф. Тилнинг суюги йўқ, гапираверади.

Соқиев. Нима?

Мушарраф. Тилни ёлғонга увол қилманг, деяпман.

Дали (киради). Ассалому алайкум. Мумкинми, хўжайин?

Соқиев. Э, қел! (*Мушаррафни кўрсатиб кўз қисади.*) Яхши бориб келдингми? Еғоч келадими?

Дали. Келади. (*Бармоғини ўпади.*) Во! Минг куб — раққосаларнинг қадди-қоматидай силлиқ қарагайлар.

Соқиев. Келиши билан омборга тушир!

Дали. Хўп, хўжайин.

Мушарраф бир даста қоғоз кўтариб, партбюорога кириб кетади.

Соқиев. Топдингми?

Дали. Ҳа.

Соқиев. Ҳайрият... Нима деди?

Дали. «Салимжонимни соғинганман, эртагаёқ бораман», деди.

Соқиев. Яхши... Ӯғли-чи? Ӯғли қаёқда әкан? Суриштиордингми?

Дали. Ӯғли ҳам келармиш.

Соқиев. Яхши... Бор, ишингдан қолма!

Дали. Хўп, хўжайин. (*Кетади.*)

Мушарраф (киради). Экспедиторингиз зўр.

Соқиев. Ҳа, энди ит әгасига ўҳшамаса ҳаром ўлади...

Мушарраф. Ит? (*Кулади.*)

Соқиев. Хўш, бизнинг савол жавобсиз қолаверадими?

Мушарраф. Қайси савол?

Соқиев. Қўнфироқ әгаси...

Мушарраф. Э, ҳали ҳам ўша гапми?

Соқиев. Эҳтиёт бўлинг, раşким ёмон.

Мушарраф. Жаҳлингиз ҳам, қаҳрингиз ҳам, заҳрингиз ҳам ёмон... (*Кулади.*) Мен билан «Мушук-сичқон» ўйнаб ўтириб ишдан қоляпсиз. (*Ҳаққулов киради.*) Бозор ака, сизга хат.

Ҳаққулов. Раҳмат, қизим. (*Конвертни очади, ҳатта бир зум кўз югуртиради-ю, ижирғаниб қоғозни гижим-*

лайди-да, ахлат саватига отади.) Ёмон кўрган нарсам — имзосиз хат!

Соқиев (ўсмоқчилаб). Кимдан экан?

Ҳаққулов. Айтдим-ку, имзосиз хат деб. Имзосиз хатнинг тагида албатта ифво бўлади.

Соқиев. Фикрингизга қўшиламан, Бозор ака. Аммо лекин... гоҳо... имзосиз хатда ҳам ҳақиқат учқуни ялт этиб қолади...

Ҳаққулов. Йўқ, биродар! Имзосиз хат одамни чалғитади, кўнгилга шубҳа илонини ташлайди, ишончни гумон остига қўяди, дўстликка раҳна солади, иттифоқликни бузади. Ана, ғижимлаб ташладим, ҳеч қачон бош кўтармасин.

Замонов (киради). Табиатнинг авзойи бузук. Метеостанция ёмғирнинг қорга айланишини каромат қиляпти. (Календарни йиртади.) Биринчи ноябрь... қиш эрта тушди... (Хатларни кўздан кечиради.) Байрам табриклари... Бозор ака, сиз Маданият саройи билан шуғулланинг.

Ҳаққулов. Мен ҳам шуни ўйлаб турувдим. (Кетади.)

Замонов (Соқиевга). Нега станцияга бормадингиз?

Соқиев. Мен югурдак эмасман.

Замонов. Муҳим ишнинг орқасидан қувган одам югурдак бўладими? Бир вақтлардаги ғайрат-шижоатингиз қани? Тўра бўлиб қолибсиз!

Соқиев. Ўртоқ Замонов, ҳақорат қилманг!

Бошлиқлар орасида гап қочганини сезган Мушарраф хонадан чиқиб кетади.

Замонов. Ҳа, тўрачилик бу! Ишни пайсалга солиш, ўзибўларлик, ниҳоят қасдан саботаж!.

Соқиев. Адоватингиз қолмади-қолмади!

Замонов. Адоват?!

Соқиев. Шунча йил ўтиб кетган бўлса ҳам оиласизнинг бузилишини ҳамон мендан кўрасиз! Худо ҳаққи, айб ўзингизда; қўрслигингиз билан Роҳатни беҳдириб юборгансиз!

Замонов. Эски ярага туз сепа берманг, Соқиев! Мен сиздан иш талаб қиляпман... Сиз бўлсангиз...

Соқиев. Икки қўчқорнинг боши бир қозонга сифмати шекилли!

Замонов. Нега мен боғдан келсам, сиз тоғдан келасиз. Мен сиздан тунукани сўрайпман!

Соқиев. Мен сиздан, Замонов, ахлоқни, коммунистик ахлоқни сўрайпман!

Замонов (даҳшатда). Сиз-а! Соқиев-а? Роҳатни йўлдан уриб баҳтсиз қилган Соқиев-а?

Соқиев (сурбетларча). Ана әнди ўзингизга келдингиз, тунука фақат баҳона! Э, омон бўлинг!

Замонов. Соқиев, гап шу: Мен бултур сизни қаттиқ ҳимоя қилдим. Сиз қурилишни айни долзарб пайтда тахта-ёғоч билан таъминлаб бермадингиз. Сиз ўзингизга топширилган вазифани қасддан барбод қилдингиз. Бу билан мени ноқулай аҳволга қўйдингиз. Ўшанда ҳам сиз учун биз елиб-югурдик. Хўш, айтинг-чи, қачонгача шундай қиласиз? Ахир коммунистсиз, вазифадор кишисиз, қачонгача мен сизга кафил бўлишим керак?

Соқиев. Кафил бўлманг! Писанда ҳам қилманг!

Замонов. Мен сизни, Салим Соқиевич, охирги марта огоҳлантираман. Ишга астойдил киришинг, жон куйдинг, ўзингизни ўтга, сувга ташланг. Мабодо, шундай қилмасангиз ишни яна пайсалга солсангиз, унда уришиб қоламиш.

Соқиев. Уришиб қоламиш?! Дўқни қаранг-а! Э, қўлингиздан келса остирворинг!

Замонов (ўйга чўмади). Кейин оғир уйқудан уйгонган кишидай, Соқиевга тикилади, сўнг Ҳушаррафга қараб). Мен шаҳар партия комитетида бўламан. Машина шу ердами?

Мушарраф. Ҳа.

Замонов (Соқиевга). Стаянцияга тез боринг!

Аввал Мушарраф, унинг кетидан Замонов хонадан чиқиб кетадилар.

Соқиев (саватдан ғижимланған хатни олади, дераза ёруғига тутиб кўғади). Ҳайрият, Бозор aka йиртиб ташламади.

Шошиб кўзойнак тақиб, кўздан кечиради. Мушаррафини кирганини ҳам сезмай қолади. Мушарраф уни бир неча дақиқа зимдан кузатиб туради. Соқиев чўчиб тушади, қўлларини беихтиёр орқасига яширади.

Соқиев. Э, сизмисиз? Бошим зирқираб оғрияти... Иш шу қадар кўнки... Бошлиқнинг важоқатини кўрдингиз-ку! Мени ҳалокатдан сақлаб қолган әмиш... Хўш, телефон қиласам Мажнун ким әди?

Мушарраф. Лайлининг ошиғи...
Соқиев. Овқатланамизми?
Мушарраф. Раҳмат, мен овқатландим. (Кетади.)
Соқиев (хатни текислаб буқлайди, тоқатсиғланади).
Бу гал сени қўлдан чиқариб бўпман, омад!

ИККИНЧИ КЎРИНИШ

Замоновнинг уйи — тўрт қаватлик янги уйда квартира. Оқшом. Чироқлар ёнган. Хона ўртасидаги катта столда дастурхон тузатилган, радиоприёмниқдан майнин кўй оқяпти. Дераза ёнида Раъно билан Санъат гул саралаб гулдонга теришяпти.

Санъат. Ая, Ўктам амаки неча ёшга кирдилар? Раъно (ўпкаланиб). Ҳали ҳам дада демайсан-а? Санъат. Ўктам амаки... Дадам... Неча ёшга кирдилар?

Раъно, Ҳамон ўрганолмаяпсан, қизим. Ҳа, майли. Бир кун әмас, бир кун ўрганиб кетарсан.

Санъат. Ҳафа бўлдингизми, аяжон? (Раънонинг бағрига кириб эркаланади.) Ахир, мен... Менинг ўз дадам бор-кул!

Раъно (қизининг сочини силайди, ўйга толади). Ўктам Замонович бугун әллик ёшга тўлдилар.

Санъат (соддалик билан). Қариб қоптилар, а? Раъно. Ҳа... (Кўзлари гилтиллайди.) Одамни меҳнат қаритмайди, кулфат қаритади.

Санъат. Биламан. Раъно. Сен энди катта қиз бўлиб қолдинг, ҳамма нарсани билишиңг мумкин. (Гулдонни столга қўяди.) Дастурхон тайёр. (Девордаги сёатга қарайди.) Даданг келишига бир оз бор. Кел, мен сенга баъзи гапларни билдириб қўяй. (Кизини диванга ўтқазади, ёнига ўтиради.) Мен турмушга чиққанимда энди ўн саккизга тўлган эдим. Политехника институтининг биринчи курсида ўқирдим. Эрим Нуъмонжон гўшт комбинатида экспедитор бўлиб ишларди. У пулни кўп топар, кўп ичар, гоҳо ярим кечада улфатлари судраб келишар, на ота-онасининг насиҳатига, на менинг ёлворишимга қулоқ солар эди. Уч ой ҳам тотув яшамадик. Емон юрадиган бўлиб ифтди, Тўйимизнинг бешинчи ойи қамоққа тушди. Олти ойда базўр қутулиб чиқди. Шундан кейин бир ой жимгина юрди. Тузалибди, энди турмушизга маза киради деб умид қилдим. Гўрдами! Яна пул топди, яна ичди, яна бузук йўлга юрди. Сен туғилганингда

Нуъмонжон иккинчи марта қамоқда ётар, бу гал беш йилга кесилган эди.

Санъат. Бечора аям...

Раъно. Институтнинг иккинчи курсида ўқишдан қолиб кетдим. Бир йил қайнанам қўлида турдим, кейин оғирлигим тушмасин деб, Лойиҳа институтига чизмачи бўлиб ишга кирдим. Ўқтам Замонович директоримиз әдилар. У киши ҳаммага баробар меҳрибон, ҳар биримиэнинг ишимиз, турмушимиздан хабардор, чин маънода мададкор әдилар. У киши менинг ҳам турмушимни суриштирилар, ўқишдан қолиб кетишим сабабини билдилар-да, институтимга сиртдан ўқишига жойлаб қўйдилар. Тўрт йил ўқиб инженерлик дипломини олдим. Лойиҳа институтида энди инженер бўлиб ишлай бошладим. Уша йили Нуъмонжон қамоқдан чиқиб келди. Ёши ўттиздан ошган, соч-соқолига оқ ораган. Лекин хулқ-автори ўша-ўша. Биринчи куниёқ әски улфатларини топиб ичиб келди. Эртаси кун Ўқтам Замонович мени ишда маъюс қўриб ҳол-аҳвол сўради. Мен унга бор гапни айтиб бердим, маслаҳат сўрадим. Ўқтам Замонович бўлса, менга маслаҳат бериш ўрнига ўз дардини очди. Унинг хотини Роҳат бошқа билан топишиб кетган экан...

Санъат. Бечора Ўқтам амаки...

Раъно. Ўқтам Замоновичнинг шундан кейинги умри авобда ўтган. Роҳат эридан расмий ажralган бўлса ҳам Ўқтам Замоновичга туҳмат қилиб устидан аризалар ёзи, иғволар тарқатди, гўё айб ўзида әмас, эрида...

Санъат. Аяжон, ёмон одамлар қаҷон йўқоларкин, а?

Раъно (*дераза олдига келиб, шаҳар чироқларига түқилади*). Нуъмонжон эгри йўлдан қайтмагандан кейин, мен ўндан ажralиб сени тирик етим қилишга мажбур бўлдим. Саккизда әдинг, ўн олтига қадам қўйдинг. Дунёда бирдан-бир қувончим сенсан, Санъат!

Санъат. Ўқтам амаки-чи?

Раъно. Дунёда бирдан-бир таянчим у олижаноб инсон!

Санъат. Севасизми?

Раъно. Ҳақиқий севги, қизим, сен тушунгандан чуқурроқ, улуғроқ...

Санъат. Сезяпман...

Раъно. Ўқтам Замоновичга турмушга чиққанимга олти йил бўлди. Сен ўз отангдан кўрмаган яхшиликни учдан кўряпсан. Е, шундай әмасмий...

Санъат. Шундай.
Раъно. Дадам дейсанми?
Санъат. Аяжоним!

Иккови қучоқлашиб йиғлашади. Эшик қўнгириғи чалинади.

Дадам келдилар! (Эшикка югурди, очади.)
Раъно. Дадам деди!.. (Ҳаяжонланади.) Ким экан?
Санъат. Почтальон бўлса керак. Мана, хат.
Раъно (хатни кўздан кесиради). Дадангга. (Сервант устига қўяди.)

Санъат. Аяжон, дадам нега кечикяптилар?
Раъно. Иши кўп, қизим. Бир тоифа кишиларни она-
лари фақат иш учун туғадилар. Даданг ҳам шу тоифадан...
Юр, овқатга қарайллик!

Раъно билан Санъат ошхонага ўтадилар. Гулдаста кўтарган
Соқиев, яшик кўтарган Дали кирадилар.

Соқиев. Ҳеч ким йўқ... О, дастурхон зўр-ку, Даливой!
Дали. Нуқул беш юлдузликлар. Бизнинг келтири-
ганимиз бунинг олдида ип эшолмайди, хўжайин! Бу...
хўжайин дейман... бир қармоқ ташлаб кўрмайсиэми?

Соқиев. Тсс! (Далининг оғзини ёлади.) Жим-эй!
Деворнинг қулоги бор, ука!
Дали. Ҳўп, хўжайин, хўп! (Девордаги катта расмга
ишора қиласди.) Қаранг-а!

Деворда — Замонов, Раъно, Санъат сурати.

Соқиев. Илтари кўзимга бунақа ширин кўринмасди.
Бай-бай-бай!

Ошхонадан Раъно чиқиб келади.

Табриклаймиз! (Гулдаста беради.)
Раъно. Раҳмат. (Гулдастами олиб гулдондаги гул-
ларга қўшади.)
Дали (қўлтиғидаги яшикни кўрсатиб). Буни қаерга
қўяй?

Раъно. Ҳожати йўқ. Чакки қипсив!
Соқиев. Нега? Бошлиқнинг юбилейларидаги муовим-
ларидан арзимас тўёна.

Раъно. Ўқтам Замонович бунаقا нарсаларни ёмон кўрадилар. Юбилейга рухсат бермадилар. Бу шунчаки оила дастурхони...

Соқиев. Бошлиқ камтаринлар. Аммо у кишидай баҳтиёр инсон дунёда йўқ. Сиз... Сиздай фаришта васлига мұяссар бўлмоқ... Ҳа... Биз шўринғ қурғурлар дунёдан тупроқ ялаб ўтиб кетяпмиз!

Раъно (ҳайрон. Синиқ товуш билан). Ўтиринглар!

Дали яшикни полга қўяди. Ўтирадилар.

Соқиев. Кечакошлиқ билан озгина айтишиб қолдик. Қизишгандаш шунаقا бўлади ўзи... Иккаламизнинг ҳам асабимиз тараанг эди... Ҳа, энди... ишда бўлиб туради... Аммо, дўстлик бузилмасин. Менинг Ўқтам Замоновичга ҳурматим самимий... (Раънога қаттиқ тикилади.) Бир оғиз айтиб қўясиз-а?

Раъно. Ўзларингиз гаплашиб олганларингиз маъқул. (Бурчакдаги курсида телефон жиринглайди. Раъно бориб эшигади.) Меҳмонлар келишди. Ўзингиз қаердасиз? Станцияда... Соқиевни кутиб ўтирибман, дейсизми? У киши шу ерда... Ҳўп, трубкани бераман. (Соқиевга.) Ўқтам Замонович сизни сўраяптилар.

Соқиев (трубкани олади). Эши таман... ҳа, автоколоннага қўнғироқ қилдим, машина беришмади... Байрам арафаси... Ҳой, нега бақирасиз?.. Ахир, мен нодон эмасман-ку! Нима? Ҳўп, ҳозир етиб бораман... (Раънога.) Эрингизга айтиб қўйинг, ҳадеб зуғум қилавермасинлар. (Далига.) Қани, кетдик.

Дали. Ҳўп, хўжайин!

Раъно. Гул учун раҳмат. Яшикни олиб кетинглар (Соқиевнинг имоси билан Дали яшикни кўтаради.)

Соқиев. Эрингизга айтинг, нуқсонсиз парвардигор. (Раъно индамайди.) Мансабнинг умри боқий эмас!

Улар чиқиб кетгандан кейин Раъно сервантнинг оладига келади, катни қўлига олади, конвертдаги ёзувни ўқиуди, жойига қўяди, ўйга толади.

Раъно. Орқа адреси йўқ, кимдан бўлди экан бу хат?

Санъат (оиҳонадан чиқади). Аяжон, ким келди?

Раъно. Соқиев, Далиси билан...

Мустақим (нақшин курси кўтариб киради). Ҳо, яхшилар, ким бор?

Раъно. Келинг, уста бува, келинг.

Мустақим. Сенга, опоч, битта курси ясаб келдим.
Нақшини қара! Ўлиб кетсам, өслаб юрарсанлар!

Раъно. Қўйинг, уста бува, унақа гапларни гапирманг,
ҳали узоқ яшайсиз.

Мустақим. Яшашим шарт. Қураётган шаҳримиз жа-
молига тўйишим даркор, опоч. (*Курсини Санъатга беради.*)
Ма, пучуқ, катта бобонгдан.

Санъат (олади). Раҳмат, буважон!

Мустақим. Ҳа, дарвоқе, станцияга тунука тушиб-
ди. Усталар ҳаммаси пешиндан бўён кутишади, ана кела-
ди, мана келади деб, қани келса, Салим сўпоқ ишни
пайсалга солганов, деб ўйладик. Шу топда тағин хабар
келди: әринг тунукаларни машиналарга орттираётган-
миш... то машиналар етиб келгунча табриклаб чиқай де-
дим.

Раъно. Раҳмат, уста бува.

Мустақим. Ҳайрият, ёмғир сал пасайди, аммо бу-
лут қалин, томларни тезда ёпиб олмасак, иморатлардан
путур кетади.

Раъно. Уста бува, дастурхонга қаранг.

Мустақим. Қани, опоч, қизилингдан бир истикон
қуй, вақтим зиқ.

Раъно вино қуиб, уста Мустақимга узатади. Мустақим қадаҳни
чироққа тутади.

Товланишини қара-я! Қани, сенлар ҳам иримиға оз-оз
қуйинглар.

Раъно жажжи рюмкаларга қуяди.

Гап шу, опоч: әринг Ўқтамвой ҳаётини ҳалқ ишига ба-
ғишлаган инсон. Қўша қаринглар! (*Оқ ичади, оғзиғига
бир түғрам қази солиб тамшанади.*) Шу йил қиши чилла-
сида етмишга кираман, тиш тўкилди...

Раъно. Тишни янгилаш осон, уста бува.

Мустақим. Кўнгил ёш, яшаган сари яшагинг қе-
лади. Қура берсанг, қура берсанг, янги шаҳарларнинг чи-
роқларини ёқа берсанг, янги авлодлар камолини кўра
берсанг.

Раъно. Ниятингизга етасиз, уста бува!

Мустақим. Иншоолло! (*Ўрнидан туради.*) Энди
менга жавоб.

Раъно. Раҳмат, уста бува!

Мустақим (*Санъатнинг бошини силайди*). Даданг-
ни ҳурмат қил, пучуқ!
Санъат. Ҳўп, буважон!

Уста Мустақим кетади.

Раъно. Ана, қизим, дунёда шунаقا яхши одамлар
ҳам бор. (*Машина сигнали эшигилади*.) Даданг келдилар.
Юр кутиб олайлик.

Ўкта Замонов, Бозор Ҳаққулов кириб келадилар.

Ҳаққулов (*Раънога*). Салом, лойиҳалар сеҳргарий!
(*Қўйл бериб кўришади*.) Эрингиз мени зўрлаб олиб келди,
бир пиёла чой ичамиз, деб. Э-э, зиёфат бажо-ку! Мумкин-
ми, бу муҳташам дастурхоннинг сабабини билсак?

Раъно. Туғилган кунлари...

Ҳаққулов (*пешанасига уради*). Э, хомкалла! Иш-
ишиш, деймиз, шахсий ҳаёт, бир-бири мизга оқибат, мана
бунаقا ўтиришлар ёдимииздан буткул кўтарилади. (*Замо-
новга*) Сен ҳам ўлгидай камтарсан. Тўхта, тўхта, неча
ёшга кирдинг? Тенгдошмиз... Йўқ, мен сендан бир ёш кат-
таман. Демак, роппа-расо элликка кирибсан. Эй, дўстим-
ей, бир оғиз айтмайсанми?

Раъно. Яқинларимизга хабар қилмоқчи әдим, рухсат
бермадилар.

Ҳаққулов. Одам ўзини юз тубан қилиши керак
эмас. Ишлашни билган одам яшаши ҳам билмоғи даркор!

Замонов. Қани, дастурхонга марҳамат!

Ҳаққулов. Тоза уялтиридинг-ку! Ҳа, майли, тан-
танали мажлисда нишонлаймиз.

Замонов. Йўқ, йўқ! Керакмас! Шаҳарни қурайлик,
комбинатни ишга туширайлик, ҳали тагин беш-ён йил ўт-
син.

Ҳаққулов. У ёғини бизга қўйиб бер! (*Ўтиради*.)
Қани қуядиган бўлсанг қуй! (*Раъно билан Санъатга*.)
Сизлар ҳам ўтиринглар.

Замонов (*май қуяди*). Қани, олайлик!

Ҳаққулов. Ўкта Замонович, азиз дўстим, эллик
ёшинг қутлуғ бўлсин! (*Бир оз ўйланади*.) Сен билан биз
кеттакон ҳаёт йўлини босиб ўтдик. Эсингдами бундан қирқ
йил бурун Тошкентнинг Эски шаҳаридаги интернатда бир
хонада ёнма-ён ётиб, бир партада ёнма-ён ўтириб ўқир
өдик. Етим әдик иккаламиз ҳам. Уруш арафасида институт-

нинг қурилиш факультетини бирга битирдик. Фронтда битта сапёр ротасида хизмат қилдик. Прагага қадар бордик. Кейин ишга, қурилишга шўнгидик. Йигирма уч йилдан бери тинимсиз қурамиз. Мана, янги қурилишда — чўлда социалистик саноат шаҳари қурилишида яна биргамиз. Ол, дўстим, шу биргалик, дўстлик учун ичайлик!

Замонов. Ташаккур. (*Ичадилар.*)

Ҳаққулов. Агар соҳиби хона нархи зарга баробар тансиқ конъягини қизғанмаса яна бир гап айтмоқчиман.

Замонов. Марҳамат!

Ҳаққулов. Илгариги турмушинг менга маълум, дўстим. Чамамда дўзахдан қутулиб жаннатга кирдинг. Раънохон, таклиф бор; шу ажойиб коммунист инженерлар оиласи, унинг баҳти учун исчак!

Раъно. Қуллуқ, Бозор ака.

Ичадилар, овқат ея бошлайдилар, телефон жиринглайди, Раъно трубкани олади. Бир неча дақиқа әшитади, ранги оқариб ҳаяжонланади.

Замонов. Ҳа, ким әкан?

Раъно (*трубкани қўяди*). Кейинги кунларда шунаقا бемаза қўнгироқлар кўпайиб қолди. Номаълум бир киши пўписа қиласди: кўчиб кетмасаларинг, уйингга ўт қўяман, дейди... Ҳайронман... (*Сервант устидаги конвертни олади, Замоновга беради.*) Сизга хат.

Замонов. Кимдан әкан?

Раъно. Билмадим. Адреси йўқ...

Замонов (*конвертни очади*). Имзосиз хат... Таажжууб... (*Хатни ичиди ўқиб чиқади, ранги оқаради.*) Уф, ғаламуслар тинчимади-тинчимади... (*Ҳаққуловга.*) Ўқиб кўринг-чи, Бозор ака.

Ҳаққулов (*ичиди ўқииди*). Ҳа, қип-қизил бўғтон. Уҳў, дўқини қара-я! Агар сен қурилишдан ўз ихтиёринг билан кетмасанг, сирингни фош қилармиш! Роҳатни ҳам билар әкан бу ғаламус... Дарвоқе, Роҳат турмушга чиқсанми?

Замонов. Билмадим, орадан шунча йил ўтди.

Ҳаққулов. Ўғлинг қаёқда?

Замонов. Ўғлим институтни тамомлади. Ҳозир шаҳар коммунал газ бошқармасида ишлайти. Хат ёздим, балки келиб қолар. Аммо Роҳат ҳамон тинчимаяпти.

Ҳаққулов. Мушкул савдо... Майли, суриштирамиз. (*Қўлинни артиб ўрнидан туради.*) Чиндан ҳам мушкул сав-

до... Менга қара, сен Соқиевни нега ҳадеб ҳимоя қиласе-расан? У ишни қасдан барбод қиляпти... Баҳридан ўтиб қўя қолмайликми-а?

Замонов. Тажрибали, ташкилотчи ходим.

Ҳаққулов. Ташкилотчи? Ахир ишни сенга қарши ташкил қиляпти-ку?

Замонов. Кўрармиз.

Ҳаққулов (*Раънога*). Ҳафа бўлманг, синглим, дунё ўзи шунаقا, серташвиш, серғалва. Ишдан кўнглингиз совумасин, микрорайон лойиҳасини тезлатинг.

Раъно. Ҳўп, Бозор ака.

Ҳаққулов. Қани, дўстлар, сўнгги қадаҳ тўлдирилсин.

Замонов қуяди, Ҳаққулов қўлга олиб, Раънога мурожаат қиласиди.

Буни сиз учун, сиз орқали вафоли рафиқаларимиз учун ичамиз. Соғ бўлинглар! (*Ичадилар.*)

Замонов. Оббо, яна ёмғир қуя бошлади.

Ҳаққулов. Кетдик.

Замонов билан Ҳаққулов шошиб чиқиб кетадилар. Раъно дераза тавақаларини кенг очиб юборади, чироқлар шуъласида шовилаб ёгаётган ёмғир кўринади.

Раъно (*ёнига келган қизининг елкасини қучади*). Да-данг энди тонггача ишлайди, қизим.

Санъат (*машина фаралари ёритган кўчага тикила-ди*). Дадажоним!..

ПАРДА

ИККИНЧИ ПАРДА УЧИНЧИ КҮРИНИШ

Биринчи күринишдаги саҳна. Мушарраф машинкада ёзиб ўтирибди.

Мушарраф (қулоқ солади). Ҳамма ёқ тараққа-туруқ. Эртага байрам. Бугун беш юз оила янги уйларга кўчиди киради. Биргина менинг оиласам йўқ (ўкиниб). Агар оиласам бўлса мен ҳам бугун янги уйга кўчиди кирган бўлардим. (Телефон жиринглайди.) Алло? (Мушарраф трубкадаги товушни таниб жим қолади. Трубканни кафти билан беркитади). Яна ўша... (Бир нафас қулоқ солади.) Ким бўлди әкан? Овози... овози... йўқ, у әмас, бошқа! (Трубкага.) Илтимос қиламан, мени ўз ҳолимга қўйинг! (Ҳайрон.) «Қўймайман» дейсизми? Нега? «Қўришишимиз зарур...» Йўқ, мен сиз билан кўриша олмайман!.. Кимсиз, ахир? Ақалли отингизни айтинг! Йўқ, дедим, йўқ! Бошқа телефон қилманг! «Ҳозир кираман!» дейсизми? Майли, мард бўлсангиз киринг! (Трубканни қўяди.) Тавба... (Беихтиёр ҳаяжонланана бошлайди.) Тағин... ўша бўлса-я.. Овози ўшаники... Умиджон... Кўзлари маъюс, камгап инженер. Наҳотки, ўша? (Беихтиёр кўзига қараб, ўзига оро беради.)

Эшик аста очилиб Умид киради.

(Шошиб кўзигуни яширади. Гўё ҳеч нарса билмаган кишидай, парвосизгина.) Келинг, хизмат?

Умид (Мушаррафга умидвор тикилади). Келдик... Биз, ўша қўнғироқлари билан оромингизни бузган жазманингиз...

М у ш а р р а ф (*хандон отиб кулади*). Вой, сизни қа-
ранг; ишингиз нариги хонада-ю, бу хонага телефон қила-
сиз нүқул...

У м и д. Байрам кечасида, мажлис тугаши билан Бино-
корлар майдонига чиқ! Гап бор! Кечикма, жаҳлим өмон!
(Хонадан шитоб билан чиқиб кетади.)

М у ш а р р а ф. Бунча қўпол! Нега сенсирайди? Вой,
тавба!..

Р о ҳ а т (*Рустамни қўлидан судраб киради*). Юр, де-
димми, юр!

Р у с т а м. Уятга қўйяпсиз, ойи! Мен бу ерда нима
қиласман?

Р о ҳ а т. Дадангдан ҳақингни талаб қиласан.

Р у с т а м. Қанақа ҳақимни?

Р о ҳ а т (*бақиради*). «Қанақа ҳақим» әмиш?! Фарзанд-
лик ҳақингни, меросингни!

М у ш а р р а ф. Опа, секинроқ гапиринг. Сизга ким ке-
рак?

Р о ҳ а т. Замонов! Ўктам Замонов! Менинг әрим! Мана
бунинг дадаси! Ўқтингизми, хонимча!

М у ш а р р а ф. Ўқтим. Ўктам Замонович томда.

Р о ҳ а т. Томда?!

М у ш а р р а ф. Ҳа, томда. Шаҳар томида. Янги уйлар-
нинг томини ёпишяпти.

Р о ҳ а т. Қачон келади?

М у ш а р р а ф. Томлар ёпилиб бўлгандан кейин.

Р у с т а м. Ойижон, жаҳлингиздан тўрут әнлик тушиғи.
Дадамда ҳақим қолгани йўқ. Нафақасини бериб бўлған.
Ўй-жойларини ҳам таг-туғи билан хат қилиб берган.

Р о ҳ а т. У сени тарбиялашга мажбур!

Р у с т а м. Вақтида яхшилаб тарбиялаган. Йигирма
бешга кирдим, ойижон. Энди мен бошқаларни тарбияла-
шим керак.

Р о ҳ а т. Бекор гап! Оталик бурчи умрбод. Даданг айш,
ишратда юрсин, сен билан биз бир четда қолиб кетайлиқ!
Йўқ, мен бунга йўл қўймайман!

М у ш а р р а ф. Жон опа, сал жазавадан тушинг. Бу ёр
бозор әмас.

Р о ҳ а т. Ҳа, хонимча, сиз ҳам хўжайнингизнинг ёни-
ни оласизда-а? Биламан сендақа котибаларни! Эрларимиз-
ни йўлдан урадиган олифталаар — сенлар!

Р у с т а м. Ойи! Ҳой, ойи! Ойимсиз, тилим боғдиқ...

Р о ҳ а т. Бор, бор! Сен бормидинг менга ақл ўргатмаган!

Рустам. Ойи, гап шу: дадамга даъвойим йўқ. Кўртим келса сизсиз ҳам келиб кўравераман. Аммо шармандалика тоқатим йўқ. Ҳайр, мен кетдим.

Роҳат. Йўқол! Дадангдан нима фойда кўрдим, сандан нима фойда кўраман! Йўқол, йўқол!

Рустам юзини қўллари билан яширганча чопиб чиқиб кетади.

Мушарраф. Ўғлингизни чакки хафа қилдингиз.

Роҳат әнсаси қотиб жавоб бермайди. Сумкасидан кўзгу чиқариб, юзига упа суртади, лабини бўйди. Овозини ўзгартириб таманно билан:

Роҳат. Хонимча, Соқиевни кўрсак бўладими? Салимжон шу ерда бўлсалар керак?

Мушарраф. Салим Соқиевични танийсизми?

Роҳат (қаҳ-қаҳ отиб кулади). Рашингиз зўр экан-а? Кўрқманг, хонимча, Салимжонни еб қўймайман.

Мушарраф қаттиқ газабланади, ўзини босиш учун ишга берилади. Хонага Соқиев билан Да ли и кирадилар. Соқиев Роҳатни Мушаррафнинг ёнида кўриб саросимага тушади-ю, бироқ, дарров ўзини ўнглаб олади.

Соқиев. А... Э... Ҳм... келинг?

Роҳат (атайлаб чертиб). Ассалому алайкум! Яхши юрибсизми?

Соқиев. Салом, салом... Яхши... (Мушаррафга.) Бошлиқнинг кабинетида ким бор?

Мушарраф. Ҳеч ким.

Соқиев (Роҳатга). Киринг. (Роҳат бедана юриш қилиб киради. Унинг кетидан эшикни қаттиқ ёпади. Мушаррафга). Ҳеч ким кирмасин, тушундингизми? (Мушарраф индамайди. Соқиев ичкарига кириб кетади.)

Дали. Хўжайнинг тараф йўқ. Раҳбар деган ана шунақа хўроз бўлса! Одамнинг латтасига тоқатим йўқ. (Эшик тирқишидан қулоқ солади.) Қойил, хўжайн жононни шунақа авраяптики! Ҳудойи таоло хотин кишини лақилашга яратган.

Мушарраф. Вайсаманг!

Дали. Вой-вў, важоҳатингиздан ит ҳуркади-я! Э, яхши ниятлар амалга ошгандан кейин у ёғи нима бўлади?

Мушарраф. Қанақа «яхши ниятлар?»

Дали. Мушаррафхон! Умидсиз — шайтон. Мана, икки йилдирки, босган изингизни ўпид, тупроғини кўзимга суртиб юрибман.

Мушарраф (ўсмоқчилайди). Нима, менга уйланмоқчимисиз?

Дали. Оҳ, тилингизга новвот! Саволингизни яна бир қайтаринг, қулоғим оғирроқ...

Мушарраф. Одамнинг суюғига тоқатим йўқ!

Дали. Янги квартирага ариза бериб қўйганман. Ҳўп десангиз — олам гулистон.

Мушарраф (аччиқ). Битта қиз нечта әрга тегиши мумкин?

Дали. Биттага.

Мушарраф. Яшанг! Менинг әрим бор!

Дали. А?! Ёлғон! Ёлғон-а?

Мушарраф. Ба!

Дали. Ҳўп, хўп...

Мушарраф. Роҳат опани танир әкансиэ-а?

Дали. Ҳа... Э, йўқ...

Мушарраф (синашта оҳангда). Йигитмисиз? Нимага иккита гапирасиз?

Дали. Ҳўш, танисам нима бўпти?

Мушарраф. Ҳеч нима... (Ишга машғул бўлади.)

Дали (ташвишланиб). Бу ишнинг орқасидан ишқали чиқмасмикан-а? Ҳой, Мушаррафхон, бир нима десангизчи! Ахир, янги квартирага ариза берганман...

Мушарраф. Бошқа ишларингиз беишқалми?

Дали (ҳўшёр тортиб). Яъни? Масалан?

Мушарраф. Қурилиш материалларидан қанча ўмаргансиз?

Дали. Э, нима деяпсиз? Сизни фаришта десам, қипқизил туҳматчи әкансиэ-ку!

Мушарраф. Дали ака! (Эшик очилишдан ҳавфси-раб шивирлаб гапиради.) Байрам мажлисидан кейин ҳеч кимга билдиримай Бинокорлар майдонига чиқинг. Ўша ерда, маданият саройи эшигига учрашамиз.

Дали. Оҳ, тилингиздан!

Мушарраф. Суюлманг! Ҳаёт-мамотингизни ҳал қиладиган гап бор.

Дали. Ҳаёт-мамотимни оёғингизга ташлайман!

Мушарраф. Боринг әнди!

Дали. Ҳўп, фармонингга жоним тасаддуқ!

'Да ли кетади. Мушарраф ишга машгул бўлади-ю, кўз-қулоги кабинет эшигига. Эшик очилади. Анча юмшаган Роҳат ва унинг орқасидан қўлида калит ўйнаб Соқиев чиқиб келадилар.

Соқиев. Мана калит. Баҳор кўчаси, ўн уч.
Роҳат (калитни олади). Баҳор... Чиройли ном!

Соқиев. Ўғлинг қани?

Роҳат. У қайсар кетиб қолди.

Соқиев. Аҳмоқ. (*Мушаррафга шубҳаланиб тикилади.*) Сиз бу опангизга квартирамни кўрсатиб қўйинг.

Мушарраф индамай ўрнидан туриб хонадан чиқади.

Роҳат. Намунча терс?

Соқиев. Ишинг бўлмасин. Бунақаларни ўнг қилиб олиш осон.

Роҳат. Ўша-ўша тулкисиз?

Соқиев. Мени қўй. Ўзингни ўйла.

Роҳат. Иккаلامизни ўйласам-чи?

Соқиев. Ўйда масаллиғ бўлса керак, ул-бул қовуриб тур, бораман.

Роҳат. Сира ўзгармагансиз, ўша Салимжонимсиз!

Мушаррафнинг қораси кўринади.

Соқиев. Тес!..

Роҳат бош қимирлатиб чиқиб кетади. Соқиев кафтларини ишқалайди.

Фишт қолипдан кўчди... Ўртоқ Замонов билан замонавий тилда гаплашадиган пайт келди, чамамда!

Мушарраф (киради). Квартирангизни кўрсатиб қўйдим. Энди бу ёғи нима бўлади?

Соқиев. Бу нима деганинги?

Мушарраф. Ўқтам Замонович бу сирдан хабар топсалар, нима жавоб қиласиз?

Соқиев. Қўрқадиган жойим йўқ!

Мушарраф. Эшитиб турган қулоқларимга ишонмайман. Мен сизларни ёшлиқдан бирга ўсган қадрдонлар деб юрардим... Токи...

Соқиев (*Мушаррафга яқин келиб беҳаё тикилади.*). Токи?

Мушарраф. ...Токи шу дақиқагача, сизнинг кимлигингизни билиб олгунимча!

Соқиев. Ким әканман?

Мушарраф. Айтишга қўрқаман. Тилим айланмайди.
Соқиев. Ўҳӯ. (Заҳарханда.) Ҳўш, қандай ҳукм чи-
қарадилар?

Мушарраф. Ҳозирча, ҳеч қандай... Кўриб турган-
ларим шу қадар чигал нарсаларки, ақлим етмаяпти.

Соқиев (*папирос тутатади, хонада у ёқдан-бу ёққа
бетоқат юради*). Мушаррафхон! Азизам! Сиз ҳали кўп
нарсани тушунмайсиз. Ҳаёт сиз ўйлаганча жўн, осон әмас.
Мен Замоновни кўпдан бери танисам ҳам бунақа худ-
бинлиги, мансабпастлигини билмас әканман.

Мушарраф. Қизиқ. Нимаси худбин, нимаси ман-
сабпаст? Кеча-кундуз ишни ўйлади, бошқалардан ҳам
иш талаб қиласди. Қурилишимиз муҳим, оғир. Унинг ўр-
нида бошқа раҳбар ҳам қаттиқўл бўлиши турган гап!

Соқиев. Йўқ, азизам, бу гаплар сиз ўйлагандан му-
раккаброқ. Замонов мени қасддан таъқиб остига оляпти.
Йўқ-йўқ, сўзимни бўлманг, ҳали кўп нарсаларга ақлингиз
етмайди, дедим-ку. Келинг, яхши гаплардан гаплашайлик.
Мен, Мушаррафхон, омади юришмаган бир бечораман.
Машақатли йўлимда биргина нурли юлдуз кўрдим. У юл-
дуз — сиз.

Мушарраф. Бас!

Соқиев. Жеркиманг! Ниятим холис, севгим чиң.
Агар кўнглимдаги олов сиёга эриш туюлса, келинг,
иқалли дўст бўлайлик. Мен сизга умр дафтаримни очай,
Ана ўшанда, балки, сўзларимга ниҳоят ишонарсиз!

Мушарраф. Фикрингиз калавасини тағин ҳам чи-
аллаштириб юбордингиз... Мақсадга кўчайлик.

Соқиев. Офарин!

Мушарраф. Агар тўғри тушунган бўлсан, сиз қиши-
лоқдаги хотинингиз билан ажралишгансиз. Энди менга
ўйлаҳмоқчисиз. Шундайми?

Соқиев. Офарин!

Мушарраф. У ҳолда... Роҳат օпани нима қиласиз?

Соқиев. Э, бу бошқа масала... Роҳат... Эрдан жабр
кўрган муштипар аёл...

Мушарраф. Нега уни чақиририб келдиңгиз?

Соқиев. Менми? Йўғ-э!. У Замоновни йўқлаб қел-
сан. Мен бошлиқнинг обрўсини сақлаш учун Роҳатни четга
ортуб, ўз уйимдан жой бердим. Ахир, кўчада ётмайди-ку!

Мушарраф. Ақлим етмаяпти. Келинг, қўйинг, иш-
дан қолмайлик.

Соқиев. Уйлаб кўринг. Муҳаббатимнинг уволига қолманг тағин! (*Кетади.*)

Мушарроф. Муҳаббат... Бу муқаддас сўзни ҳар ким ҳар хил тушунар экан. Муҳаббат... (Уйга толади.) Умид...

Муҳаббат ва Умид... Бу икки сўз эгиз бўлса керак.

Раъно (киради. Қўлида чизма). Мумкинми?

Мушарроф. Келинг, Раъно опа.

Раъно. Ўқтам Замонович шу ердамилар?

Мушарроф. Қурилишдалар.

Раъно. Лойиҳани кўрсатиб олмоқчи эдим. Маъюс кўринасиз!

Мушарроф. Иш кўп.

Раъно. Ҳа, ҳаммамизнинг ҳам ишимиз кўп. (Синашта тикилади.) Бизникига бормаганингиэга яраша, тўйингизга айтишни унутманг!

Мушарроф. Вой, ўлмасам!.. Бу нима деганингиэ?

Раъно. Умиджон Ўқтам Замоновичга ариза опкепти, тезда квартира берасиз деб.

Мушарроф. Қизиқ. Менинг хабарим йўқ.

(Кета туриб.) Раъно. Ўқтам Замонович келганларида кираман. (Кета туриб.) Тўйингизда хизмат қиласиз. (Кетади.)

Мушарроф. Вой тавба... Мендан ижозатсиз-а... Ҳозир боплайман! (Телефон қиласи.) Менга Умид керак әдилар. «Йўқ»... Қаердалар?.. «Магазинга мебель олишга кетдилар...» (Трубкани қўйди.) Одам ҳам шунаقا шошибалоқ бўладими?

ТУРТИНЧИ КУРИНИШ

Маданият саройи олдида бинокорлар майдони. Оқшом. Ҳамма тантанали мажлисда. Майдон бўш. Ёмғирдан кейин ҳаво сал очилган. Булутлар орасида тўлин ой сузиги юрибди. Машина келиб тўхтагани шовқинидан билинади. Чарм тужурка кийган Умид майдондан Маданият саройининг ёшиги томонга чопиб ўтаётганда уни аллаким чақиради. Умид йўлида тўхтаб аланглайди.

Рустам (Умидга яқин келиб). Салом, ака.

Умид. Салом.

Рустам. Машина сизникими?

Умид. Ҳа.

Рустам. Аэродромга обориб қўяёлмайсизми, самолётга кечиқянман.

Умид (Рустамга бошдан-оёқ разм солади). Бу ерлик бўлмасангиз керак-а?

Рустам. Аэроромга обориб қўйинг, хурсанд қиласман.

Умид. Аэрором узоқ әмас. Қани, аввал танишиб қўяйлик. (Қўл беради.) Умид — инженер.

Рустам. Рустам — инженер.

Умид. Ўҳӯ, ҳамкасб чиқиб қолдик. Аммо лекин, оғайни, бу шаҳарга инженерлар келадилару, кетмайдилар. Сиз бўлсангиз кетяпсиз. (Эслайди.) Тўхтанг, тўхтанг, Рустам. ...Сиз Ўктаам аканинг ўғли Рустамжон әмасмисиз?

Рустам (ҳайрон). Ҳа. Сиз қаёқдан биласиз?

Умид. Ўктаам ака инженер ўғлим бор, деб кўп гапирадилар. (Синашта тикилади.) Дадангизга учрадингизми?

Рустам. Йўқ...

Умид. Омон бўлинг-э! Келиб-кетганингизни дадангиз эшитсалар, нима дейдилар?

Рустам (соатига қарайди). Самолёт унишига ярим соат қолди.

Умид. Қизиқ. (Бошини чайқайди.) Дадангизга ўжшамабсиз. Менга қаранг, дадангиз кимлигини биласизми ўзингиз?

Рустам. Қурилиш бошлиги.

Умид. Бугун қурилиш бошлиги. Эртага — министр ёки оддий инженер. Мен буни айтиётганим йўқ. Мен дадангизнинг инсонлигини айтипман. Мен унинг тантилиги, одамлигини айтипман.

Рустам. Биламан.

Умид. Билсангиз, нега дадангизни кўрмай кетиб қоляпсиз?

Рустам. Бу мушкул масала.

Умид. Дунёда мушкул масала йўқ, Рустамжон. Масалани осонлаштирадиганлар ҳам, мушкуллаштирадиганлар ҳам — одамларнинг ўзлари. Сизга дўстона маслаҳатим шуки, дадангизга учрамасдан кетманг. Юринг, билетингизни топшириб келамиз. Кейин байрамни бирга ўтказамиз.

Рустам. Қандоқ бўларкин...

Умид. Аъло бўлади, оғайни! (Рустамнинг қўлидан судоаб олиб кетади.)

Маданият саройидан Дали чиқиб келади. У шинам кийинган. Симёғоч тагида галстугини тузатади. Соатга қарайди.

Дали. Чиқармикан-а? Ахир, ўзи тайинлади-ку, чиқади! (Ёнида шарпа сезғандай бир ҷўчиди. Олаэзарак ғланглайди.) Шамол әкан... Маликаи диазозор келдилар-

ми, депман... Аммо ўзи ҳам кўп сулув нарса-да... Бел деган чинчилоқдай, хумор кўзлар тиниқ шамчироқдай, юзи кулча, лаблари ғунча... Фақат сўзи аччиқ... Ҳақиқат аччиқ бўлади, аммо тагидан ширини чиқади. (Бино эшигига *Мушарраф* кўринади.) Ана ўзи...

М у ш а р р а ф (*Далининг олдига келади*). Нега мажлис тугамасдан чиқиб кетдингиз?

Д а л и. Елкамдан ўсиб чиқсан қанотлар кўтариб кетди.

М у ш а р р а ф. Дали ака, мен сиздан бир нарсанни сўрамоқчиман. Майлими?

Д а л и. «*Майли*» бўлганда қандоқ! Сўранг! (*Musharrafga яқин келиб хумор тикилади*.)

М у ш а р р а ф. Бу жуда жиддий гап. Сизни қурилишга Соқиев опкелган-а?

Д а л и. Ҳа, биз у киши билан ҳамқишлоқ, қадрдонмиз.

М у ш а р р а ф. Э, шунақами? Бўлмаса, у кишининг ҳамма ишларидан хабардор экансиз-да?

Д а л и. Ҳа, нимайди?

М у ш а р р а ф. Қишлоқда Соқиевнинг кимлари бор?

Д а л и. Хотини. Тўртта қизчаси.

М у ш а р р а ф. Хотини билан ажралишганми?

Д а л и. Йўғ-э, жинни бўйтими? Сухсурдай нарса-я, келин ойимиз! Аммо сал соддароқ.

М у ш а р р а ф. Шунақа денг?

Д а л и. Ҳа-да, хўжайнин баҳти кулган йигитлардан, Кошки... Бизнинг баҳтимиз ҳам шунақа очилиб кетса!

М у ш а р р а ф. Бу ўзингизга боғлиқ.

Д а л и (*тантагланади*). Сизга ҳам!.. Бир оғиз сўзингизга, шаҳло кўзларингизнинг биттагина имосига...

М у ш а р р а ф. Мен сизга айтдиму, эрим бор, деб.

Д а л и. Ҷон! Лакиллатманг!

М у ш а р р а ф. Ҳа, эрим бор. Истасангиз, таништириб қўяман... Роҳат опани илгари ҳам танирмидингиз?

Д а л и. Вой-дод-ей, мен нима ғамда-ю, бу нима ғамда! Қаранг, қанча уйларда чироқлар ёняпти. Шу ёрундеравалардан иккитагинасига нозик бармоқларингиз билан парда тутсангизу, эшигининг қўнғирофини ўзим ўрнатсан. А, лаббай?

М у ш а р р а ф (*энтиқади*). Ниятингизга етасиз. Фақат... мен билан эмас. Бошқа билан. Шаҳримизда ажойис қизлар бор, бирини танланг. Мен... сиздан бошқа нарсанни сўрамоқчиман. Дали ака, тўғрисини айтинг, Соқиев нимешлар қилиб юрибди?

Дали. Нима иш қиласа ҳам — у хўжайин!

Мушарраф. Соқиев яхши одамми?

Дали. Хўжайин дедим-ку! Бирор хўжайинни ёмон деб кўрсин!

Мушарраф. Аввало, Соқиев хўжайин әмас, қурилиш бошлигининг таъминот бўйича ўринбосари. Бошлиқ — Замонов. Ҳа, айтгандай, Замоновга нима дейсиз?

Дали. У хўжайнинг салобати зўр.

Мушарраф. Хўжайин деманг!

Дали. Ҳўп, хўп, узр. Замонов айтганини қилдиради. Томларни байрамгача ёпамиз деди, ёпди. Саройни байрамгача очамиз деди, очди. Бироқ хўжайндан... узр... Соқиевдан хафа.

Мушарраф. Нега?

Дали. Хўжайн... Тил қурсин, шунга ўрганиб қолган. «Хўжайн» десам Соқиев әриб, елкамга қоқади-да! Соқиевнинг Замоновнинг ўрнига хўжайин бўлиш режаси ҳам йўқ әмас, чамамда.

Мушарраф. Соқиевнинг ҳамма жиноятлари аврасстари билан очилса, сиз қаёққа қочасиз?

Дали. Э... йўғ-е... Бу нима деганингиз?

Мушарраф. Бу деганим шуки, Соқиев ҳамма ишни сизнинг қўлингиз билан қиласди. Аммо дўпписи тор келганда ўзини четга олади, балога сиз қоласиз!

Дали. Бўлмаган гап!

Мушарраф. Бор гап! Соқиев сизни ноғорасига ўйнатиб юрибди.

Дали. Мен фақат хўжайнинг буйругини бажараман.

Мушарраф. Малай бўлиб! Шундайми?

Дали. Войдод-е! Нима қил дейсиз?

Мушарраф. Мард бўлсангиз, Соқиевнинг жиноятларини фош қилинг.

Дали (ачитади). Мени ҳали шунга чақирдингизми?

Мушарраф. Одам тоҳо қоқилиб ахлатга йиқиласди. Бу айб. Лекин на чора? Дадил туриб этакни қоқиш, беткўлни ювиш керак-да, кўзни катта очиб юриш керак. Ҳайр, мен кетдим.

Дали. Тўхтанг! (Мушаррафнинг билагидан ушлайди.) Нима, шу гап учун учрашганмидик?

Мушарраф. Ҳозир бундан муҳим гап йўқ. (Қўлини тортиб олади, бинога чопиб кириб кетади.)

'Да л и. Ёмон терлатди. Бу қиэ ё Аэроил, ё фариштанинг ўзгинаси. Хўжайин... Мен қандай қилиб унга қўл кўтараман? Йўғ-эй... Уҳ, кўнглимга ҳеч нарса сигмайди шу топда. Соқиевнинг важоҳатидан ит ҳуркади-я... Йўқ, бу иш қўлидан келмайди.

Да л и кетади. Бинодан Замонов билан Раъно чиқадилар.

Раъно. «Ўзбекистон Совет Социалистик Республикасида хизмат кўрсатган бинокор...» Унвон муборак, жоним.

Замонов. Раҳмат. (*Раънони қўлтиқлаб майдонга тушади.*) Бозор ака мени қаттиқ хижолатга қўйди. Энди қандай қилиб бош кўтариб юраман — билмайман!

Раъно. Нега ундаи дейсиз?

Замонов. Ахир, ўзинг ўйлаб қара; мен билан бирга шундай унвон олган кишилар — ҳақиқий бинокорлар! Улар бетон қоришли, ғишт теришли, том ёпишли, шуворини қилишли, нақшини ўйишли, чирогини ёқишли. Мен тайёрга айёр. Эҳ, Бозор ака, Бозор ака!

Раъно. Унвонни сизга Бозор ака бергани йўқ, партия, ҳукумат берди. Эллик ёшга тўлишингиз муносабати билан ўттиз йиллик ҳалол меҳнатингиз тақдирланди, жоним!

Замонов. Тўғрику-я!.. Коллектив олдида уятга қолдим. Кимки, «Бошлиқ унвонни илиб кетди!» деса, ҳақ.

Раъно (*кулади*). Дейишса дейишаверсин! Шахсан мен хурсандман. Бошим кўкка етди. Ҳов анави ой-ю юлдузлардан ҳам баландман! Табриклайман!

Замонов (*майдон чеккасидаги симёғоч томонга тикилиб қолади*). Қарагин, кўзинг ўткирроқ. Келаётган Рустам эмасми?

Раъно. Ҳа, Рустамжон.

Замонов. Мана буни мукофот деса бўлади. Мени табрикламоқчи бўлсанг, энди табрикла.

Рустам билан Умид яқин келадилар. Замонов ўзини ўғлига отади, бағрига босиб эркалайди.

Замонов. Рустамжон! Ўғлим! Қадди-бастингдан отагинанг айлансин! Соғ-саломатмисан?

Рустам. Раҳмат, дадажон. Унвон олганингизни ҳозвир йўлда радиодан эшитдим; қутлуғ бўлсин!

Замонов. Қуллуқ, қуллуқ. Мен учун энг баланд унвон — сенинг бахтинг, камолинг. Қани, бир қараб тўйи сенга! (*Ўғлига ёш тўла кўзлари билан тикилади.*) Офа-

рин! Тушларимга худди шундай кирасан! Офарин!. Ҳўш,
хатларимни олдингми?

Рустам. Одим.

Замонов. Нега жавоб ёзмадинг?

Рустам ерга қараб қолади.

Умид. Ўктам ака, сизларнинг кўнглингиз биэларда,
бизларнинг кўнглимиз чиройли қизларда, деган экан ма-
шойихлар.

Замонов. Оббо, сен, замон машойихи! (Рустамга.)
Қачон келдинг?

Рустам. Эрталаб.

Раъно. Вой, нега эрталабдан бери уйга келмадингиз?

Умид. Мен Рустамжонни самолётдан олиб қолдим.

Раъно. Дадангиз ҳар куни йўлингизни пойлайдилар,
Рустамжон келади, деб.

Замонов. Эҳ, болалар, болалар! (Раъно билан Рустамнинг ўрталарига тушиб қўлтиқлади.) Юринглар,
концерт кўрамиз, кейин уйга бориб бафуржа суҳбатла-
шамиз.

Рустам. Ойим қаёқда қолди экан-а?

Замонов. Ойинг топилади. У әркин қуш. Қўнган
шохида сайраши билан, қаердалигини ашуласидан билиб
оламиз.

Умид. Раъно опа, Мушаррафни айтиб юборинг.

Раъно. Ҳўп.

Улар бинога кириб кетадилар. Умид өшик олдига келиб кутади.
Мушарраф чиқади.

Мушарраф. Сизми мени чақирган?

Умид. Ҳа, мен. (Мушаррафнинг билагидан маҳкам
ушлаб, зинадан майдонга олиб тушади.) Қани, бундоқ юр,
сен бетайин билан бир гаплашиб қўяй!

Мушарраф. Қўйворинг! Қўйворинг, дейман! Нима
ҳаққингиз бор бирорнинг қизига зўрлик қилишга?

Умид. Сен шу соатгача бирорнинг қизи әдинг. Шу
соатдан бошлаб менга хотин бўласан.

Мушарраф. Вой ўлмасам! (Бўш қўли билан юзини
беркитади.) Бу нима деганингиз? Мени ҳали яхши бил-
майсиз-ку?

Умид Биламан. Жазманларинг кўп. Аммо сен чаш-
мадай поксан. Сенинг фийбатингни қилганинг кекирда-
гини узиб ташлайман. Севиб қолдим, эси паст. Нонни, гул-
ши севгандай севиб қолдим. Тушундингми?

М у ш а р р а ф (*қалт-қалт титрайди*). Тушундим...

У м и д. Эртага уйингда кут, совчи юбораман.

М у ш а р р а ф. Уйим йўқ...

У м и д. Ётоқхонангда, демоқчиман. Ҳамхона қизларга айтиб қўй, дастурхон тузашсин. (*Пул беради.*) Ма, ол, бугун мукофот тегди...

М у ш а р р а ф. Керакмас, пулим бор.

У м и д. Бўлмаган гап! Маошинг пардоzinнга ҳам етмайди.

М у ш а р р а ф (*пулни олиб Умидга илк бор ботиниб қарайди*). Телефонда мулоим гапирадингиз, мунча қўрссиэ!

У м и д. (*Mушаррафни бағрига қаттиқ босиб ўпади*). Бор, концертдан қолма!

М у ш а р р а ф. Совчиларингиз кимлар?

У м и д. Ўктаам ака, Раъно опа.

М у ш а р р а ф. Вой, ўлмасам!

У м и д. Ўлмайсан! Мен ҳам ўлмайман! Яшаймиз. Яшаганда ҳам чин инсонларча яшаймиз! Бор, томошангдан қолма!

М у ш а р р а ф. Сиз-чи?

У м и д. Мени қўявер!

М у ш а р р а ф. Ҳўп, хўп... (*Бинога сармаст ҳолда киреб кетади.*)

У м и д. (*кўкка қулочини кенг ёзаб*). Ҳой, ким бор? Эшитинг, юлдузлар! Ҳаёт шу ондан бошланади!..

П А Р Д А

УЧИНЧИ ПАРДА БЕШИНЧИ КУРИНИШ

Замонов кабинети. Хонада ҳеч ким йўқ. Қалин қор ёқкани деб раза орқасидаги чинорнинг оппоқ шохларидан билинади. Телефон узоқ жириглайди. тинади, яна жириглайди, яна тинади. Хонага

Замонов билан Рустам кириб келади.

Замонов. Гап шу, ўғлим.

Рустам. Ишхонамда нима дейишаркин?

Замонов. Менингча, хурсанд бўлишади. Коммунал газ идорасига инженер топила беради. Аммо чўлда қурилаётган химкомбинатнинг оғир ишига ҳар ким ҳам жон-жон деб кела бермайди.

Рустам. Тўғри.

Замонов. Мен министрликка хат ёзаман. Сени бу ерга кўчиришади.

Рустам. Ҳўп, дада.

Замонов. Баракалла, ўғлим! Энди ишга келсак, комбинатгача газ қувурлари тортиб келдик. Газлаштириш лойиҳаси ҳам тайёр. Энди қуриш керак. Комбинат директори Акоп Акопович тажрибаси зўр, ўткир мутахассис. Сен унинг ҳузурига бор.

Рустам. Ҳўп.

Замонов. Ишинг бароридан келсин, ўғлим!

Рустам кетади. Замонов телефон қилади.

Акоп Акопович? Салом. Сиз қидириб юрган газ инженери ўз оёғи билан келди. Ким дейизми? Ўғлим Рустам. Аммо менинг ўғлим бўлгани учун сийлаб ўтируманг тағин. Ишни қаттиқ талаб қилинг. Квартира дейизми? Керак эмас. Мен билан туради. Ҳа, дарвоқе, Челябинск-

дан телеграмма олдим! Заказ қилган қувурларимиэни ортиб юборишибди. Биринчи цехнинг монтажини тугатдингизми? Яхши. Бўпти, бирор соат ичидаги борамиз. (*Трубкани қўяди.*)

Ҳаққулов (ташвишланиб кириб келади). Хайрият, шу ерда әкансиз.

Замонов. Тинчликми?

Ҳаққулов. Шаҳар партия комитетига чақиришди.

Замонов. Ҳўш?

Ҳаққулов. Битта «қулинг ўргилсан» ифвонинг тагига етишни топширишди.

Замонов. Ифво?

Ҳаққулов. Ҳа, сенинг устингдан имзосиз хат. Хатдаги даъвонинг бебурдлигини ҳам айтишди. Лекин уларнинг фикрида жон бор. Яъни, биз янги, социалистик шаҳар қуряпмиз. Бу — дўстлик, қардошлик шаҳри. Ҳар қандай маразларга мутлақо берк бўлиши шарт. Ажойиб фикр!

Замонов. Ҳўш?

Ҳаққулов (чўнгатидан конверт чиқаради). Мана бу мараз эса, берк дарвозанинг тирқишидан кириб келди. Таажжуб, ўша хат... Мен бу хатни байрам арафасида олдим, иғволигига ишондим, ғижимлаб, мана бу ахлат саватига ташладим. Демак, кимдир бу ердан олибди, конвертга солибди-да, шаҳар партия комитетига юборибди. Таажжуб, бу ишни ким қилиши мумкин? (*Қўнғироқ тұгмасини босади, Мушарраф киради.*) Қизим, қани, бундай ўтиринг. (*Мушарраф Ҳаққуловнинг қаршиисига ўтиради.*) Сиз ишхонада ҳар куни биздан кейин қоласиз-а?

Мушарраф. Ҳа.

Ҳаққулов. Биз кетгандан кейин нима қиласиз?

Мушарраф. Стол, шкафларнинг қулфини текшираман, ахлат саватлардаги қофозларни ёқаман, хоналарни қулфлаб, калитларини қоровулга топшираман.

Ҳаққулов. Балли, энди биринчи ноябрни эсланг.

Мушарраф. Биринчи ноябрда аввал сиз, кейин Уктам Замонович, энг кейин Соқиев кетди. Қулфларни текширидим, ташланган қофозларни ёқдим, хоналарни қулфлаб, калитларни қоровулга топширидим.

Ҳаққулов. Дуруст. Идорага биздан кейин бошқа ҳеч ким киргани йўқми?

Мушарраф. Йўқ.

Ҳаққулов. Бўпти, чиқиб ишингиэни қилинг. Ҳа, дарвоқе, Үмиджон қалай? Ҳафа қилмаяптими?

Мушарраф (*ерга қпрайди*). Раҳмат, Бозор ака,
отам ўрнида отам бўлдингизлар.

Ҳаққулов. Умиджон пок йигит. Бахтли бўлинглар!

Мушарраф мамнун чиқиб кетади.

Ўша машъум хат... Ҳудди сенинг уйингга борган хатга ўхшайди... Бир қўл ёзган чамамда... Ажабо, саватдан ким олди экан-а?

Замонов (*Ҳаққуловнинг конвертга тикилиб қолганини кўриб*). Гумонингиз кимдан?

Ҳаққулов. Ё мен... Ё сен... Ё Мушарраф... Ёки, ниҳоят, Соқиев...

Замонов. Соқиев? Наҳотки?

Ҳаққулов. Ҳа, Соқиев! Аммо буни исбот қилиш кепак. Қанча вақт кетади, қанча асаб бузилади! Епирай, қачон тугайди, бу мараз, бу иволар! (*Бошини чанглаб ўйлайди*.) Соқиев Роҳат билан кўпдан танишми?

Замонов. Бир вақтлар иккovi қадрдан эдилар.

Ҳаққулов. Роҳатни йўлдан урган ҳам ўша дегин?

Замонов. Ҳа.

Ҳаққулов. Ҳўш, Роҳат-ку, ўғлинг билан келган ёкан, нега суриштиромадинг, нега унинг келиши сабабини билмадинг?

Замонов. Қўйинг шу ташвишни, Бозор ака, ишдан қолмайлик!

Ҳаққулов. Ё соддасан, ё ўзингни гўлликка соляпсан.

Замонов (*бўғилади*). Нима қил дейсиз? Ўн йил бурун ажралишиб кетган хотиним билан яна топишайми?

Ҳаққулов. Сувни лойқалатаётган, ҳаммамизни ишдан қўяётган ғаламисни топишимиз керак.

Замонов. Роҳат шу ерда, сўрай қолинг, балки айтиб берар.

Ҳаққулов. Таажжуб... Бу Роҳат нега келди экан-а? Ахир, даъволари пуч-ку?

Замонов. Бошим тарс ёрилай деялти.

Ҳаққулов. Ҳамма гап Соқиевда... Тўғрироғи, Соқиев билан сенинг оранг бузилганлигида. Ана ўзи ҳам келяпти. (*Соқиев киради*.) Салим Соқиевич, яхши келдингиз, менга экспедиторингиз Дали керак. У ҳозир қаерда?

Соқиев. Билмадим.

Ҳаққулов. Нега билмайсиз?

Соқиев. Мушаррафнинг тўйида маст бўлиб чиқиб кетганича дараги йўқ.

Ҳаққулов. Суриштирмадингизми? Ахир, бутун бир бошли одам... Қаёққа йўқолади?

Соқиев. Ёшларни айтасиз, Бозор Мажидович, катталарга тушуниб бўлмай қолди...

Ҳаққулов. Гапингиз илмоқли, ўртоқ Соқиев. Нима демоқчисиз?

Соқиев. Бир-биримизга ишонмай қўйдик.

Ҳаққулов. Яъни, ким кимга ишонмай қўйди?

Соқиев. Чунончи, ўртоқ Замонов ва сиз, ўртоқ Ҳаққулов, менга ишонмайсизлар.

Ҳаққулов. Даилларингиз?

Соқиев. Даилларим етарли. Аввало, мен ҳам шу идоранинг раҳбарлариданман. Яхшими, ёмонми — ҳар нечук, икки йилдан бери аравани тортишиб келяпман. Тўгри, иш кўп, жадал. Аммо ҳар қадамда мени туртавериш, ниқтай бериш зарурми?

Замонов. Салим Соқиевич, гапингизга қараганда, сиздан иш талаб қиласлигимиз керак әкан-да?

Соқиев. Нега әндис... Бироқ ҳар ким ўз участкасига жавоб бериши даркор.

Замонов. Сиз участкангизга жавоб беряпсизми?

Соқиев (*баланддан келади*). Нима демоқчисиз, ўртоқ Замонов?

Замонов. Демоқчиманки, ҳар ким ўз вазифасини ҳалол бажарсин. Сиз бўлсангиз, ҳар бир ишни пайсалга соляпсиз, тўғрироги, қурилишга тўғаноқ бўляпсиз.

Соқиев. Исбот қилинг, Замонов!

Замонов. Хўп, исбот қиласман. Май ойида газ қувурлари заказ қилиш учун Челябинскка боришдан бош тортдингиз, ўзим боришга мажбур бўлдим. Июнда министрликда таъминот масалалари бўйича ўtkazилган кенгашга боринг, сўзга чиқинг, талабларимизни айтинг, деб топшириқ бердик. Сиз бўлсангиз миқ әтмай қайтиб келдингиз. Йулда отпуска олиб, бир ой ўрнига иккى ой кетдингиз. Сентябрда газ қувурлари кела бошлади. Сиз юкни трассага етказиб бериш ўрнига қишлоғингизга кетиб қолдингиз. Октябрда ёғоч келтириш учун Сибирга боришингиз керак әди. Бордингизми? Йўқ! «Ўзи келади» деб идорадан чиқмадингиз. Ниҳоят, байрам арафасида келган тунукани ташиб беришни ҳам сансалорликка солдингиз.

Ҳўш, айтинг-чи, кимсиз: таъминот бошлиғими ёки четдан кузатувчи, томошибинми?

Соқиев. Мен ўз ишимга аралашган одамни ёмон кўраман.

Замонов. Ишингизга аралашмаганимизда оқибати нима бўлишини тасаввур эта оласизми?

Ҳаққулов. Салимжон, ҳали сиз ишонч ҳақида гапидингиз. Дарҳақиқат, ишни сизга ташлаб қўйсак пандер әдик. Назаримда, қасддан саботаж қиляпсиз.

Соқиев. Ёлрон! Партию мажлисини чақиринг — масалани очиқ гаплашамиз.

Ҳаққулов. Айни муддао! Бир гаплашиб олишимиз керак.

Мушарраф (киради). Бозор ака, сизни телефонда сўрашяпти.

Ҳаққулов (трубкани олади). Эшитаман, ҳа, шу ерда. Ҳўп, ҳозир борамиз. (*Трубкани қўяди, Замоновга.*) Сиз билан мени яна шаҳар партия комитетига чақиришяпти. Комбинатга ўшанақаси борамиз.

Соқиев. Ҳўш, мажлис қачон бўлади?

Ҳаққулов (календарни варақлайди). Келаси ҳафта, душанба, соат бешда.

Соқиев. Жуда соз!

Замонов билан **Ҳаққулов** кетадилар. Мушарраф уларнинг орқасидан чиқмоқчи бўлади.

Тўхтанг!

Мушарраф. Ҳизмат?

Соқиев. Ҳўш, биздан ҳурков кийикдай қочадиган бўй қолдилар. (*Унга яқинлашади.*) Ия-ҳа... унутибман. Энди әрчалари бор.

Мушарраф. Ҳақорат қилманг!

Соқиев. Сиз билан адидади айтишиб ўтиришга вақтим йўқ. Мен тантни одамман, вафосизлигингиҳни кечираман. Майли, Умид билан баҳтли бўлинг. Аммо сизга уйланмоқчи бўлганимни нега әрингиэга айтдингиз?

Мушарраф. Айтдим. Мен ундан ҳеч нарсани яширамайман.

Соқиев. Ҳа-ҳа! (*Тутоқади.*) Демак, гап-сўз бўлишдан қўрқмайсиз?

Мушарраф. Қўрқмайман!

Соқиев (истеҳзоли). Умид ҳамма гапни билиб уйланибди-да?

Мушарраф. Нима гапни? Мени алдамоқчи бўлганингизними? Хотинимни қўйганман, деган ёлғон гапнингзними? Ҳа, унга ҳаммасини айтдим. У эрим!

Соқиев. Ҳали шунақами?

Мушарраф. Ҳа!

Соқиев. Шуни билиб қўйингки, хонимча, мен Умиддан ҳам қўрқмайман, Замоновдан ҳам! Эшитяпсанми, Замонов ҳам чўт эмас менга. Қўлимда шундай бомба борки, портлатганимда ундан нишон ҳам қолмайди.

Мушарраф. Биламан. Роҳат! (Кетади.)

Соқиев. Балли, менга роҳат, унга азоб.

Роҳат (эшикни қия очади). Мумкинми, хўжайин?

Киради. Ҳайкалдай қотиб қолган Соқиевга:

Ҳа, тасаддуқ, индамай кетиб қопсиз.

Соқиев (ўзига келади. Ўшқиради). Нега келдинг? Ким чақириди сени?

Роҳат. Чўчиманг, Салимжоним, йўлда мени ҳеч ким кўрганий йўқ.

Соқиев. Эсинг жойидами ўзи? Е бемаъни ҳаракатларинг билан ишни бузмоқчимисан?

Роҳат. Вой-бў, намунча ҳадик? Каталагингизда ёта-вериб бўғилиб кетдим.

Соқиев. Сабр қил, дедим-ку!

Роҳат. Сабр ўлсин, охирни йўқ. Одам бир-бирини очиқ севиши керак. Сиз эр, мен хотин. Юринг, тасаддуқ, шаҳрингизни бир кўрсатинг.

Соқиев. Кўрсатаман. Вақти келади, кўрсатаман. Ҳозирча дамингни ичинингга ют. Кўчада қорангни кўрсатма. Уқдингми?

Роҳат. Уқдим. (Соқиевга хумор тикилади.) Тушликка борасиз-а?

Соқиев. Бораман, бораман. (Пул беради.) Ма, харажатингга. Магазинга киру, уйга бор. Телефонни олма.

Роҳат. Ҳўп.

Соқиев. Аризани ёзиб қўйдингми?

Роҳат (сумкасидан қоғоз чиқаради). Мана.

Соқиев (қоғозни олиб чўнтағига яширади). Ўқибчиқаман, балки тўлдирамиз.

Роҳат. Ҳеч гап қолганий йўқ.

Соқиев. Бўпти, бўпти. Аризангни партбюорога ўзинг топширасан. Уқдинг-а?.. Жўна энди!

Мушарраф, мендан хато ўтган бўлса, кечир. Ҳудо ҳақи, ниятим холис. Сенга заррача ёмонликни раво кўрмайман. Шуни билки, Замонов сиртдан кўрингандай ювош эмас. Ҳулоса чиқаришга шошилма! Роҳат опанг бўлса, Замонов зулмидан умри ҳазон бўлган жабрдийда аёл. Ҳаёт шунақа: бирорлар кўтарила беради, бошқалар ерга урила беради. Мен киммман? Куни тунга айланган бир бечора... (*Кўзига ёш олади.*) Майли, қўшганинг билан қўша қари. Майли, мен ошифтани унут. Тақдирнинг шунча зарбаларига чидаган, бунисига ҳам чидарман. Баҳтли бўл, гўзалим! (*Хонадан югуриб чиқиб кетади.*)

Мушарраф. Иблис! (*Стол ёнига ўтириб қоғоз-қалам олади.*) Шошмай тур, кирдикорларингни шунақа боплаб ёзиб берайки!

Мушарраф ёзишга машғул бўлиб, Умиднинг кирганини сезмай қолади. Умид унинг орқасида туриб, бошига аста әгилади, ёзилаётган хатни ўқийди. Кейин қоғозни Мушаррафнинг олдидан секин тортиб олади, гижимлайди.

У м и д. Жоним, ҳеч нарса ёзманг. Номард ўз ёғига ўзи қовурилсин.

Мушарраф Умидга миннатдор тикилади. Умид унинг бошини силайди.

ОЛТИНЧИ ҚУРИНИШ

Иккинчи кўринишдаги саҳна. Фира-шира тонг. Ҳона ўртасидаги чизма столга әгилган Раъно гоҳ ишга машғул бўлади, гоҳ уҳ тортиб ўй суради.

Раъно. Азонгача алаҳлаб чиқди. Аллақандай дард юрагини тирнайди, азоб беради. Ҳар бир гапини менга очиқ айтадиган одам кечадан бери тунд. Кеч қайтди, узуқ-юлуқ гапларидан ҳеч нарса тушунмадим. Кўнглим қўрғошиндай хира... (*Чиэмага әгилади, иши юришмайди, қаламни отади.*) Наҳотки, ҳаёт йўли шунақа оғир! Баҳт юлдузи чақнади деб шодланишинг билан уни булат қоплайди-да, дилинг сиёҳ бўлади... Оппоқ қор кўрпаси остида шаҳар мудрайди. Одамлар ором уйқуда. Фақат мену... анаву уйда жафокаш эрим изтироб чекамиз. (*Эшик тиркишидан қулоқ солади.* Девордаги осма соат эзанг ура бош-

лайди.) Олти... Олтида турмоқчийди. Уйғотсаммикан? Йўқ, яна бир оз дам олсин.

Чизмага машғул бўлади. Хона эшиги очилиб, коржомада Замонов чиқиб келади. Раъно шарпани севиб ҳушёр тортади.

Кийиниб олибсиз?

Замонов. Рустам турмадими? Комбинатга боришимиз керак.

Рустам (чиқади). Тайёрман, дада. Нон олиб келдайми?

Замонов. Балли, ўғлим.

Рустам чиқиб кетади.

Эрта турворибдиларми, хоним?

Раъно. Ўзингиз бу кеча кўё юмдингизми?

Замонов. Ҳа...

Раъно. Ҳайрият. Мен дарров чой қўйиб юбораман.

Замонов. Тўхтат Мен-ку сал-пал мизғиб олдим.

Аммо сен кўз юмганинг йўқ. Шундайми?

Раъно. Ҳа...

Замонов. Мени кечир. Сени азобга қўйган менинг бўшлигим, раҳмдиллигим. Роҳат шундан фойдаланди. Үртада бола бор. Болада нима гуноҳ? Аммо Роҳатнинг пийри муршиди зўр бўлса керак, қилмаган даъвоси ҳам, солмаган ғавгоси ҳам қолмади. Мен унга қаттиқ гапира олмадим. Болам ҳурмати, кўндим, айтганини қилдириди, у шаллақи. Биргина юпанчим, қувончим сен!

Раъно. Сиз ҳам менинг таянчим!

Замонов. Рустамнинг келгани яхши бўлди.

Раъно. Уйимиз тўлди. Санъатни айтмайсиэми, акасининг бошида парвона.

Замонов. Балли!

Раъно. Кеча ноҳуш келдингиз?

Замонов. Қариганимда бошимга шунча маломат ёғилади деб ўйламаган эдим.

Раъно. Яна ўшами?

Замонов. Ким бўларди — ўша!

Раъно. Роҳат?

Замонов. Ҳа.

Раъно. У ёлғизмикан?

Замонов. Ҳамма гап ана шунда.

Раъно. Гумонимни айтайми?

Замонов. Хўш?

Раъно. Соқиев.

Замонов. Сен ҳам шундай деб ўйлайсанми?

Раъно. Роҳатни бу шаҳарда бошқа ҳеч ким танимайди-ку?

**Замонов. Мушарраф кеча менга қизиқ гап айтди.
Роҳат Соқиевнинг квартиррасида турганмиш.**

Раъно. Ана, айтмадимми?

Замонов. Кечакар партия комитетида яна шу масала кўрилди.

Раъно. Ҳали ҳам даъвоси тугамаптими?

Замонов. Яна ўша эски гап: мен уни асоссиз ташлаб кетибман; нафақани ярим-ёрти берибман; боламни тарбияламабман.

Раъно. Ҳаммаси бўғтон-ку!

Замонов. Бўғтонликка бўғтонку-я, лекин шаллақининг мажлисда ўкириб йиғлаши баъзи бирорларнинг бошини қотирди.

Раъно (даҳшатга тушиб қалтирайди). Кейин нима бўлди?

Замонов. Бозор ака, Мустақим ота ва Мушаррафдан иборат комиссия тузилди.

Раъно. Ҳаммасига сабаб мен ўлгур... (Кўзига ёш олади.) Сизни яхши кўриб қолмаганимда бошингизга шунча ташвишлар тушмасди!

Замонов. Ундаи эмас, Раъно! Сен таянчим бўлмасанг, ташвишлар юки аллақачон қаддимни букиб қўйган бўларди. Бас, ҳасрат дафтарини ёпайлик.

Раъно ошхонага кириб кетади. Замонов чизма столини бурчакка, овқат столини ўртага суради. Етогидан Санъат чиқиб келади.

Санъат. Ассалому алайкум, дадажон!

Замонов. Ваалайкум ассалом, қизим! Эрта турибсан?

Санъат. Дарсим кўп.

Замонов. Дарров ювинвол, ионушта қиламиз!

**Санъат ваннахонага кириб кетади, Замонов дастурхон ёзади.
Рустам ион кўтариб келади.**

Рустам. Дада, кечакча қувурларни кутдик, олиб келишмади.

Замонов. Наҳотки? Бугун албатта юбортираман.

Раъно товада қўймоқ, чойгумда чой кўтариб киради.
Ваннахонадан Санъат чиқади. Ҳаммалари ўтириб ионушта
қиладилар.

Замонов (*Санъатга*). Қизим, акангнинг касбини биласанми?

Санъат (*Рустамга фахрланиб тикилади*). Инженер!

Замонов. Қанақа инженер?

Санъат. Оловкор!

Замонов. Балли! Сен ким бўлмоқчисан?

Санъат. Архитектор!

Замонов. Жуда соз! Биз ҳали бу чўлда кўпгина янги шаҳарлар, заводлар қурамиз. Сен ҳам, қизим, худди аянг каби, муҳташам биноларнинг лойиҳаларини чизиб берасан.

Санъат. Албатта!

Рустам. Дада, мен тайёр.

Замонов. Кетдик.

Санъат. Дада, мен ҳам мактабгача бирга бораман.

Рустам, Санъат қўл ушлашиб чиқиб кетадилар. Эзамонов. Раъмони бағриға босиб өркалайди.

Замонов. Бир бор экан, бир йўқ экан, бир Фаришта бор экан. У парини бир мўйсафид жонидан севар экан...

Раъно (*кўз ёш аралаш жилмаяди*). Яхши бориб келинг.

Замонов кетади. Раъно радиони қўяди, «Сенсан севарим...» ашуласи сарин таралади. Раъно бир нафас тўхтаб узун тин олади, ўйга толади. Эшик аста очилиб, хонага Роҳат кирганини сезмай қолади.

Роҳат. Мумкинми?

Раъно (*Роҳатни аллақаерда кўргандай синчков тикилади, кейин эслайди, бирдан сесканади, ҳушёр тортади*). Рухсатни кирмасдан аввал сўраш керак.

Роҳат. Ҳали шунақа дeng? Ажаб бўпти. Кирсам ўз өримнинг уйига кирдим!

Раъно. Хизмат?

Роҳат. Аввал бир пиёла чой беринг, тасаддуқ, ионушта қилганим йўқ. (*Раъно чой узатади*.) Намунча қўлингиз қалтирайди? Қўрқманг, одамхўр эмасман.

Раъно. Хизмат?

Роҳат (*атайлаб шошмасдан қанд тишлайди*, чой ҳўп-

лаиди). Аввал таом, баъдаз калом. (*Сумкасидан ойнак чиқарип пардоzinи келтиради, уйни бамайлихотир кўздан кечиради.*) Жуда битиб кетгансиз десам, квартирангиз қуп-қуруқ. Нима бало, Замонов тагин янгисини топиб ўшаққа ташмалаяптими?

Раъно (*радиони ўчириб, Роҳатнинг тепасига келади*).
Хизмат?!

Роҳат (*Раънога бошдан-оёқ разм солади*). Жир ҳам битмапти. Ўша саксовул-саксовул.

Раъно. Хизмат?!

Роҳат (*пальтосини ечиб диванга ташлайди*). Чайнор борми?

Раъно. Йўқ.

Роҳат. Эримнинг топганини бир ўзинг ютавурма, тешиб чиқади! Опке!

Раъно. Гапингиз бўлса айтинг, ишга кечикяпман.

Роҳат. Бор! Боравер! Мен ўзим топиб қовуриб ейман.

Диванга ўтириб чордона қуради. Раъно тоқатсизланади, телефонга яқин боради.

Тегма! Эрим билан ўзим гаплашаман. (*Дивандан тушиб, Раънонинг олдига келади*). Ҳу, жувонмар! Шарманда! Уялмадингми, бироннинг әрини тортиб олгани?! Ҳу, чиройли кўзларинг ситилиб оққур!

Раъно. Андишанинг оти қўрқоқ, деб шаллақилик қилаверманг!

Роҳат. Андиша әмиш?! Андиша борми сенда? Андишанг бўлса, әримнинг қўйнига кирамидинг?

Раъно. Бас! Бас дейман! Нима қилсан қутуламан?!

Роҳат. Ҳа, қўрқмас әкансан-al Қўрқасан, тилинг қисиқ, алвасти!

Раъно. Худо хайрингизни берсин, секинроқ гапиринг.

Роҳат. Ҳа-а, қўшнилар әшитиб қолишади, шунақами? Эшитсин! Кимлигинги билиб қўйишин! Гап шу: Замоновга айт, иссигида жўнаб қолсин. Сен ҳам даф бўл! Қурилишга Соқиев бошлиқ бўлади, уқтингми?

Раъно (*истеҳзали*). Уқдим... Гап бу ёқда әкан-да...

Роҳат. Ҳа!. Тезроқ жўнаб қолларинг!

Раъно (*ўзини босиб олади*). Ҳув ўша... (*Роҳатга синашта тикилади*) ...Соқиевмиди?

Роҳат (*тутоқиб*). Ҳа! Ҳа! Ҳа! Чидайсанларми?!

Раъно (*чеҳраси ёришади*). Қўрққан олдин мушт кўтарар, бўпти-да?

Роҳат. Нима, нима? (*Сирни бой бериб қўйғанини тушунади. Талвасага тушади.*) Нима дединг?

Раъно (эшикни ланг очади). Қани, жўнаб қолинг!

Роҳат (ҳайрон). Вой-вў, осмондан келади-я!

Раъно (ўзини босиб). Мен әмас, сиз осмондан келяпсиз, Роҳатбону. Соқиевнинг пуч ваъдаларини ўзингизга қанот деб билсангиз керак. Соқиев сизни астойдил севса, ҳув... ўшанда беш кун айшини сўриб этагини қоқиб кетмаган бўларди. Кейин сиёдан ўн йил хабар олмади. Шундайми? Мундоқ танангизга ўйлаб кўрмадингизми, ўн йилдан кейин Соқиевга тағин нега керак бўлиб қолдим, деб? Сиз унинг қўлида ўйинсиз, Роҳатбону.

Роҳат. Вайсама!

Раъно. Чиндан ҳам эсинги ёз паст экан. Жўнанг!

Роҳат. Эримга даъвом бор.

Диванга ўтиromoқчи бўлади. Раъно унинг қўлидан тортиб эшикка судрайди.

Раъно. Даъвойингиз бўлса, идорасига боринг.

Роҳат. Үғлим қани?

Раъно. Ишда. Йўқолинг!

Роҳат. Итарма! (*Жазаваси тутади.*) Шармандангни чиқармасдан кетмайман! (*Додлайди.*) Дод! Войдод! Ким бор? Қутқаринглар алвастидан! Войдод!

Мустақим (ҳовлиқиб киради). Нима гап?

Раъно диванга беҳол ўтириб қолади. Роҳат ўзини унинг устига ташлайди. Мустақим ота Роҳатни тортиб стула гапни ўтқазади.

Уят, кап-кatta хотинлар!

Раъно юзини қўллари билан яширади, пиқ-пиқ йиглайди. Роҳатга.

Бу ерга нега келдинг?

Роҳат (*ғўлдирайди*). Эримникига...

Раъно. Отажон, бундан ўн йил аввал Замоновга хиёнат қилиб, Соқиев билан кетиб қолган, ҳам аёллик, ҳам физалик номига иснод келтириб юрган — шу!

Мустақим. А! Ростми?

Роҳат (*сурбетларча*). Оппоқ соқолингиз билан катталарга сотилгани уялмайсизми?

Мустақим (ҳайрон. *Соқолини силайди*). Оппоқ со-

қолим... Ўҳу... Шу ёшгә кириб соқолимга тош оттирмовдим ҳайтовур.., Қани, меҳмон, идорага борайллик, дафтарни ўша ерда очадилар. Ҳар қалай, бизни комиссия қилиб сайлашган...

Мустақим ота Роҳатни олдига солиб чиқиб кетади.

Роҳат (чиқа туриб). Ҳу, яшшамагур!

Раъно (анча маҳал беҳол ўтиради. Кейин туриб трубкани олади). Алло, коммутаторми? Ҳимкомбинатни уланг! (Кутади.) Ҳимкомбинатми? Синглим, Ўқтам Замонович ўша яқиндамилар? «Трассада»... Трасса узоқми? «Юз метр». Ҷақириб келинг. Ҳа, муҳим иш. (Радиони қўяди. Мақом куйи сарин таралади.) Алло. Шовқин эшитиляпти. Чўл шамоли гувиллайди... Алло? Трубкада ҳам муҳаббатдай азалий дардли оҳанг... Алло? Ўқтам Замонович, сиэмисиз? Ҳорманг, жоним! Нима гап, дейсизми, эшиting:

Бир бор экан, бир йўқ экан, бир мўйсафид бор экан,
Бир фаришта уни кутиб доим интизор экан...

Трубкани аста қўяди.

ЕТТИНЧИ КУРИНИШ

Биринчи кўринишдаги саҳна. Мушаррафининг стулларни теришидан, столларга қоғоз-қаламлар қўйишидан мажлисга тайёргарлик кўраётгани билинади. Радиодан тантанали куй, кейин шовқин, чапклар садоси келади.

Умид (ҳовлиқиб киради). Юрмайсанми, митинг бошлияпти.

Мушарраф. Ишим кўп. Радиода эшитаман.

Умид. Ишинг шу қадар кўпки, мен ҳам сояда қолиб кетяпман.

Мушарраф. Қуёш сояда қолиши мумкинми?

Умид. Бу нима деганинг?

Мушарраф. Бу деганим шуки, сиз қаерда бўлсангиз ҳам кўраман, оловингизда исинаман.

Умид. Онанг сени гапга туқсан. Мен кетдим.

Умид юрганича чиқиб кетади. Мушарраф радиога қулоқ солади. Мустақим отанинг овози эшитилади.

Мустақим. Ўртоқлар! Фарзандларим! Бугун комбинатимизнинг биринчи навбати ишга тушяпти. Эсимда: ҳов анави ерда битта қудуқ бор эди. Чор атроф янтоқзар

чўл... Энди қаранг: обод шаҳар, уйлар, мактаблар, Ильич чироқлари...
Қарсаклар, музика садолари янграйди. Хонага Да ли қўрқа-писа киради.

Да ли. Чақирган әкансиз...

Мушарраф. Ҳа, юринг, муҳим гап бор.

Улар кабинетга кириб кетадилар. Роҳат киради. Алланглайди. Радиони эшигади. Замоновнинг овозини танийди, эзилади, ҳаяжонланади. Да ли билан Мушарраф кабинетдан чиқадилар.

Да ли. Ердамингизга ишонсан бўладими?

Мушарраф. Бу ўзингизга боғлиқ.

Да ли. Тўғри... Ҳаммасига иқороб бўлсан, ишда қолдиришаармикан?

Мушарраф. Билмадим...

Дали Роҳатни кўриб, қоқила-суқила чиқиб кетади.

Роҳат. Мени ким чақирди?

Мушарраф. Мен.

Роҳат. Қабулхонадаги...

Мушарраф. Ҳа, идора мудираси. Комиссия аъзоси.

Роҳат (бўйашиб). Нега чақирдингиз?

Мушарраф. Аёл киши, аёл киши билан тезроқ тил топишади, деб сиз билан суҳбатлашишни менга топширишди.

Роҳат. Даъволаримнинг ҳаммаси аризамда битилган.

Мушарраф. Бошқа гапингиз йўқми?

Роҳат. Йўқ!

Мушарраф. Кутиб туринг, чақирамиз.

Роҳат намойишкорона чиқиб кетади.

Раъно (киради). Мушаррафхон, чақирган әкансиз, митинг тугар-тугамас чопдим.

Мушарраф. Келинг, опажон! (Унга ҳурмат билан жой кўрсатади, ўзи Раънонинг қаршиисига ўтиради.)
Ўзингиз билган гап. Бирор нимани қўшимча қила оласизми?

Раъно. Ҳа. Роҳат уйимга борди.

Мушарраф. Уста бувадан эшигдим.

Раъно. Мен-ку майли-я... Ўқтам Замоновичга қийин бўлди. Сир бой бермайди-ю, кўриниб турибди, сочининг қолгани ҳам шу кунларда оқарди. Раҳмим келади.

Мушарраф. Ҳа, қийин бўлди... Балки, сизни мажлисга чақиришар.

Раъно. Идорада бўламан! (*Кетади.*)

Ҳаққулов (*киради, Мушаррафга папка беради*). Мана буни кун тартибидаги масалага қўш! Қишлоғининг йўли шунаقا батқоқ эканки, мотоцикл мени әмас, мен мотоциклни судраб бордим. Митингга ҳам кечикдим! Қалай, чақирилган одамлар билан судбат қилволдингми?

Мушарраф. Ҳа.

Ҳаққулов. Имэосиз хат ҳақидаги тахминимиз тўғри чиқдими?

Мушарраф. Ҳа...

Ҳаққулов (*соатига қарайди*). Йигирма минутдан кейин бюро мажлиси. (*Кабинетга кириб кетади.*)

Мушарраф қорозларни тартибга сола бошлайди. **Замонов**, Соқиев, Уста Мустақим, Умид ва партбюоронинг бошқа аъзолари бирин-кетин кириб келадилар. Ичкари хонадаи **Ҳаққулов** чиқиб, Мушарраф тайёрлаган раислик жойига ўтиради.

Ҳаққулов. Салим Соқиевич, сўз сизга.

Соқиев. Одам мард бўлиши керак. Раҳбар ўзини ўзи танқид қила билмаса иш расво бўлади. Мен, ўртоқ бюро аъзолари, гапимни ўзимни ўзим танқид қилишдан бошламоқчиман. Бинобарин, комиссия аҳволни текширди, фактларни аниқлади, ҳамма нарса, барибир, очилади. Яхшиси, мен ўз даъвойимни айтишдан аввал ўз камчиликларимни фош қиласи, чунки мен коммунистман, раҳбарман! (*Ясама ҳаяжонланиб, стакандан сув ютади.*) Ҳа, дўстлар, қадрдонлар! Йқрор бўлмай иложим йўқ. Мендан хато ўтган. У вақтлар анча ёш эдим, Роҳат ҳам сухсурдай, кўзлари сузук жувон эди. На қиласи, шайтон йўлдан урди.. Йўқ, йўқ! Мен Роҳатни айбламоқчи әмасман! Айб фақат менда! Қилмишим учун жазо тортдим. У ёшлик шўхлиги меңга аччиқ сабоқ бўлди. Худо ҳаққи, сизлар ҳам мени кечиринглар!.. Аммо мен бошқа бир жиноят, яъни Замонов қилган жиноят ҳақида гапирмоқчиман...

Мустақим. Замонов қилган жиноят?! Очиқроқ гапиринг!

Соқиев. Ҳўп, дипломатияни йифиштирамиз. Модомики, бизга қарши уриш очилди, биз ҳам, ақалли мудофаага

ўтишимиз, кези келганда әса, атака қилишимиз за-
тур. Гап шундаки, дўстларим, маккор Замонов шу кун-
ларда сизларни обдан чалғитди ва ўз фойдасига қарор
чиқаришга ҳам мойил қилиб қўйди. Аслида әса, унинг
менга ҳужум қилиш орқали ўз жиноятини ёпиб кетишдан
бошқа мақсади йўқ.

Мустақим (*мажлис аҳлиниң ҳайронлигини кўриб*). Ҳой, барака топкур, очиқроқ гапирсанг-чи!

Соқиев (*ясама истиробда*). Ҳўп, отахон, хўп...
(Замоновга.) Замонов, сиз Раъно билан танишганингиз-
да Роҳат ҳали никоҳингизда эди ва бинобарин, Раъно-
нинг ҳам қонуний эри бор эди, шундайми?

Замонов (*таажжубда*). Ҳа... Ҳўш, нима бўпти?

Соқиев. Сиз ўз хотинингизни қўйдингиз... Май-
ли... Бу масала сизнинг виждонингизга ҳавола қилинади.
Ҳўш, айтинг-чи, нега Раънонинг турмушини буздингиз?
Тўғри, унинг эри бир оз ичар эди... Ҳўш, сиз, ҳаётнинг
аччиқ-чучукларини тотиб пишган инсон, раҳбарлик лаво-
зимларини әгаллаб келаётган коммунист, ўзини олижа-
ноб, инсонпарвар қилиб кўрсатувчи Замонов, хўш, не-
чун, ёш Раъно ва унинг ёш эрини тарбиялашга, бошини
қовуштиришга, оиласини мустаҳкамлашга ёрдам берма-
дингиз-да, аксинча, бир бечора йигитдан унинг ёш, гўзал
хотинини тортиб олдингиз? Қани виждон? Қани инсоф?
Қани коммунистик ахлоқ! Жавоб беринг, Замонов!

Замонов (*босиқ*). Ҳўп, жавоб бераман. Раъно-
нинг ҳам, әрининг ҳам турмуш, ахлоқи, юриш-туриши
институтимизнинг беш юз кишилик колективига кундай
равшан эди. Раънонинг одобсиз маст әрдан калтак еб юз-
кўзи кўкариб келмаган куни кам бўларди. Эри әса, давлат
пулини ўғирлар, жиноят устига жиноят қилар, қамоқдан
чиқмас, натижада Раънонинг уйи зулмат, ҳаёти дўзах эди...

Соқиев (*аччиқ*). Сиз уни жаннатга олиб кирдин-
гиз, шундайми?

Замонов. Буни Раънодан сўранглар!

Соқиев (*баланддан келади*). Ана, ўртоқ бюро аъзо-
лари, менга ҳужум қилаётган Замоновнинг маънавий қиё-
фаси!

Мушароф. Ўртоқлар, Замонов камтарлик қиляпти.
Мен Замоновнинг Раънога қилган насиҳатларидан, берган
ёрдамларидан хабардорман. Соқиевнинг «Замонов Раъно-
нинг уйини бузди», деган даъвоси пуч.

Соқиев. Сабаб?

**М у ш а р р а ф . С а б а б к и , си ё түҳмат қиляпсиз.
С о қ и е в . А на холос!
Х а қ қ у л о в (Соқиевга). Ўтилинг.**

С о қ и е в виқор билан ўтиради.

(Мушаррафга.) Гувоҳларни чақиринг!

М у ш а р р а ф Р о ҳ а т в а Д а л и н и б о ш л а б киради. У л а р ўтирадилар.

Ўртоқ Соқиевнинг аризасига биноан қурилиш бошлиғи ўртоқ Замоновнинг оилавий аҳволини текшириш учун комиссия тузилган әди. Комиссия аъзолари — Мустақим ота, Мушарраф ва мен — бир ҳафта давомида аҳвол билан танишиб чиқдик. Мен комиссия раиси бўлганим учун, аввал менинг ахборотимни эшитишингизни, кейин муҳокама қилишингизни сўрайман. Бюро аъзолари нима дейдилар.

М у с т а қ и м . Ҳ а қ г а п .

У м и д . Ж у д а тўғри.

С о қ и е в . Т а к ли ф б о р : А в в а л Р о ҳ а т н и н г аризаси ўқиб эшиттирилсин.

Х а қ қ у л о в . Н има д ейсизлар?

М у ш а р р а ф . Р о ҳ а т опа ўзлари шу ердалар. Г а п - ларини ўз оғизларидан эшитсак!

Х а қ қ у л о в (Роҳатга). Р о з и м и с и з ?

Р о ҳ а т . Ҳ а .

Х а қ қ у л о в (Соқиевга). Сиз-чи?

С о қ и е в . Ҳ а ... Э н д и ...

Х а қ қ у л о в . Б о ш қ а т а к ли ф л а р й ў қ м и ? (Пешанаси ни артади. Кўзойнагини тақади.) Гувоҳларни эшитишдан аввал баъзи фактларни айтиб ўтишни лозим деб биламан. Замонов уруш арафасида Роҳатга уйланган. (Роҳатга.) Шундайми, синглим?

Р о ҳ а т . Ҳ а .

Х а қ қ у л о в . Замонов урушнинг бошидан охиригача Фронтда сапёр бўлиб хизмат қилган. Урушдан қайтиб келгач, бир йилдан кейин ўғил кўрган. (Роҳатга.) Шундайми, синглим?

Р о ҳ а т . Ҳ а ...

Х а қ қ у л о в . Аммо бундан ўн йил бурун Роҳат эрини ҳам, боласини ҳам ташлаб, кетиб қолган. (Роҳатга.) Шундайми, синглим?

Соқиев. Тўхтанг! Мен қаршиман! Бу нима: партия мажлисими, суд терговими?

Ҳаққулов (*стулга суялганича кўзларини юмб, кутади. Энтикади*). Бюро аъзолари ахборотимни әшитишни хоҳлайдиларми?

Мустақим. Давом әтинг.

Умид. Аввал өшитайлик, кейин муҳокама қиласиз.

Ҳаққулов. Овозга қўяман.

Соқиев. Ҳожати йўқ...

Ҳаққулов. Роҳат... Соқиев билан кетиб қолгач...

Соқиев (*ўрнидан туриб кетади*). Бўҳтон!

Ҳаққулов (*Роҳатга*). Сиз нима дейсиз, синглим?

Роҳат (бир Ҳаққуловга, бир Соқиевга қарайди, иккilonади, бироқ Ҳаққуловнинг қогоғ титаётганини кўриб бўшашиди). Тўғри...

Соқиев. Ёлғон!

Роҳат. Ёлғон! «Сени севаман, сенга уйланаман, болангни тарбиялайман», деганларингиз ёлғонми?

Соқиев. Унақа демаганман!

Роҳат. Мени кечагина шаҳардан чақириб келганингиз ҳам ёлғонми? Бир вақтлар берган ваъдаларингиз устидан чиқасиз, деб умид билан келдим, Салимжон!

Соқиев. Қанақа ваъда?.. Ё, тавба-ей, қуруқ туҳматга қолдим шекилли?

Роҳат (*ҳайрон*). Қуруқ туҳмат?!.. Демак, мени яна лақиллатибсиз-да?

Соқиев. Ёлғон!.. Ҳеч қанақа ваъда берганим йўқ... Бўҳтон!.. Мажлисдан ҳайданглар бу алвастини!..

Ҳаққулов. Соқиев! Гартибни бузманг! Тоқат қилиб әшитинг, ҳар қанча гапингиз бўлса кейин гапирависиз.

Соқиев (*тулкилик қиласи*). Кечирасиз, асаб...

Ҳаққулов. Роҳат бир неча ойдан кейин уйига қайтиб келади. Лекин уни эри кечирмайди. Хотин шундан кейин бир неча йил давомида эри билан судлашади, ўринисиз даъволар қилиб уни ишдан қўяди, ниҳоят, ажралишга мажбур бўлади! Замонов эса, нафақа тўлайди, ҳовлисини таг-туғи билан хат қилиб беради ва ўғлининг тарбиясини ҳам ўз қўлига олиб, унга олий маълумот беради. (*Роҳатга*) Шундайми, синглим?

Роҳат. Ҳа...

Ҳаққулов. Эри- хотин бир-бири билан ажралишгандан бўён ўн йил ўтди. Бу вақт ичидা Замонов бева жувон

Раънога уйланди, унинг қизини ўз номига қиз қилиб олди.⁷ Бундан икки йил мақаддам Замонов Лойиҳа институтидаи бизнинг қурилишимизга ишга юборилди. Шу кунларда унинг ўғли Рустам ҳам келиб, отаси билан бирга турибди, комбинат қурилишида ишляяпти. (*Роҳатга.*) Шундайми, синглим?

Роҳат. Ҳа...

Ҳаққулов. Бу — масаланинг бир томони бўлиб, анча ойдинлашди. Аммо масаланинг иккинчи томони комиссияни анча бош қотиришга мажбур қилди. Шундай савол туфилади: хўш, нима сабабдан Соқиев Замонов устидан ҳатлар, аризалар ташкил қилди?

Соқиев. Мен әмас!

Замонов. Роҳатга бир саволим бор.

Ҳаққулов. Ҳўш?

Замонов. Роҳат... Боламиз ҳурмати, айтииг, имзосиз аризани сиз ёзгансиз-а?.. Ахир, сизнинг дастхатингиз, хўш, ким сизга маслаҳат берган? Далими?

Роҳат (ноилож). Ҳа...

Замонов. Раҳмат...

Соқиев. О, илон! (*Урнидан туриб кетади, талвасаланди.*)

Мустақим. Ҳой, болангдан айланай, ўзингни ҳурмат қиласанг ҳам, бу ерда ўтирганларни ҳурмат қиласангчи! Одам ҳам шунаقا жиблажибон бўладими!

Ҳаққулов. Ҳа, дарвоҷе, биринчи дардисар қофоз шу имзосиз ҳат. Мен буни олибօқ ғижимлаб ахлат саватига ташлаганман. Саватдан Соқиев олган...

Соқиев. Тағин тухмат!

Ҳаққулов (*Далига*). Боя, Мушаррафга айтган гапингиҳизни тақрорланг.

Дали. Ҳа, хўжайин буюрганлар, мен Роҳатга ёздирганман.

Соқиев. Ё, раббий! (*Бошини чангаллаб ўтириб қолади.*)

Ҳаққулов (*Далига*). Сиз бу ҳатни иккинчи марта... шаҳар партия комитетига элтиб бергансиз. Шундайми?

Дали. Хўжайин буюрганлар.

Ҳаққулов (*Далига*). Сизга яна бир савол... (*Конверт кўрсатади.*) Мана бу иккинчи имзосиз ҳатни ҳам Замоновнинг адресига почтадан сиз юборгансиз-а?

Дали. Хўжайин буюрганлар.

Соқиев. (*Далига*). Нонқўр! Сотқин!

Ҳаққулов. Замоновнинг уйига телефон қилиб турган ҳам сиз-а?

Дали. Ҳўжайин ёнимда сўзма-сўз айтиб турганлар.

Соқиев. Мен-а? Ёлғон гапиришга қандай тилини айланяпти, муттаҳам!

Дали. Э, ҳўжайин-еъ, менинг қўлим билан гугурт чақиб, нега әнди оловдан қочасиз?

Соқиев (бошини чанглайди). Ё раббий, ё раббий!...

Ҳаққулов. Энди, Роҳатнинг аризасига келайлик. (*Роҳатга.*) Синглим, сизнинг аризангиз...

Роҳат (жаҳл билан). Қайтиб оламан!

Ҳаққулов (*аризани Роҳатга беради*). Балли! (*Соқиевга.*) Мен бугун қишлоғингизга бордим. Бинойидай хотинингиз, қумридай тўртта қизингиз бор экан. Сизни жуда соғинишибди, Салимбой!

Соқиев инграйди.

Далини юбориб, бечора келинга ёэдирган справкангиз...
Хотинингиз номидан мана бу справка... Ҳойнаҳой, шу қоғоз билан ўзингизни оқламоқчи бўлгансиз. Мана, опкўйинг, вафоли эр!

Соқиев. Кесатманг!

Мустақим. Секретаримиз гапнинг сирасини айтди!

Ҳаққулов. Яна ўша савол келиб чиқади: хўш, нима сабабдан Соқиев ўзини ишга олган, доим қўллаб келган Замонов устидан хатлар, аризалар ташкил қилди? Нега шунча одамни ишдан қолдириди? Комиссиянинг бу саволга жавоби битта: Соқиев мансабпаст, маишатпаст, эгри қўй шахс. У ҳеч нарсадан тап тортмайди. У қурилишга бошлиқ бўлиш учун ҳалол коммунист, софдил раҳбар Замоновнинг бошига шунча маломат ёғдириди. Эгри қўй, дедим. Қишлоқда шунаقا қаср қурибдики, қўриб оғзингиз очилади. Мана, усталарнинг акти. Бунда қурилишдан қанча ғишт, ёғоч, тахта, тунука ва бошқа материаллар олиб борилгани кўрсатилган. Прокуратура текшириши керак: буларнинг қанчаси пулга сотиб олингану қанчаси ўғирлиқ. Бунинг устига Соқиев фитначи, туҳматчи ҳам. Ана, ўртоқлар, масаланинг иккинчи, мушкул томони. Ҳўш, бизнинг давримиизда — жамият аъзолари ўртасида дўстлик, биродарлик, ҳамкорлик, меҳр-муҳаббат қарор топган улуғ замонда Соқиевнинг ўз қора нияти, шахсий гарази йўлида

шунча кирдикорига нечун йўл қўйиб берилди? Бир кишининг кўзини парда олиши, икки киши алданиши мумкин. Ахир, биз катта оиласиз, бақувват коллективимиз-ку! Нечун йўл қўйиб бердик?! Ахборотимнинг охирида ана шу саволга жавоб бермоқчиман. Биз Соқиевга ортиқча ишониб юбордик. У бўлса, ишончимизни сунистеъмол қилди. Соқиевнинг расволиги орқасида коллективимизда юз берган кўнгилсизликлар бизга аччиқ сабоқ бўлиши керак. (*Юрагини чанглаб беҳол ўтиради.*) Уста бува, илтимос, бюро аъзоси сифатида, мажлиснинг давомини сиз олиб борсангиз.

Мустақим (гувоҳларга). Сизларга жавоб. (*Роҳат, Дали чиқиб кетадилар.*) Кимда қандай таклиф бор?

Ҳаққулов. Менда таклиф бор. Партия Уставига қарши хатти-ҳаракатлари, яъни; ўзига топширилган вазифани қастдан барбод қилганлиги, туҳматчилиги, майший бузилганлиги учун, партбюро, Салим Соқиевни КПСС сафидан ўчиришни ва бу масалани қурилиш бошқармаси коммунистларининг умумий ўифилишида муҳокама қилишни таклиф әтади. Айни вақтда партбюро Соқиевни, ишни әплаёлмагани учун вазифасидан бўшатишни лозим топади.

Умид. Менда ҳам таклиф бор.

Мустақим. Марҳамат.

Умид. Замоновнинг Соқиевни қўллаб-қувватлаши, Соқиевнинг ишни барбод қилганига шу вақтгача бефарқ қараб келганлиги бизни таажжублантиради. Мен буни олижаноблик деб айта олмайман. Бу, принципсиэлик. Шу сабабдан ҳам мен партбюородан Замоновни қаттиқ огоҳлантиришни сўрайман.

Мустақим. Овозга қўяман. Кимда ким Ҳаққулов ва Умиднинг таклифларига қўшилса, қўл кўтарсин.

Ҳамма қўл кўтаради.

Ҳаққоний қарор яқдиллик билан қабул қилинди. Бўйти, яхшилар, мажлис тамом.

Бюро аъзолари бирин-кетин чиқиб кетадилар. **Замонов, Ҳаққулов** ичкари хонага кирадилар. Мушарраф ишга машғул бўлади. Соқиев креслода чўкиб ўтирганча ўтириб қолади.

Умид (Соқиевнинг тегасига келади). Қани, аўр, юрэнди, чеккароққа чиқиб икки оғиз мириқиб гаплашайлик.

Соқиев. Жўна! Сен бормидинг энди менга ёпишмаган!

Умид (Соқиевнинг ёқасидан тортиб турғизади). **Юр!**

Мушарраф (Ўртага тушади). Қўйинг, Умид ака. Шундай ҳам бўлари бўлди.

Умид (Мушаррафга). Тўғри айтасан. Рақибинг айтишсанг айтишадиган, муштлашсанг муштлашадиган бўлса! Бу нима, бир замбил тезак!

Соқиев. Ҳақорат қилмал (Жазаваси тутади.) Биласанми, мен кимман. Мен Соқиевман! Гўрдан тирик чиқаман! Ҳаммангни ноғорамга ўйнатаман! Ҳали учрашамиз! (Югурib чиқиб кетади.)

Умид. Ўхў, баланд-ку!

Ичкари хонадан **Замонов** билан Ҳаққулов чиқадилар.

Замонов. Умид, эртага әрталаб келинг. Соқиевдан ишни қабул қилиб оласиз.

Умид (бир Замоновга, бир Мушаррафга қарайди). Иўғ-э... Қандай бўларкин? Эплармиканман?

Замонов. Эплайсиз.

Умид (ҳаяжонда... Мушаррафга қарайди). Лаббай? (Мушарраф унга тасдиқ ишорасини беради.) Ишончингиз учун раҳмат, Ўкташ Замонович.

Замонов. Қоронги тушди. Энди сизларга жавоб. Мен бир оз ишлайман.

Ҳаққулов, Умид, Мушарраф кетадилар. Замонов девордаги карта, схемалар олдига боради, қалам билан белгилар қўя бошлидай. Телефон жиринглайди. Замонов аввал эътибор бермайди, қўнғироқ тўхтамагандан кейин трубкани олади.

Замонов. Ҳа, мен, раҳмат, жоним. Ҳаммаси жойида... Кечроқ бораман. Маданият саройида янги фильм дейсанми? Нима экан? «Муҳаббат тантанаси» (Ўйга чўмади.) Муҳаббат тантанаси... номи яхши экан. Модомики, муҳаббат тантанаси қиласи албатта борамиз! (Трубкани қўяди.)

ПАРДА

1970 йил.

ТАРЖИМАЛАР



Вильям Шекспир

**ЎН ИККИНЧИ КЕЧА
ЁКИ
ТУРФА ҲАНГОМАЛАР**

ИШТИРОК ЭТУВЧИЛАР

Орсино. Иллирия герцоги.
Себастьян. Виоланинг акаси,
Антонио. Кема капитани, Себастьяннинг дўсти.
Кема капитани. Виоланинг дўсти,
Валентин. } Герцогнинг аъёнлари.
Курио. }
Сэр Тоби Белч. Оливиянинг амакиси.
Сэр Эндрю Эгьючик.
Мальволио. Оливиянинг эшик оғаси.
Фабиан. } Оливиянинг хизматкорлари.
Кизиқчи Фесте. }
Оливия.
Виола.
Мария. Оливиянинг жорияси.

Аъёнлар, кашиш, денгизчилар, миршаблар, созандалар, хизматкорлар.

Воқеа Иллириянинг шаҳарларидан бирида ва унга яқин денгиз соҳилида бўлиб ўтади.

БИРИНЧИ ПАРДА БИРИНЧИ САҲНА

Герцог саройи.

Герцог, Курио ва бошқа аъёнлар кирадилар. Бир томонда созандалаар.

Герцог

Музика севгининг озиғи эмиш,
Чалинг, кўнгил гўзал оҳангга тўйсин.
Муштоқлик ўтида ёнган, чанқаган
Орзулар тинглашдан толиб, мудрасин.
Руҳимни аллалаб, тамом маст қилган
Боя чалганингиз куйни такрорланг!
У куй, бинафшазор сокин бағрида
Енгил әсисб ўтган насим сингари
Дилимга сингдирди хушбўй атрини.
Бас қилинг! Аввалги кайфи энди йўқ.
Оҳ, ишқ маъбудаси, сен эркин ва соз!
Уммонсан, ҳар нарса қаърингга кетар
Ва лекин сен ютган нарса қимматда
Гавҳар бўлса ҳамки, маҳв бўлиб зумда,
Вазнини, қадрини йўқотар дарҳол!
Севги орзуларга тўлиқдир мудом,
Аслида севгининг ўзи орзудир.

Курио

Овга борасизми, тақсири?

Герцог

Қандай ов?

Куро

Кийик ови.

Герцог

Балли! Кўпдандир дилим
Энг гўзал оҳуни тутмоқ истайди.
Илк бор кўрганимда Оливияни,
Ҳатто ҳавонинг ҳам губори битиб,
Ярқ әтиб очилди олам кўзимга.
Бир онда кийикка айланиб қолдим,
Орзулар қопогон итларга ўхшаб,
Мени таъқиб әтар ўшандан бери.

Валентин киради.

Ҳа, келдингми? Қандай жавоб келтирдинг?

Валентин

Афв әтинг, тақсирим. Киритмадилар.
Мен графиняни кўра олмадим.
Ҳузурига кириб чиққан жория
Дедики, етти йил ўтмасдан аввал
Ҳаттоки осмон ҳам у маликанинг
Юзини пардасиз кўролмас әмиш.
Узлатга чекилган әмиш тамоман.
Қарори шу әмиш: ҳужрасини
Қайноқ ёшлар билан ювармиш тун-кун.
Шундай қилиш билан ўз акасининг
Руҳини шод әтиб, хотирасини
Умрбод сақлармиш ғамгин қалбida.

Герцог

О, агар у кўнгил ҳатто акага
Шундай муҳаббатли, вафодор бўлса,
Орзу гирдобида ҳақиқий ишқининг
Олтин камон ўқи бориб тушган он,
Юз чандон, минг чандон ортиқ севади!
Унинг қалби, ақли, хуллас ундаги
Шу икки камолот — битта ҳокимнинг
Ҳукмига абадий тобе бўлажак!

Юринглар, чаманга, ўрмон ям-яшил,
Ишқдан нақл айтамиз, ёзилади дил.

Кетадилар.

ИККИНЧИ САҲНА

Денгиз соҳили. Виола, капитан ва денгизчилар кирадилар.

Виола

Дўстларим, айтинг-чи, бу қандай диёр?

Капитан

Бу ер — Иллирия, гўзал синьора.

Виола

Мен Иллирияда нима қиласман?
Акам дарбадардир Элизияда!
Балки, фарқ бўлмаган, омон қолгандир?
Нима деб ўйлайсиз?

Капитан

Бўлиши мумкин,
Омон қолдингиз-ку, мана, ўзингиз.

Виола

Бечора акам! О, кошкийди у ҳам
Фалокатдан мендек қутулган бўлса!

Капитан

Қутулган, синьора, хотиржам бўлинг
Сизга қўрганимни сўзлаб берайин:
Кемамиз қояга урилган дамда
Сиз хавфу хатардан қочиб, қайиқда
Мана бу йигитлар билан кетдингиз,
Ўшандагу қўрганимнан мард акангиизни,
Даҳшатлар ичидаги шошиб қолмади,
Ишга солиб ўткир ақлини шоввоз,

Ўзини мачтага дадил боғлади,
Жасорат ва умид унга берди дарс.
Наҳанг миниб олган Арион каби,
Пўртанаалар билан дўстлашиб мағрур
Қулоч отганини ҳайратда кўрдим.

В и о л а

Хушхабаринг учун буни ол. Чиндан
Ўзим қутулганим учун қалбимда
Акамга ҳам умид уйғонди. Сенинг
Сўзларинг бу чўғни олов олдири.
Ҳа, у омон қолган бўлиши мумкин!
Сен бу ерни яхши биласанми?

К а п и т а н

Ҳа,
Худди беш қўлимдай. Мен шу яқинда
Туғилиб, ўсганман.

В и о л а

Ҳуқмдори ким?

К а п и т а н

Асли насаби ҳам, қалби ҳам улуғ,
Олижаноб герцог.

В и о л а

Исми шарифи?

К а п и т а н

Орсино.

В и о л а

Орсино? Ёдимда. Отам
Тез-тез вслар эди шу номни. У вақт
Герцог уйланмаган эди шекилли.

Капитан

У бўйдоқ, ёинки яқиндагина
Бўйдоқ эди. Менинг Йилириядан
Кетганимга бир ой бўлди: ўшанда
Миш-миш тарқалмишди,— биласиз, авом
Улуғ зот шахсларни қилади фийбат,—
Агар ўша миш-миш рост бўлса, герцог
Совчи қўйган әмиш Оливияга.

Виола

У қиз ким?

Капитан

Графнинг қизи, ҳуснда,
Ақлда ягона. Бир йил муқаддам
Граф вафот этди, ёлғиз қизини
Ўғлининг қўлига топшириб кетди,
Аммо тезда вафот этди ўғил ҳам.
Севган графиня эркак зотидан
Юзини бутунлай ўгириб олди.

Виола

Эҳ, режам пишгунча жинс, унвонимни
Одамлардан пинҳон сақлаб қолсаму,
Хизмат қилсан әди графиняга!

Капитан

Бу жуда ҳам мушкул. У ҳеч кимсани,
Ҳатто герцогнинг ҳам одамларини
Яқин йўлатмайди.

Виола

Капитан, сенинг
Қиёфанг бамаъни, сўзларинг маъқул.
Гарчанд табиатга ишониш қийин.
Кўпинча сип-силлиқ қиёфанинг ҳам
Тубида чиркин бир нарса ётади,
Лекин мен астойдил сенга ишондим,
Сенинг олижаноб қиёфанг билан

Гўзал қалбинг уйғун әкани аниқ,
Сендан илтимосим шуки, ҳеч кимга
Менинг кимлигимни айта кўрма ва
Режамни амалга оширишга мос
Дурустроқ либос топ. Мақсадим битта —
Герцогга хизматкор бўлиб ёлланиш.
Сен мени герцогга, бичилган биро қул,
Ҳарам оғаси, деб таништири. Хуллас,
Бўз бола деб ата. Мукофотинг нақд,
Сендан аямайман саҳоватимни!
Герцогга шуни ҳам айтгилки, хоҳ соз,
Хоҳ ашула, хоҳ иш, хоҳ ширин суҳбат —
Ҳаммаси қўлимдан келади. Мақта.
Етмиш ҳунар бари менга чўт әмас,—
Фақат мақсадимдан сўз очмасанг бас.

Капитан

Демак, сиз — бўз бола, мен — соқов малай,
Сирни сақлолмасам, майли, кўр бўлай!

Виола

Жуда соуз! Гап битта, олдинга бошла!

Кетадилар.

Учинчи саҳна

Оливиянинг уйи.

Сэр Тоби. Акасининг вафоти орқасида ҳадеб бош
оғритавериш жиянимнинг жонига тегмаганига доғман!
Мен сенга айтсам, ташвиш — умрнинг әгови.

Мария. Ҳудо ҳаққи, сэр Тоби, сиз мана шунаقا бе-
маҳалда аллақаёқларда юришингизни ташласангиз бўлар-
ди. Сизнинг жиянингиз, менинг бекам кечалари йўқолиб
кетишларингиздан қаттиқ озор тортилар.

Сэр Тоби. Озор тортса тортар, ишқилиб, озор уни
тортмасин.

Мария. Ҳар қалай, юриш-туришингизни янгилаёт ол-
сангиз чакки бўлмасди.

Сэр Тоби. Янгилаб олсангиэ? Ҳеч нарсамни янгиламайман! Уст-бошим шундай ҳам янги. Бу кўйлакда, ма-на бу әтиқда бемалол ичса бўлаверади. Агар бу әтиқ юрмаса, қулогидан осиб қўяман.

Мария. Ичкилик ичиш, саёқ юриш яхшиликка олиб келмайди. Куни кеча bekam шундай дедилар. Ундан кейин, тунов куни кечқурун бир тентакни, куёв қиласман, деб судраб келганингиздан ҳам жуда ранжида.

Сэр Тоби. Кимни айтяпсан? Эндрю Эгъючикни эмасми?

Мария. Худди ўшани.

Сэр Тоби. Иллирияда унга ўхшаган азаматлар кам топилади.

Мария. Хўш, нима бўпти?

Сэр Тоби. У бир йилда нақд уч минг дукат даромад олади-я!

Мария. Дукатлари бир йилга ҳам етмаса керак: қипқизил аҳмоқ, ўлгудай исрофгар.

Сэр Тоби. Уял шундай дейишга! У виоль-де-гамба чалади, бир неча тилни сувдек билади, шариллатиб гапиради, табиатнинг нозик ерлари унга тағин аллақанча фазилатлар ато қилган.

Мария. Сабил қолсин унинг фазилатлари! Фақат тентак бўлса ҳам бир гўр әди, ўлгудай уришқоқ ҳам. Агар у жазаваси туттган кезларда ўзини совутиш фазилатига эга бўлмаса, доноларнинг фикрича, унга аллақачон гўр вафо қиласди.

Сэр Тоби. Мана шу муштумим ҳаққи, онт ичаман, кимки уни шундай деса, унинг ўзи ёлгончи ва муттаҳам! Ким шундай деди?

Мария. Шундай деганлар шуни ҳам айтишдики, у ҳар куни кечқурун сиз билан фирт масти бўлгунча ичармиш.

Сэр Тоби. Тўғри, ичамиз, жиянимнинг саломатлигига ичамиз. Токи Иллирияда май қуриб, томофимнинг тешиги битиб қолмагунча, мен жиянимнинг саломатлигига ичганим-ичган. Кимнингки, миаси пирпиракдай чирпирак бўлиб кетмагунча жиянимнинг шарафига ичмас әкан, мен уни қўрқоқ ва аблаж дейман. Жим, дўндиқча. Castilia no vulqo!¹ Сэр Эндрю Эгъючик қадам ранжида қилдилар.

¹ Испанча: «жонли кастил тилида».

Сэр Эндрю. Сэр Тоби Белч! Соғмисан, сэр Тоби Белч?

Сэр Тоби. Дўстгинам, сэр Эндрю!

Сэр Эндрю. Худо ёр бўлсин, бағри тош гўзал!

Мария. Сизга ҳам, тақсир.

Сэр Тоби. Суйкал, сэр Эндрю, суйкал.

Сэр Эндрю. Ким бу?

Сэр Тоби. Жиянимнинг жорияси.

Сэр Эндрю. Марҳаматли Суйкал хоним, мен сен билан яқиндан танишишни истайман.

Мария. Менинг исмим Мария, тақсир.

Сэр Эндрю. Марҳаматли Мария Суйкал!

Сэр Тоби. Сен мени чалкаш тушундинг, оғайни. Суйкал, деганим — унга бўш келма, яқинроқ бор, гапга сол, ёпиш деганим. Дадил бўл, суйкал!

Сэр Эндрю. Виждоним ҳаққи, қасамёд қиласманки, бунаقا шароитда мени бунга журъат этолмайман. Демак, «суйкал»нинг маъноси бу ёқда экан-да!

Мария. Яхши қодинглар, жаноблар.

Сэр Тоби. Агар уни шундай қўйиб юборсанг, қиличиннга иснод келтирган бўласан, сэр Эндрю!

Сэр Эндрю. Агар сен шундай кетаверсанг, мен қиличинга иснод келтирган бўламан! Хўш, нозанин, сен, аҳмоқ қўлимга тушди, деб ўйлаяпсанми?

Мария. Йўқ, тақсир, сиз менинг қўлимга тушганингиз йўқ.

Сэр Эндрю. Аммо тушаман, ма, қўлимни ол.

Мария. Албатта, тақсир, ҳар ким кўнглига келганини ўйлаиверади. Сиз қўлингизни ертўлада ҳўллаб чиқсангиз ёмон бўлмасди.

Сэр Эндрю. Нега әнди, жонгинам? Сен айтган ташбеҳнинг маъноси нима?

Мария. Маъноси шуки, тақсир, қўлингиз қуриб қолиди.

Сэр Эндрю. Ажаб бўпти! Мен лақма эмасманки, қўлимни ҳўллаб юрсам. Аммо ҳазилинг қалтис.

Мария. Қалтис бўлса ҳам, тақсир, беозор.

Сэр Эндрю. Қани әнди сендан бир озор кўрсам!

Мария. Йўқ, тақсир, дилингиз совуқ: буни мен бармоқларингизни санаб айта оламан.

Сэр Эндрю. Қани, санаб кўр!

М а р и я. Санадим. Дилингиз бўм-бўш экан! (Кетади.)

С э р Т о б и. О, баҳодир, сен бир стакан канар шаробидан отиб олишинг керак! Ҳеч вақт сени шунаقا чалиб кетишганмиди?

С э р Э н д р ю. Ҳеч қачон! Мени канар шаробидан бошқа ҳеч нарса йиқитолмаган. Шунаقا пайтларда: наҳотки, менинг ақлим оддий кишиларнинг ақлидан ўткирроқ бўлмаса, деб ўйлаб кетаман. Ҳамма гап сўқим гўшида. Ақлимни ўтаслаштираётган ўша.

С э р Т о б и. Мана бу сара гап.

С э р Э н д р ю. Агар шу гап тўғри бўлса, сўқим гўшидан воз кечардим. Эртага уйимга кетаман, сээр Тоби.

С э р Т о б и. Pourguoi,¹ илтифотли баҳодир?

С э р Э н д р ю. «Pourguoi»— нима деганингиз: кет деганингизми, қол деганингизми? Афсуски, қиличбозлик, рақсу айиқ овига кетган вақтимни тил ўргатишга сарф қилмаганман.

С э р Т о б и. О, агар шундай қилсанг, бошингни росмана соч қоплаган бўларди!

С э р Э н д р ю. Наҳотки, санъат сочимни ундира олса?

С э р Т о б и. Ҳеч шубҳасиз. Кўриб турибсан-ку, сочиниг сира жингалак бўлай демайди.

С э р Э н д р ю. Ҳар қалай, сочим ўзимга ярашиб турибди, ё шундай эмасми?

С э р Т о б и. Ажойиб! Чархга ўралган зигир толадай осилиб турибди. Умид қиласанки, бир кунмас-бир кун бирорта хотин бошингни бути орасига қисиб, йигириб қолади.

С э р Э н д р ю. Ҳудо ҳаққи, сээр Тоби, мен эртага уйимга жўнайман. Жиянинг ҳеч кўриниш берай демайди. Агар кўриниш берганда ҳам, унга ёқишим даргумон. Бунинг устига герцогнинг ўзи ишқибоз бўлиб юрибди.

С э р Т о б и. Герцогни кўтаргга кўзи йўқ. Сабабки, жияним унвони, ёши, ақли ўзидан катта одамга тегишини истамайди. Бу ҳақда онт ичганини ўз қулогим билан ёшитганман. Бошингни қўтар, оғайни! Умидингни узма.

С э р Э н д р ю. Ундай бўлса тағин бир ойга қоламан. Галати феълим бор: маскарадлар билан байрамларга ниҳоятда ўчман.

С э р Т о б и. Наҳотки шунаقا бачканаликлар қиласанг?

С э р Э н д р ю. Мени нима деб ўйлаяпсан² Иллирия-

¹ Французыча: «Нега?»

даги мартабаси ўзимдан баланд бўлмаган бирон кимсадан қолишадиган жойим йўқ, бироқ ўзимни чолларга тенглаштирмайман.

Сэр Тоби. Қойил, баҳодир. Ҳўш, гальярдга¹ қалайсан?

Сэр Эндрю. Эҳа, такадек шаталоқ отаман.

Сэр Тоби. Менга таканинг шаталогидан кўра эти маъқулроқ.

Сэр Эндрю. Орқага ташлашда бўлса, бу борада Иллирияда мендан ўзадигани бўлмаса керак.

Сэр Тоби. Шунча ҳунарни яшириб юрган экансанда? Шунча санъатга парда тортиб қўйибман дегин? Улар бирорта соҳибжамолнинг суратимидики, чанг босиб ётса? Нега энди черковга гальярдга муқом қилиб бориб, куранмага² муқом қилиб қайтмайсан? Мен сен бўлсам юрган йўлимда жигага³ шох ташлаб, ҳожатхонага ҳам нуқул контролданс⁴ қилиб борарадим. Нега бундай қилдинг? Бу дунёда шунча ҳунарни яшириб юрганингни қара-я! Сенинг хушбичим оёқларингга қараб, гальярд юлдузи остида туғилгансан, деб айта оламан.

Сэр Эндрю. Рост, оёқларим бақувват, айниқса, олов ранг пайпоқда чакки кўринмайди. Ҳўш, базмни бошлаймизми?

Сэр Тоби. Бошқа нима ҳам ишимиз бор? Гов юлдузлари остида туғилмаганмизми ахир!

Сэр Эндрю. Гов? Биқину, жигар деган маънодами?

Сэр Тоби. Йўқ, тақсир, сону, оёқ деган маънода. Қани бир ирғишла-чи: бошла! Баландроқ! Э-ҳе, жойида, қойил!

Кетадилар.

ТУРТИНЧИ САҲНА

Герцог саройи. Валентин билан йигит кийимида Виола кирб келадилар.

Валентин. Агар герцог сизга бундан бўён ҳам шутариقا илтифот кўрсатадиган бўлса, Цезарий, омадингиз келгани: таниганига уч кун бўлмай, сизни яқин кўриб қолди.

1884 Қадимги рақсларнинг номи,

Виола. Герцог илтифотининг доимийлигига шубҳа
қилмаганингида, унинг беқарорлигидан, менинг ношуда-
лигимдан хавотир олмаган бўлардингиз.

Валентин. Асло ундаи әмас.

Герцог Куро ва аъёнар кирадилар.

Виола

Ташаккур. Герцог ҳам келиб қолдилар.

Герцог

Айтинглар, ким кўрди Цезариони?

Виола

Лаббай, мен бундаман, шонли ҳукмдор.

Герцог

Четроқда кутинглар.—

Цезарио, сен

Энди ҳамма гапдан хабардор бўлдинг,
Қалбим китобини варақлаб сенга
Сиру асроримни тамоман очдим.
Энди у бағри тош ҳузурига бор,
Рад этса, бўш келма, эшикка ёпиш.
Сенинг товонларинг остонасига
Томир отганини такрорла, хуллас,
Қайтиб келма уни бир бор кўрмасдан..

Виола

Ҳукмдор, одамлар гапида жон бор,
Унинг ғам-андуҳи чиндан беҳисоб.
Қабул қилмаслиги мумкин.

Герцог

Қаттиқ бўл,

Одоб сақлайман, деб ағрайиб турма,
Шовқин сол, дўй ҳам ур — мақсадга эриш.

В и о л а

Ҳукмдор, чунончи, олдигэ кирдим,
Нимадан гапирай?

Г е р ү о г

О, кошки эди!

Бағрим ишқ ўтида ёнганини айт,
Вафонинг қули, деб ҳайратда қолдир .
Сенга мушкул әмас дардим изҳори:
Унинг тоқати йўқ қари элчига.
Жон-жон деб тинглайди сенинг нақлингни.

В и о л а

Ишонгим келмайди.

Г е р ү о г

Ишон, азизим,

Сени әркак деган одам — ёшингга
Туҳмат қилган бўлиб чиқади. Чиндан
Лабларинг Диана лабларидан ҳам
Нозикроқ, нафисроқ, товушинг эса,
Қизнинг товушидай ширин, мусиқий,
Қизни эслатади бутун борлиинг.
Аминманки, сенинг элчилигингга
Юлдузинг ярашиб, кулиб турибди.—
Сизлардан тўрт киши ҳамроҳ бўлинглар.
Истасангиз, майли, ҳаммангиз боринг.
Атрофимда одам қанча оз бўлса,
Мен шунча әркинроқ нафас оламан.—
Агар адo этсанг бурчингни, худди
Ўз ҳукмдорингдай озод яйрайсан.
Бирга кайф сурамиз.

В и о л а

Графиняни

Мафтун қилажакман, тақсир, ишонинг.
(Ўзича.)

Оҳ, дардим ичимда, азоб чекаман!
Орзум битта: унга ўзим тегаман!

Кетадилар,

БЕШИНЧИ САҲНА

Оливиянинг уйи. Мария билан қизиқчи кирадилар.

Мария. Хўш, қаёқларда санғиб юрибсан? Агар айти-
масанг, сен учун қилча ҳам кечирим сўраб бермайман.
Рухсатсиз кетиб қолганинг учун бекам сени осишга фар-
мон беради.

Қизиқчи. Майли, осдираверсинлар! Кимки бу дун-
ёда яхши осилган бўлса, у дунёда қўрқмайди.

Мария. Нима сабабдан?

Қизиқчи. Шу сабабданки, ўлим — ҳақ.

Мария. Сийқа жавоб! «Ўлим — ҳақ» деган гапни
ким айтганини биласанми?

Қизиқчи. Ким айтган, нованин?

Мария. Дадил одамлар айтишган. Сен аҳмоқона
гапларнигина дадил айтаверасан.

Қизиқчи. Ё раббий, доноликни доноларга бер, аҳ-
моқлар аҳмоқликларини ижарага қўйиб ҳам кун кўраве-
радилар.

Мария. Билиб қўйки, шунча вақт рухсатсиз санғиб
юрганинг учун сени ё дорга осадилар, ё ҳайдаб юборади-
лар. Еки дорга осилишдан қўрқмайсанми?

Қизиқчи. Яхши дор, баъзан ёмон хотинга уйланиш-
дан қутқариб қолади. Ҳайдашларига келсак, ёзинг куни
кунимни кўриб кетарман.

Мария. Демак, сенга камарбаста керак эмасми?

Қизиқчи. Камарим ҳали ҳам илиниб турибди.

Мария. Узилиб кетса, чоловоринг тушиб кетади.

Қизиқчи. Қойил! Бопладинг! Олавер! Агар сәр
Тоби ичишни ташласа сен бутун Иллирияда Момо Ҳаво-
нинг әнг зўр қитмир қизларидан бўласан.

Мария. Жим, муттаҳам! Тилингни тий! Бекам кел-
яптилар, оёқларига йиқилиб, кечирим сўра. (Кетади.)

Қизиқчи. Эй, закки ақлим, мадад бер, қизиқчилик-
ни бир боплай. Аскияга устаман дегувчи ақлли кишилар
кўпинча аҳмоқ бўлиб қолаверадилар; мен ўзимни, аскияга
нўноқман деб юраману, баъзан доно ўрнига ўтиб қоламан,
сабабки Квинанал: «Ақлли аҳмоқ ақлсиз донодан аф-
валроқ» деган.

Оливия билан Мальволио кирадилар.

Худо ёр бўлсин, бекам!

Оливия. Аҳмоқни чиқариб юборинг.

Қизиқчи. Эшитяпсизми? Графиняни чиқариб юборинг.

Оливия. Йўқол, аҳмоқ.

Қизиқчи. Маликам, яхши май ва яхши маслаҳат иккита камчиликни тузата олади. Қуруқ аҳмоққа май берсангиз, у ҳўл бўлиб қолади. Агар ёмон одамга яхши маслаҳат берсангиз, у яхши бўлиб қолади. Агар тузалмаса, тикувчи унга ямоқ солиши керак. Чунки эски нарсаларнинг давоси — ямоқ. Яхшилик айб қиласа унга гуноҳни ямоқ қиладилар, тузалган гуноҳкорга яхшиликни ямоқ қиладилар. Агар шу қиёсим ёқса ёқди, ёқмаса — начора? Бахтсизлик ҳамиша иснод бўлганидек, гўзаллик — мисоли гул. Графиня, аҳмоқ чиқариб юборилсин, дедилар ва мен тақрор айтаманки, графиня чиқариб юборилсин.

Оливия. Мен сени чиқариб юборилсин, дедим, афандим.

Қизиқчи. Бу зўр хато, хоним: *Cucullus non facit monachum** яъни, қалпогим бачкана бўлгани билан ақлимга асар қилмайди. Марҳаматли малика, ижозат беринг, сизнинг аҳмоқлигингизни исбот этай.

Оливия. Бу иш қўлингдан келармикан?

Қизиқчи. Келганда қандоқ, маликам!

Оливия. Исбот қил.

Қизиқчи. Бунинг учун аввал сизни сўроққа тутишимга тўғри келади, маликам. Жавоб беринг, беозор сичқон бекам!

Оливия. Бўпти. Кўнгил очишга бошқа эрмак бўлмагани сабабли исботларингни эшитсан эшитай.

Қизиқчи. Марҳаматли малика, қайғунг сабаби нима?

Оливия. Марҳаматли қизиқчи, акамнинг вафоти.

Қизиқчи. Малика, менингча, унинг жони дўзахда.

Оливия. Аҳмоқ, менингча унинг жони жаннатда.

Қизиқчи. Ақалнинг жони жаннатда бўла туриб қайғурсанг, демак, аҳмоқ әкансан. Ҳей, қани, аҳмоқни чиқариб юборинглар!

Оливия. Сен бу аҳмоққа нима дейсан, Мальволио? Ақл киряпти шекилли, а?

Мальволио. Ҳақ гап. Жони чиққунча ақли кираверади. Кексалик донога — завол, аҳмоққа — камол.

* Лотинча: «кулоҳ кийган билан одам роҳиб бўла қолмайди».

Кизиқчи. Ё раббий, бунга тезроқ кексалик ато қил, токи қип-қизил аҳмоққа айлансин! Сәр Тоби менинг тулки әмаслигимга онт ичишга тайёр, аммо сенинг аҳмоқ әмаслигингга қора чақа ҳам тикмайди.

Оливия. Сен бунга нима дейсан, Мальволио?

Мальволио. Сиз олий мартабали маликамизнинг шундай бир хомкалла аблаждыннинг қизиқчилекларидан роҳатланишингизга ҳайрон қоламан! Тунов куни бир галварс масхарабоз буни бир чўқишида мот қилганини ўз кўзим билан кўрдим. Кўрдингизми, тили айланмай қолди. Агар сиз кулиб унга далда бермасангиз икки оғиз гапни ҳам эплаб гапиродмайди. Онт ичаманки, бунақа қизиқчи аҳмоқларнинг гапларига куладиган одамларнинг ўзлари ҳам ўйинхонадаги масхарабозлардан қолишмасалар керак.

Оливия. О, изват-нафсинг ниҳоятда нозик. Мальволио, тўғриси, ҳазил кўтармайдиган бўлиб қолибсан — олижаноб, соддадил, оққўнгил одамларга ғўлакдек кўринадиган бу ҳазиллар сенга замбарак ўқидек туюладиган бўлибди. Чинакам оқил одам бир гапни айтиб таҳқирлай олмаганидек, қизиқчи ҳамма нарсани таҳқирлагани билан ҳақоратлай олмайди.

Кизиқчи. Қизиқчиларни ёқлаб айтган сўзларинг учун Меркурий сенга ёлғонни қийиб юборишни ато қиласин.

Мария киради.

Мария. Бекам, дарвова тагида ёш бир йигит турибди, сизни кўрмаса бўлмасмиш.

Оливия. Герцог Орсионнинг одами бўлса керак?

Мария. Билмадим, бекам, чиройли, ёш йигит, аъёнлари ҳам бир талай.

Оливия. Ким унинг йўлини тўсяпти?

Мария. Амакингиз, бекам, сәр Тоби.

Оливия. Уни бошқа ёққа олиб кетинглар, бирор билан гаплашганда талмовсираб, алжиб қолади. Номусларга ўлдиради.

Мария кетади.

Бор, Мальволио, агар у герцогнинг әлчиси бўлса, мени бетоб, уйда йўқ, нима десанг деки, жўнат.

Мальволио кетади.

Ҳазилларинг сийқаланиб, жонга текканини кўрдингми?

Қизиқчи. Ҳозиргина, бекам, худди тўнгич ўғлинг қизиқчи бўлиб туғиладигандай ёқлаган эдинг. Илоҳи, Юпитер унинг миясини иликка тўлдирсин. Бўлмаса қариндошларингдан бирининг ріа матери¹ лиқиллаб турибди. Ана ўзи ҳам қеляпти.

Сэр Тоби киради.

Оливия. У чиндан ҳам ширакайф. Эшикдаги ким, амаки?

Сэр Тоби. Асиљзода.

Оливия. Асиљзода? Қанақа асиљзода?

Сэр Тоби. Ўша асиљзода... (Ҳиқиҷоқ тутади.) Сиркалланган балиқнинг падарнига лаънат! Нега тиржаясан, каллаварам?

Қизиқчи. Марҳаматли сэр Тоби...

Оливия. Амаки, ҳой амаки, ҳалитдан маст бўлиб олганингиёни қаранг-а!

Сэр Тоби. Яхлитдан маст? Йўғ-э, яхлит эмас, чаал! Дарвозада аллаким юрибди.

Оливия. Аллаким... Ким, ахир?

Сэр Тоби. Менга деса иблиснинг ўзи бўлмайдими! Мен ёлғон гапиравмидим. Боринглар-э. (Кетади.)

Оливия. Мастни нимага ўхшатса бўлади?

Қизиқчи. Аҳмоққа ҳам, жиннинга ҳам, сувга чўкиб ўлган одамга ҳам ўхшатса бўлади. Меъёридан бир қултум ортиқ исча — аҳмоқ бўлади, икки қултум исча — жинни бўлади, уч қултум исча — чўқади кетади.

Оливия. Миршабни чақириб кел, амакимни кўриб қўйисин, чунки у учинчи даражага етиб, гарқ бўлибди. Бор, унга кўз-кулоқ бўл.

Қизиқчи. Йўқ, маликам, у ҳозирча эсини еган, холое, энди аҳмоқ жиннини парвариш қиласди. (Кетади.)

Мальволио қайтиб келади.

Мальволио. У йигитча онт ичib, маликани албатта кўришим керак, деяпти, бекам. Сизни, бетоблар десам, у: хабарим бор, шунинг учун мулоқотларини истайман, дейди. Сизни, ухляяптилар, десам, бундан ҳам хаба-

¹ Лотинча: мияси.

ри бўлса керак, шу туфайли ҳам кўришим керак, дейди. Жавоб тополмай қолдим, бекам. Ҳар бир баҳонага жавоб тайёр.

Оливия. Бекамни барибир кўролмайсиз, де.

Мальвolio. Шундай ҳам дедим, лекин у, миршабхона эшигининг чироқпоясидан дарвозаларингда қоқилиб туравераман, курсига поя қилиб юборсаларингиз ҳамки, кўрмасдан кетмайман, дейди.

Оливия. У қанақа жинсдан?

Мальвolio. Эркак жинсидан.

Оливия. Эркакнинг қанақа туридан?

Мальвolio. Жуда ҳам қўрс. Сиз истасангиз, истамасангиз олдингизга кириб келади чамамда.

Оливия. Турқи таровати қанақа, ёши нечаларда?

Мальвolio. Балоғатга етган деб бўлмайди-ю, болалиқдан ўтган, ундан ҳам әмас, бундай ҳам әмас, ўтраси. Истараси иссиққина, тили бийронгина. Ҳар қалай она сути оғзидан кетмаган.

Оливия. Кирса кира қолсин. Лекин аввал жориямни ҳам чақир.

Мальвolio. Мария, бекам чақиряптилар. (Кетади).

Мария киради.

Оливия. Ёпинчигимни бер, юзимга тутиб қўй. Ори синонинг әлчисини яна бир марта әшитсак әшитайлик.

Виола аъёнлар билан киради.

Виола. Бу уйнинг илтифотли бекаси қайси биринчи гиз?

Оливия. Менга мурожаат қиласкеринг, сизга мен жавоб бераман. Хизмат?

Виола. Ой юзли, шакар сўзли, оламда танҳо гўзал, айтинг-чи, сиз чиндан шу уйнинг бекаси бўласизми? Мен у соҳибжамонни ҳеч қачон кўрмаганман ва нутқим беҳуда кетишини асло истамайман, зотан у нутқ моҳирона иншо өтилганидан қатъи назар, уни ёдлаб олиш ҳам ҳазири кам заҳмат бўлмади. Жононгиналарим, мендан кула кўроманглар, таъбим ниҳоятда нозик, заррача ҳурматсизликни ҳам кўтаролмайман.

Оливия. Сиз қаердан келдингиз, афандим!

Виола. Мен сизга ёдлаб олганимдан ортиқча сўз айтолмайман, сиз берган савол эса, менинг ёдлаган ро-лимда йўқ. Олижаноб хоним, шу уйнинг бекаси экәнли-гингизга ақалли бирон далил кўрсатинг, бўлмаса нутқим-ни ифода этолмай турибман.

Оливия. Сиз ўйинчимисиз?

Виола. Йўқ, кўнглим жавҳари, ундаи эмас. Аммо макру найранларнинг барча чигиллари ҳаққига онт ича-манки, дарҳақиқат, кўриб турган одамингиз эмасман. Уй бекаси сиз бўласизми?

Оливия. Ўз ҳуқуқларимни ўз зиммамга оғдириб ол-маётган бўлсан — мен бўламан.

Виола. Агар уй бекаси чиндан ҳам сиз бўлсангиз, зимманингизга жуда катта вазифа олган бўласиз, бунга са-баб шуки, ўз иродангиз билан инъом қилишингиз мум-кин бўлган нарсани инъом қиласлик қўлингиздан келмай қолади. Лекин мен ваколатим доирасидан чиқиб кетдим. Мен аввал сизнинг шаъннингизга мадҳиямни ўқиб, кейин муддаога кўчаман.

Оливия. Мен сизни мадҳия ўқишдан озод қиласман, гапни муддаодан бошлайверинг.

Виола. Эҳ, афсус! Мен у шоирона нутқни ёдлаб олиш учун озмунча меҳнат сарф қиласмаган эдим-ку.

Оливия. Сохта эканлиги шундан ҳам кўриниб ту-рибди, ўзингизга сийлов. Дарвозам олдида қўрслик қил-ганингизни эшилдим. Сизни бу ерга киритишдан мақса-дим — сўзингизни эшитиш эмас, ўзингизни бир кўриб қўйиш эди. Агар эсингиз бўлмаса кетаверинг, агар ақ-лингиз расо бўлса — гапни қисқа қилинг. Фижиллашиб ўтиргани хушим бўлмайроқ турибди.

Мария. Елканларингизни кўтариб равона бўласиз-ми? Тўрт томонингиз очиқ.

Виола. Йўқ, денгизчи биродар, кемам бу кўрфаз-дан ҳали жилмайди. Бу зўравонингизни сал жиловлаб қўйинг, гўзал маликам.

Оливия. Гапиринг, муддаонгиз нима?

Виола. Мен элчиман.

Оливия. Бирорта разил топшириқ билан келгансиз шекилли, айтолмай қийналяпсиз. Қани, ишга кўчининг.

Виола. Бу гап биргина сизнинг қулоқларингизга тааллуқли. Мен уруш очгани ҳам, бож-хирож талаб этгани ҳам келган әмасман. Қўйлимда — зайдун новдаси. Сўзларим ва муддаом — омонлик, осойишталиқдан иборат.

Оливия. Аммо гапни одоб билан бошламадингиз.
Кимсиз? Муддаонгиз нима?

Виола. Агар мен одобсиэлик қилган бўлсан, сабаби
бу ердагиларнинг муомаласи. Менинг кимлигим ва муд-
даом қиз иффати каби сирли. Бу сирга сиз — маҳрам,
бошқалар — номаҳрам.

Оливия. Бизни холи қолдиринглар. Қани, ўша сир-
га маҳрам бўйайлик.

Мария ва аъёнлар чиқиб кетадилар.

Хўш, афандим, қайси мавзуда сўзлашамиз?

Виола. Эй гўзаллар маликаси...

Оливия. Бошланиши зўр: бу хилдаги гап узун бў-
лади. Асли мавзу қаерда?

Виола. Орсинонинг кўксидা.

Оливия. Кўксидা? Кўксининг нечанчи бобида?

Виола. Аниқ жавоб берсам — қалбининг биринчи
бобида.

Оливия. О, мен бу бобни ўқиганман. Қуруқ сафсата.
Менга айтадиган бошқа гапингиз йўқми?

Виола. Гўзал маликам, жамолингизни бир кўрсам.

Оливия. Наҳотки, хўжангиз сизга менинг юзим би-
лан музокара олиб боришини топширган бўлса? Сиз мавзуд-
дан четга чиқиб кетдингиз. Майли, пардан суреб, лав-
ҳани кўрсата қолай. (*Ёлинчиқни олиб ташлайди.*) Қаранг:
мен ҳозир чиндан ҳам мана шундайман. Қалай, рассомнинг
иши чакки әмасми?

Виола. Агар шунинг ҳаммасини ҳақиқатан ҳам худо
яратган бўлса, бекиёс.

Оливия. Бўёғи асиљ: уни на ёмғир ўчиrolади, на
шамол.

Виола

Табиатнинг нозик, сеҳргар қўли,
Атру нилуфардан бир гул ясадби.
Ранги, товланиши тиниқ, мусаффо,
Графиня, агар жамолингизни
Қабрингизга олиб кетсангиз, агар
Дунёнига нусха қолдирмасангиз,
Ягона бўласиз шафқатсиэликда.

Оливия. О, мен унчалик шафқатсиэ бўлмоқчи
әмасман, афандим. Мен ҳусним жадвалини тузаман, Уни

қоғозларга кўчиртираман ва унинг ҳар бир парчаси, ҳар бир заррасини васиятномага илова қиласман, мана, ўша қоғоздан тасвир: биринчидан, лола ранг лаблар, иккинчидан, иккита нилий кўз ва буларнинг киприклари, учинчидан, битта бўйин, битта бағбақа ва ҳоказо. Сизни шуларга нарх қўйишга юборишганми?

Виола

О, сизни чинакам кўриб турибман,
Гурурингиз чексиз. Аммо рост гап шу,
Иблис бўлсангиз ҳам, соҳибжамолсиз,
Менинг ҳукмдорим, синъора, сизни
Бутун қалби билан яхши дўради.
Агар, Оливия, бошингиз узра
Ярқираб турса ҳам гўзаллик тожи
Бундай муҳаббатни сиз эътибордан
Четда қолдиришга ҳақли эмассиз.

Оливия

У қандай севади?

Виола

Кўз ёши дарё,
Қалби ўт ичида, оҳ урганида,
Оҳидан муҳаббат учқуни сачрап,
Ҳурмати, таъзими таърифдан баланд.

Оливия

Мен уни севмайман, сева олмайман,
Буни герцог жуда яхши билади.
Зотан, мен герцогни олижаноб зот,
Оқкўнгид, бадавлат, мард киши дейман.
Унинг айни жўшқин, навқирон фасли,
Қайноқ ёшлигига доғ туширмаган.
Табиат гўзал бир шаклга гўзал —
Мазмун бағишилаган. Шундай бўлса ҳам,
Мен сева олмайман. У аллақачон
Буни пайқагандир.

Виола

Агар мен сизни
Хўкмдорим каби жоним қийналиб,
АЗобда ўртаниб, қизгин севсайдим,
Кибр устидаги рад жавобингиз
Ҳеч қаидай матьнога эга бўлмасди.
Уни тушунмаган бўлардим.

Оливия

Шунда
Нима қилардингиз?

Виола

Мажнун толлардан
Мен остоангиэга кулба қурардим,
Маликамга туи-кун хитоб қилардим.
Қўшиқлар тўқирдим севгим ҳақида
Ва тун сукутида баланд куйлардим.
Номингиз адирлар устида янграб,
Тик тоғдан қайтарди бир акси садо
«Оливия!..»
Токи фарёдимга қалбингиз эриб,
Шафқат енгунича на ер, на осмон
Сизга бир лаҳза ҳам ором бермасди.

Оливия

Балки, етардингиз мақсадингизга!
Айтинг, қаерликсиз?

Виола

Наслу насабим
Анча юқоридир кўринишимдан
Ва лекин тақдирдан шикоятим йўқ,
Мен асильзодаман.

Оливия

Қайтинг, изингизга,
Хўкмдорингизнинг ҳузурига. Мен
Уни севолмайман. У бундан буён

Элчи юбормасин. Фақат... Фақат сиз
Менинг жавобимни Орсино қандай
Қабул қилганидан хабар беришга
Келсангиз — бу тамом бошқа гап. Хайр!
Хизматингиз учун ташаккур. Мана,
Мендан эсдалик.

(*Виолага ҳамён узатади.*)

В и о л а

Йўқ, бекитиб қўйинг,
Мен дастёр әмасман. Сиздан мукофот
Менга әмас, балки герцогга керак.
Синьора, сиз севган қишининг қалби
Ўтда ҳам әrimас тошга айлансин!
Орсино ишқини тан олмадингиз,
У ҳам севингизни рад этсин тамом!
Бағри тош гўзаллар гўзали, хайр!

(*Кетади.*)

О л и в и я

«Айтинг, қаерликсиз?»
«Наслу насабим
Анча юқоридир қўринишидан
Ва лекин тақдирдан шикоятим йўқ;
Мен асилизодаман».

Онт ичаманки,
Бу гап рост. Қиёфанг, ҳар бир қадаминг,
Мардлигинг, сўзларинг ва қадду бастинг —
Ҳаммаси насабинг муҳридай равшан.
Оливия, шошма, юрагингни бос,
Оҳ, агар шу дастёр ҳукмдор бўлса!
Наҳотки, шунча тез сеҳрга учдим?
Навқирон элчи ўз жодуси билан
Кўзларим тубига ўрнашиб олди.—
Ким бор? Мальволио қайдасан?

М а л ь в о л и о киради.

М а л ь в о л и о

Лаббай, бекам, хизмат?

О л и в и я

Орқасидан чоп.

Орсинонинг ўжар әлчисини топ.
У зўрлаб бир узук қолдирди. Менга
Туҳфа керак әмас, унга шуни айт,
Яна герцогига хушомад қилиб,
Ёлғон умид билан лақиллатмасин.
У Оливияга ёр бўлолмайди.
Бунинг сабабини эртага тонгда
Элчи қайта келган чоғда айтаман.
Мальволио, югар!

М а л ь в о л и о

Хўп, графиня.

(Кетади.)

О л и в и я

Нима қилиб қўйдим, эсим қаёқда?
Кўзларим парвозда, ақлим тузоқда.
Начора, инсонга қисмат ҳокимдир,
Неки деса, қабул этиш лозимдир!

(Кетади.)

П А Р Д А

ИККИНЧИ ПАРДА

БИРИНЧИ САҲНА

Денгиз соҳили. Себастьян билан Антонио кирадилар.

Антонио. Демак, ортиқ қолишни истамайсанми?
Бўлмаса, сен билан бирга бора қолай?

Себастьян. Хафа бўлма, бирга боришингни истамайман. Тепамда юлдузим кулиб боқмаяпти. Тақдир менга шу қадар адоват билан қарайяпти, сенга ҳам касри урмаса деб қўрқаман. Шу сабабдан илтимос қиласманки, кулфатимни ўзим тортай. Агар мен сени кулфатларимга шерик қиласам, меҳр-оқибатинг эвазига ёмонликни раво кўрган бўлардим.

Антонио. Ҳеч бўлмаса, қаёққа боришингни айт.

Себастьян. Йўқ, йўқ, айтмайман. Менинг саёҳатим — дарбадарликдан бошқа нарса әмас. Аммо сен шу қадар камтар әкансанки, ҳануз яшириб келган сиримни суриштирумадинг, эҳтиромингга қойил қолиб, буни сенга ўзим айтиб бераман. Сенга айтсам, Антонио, мен сенга ўзимни Родриго деб таништирган бўлсан ҳам, аслида номим Себастьян. Мессалалик Себастьян менинг отам бўлганки, таърифини ўзинг ҳам эшитгандирсан. Ундан икки бода — ақа-сингил әгизаклар қолганмиз. Эвоҳ, нечун тақдир иккимизнинг жонимизни бир йўла олиб қўя қолмади? Бунга сен ҳалал бердинг: сен мени қутурган пўртаналар қаъридан тортуб олганингдан бир соат аввал шўрлик синглим гарқ бўлган эди.

Антонио. Е раббий!

Себастьян. Синглим менга айнан ўхшаса ҳам, кўплар уни ҳақиқий соҳибжамол дейишарди. Мен одамларнинг бундай мақтовларига қўшила олмасам-да, аммо шу-

ни дадил айта оламанки, ҳатто ҳасаднинг ўзи ҳам синглиминг қалбини гўзал дейишга мажбур эди. Синглим аччиқ сувга ғарқ бўлди, мен эса ҳамон унинг ёдини аччиқ кўз ёшларим билан юваман.

Антонио. Мени афв эт, сенга дурустроқ хизмат қиласа олмадим.

Себастьян. О, меҳрибои Антонио, шунча ташвиш ортирганим учун мени сен афв эт.

Антонио. Агар дўстлигим әвазига мени қатл әтишга қасд қилмаган бўлсанг, ижозат бер, хизматкоринг бўлай.

Себастьян. Агар сен бебаҳо илтифотингни кўкка совуришни, яъни ҳаётини сақдаб қолган кишининг қайтадан ўлдиришни истамасанг, бундан оғиз очма. Видолаша қоламиз. Юрагим тўлиб турибди. Мен бу жиҳатдан онамга ўхшаб кетаман, сал нарсага кўзларим сиримни билдириб қўяди. Мен герцог Ореино саройига бораман. Жайр!

(Кетади.)

Антонио

Юрган йўлларингда худо ёр бўлсин,
Орсино саройи ёвим бўлмаса,
Сени кўтар әдим зум ўтмасданоқ,
Аммо илож қанча? Учиб бораман,
Хатарлар қўйнига дадил кираман.

(Кетади.)

ИККИНЧИ САҲНА

Кўча. Виола кўринади, унинг кетидан **Мальволио** пайдо бўлади.

Мальволио. Ҳозиргина графиня Оливия ҳузуридан чиққан одам сиз әмасмидингиз?

Виола. Ҳа, ҳозиргина ўша ердан чиқиб, битта-битта юрганча әнди шу ерга етиб келдим.

Мальволио. Графиня шу узукни сизга қайтариб юборди. Сиз буни ўзингиз ола чиқсангиз, мени бу ортиқча ташвишдан халос қилган бўлардингиз. Бундан ташқари, графиня, сиздан илтимос қиладики, герцогингизга бориб тушунтиармишисиз, бекамиз унинг таклифини узил-кесил рад этди, хуллас, умидини батамом узсин. Яна бир гап шуки, герцогингизнинг топшириқлари билан графиня ос-

тонасига қадам қўя кўрманг. Мабодо герцог бу хабарни қандай қабул қилганини айтиш учун ўзингиз келсангиз — унда бошқа гап. Вассалом!

Виола. Мен унга узук берган әмасман, қайтариб олмайман.

Мальвлио. Менга қаранг, сиз узукни унга қўрслик билан улоқтирибсиз, у ҳам буни сизга шу тариқа қайтарди. (Узукни ерга ташлайди.) Бу матоҳ әгилиб ердан олишга арзиса, оларсиз, бўлмаса буюрган одам олиб кетар.

(Кетади.)

Виола

Таажжуб, мен унга узук бермадим,
Бунинг сири нима? Э, парвардигор!
Наҳот шайдо бўлди у мени кўриб,
Шундай тикилдики, кўзлари ёниб,
Сўзидан адашди, тили гўлдираб,
Мени севиб қолди — бунга шубҳа йўқ.
Эзма чопарини юборгани ҳам
Айёрликдан бошқа бир нарса әмас.
Герцог унга узук юбормаган-ку!
Унинг мақсади — мен. Агар бу тахмин
Рост чиқса менимас, тушни севсин у!
Э, чеҳра! Наҳотки макр тузофисан,
Иблиснинг қўлида омонсиз қурол!
Агар шундай бўлса, мунофиқлар ҳам,
Ташқи гўзаллиги билан қизларнинг
Қалбини сеҳрлаб қўйиши мумкин!
Бунда айб биздамас, аксинча, бизнинг
Ожизлигимиз, соддалигимиизда.
Табиат шу хилда яратган. Эвоҳ,
Бу ишнинг охири нима бўлади?
Орсино севади Оливияни,
Орсинога менинг хаёлим мафтун,
Оливия әса мени билмасдан,
Мұҳаббат қўйибди. Энди не қилдим?
Агар йигит бўлсам, мен Орсинонинг
Севгисига умид боғлайолмайман.
Агар қиз бўлсам-чи? Эвоҳ, бечора,
Оливия чеккан азоблар бекор!
Бу жумбоқ мен учун жуда ҳам чигал,
Уни еча олур фақат вақт тугал!

(Кетади.)

УЧИНЧИ САҲНА

Оливия уйи. Сәр Тоби ва сәр Эндрю кирадилар.

Сәр Тоби. Бери кел, сәр Эндрю! Ярим кечагача ётмаган одам каллаи саҳарлаб турган ҳисобланади. Биласанми, diluculo surgere...¹

Сәр Эндрю. Йўқ, худо ҳаққи, билмайман. Мен фаяқат кеч ётишнинг маъноси — кеч ётиш эканини биламан.

Сәр Тоби. Бу хуносанг хато. Бунақа хуносалар бўшшишадай жонимга теккан. Ярим кечадан оққандада ётган киши эрта ётган бўлади, демак, каллаи саҳарлаб ётган бўлади. Зотан, ҳаётимиз тўрт унсурдан дейишади-ку.

Сәр Эндрю. Эшитганман. Шундай дейишади. Лекин, менимча, ҳаётимиз икки унсурдан: ейишу ичишдан иборат.

Сәр Тоби. Ақлингга балли, донишманд! Қани бўлмаса, юр, ичайлик. Ҳей, Мария, май келтир!

Кизиқчи киради.

Кизиқчи. Ҳорманглар, дўумбоқлар! «Уч улфатмиз» деган лавҳани кўрдингларми?

Сәр Тоби. Ҳўш, кўрдик, овсар! Бир ялла айтайлик.

Сәр Эндрю. Худо ҳаққи, бу аҳмоқнинг овози зўр. Агар шу довдирнинг кекирдагидек сернаъма кекирдагиму, унинг оёғига ўҳшаган оёғим бўлса, қирқ шиллингга ҳам алишмасдим. Биласанми, кеча кечаси Пигромитус билан Квеубус минтақасини кесиб ўтган вапианларни² ҳикоя қилганингда роса лақиллатдинг. Ўлай агар, жуда тузладинг. Мен дўндингга берарсан деб олтитагина пенс юборган эдим, олдингми?

Кизиқчи. Совғани қўлига топширдим, чунки Мальвонионинг бурни ис билгани билан, тополмайди, дўндиғимнинг қўли узун, мирамидонларни³ майхонага йўлатишмайди.

Сәр Эндрю. Қойил! Ҳазилни қотирдинг. Қани, ашудани ол!

Сәр Тоби. Ҳа, айтавер, мана сенга олти пенс. Бошла!

Сәр Эндрю. Ма. Мендан ҳам, жўмард жўмардни кўриб...

¹ Лотинча: «Әрта туриш — фойдали» деган мақолнинг боши.

² Уйдирма номлар.

³ «Илиада»да Ахилл аскарлари.

Қизиқчи. Сизларга қанақа ашула ёқади — ишқий-
сими ёки ахлоқийсими?

Сәр Тоби. Ишқий ашула! Ишқий ашула!

Сәр Эндрю. Ҳа! Ахлоқийсими бошимга ураманми?

Қизиқчи

(Күйлайди.)

Жоним, қайларда юрибсан?

Мени унугиб қўйибсан,

Кутаман танҳо.

Нега кўзлайсан йироқни?

Бас қил ҳижрону фироқни,

Кийнама аслол

Сәр Эндрю. Ҳудо ҳаққи, қойил!

Сәр Тоби. Қойил! Жуда соз!

Қизиқчи

(куйлайди)

Ишқ қайда? У на осмонда,

На қирда, на узоқ ўрмонда,

Чақир, у келар,

Лалайсанг — етолмайсан,

Бўсани тополмайсан,

Интил, у келар!

Сәр Эндрю. Насли насабим ҳақига онт ичаманки овози ширави!

Сәр Тоби. Шу билан бирга муаттар.

Сәр Эндрю. Ҳа, ҳа, ширави, муаттар.

Сәр Тоби. Агар уни димогинг билан эшитсанг, ўқи чиб, ичак-чавогинг ағдарилиб чиқади. Ҳўш, яллани кўтар майликми, осмону заминни ларзага келтириб? Шунақ авжга чиқайликки, бойқушларни уйғотиб, гарангларни ўтакасини ёрайлик. Бўптими?

Сәр Эндрю. Албатта. Агар мени яхши кўрсангиз лар, яллани баравар оламиз. Ялла айтишда ҳеч ким менниг олдимга тушолмайди.

Қизиқчи. Тушолмайди, деб ўпканг тушмасин.

Сәр Эндрю. Ҳақ гап. «Жим муттаҳам!» деган ялла ни оламиз.

Қизиқчи. «Жим, муттаҳам!» У тақдирда мен жанобларини муттаҳам дейман-да?

Сәр Эндрю. Бе, буни энди әшитаётганим йўқ. Болал, довдир. Биринчи сўзи: «Жим!»

Қизиқчи. Жим туришим керак бўлса, бошлаёлмайман!

Сәр Эндрю. Қойил! Худо ҳаққи, жуда соз! Болаласанг-чи!

Ялла айтишади. **Мария** киради.

Мария. Мов бўлган мушукларнинг миёвлашини қаранглар-а! Агар бекам эшик оғаси Мальволиони чақиритиб, сизларни ҳайдаб чиқаришни буюрмаган бўлса, отими ни бошқа қўяверинглар.

Сәр Тоби. Беканг хабашнамо аёл. Мальволио эскии муручдон, биз бўлсак учта хушчақчақ улфат. (*Куйлайди.*)

«Биз хушчақчақ уч улфат!»

Хўш, нима, мен унинг амакисимасманми? Бека билан менинг қоним бир әмасми? (*Куйлайди.*)

«Бобилда бир одам бор әкан,

Бекачаси унга ёр әкан».

Қизиқчи. Қойил, жаноблари роса очиляптилар.

Сәр Эндрю. Тўгри, сәр Тоби илҳом келганда бунақа ишларни дўндириб ташлайди. Меники табиийроқ чиқади.

Сәр Тоби

(*куйлайди*)

«Ўн иккинчи декабрь, оқшом...»

Мария. Худо ҳаққи, бас қилинг.

Мальволио киради.

Мальволио. Эсларингни едингларми, жаноблар? Бунима шовқин? Ақл-хушларингиз, одобларингиз, виждорларингиз борми? Ярим кечадан оқсан бўлса-ю, ямоқчидарга ўхшаб шангилласанглар, худди майхонада давра қурған тикувчиларга ўхшаб бўкирганча беҳаё қўшиқларни айтрасизлар. Наҳотки бекам билан унинг хонадонига ҳурматсақламасангизлар, тартиб деган нарсани биласизларми, ахир?

Сәр Тоби. Кечирасиз, афандим, аммо лекин ашуданнинг тартибини келтириб айтапмиз. Умуман, овозингизни ўчиринг.

М а л ь в о л и о. Сэр Тоби, мен сиз билан очиқчасига гаплашишга мажбурман. Графиня менга ваколат бериб айтдиларки, гарчанд сиз бекамиэнинг хонадонида қариндош сифатида истиқомат қилиб турсангиз ҳам, бу тўпалонларингизга тоқат қилолмайдилар. Агар ножӯя ҳаракатларингиздан кечсангиз, бекамизнинг уйи сизга очиқ, борди-ю, бекамиздан воз кечадиган бўлсангиз у киши ҳам баҳрингиздан ўтиб қўя қоладилар.

С э р Т о б и
(*куйлайди*)

«Алвидо, жонгинам! Кетай, алвидо!»

М а р и я
Ҳурматли сэр Тоби, қўйинг!

К и з и қ ч и
(*куйлайди*)

«У толди, қўнглида ором муддао».

М а л ь в о л и о.
Бу қандай кўргилик!

С э р Т о б и
(*куйлайди*)

«Яшайсан, ошна, ўлмайсан аслол!»

К и з и қ ч и
(*куйлайди*)

«Йўқ, оғайни, сўэларинг ёлғон!»

М а л ь в о л и о
Ана холос, шу ҳам одобданми?

С э р Т о б и
(*куйлайди*)

«Уни боплаб ҳайдамоқ лозим».

К и з и қ ч и
(*куйлайди*)

«Нега? Бунда тураверсин жим».

Сэр Тоби

(куйлайди)

«Муттаҳамни қувинглар, тамом!»

Қизиқчи

(куйлайди)

«Бу қўлингдан келмайди, ишон!»

Сэр Тоби. Тартибдан адашиб, янгишдинг, афандим. Ҳой, сен кимсан ўзинг? Бор-йўғи эшиқ оғасимисан? Ҳўш, мақсадинг нима? Сен шунаقا авлиё бўлсанг бошқалар ҳам ичмаслиги, оғзини тикиб қўйиши керакми?

Қизиқчи. Биби Анна ҳаққига онт ичаманки, ვанжабилли пиво ҳам оғизга хўб хуш ёқади-да.

Сэр Тоби. Гапинг рост. Қани, афандим, жўна. Ҳўрзилингни бошқа хизматкорларга қил. Қани, Мария, бизга май келтир!

Мальволио. Агар сен, Мария, графинянинг марҳаматини қилча қадрласанг, бу саёқларнинг тегирмонига ёув қўймаган бўлардинг. Онт ичаманки, бу гап графиняга бориб етади. (Кетади.)

Мария. Тўёғингни шиқиллат, шалпанг қулоқ!

Сэр Эндрю. Уни дуэлга чақирсанг-да, тайинлаган ёрга бормай, аҳмоқ қилсанг, роса ҳангома бўларди-да. Шундай қилган одам, оч қоринга май ичганини савобини топарди.

Сэр Тоби. Ўша савоб сенга буюрсин, баҳодир. Мен сенинг талабингни қофозга ёзиб бераман ёки ранжиганингни унга оғзаки айтаман.

Марҳаматли сэр Тоби, ақалли шу кечаги сабр қилинг. Бугун гердогнинг әлчи йигитчаси бекамиз билан сұхбат қилиб кетганидан бери у кишининг тоқатлари тоқ бўлиб қолди. Мальволио афандини менга қўйиб берининглар. Агар мен уни калака қилиб, ҳамманинг қулгисига қўймасам, мени қип-қизил аҳмоқ деяверинглар. Мен унинг туриш-турмушини биламан, хотиржам бўлинглар.

Сэр Тоби. Қани айт, айт! Сен уни ким деб ўйлайсан?

Мария. Баъзан юриш-туриши серғалва пўртанага ўхшаб кетади,

Сэр Эндрю. О, агар мен унинг шунақалигини билсам, бошига ит кунини солардим!

Сэр Тоби. Йўғ-э? Фақат пуритан бўлгани учун-а? Қандай асосли баҳоналаринг бор, марҳаматли баҳодир?

Сэр Эндрю. Баҳонам йўқдиру, аммо бошқа далилларим етарли.

Мария. Жин урсин, пуритан бўлса у! На у ёқли, на бу ёқли, ўрта йўлда қолган хушомадгўй. Саройбоп сўзларни ёдлаб олиб, қироат билан ҳиринглайдиган олифта эшак. Ўзига шу қадар бино қўйганки, турган-битганим ақл, мени бир кўрган хотин — ошиқ-беқарор бўлиб қолади, деб ўйлади. Мен унинг ана шу кибрини қасосимга нишон қилиб оламан.

Сэр Тоби. Қани, учини чиқаравер!

Мария. Мен унинг йўлига сирли бир муҳаббат хатини ташлаб қўяман. Хатда бўялган сочига, қийшиқ оёғига, қадам босиши, кўзлари, пешанаси, башарасига ишора қиласман. У ўзини дарҳол таниб олади. Мен жиянгиз, графинямизнинг дастхатига ўхшатиб шунақа ёза оламанки, гоҳо, хатларимиз аралашиб кетса, қайси биримизники эканини таний олмай ҳам қоламиш.

Сэр Тоби. Жуда соз. Фаҳмим етиб турибди.

Сэр Эндрю. Менинг ҳам димоғим сезяпти.

Сэр Тоби. Мальволио мактубни менинг жияним ёзган, демак, ошиқи беқарор бўлган, деб лақиллади.

Мария. Ҳа, мен шу тариқа от ўйнатмоқчиман.

Сэр Эндрю. Отинг уни эшакка айлантириб қўяди.

Мария. У эшакни роса ҳалалаймиз.

Сэр Эндрю. Қойилмақом ўйин бўлади.

Мария. Роса хумордан чиқамиз. Хотиржам бўлинглар, мен берадиган дори унинг анча ҳоврини босиб қўяди! Икковларингизни, қизиқчини ҳам қўшиб, яқин орага яшириб қўяман, доримнинг қандай амал қилишини ўз кўзларингиз билан кўрасизлар. Энди ётиб ухланглар, шу эрмаклар тушларингизга кирсин. Яхши қолинглар. (Кетади.)

Сэр Тоби. Хайрли тун, Пентезилея!¹

Сэр Эндрю. Улиб кетай агар, бебаҳо қиз!

Сэр Тоби. Асил този. Менга «беш» кетган. Аммо гап бунда әмас.

Сэр Эндрю. Менга ҳам биттаси «беш» кетган әди!

¹ Афсонада чавандоз аёллар маликаси.

Сэр Тоби. Юр, баҳодир, кетайлик. Уйингдан яна пул олдириб келмасанг бўлмайди.

Сэр Эндрю. Агар мен сенинг жиянингга уйланмасам қайигим лойга ботиши турган гап.

Сэр Тоби. Пулни олдириб келавер-чи, у ёғи бир гап бўлар. Мабодо жияним сенга тегмаса, мени думсиз ахта деб сўка қоларсан.

Сэр Эндрю. Агар шундай деб сўкмасам, отимни бошқа қўяман. Гап тамом.

Сэр Тоби. Юр энди! Бўза қайнаб ётибди. Тонг отяпти, уйқу ҳаром. Юр, баҳодир, тортамиз.

Кетадилар.

ТУРТИНЧИ САҲНА

Герцог саройи. Герцог, Виола, Курио ва бошқа аъёвла маркирадилар.

Герцог

Хей, куйни бошланглар!—
Хайрли кун, дўстлар!
Меҳрибон Цезарио, кечаке кечаси
Айтишган қадими, тўпор қўшиқни
Яна бир айтишсин. Бизнинг бемаъни
Асримизга ёқиб қолган тумтароқ
Овозлар таъсириз, аммо у қўшиқ
Дардимни юмшатди, руҳим қувонди,
Фақат бир, биргина бандин айтсинлар!

Курио. Афв этинг, саодати олийлари: у қўшиқни айтган киши ҳозир бу ерда йўқ.

Герцог. Уни ким айтган эди?

Курио. Графиня Оливиянинг отасига ҳамиша ҳамроҳ бўлиб юрадиган қизиқчи Фесте. Аммо уни топиш мумкин, шу яқинда ўралашиб юрган бўлса керак.

Герцог. Топинглар. То унга қадар ўша қўшиқнини хуйини чалинглар.

Курио кетади.
Музика чалинади.

Цезарио, сен ҳам бир кун севарсан,
Ширин дард чекканда мени эслаб қўй.
Ҳамма ошиқлар ҳам мендай беқарор,

Жўшқин кўнгиллари бетин, беором.
Фақат маъшуқанинг нурли сиймоси
Уларнинг дилига муқаррар йўлдош.
Хўш, сенга ёқадими куй?

В и о л а

Жуда гўзал!
У куйнинг,
муҳаббат заррин тахтига
Бориб урилгандай акс садоси.

Г е р ү о г

Офарин! Сезгувчи кўнгил дардини
Нозик тасвириладинг. Сен ёш бўлсанг ҳам
Нозанин кўзига сирли тикилиб,
Жавоб сўрагансан ишқ саволига.
Ё, шундай эмасми?

В и о л а

Шундай, ҳукмдор.

Г е р ү о г

У гўзал ким?

В и о л а

Сизга жуда ўхшайди.

Г е р ү о г

Демак, арзимайди сенга.
У ёшми?

В и о л а

Сизга тенг, чамаси.

Г е р ү о г

Э, қари әкан!
Хотин әрдан ёшроқ бўлиши керак,
Шунда у эрини ўзинга боғлаб,
Қалбига малика бўла олади.
Цезарийо, сен — биз, өркаклар, қанча —
Мақтанимайлик, аммо хотин ишқидан
Ишқимиз ювошроқ, вафомиз бўшроқ,
Харҳашамиз ҳам кўп.

В и о л а

Тўғри айтасиз.

Г е р ү о г

Ўзингдан ёшроқни танла, йигитча,
Шундай қилмасанг ишқ барбод бўлади.
Хотин худди бир гул,
очилмасданоқ,
Барги тўкилади, дарҳол сўлади.

В и о л а

Ҳақ гап. Хотинларнинг қисмати шундай,
Кўз ёшдан иборат бир онли умри,
Улар очилмасдан ҳазон бўлади.

Куро Кизиқчини бошлаб келади.

Г е р ү о г

Оғайнини, тундаги қўшиғингни айт!
Цезарийо, тингла, жуда оддий куй!
Қирда ғалла ўрган аёллар ёки
Жувонлар айвонда пайпоқ тўқиркан
Уни айтишади, жуда тўпори,
Соф ишқ ҳақидаги қадимги қўшиқ.

К изиқчи

Бошлайми?

Г е р Ҽ о г

Илтимос қиласман, куйла.

Қ изиқ чи

(куйлайди)

Ә, ажал, кел тезроқ, кел тезроқ,
Тобугим әмандан, қаттиқдир!
Ә, жоним, чиқ тезроқ, кет йироқ,
Гүзаллик жаллоддан ортиқдир.

Духоба ёпинглар тобутга,
У менга сўнгги тўй, сўнгги тож!
Муҳаббат оғатдир йигитга,
Беролмай қолади у бардош.

Бас, рангсиз, ҳаётсиз танамни
Анвойи гулларга кўммангиз.
Бас қилинг, ёронлар, аламни,
Тобутга бошингиз әгмангиз!

Мурдамга босинглар тупроқни,
Қабримдан нарироқ қочинглар.
Тўхтатинг кўз ёши, фироқни,
Оҳ чекиб келмасин ошиқлар!

Г е р Ҽ о г. Ма, хизматингга ол!

Қ изиқ чи. Бу хизмат әмас, тақсир, мен ашула айт-
сам ҳузур қиласман.

Г е р Ҽ о г. Ундаи бўлса, ҳузур қилганинг учун ол!

Қ изиқ чи. Бу бошқа гап, ҳузур қилганлар ахир бир
кун шу ҳузурнинг ҳисоб-китобини қилиб қўйишлари ке-
рак бўлади.

Г е р Ҽ о г. Ана энди сенга жавоб.

Қ изиқ чи. Ҳафақонлик тангриси сени ўз паноҳида
асрасин ва ҳамда тиқувчи сенга товлама шоҳидан камзул
тикиб кийдирсин, чунки ғазаб тўла вужудингни фақат шу
юмшатади. Сендай чўрткесар одамларни дengизга юбо-
риш керак. У ерда одам ўз бошига не савдолар тушишини
 билмайди ва ҳар қандай тасодифга тайёр туришга маж-
бурур. Ҳа-да, қаёқга бораётганини билмаган одам таваккал
қилиб бораверади. Ҳайр, жаноблар! (Кетади.)

Г е р ү о г

Бизни қолдиринглар!

Курно ва аъёнлар чиқиб кетадилар.

Цезарيو, бор,
 Бағри тош гўзалга яна бир ёлбор,
 Унга айтки, менинг соф муҳаббатим
 Ер узра порлаган осмондай тиниқ.
 Менга на мулк керак, на қўлнинг кири —
 Олтин деб аталган ифлос бир маъдан.
 Унга айт, саодат бўлиб кўринган —
 Унинг бойликлари менинг наздимда
 Арзимас бир нарса;
 унга баҳт бўлиб —
 Кўринган хазина — менга баҳтсизлик.
 Мен унинг ҳуснига шайдо бўлганман,
 Унинг хазинаси — гул жамолидир,
 Руҳимни банд этган шу камолидир.

В и о л а

У сиәни севмайди. На чора?

Г е р ү о г

Бундай
 Жавобни мен қабул қила олмайман.

В и о л а

Қабул қилишингиз керак.
 Деяйлик,
 Сизни бошқа бир қиз юракдан севди
 (Ахир шунақаси бўлиши мумкин!)
 Оливияга сиз мафтун бўлгандек,
 Тун-кун унинг фикри хаёли сизда,
 Деяйлик, сиз уни сева олмайсиз
 Ва сиз буни унга очиқ айтасиз, —
 Ҳўш, у зор не қилсин,
 ради жавобингиз
 Қабул этмасликка иложи борми?

Г е р ү о г

Менинг қалбимдаги ишқ бўронининг
Зилэилаларига аёл кўкраги
Бардош беролмайди, бунча дард, фарёд
Сифмайди қизларнинг нозик дилига,
Улар бундай вафо қила олмайди.
Уларнинг ишқини жуда борганда
Шунчаки бир ҳавас деб аташ мумкин,
Севги жонидамас, фақат қонида.
Уларнинг тезлиқда тўйишига ҳам
Сабаб шу. Ва лекин менинг қалбим-чи?
О, худди денгиздай муҳаббатга оч,
Унинг эҳтироси сўнмайди асло!
Менинг юрагимда Оливияга
Жўш урган севгини бошқа бир қизнинг
Менга севгисига тенг қила кўрма!

В и о л а

Лекин биламанки...

Г е р ү о г

Нимани? Сўзла!

В и о л а

Қизларнинг севгиси, дарди, вафоси
Менга маълум. Қизнинг жажжи қалби ҳам
Бизнинг қалбимиздай севишга қодир,
Отамнинг бир қизи шундай севади.
Агар мен йигитмас, қиз бўлганимда,
Балки севар әдим сизни ўртаниб.

Г е р ү о г

Ўша қиз нақлини сўзлаб бер.

В и о л а

Умри

Тахи бузилмаган оқ қофоз ҳали,
Унинг муҳаббати ҳамон сир. У қиз

Ишқини ардоқлаб, оғиз очмаган,
Лекин бу сир гулга яшириңган қуртдай
Сўриб, гул юзини буткул сўлдириди.
Дарди ичида-ю, ранги заъфарон,
Бардошнинг мисслсиз тимсоли каби,
У ўз аламидан оғиз очмайди,
Дардни пардалайди табассум билан.
Хўш, бу ишқ эмасми?

Ҳа, биз эркаклар
Гапни дўндирамиз, бизга онт ичиш
Писта чақиш каби оддий бир нарса!
Ваъдани ўлчамай сочаверамиз,
ОНТИМИЗ улуғу севгимиз қуруқ.

Г е р Ҷ о г

Синглинг ишқ дардида куйиб ўлдими?

В и о л а

Ёлғиз мен — отамнинг барча қиэлари,
Барча ўғиллари ёлғиз мен... Лекин
Аниқ айттолмайман...
Дарвоқе, энди
Малика қасрига борай.

Г е р Ҷ о г

Тезроқ бор!
Буни ол. Унга бер.
Севишимни айт.
Кутаман. Ҳа, деган жавоб билан қайт!

Кетадилар.

БЕШИНЧИ САҲНА

Оливиянинг боғи.
Сэр Тоби, сэр Эндрю ва Фабиан кирадилар.

Сэр Тоби. Бу ёққа кел, синьор Фабиан.
Фабиан. Келяпман. Бу әрмакнинг заррачасидан бе-
баҳра қолгандан кўра хафақонлик қозонида тириклай қо-
вурилганим афзал.

Сэр Тоби. У ҳаромзоданинг бошдан-оёқ шарманда бўлишидан лаззатланмайсанми?

Фабиан. Бир қоп семираман! Айиқ ови қилиб юрибди, деб у мени бекага роса ёмонлагани әсингизда бўлса керак.

Сэр Тоби. Биз бугун унга айиқ ови қанақа бўлишини кўрсатиб қўямиз. Нима дединг, сэр Эндрю?

Сэр Эндрю. Агар шундай қилмасак, туриш-турмушимиз бир пул!

Мария киради.

Сэр Тоби. Ана шайтон қиз ҳам келди. Ҳўш, ҳинду ҳазинам, ишлар қалай?

Мария. Сизлар мана бу дараҳт орқасига беркининглар. Мальволио келяпти. Анави ерда ярим соатча кунга тескари туриб, ўз соясини минг мақомга солди. Маза қилмоқчи бўлсанглар, уни кўздан қочирманглар! Ўлайманки, бу хат унинг бошини айлантириб, әс-ҳушини олиб қўяди. Тез беркининглар, бўлмаса, бутун әрмагимиз барбод бўлади. Сен бу ерда ёта тур. (*Хатни йўлга ташлайди.*) Ана, ширинликка ўч балиқ қармоққа сузиб келяпти! (*Кетади.*)

Мальволио киради.

Мальволио. Ҳаммаси тасодифга, фақат тасодифга боғлиқ. Кунлардан бир кун **Мариянинг**: сизга графинянинг кўнгли бор, дегани ёдимда. Графинянинг ўзи ҳам мен билан суҳбатда шама қилиб айтган әдикি, у агар севадиган бўлса, фақат менинг тойифамдаги одамни севиши мумкин. Бошқа яқинларига нисбатан мени алоҳида ҳурмат қиласди.

Сэр Тоби. Кеккаймай ўл!

Фабиан. Жим! Таманно билан хомхаёл суриши куркахўроздининг худди ўзи! Патларини ёйиб керилишини қаранг-а!

Сэр Эндрю. Ростини айтсам, у абллаҳни савалагим келяпти!

Сэр Тоби. Жим!

Мальволио. Граф Мальволио бўлсам!

Сэр Тоби. О, муттаҳам!

Сэр Эндрю. Шартта отиб ташласанг!

Сэр Тоби. Жим, жим!

М а л ь в о л и о Бунга мисоллар сероб: графиня Стрейн¹
чи ўз маҳрамига теккан.

С э р Э н д р ю. О, дўзахи, Иезавель!¹

Ф а б и а н. Жим туринглар! У қулогигача хаёлга айланди. Хурпайишини қаранглар!

М а л ь в о л и о. Тўйимиздан кейин уч ой ўтган деб фарз қиласлий. Мен тахтиравонда ўтирибман...

С э р Т о б и. Эҳ, қўндоқли камоним бўлганда-ю, кўзини тешардим.

М а л ь в о л и о. Оливияни пар тўшакда ухлатиб ётоқдан чиқсанман, тахтиравон чодирида елкамга баҳмал тўн ташлаб ўтирибман... Хизматкорларни чақиришга фармон берганман...

С э р Т о б и. О, жонинг чиққур!

Ф а б и а н. Жим! Жим!

М а л ь в о л и о. Ўзимни улуғвор тутиб, хизматкорларни синчиклаб кўздан кечираман. Улар бу қарашимдан «Менинг жойим тўрда, сизларники — пойгакда» деган маънони уқиб оладилар ва мен сэрги Тоби қаердалигини суриштираман...

С э р Т о б и. О, ёрилиб ўлгур!

Ф а б и а н. Жим, жим! Бу ёғини эшигинлар!

М а л ь в о л и о. Хизматкорларимдан еттитаси таъзим ато қилиб сэрги Тобини қидириб кетишади. То у келгунча мен қошимни чимираман, соатимни бурайман ёки қимматбаҳо узугимни нурга солиб томоша қиласман... Тоби кириб, ергача эгилиб таъзим қиласди...

С э р Т о б и. Калласини шартта узиб ташлайми?

Ф а б и а н. Жим. Ичингиздаги гапни омбур солиб тортсалар ҳам, жим туринг!

М а л ь в о л и о. Унга мана бундай қўл чўзаман, юзим тиришиб, қовоқ соламан, токи у кимлигимни билиб қўйисин.

С э р Т о б и. Тоби башарангга шарақлатиб туширмай қараб тураркан-да?

М а л ь в о л и о. «Хўш, Тоби амаки,— дейман мен унга,— жиянингизни менинг никоҳимга олиб берган тақдир айни вақтда сизга баъзи бир танбеҳлар қилиш ҳуқуқини ҳам беради...»

С э р Т о б и. Нима, нима?

¹ Иезавель — тавротдаги ривоятлардан бирида тилга олинган яҳудийларнинг ахлоқсиз маликаси.

М а л ь в о л и о. «Аввало ичишни ташлашингиз кепак...»

С ә р Т оби. Эшак!

Ф а б и а н. Э, сабр қилсангиз-чи, ўйинни бузманг!

М а л ь в о л и о. «Бундан ташқари, сиз қимматли вақтингизни миясиз тентак баҳодир...»

С ә р Э н д р ю. Худо ҳаққи, мени айтяпти.

М а л ь в о л и о. «...сәр Эндрю билан беҳуда ўтказяпсиз...»

С ә р Э ң д р ю. Кўплар мени миясиз деб аташгани учун у миясиз дейиши билан гап менинг тўгримда бораётганини фаҳмладим.

М а л ь в о л и о. Қуш тузоққа илинди!

С ә р Т оби. Жим! Э, қалака тангриси, овоз чиқариб ўқишни кўнглига солсин-да.

М а л ь в о л и о. Ҳаётим ҳақига онт ичаманки, бу графинянинг қўли! Бу унинг «л», «р», «т»лари, катта «п»ни ҳам худди шундай ёзади. Бу унинг дастхати...

С ә р Э н д р ю. Унинг «л», «р», «т»лари... Қани, давомини эшитайлик.

М а л ь в о л и о (ўқийди). «Бу юрак саломи кўнглимни банд этган номаълум ёримга». Худди унинг услуби! Ижозатингиз билан, сурғучни синдираман. Ваҳ! Муҳр ҳам уники: Лукреция калласи. Мактуб графинядан. Аммо кимга ёзилган?

Ф а б и а н. Нақ жигаридан урди!

М а л ь в о л и о

(ўқийди)

«Севаман, тангри гувоҳ!

Ҳаёлимда фақат сен!

Кимлигинг айтмайман мен,

Бу сирдан ўзим огоҳ!»

«Кимлигинг айтмайман мен!» Бу ёфи ҳам шеърий...
«Бу сирдан ўзим огоҳ!» Эҳ, бу сен бўлсанг эди, Мальволио!

М а л ь в о л и о

(ўқийди)

«Кўнглимни олган ёрга
Мен бўламан ҳукмдор,

Маҳкумман оҳу зорга,
Шундан чекаман озор.
М. О. А. И.— ҳарфлари,
Дилимнинг сеҳргари!»

Фабиан. Чигал топишмоқ!
Сэр Тоби. Айтдим-ку. Мария шаддод қизалоқ!
Мальволио. «М. О. А. И.— ҳарфлари, дилимнинг
сеҳргари». Ижозат берасиз, бу борада бош қотириб
кўрамиз!
Фабиан. Роса тузоққа илинтириди-ку!
Сэр Тоби. Лочинимиз унга калхатдек човут солди.

Мальволио

«Кўнглимни олган ёрга
Мен бўламан ҳукмдор...»

Албатта у менга малика, мен унга хизматкор, демак, у
менинг ҳукмдорим ҳисобланади — ҳар қандай эси бутун
одамга бу кундай равшан. Бу ерда чигал йўқ. Хўш, охи-
ри-чи? Мана бу тартибдан қандай маъно келиб чиқади?
Булардан ўз исми шарифимни чиқара олсанм эди! Тўх-
тал «М. О. А. И.»

Сэр Тоби. Ҳа, чиқар, чиқаравер, чиқариб бўпсан!
Фабиан. Тулкининг исини сезган кўппакдек ти-
пирчилаб қолди.

Мальволио. «М»— Мальволио. Ҳа-ҳа, менинг но-
мим «М»дан бошланади.

Фабиан. Айтдим-ку, ис билади деб! Изга тушиб
оляпти.

Мальволио. «М»... Аммо бу ёғи қовушмаяпти: «А»
ўрнига «О» келди, бўлмади.

Фабиан. Охирига боргандा «о» деб юборади шекилли.
Сэр Тоби. Хотиржам бўл, бўлмаса «О» деб бақи-
тириб ураман.

Мальволио. Ундан кейин «А» келяпти.
Фабиан. Калака бўлиш бобида ҳам роса омадинг
кеяпти.

Мальволио. «М. О. А. И.»— аввал жўн кўринган
нарса энди чигаллашиб кетди. Зотан ҳарфлар ўрнини
алмаштириб, ўзимга мосласам бўлади: менинг номимда
шу ҳарфларнинг ҳаммаси бор. Жим, мана бу ёғи наср
билан ёзилибди. (Ўқийди.) «Мабодо шу мактуб сенга

етиб боргудек бўлса — ўйлаб кўр. Толеим юлдузи сендан анча баландда чақнаб турган бўлса ҳам, сен бу мартабадан чўчима. Бирорлар мартаба билан туғиладилар, бошқалар мартабага заҳмат чекиб эришадилар, яна бирорларга мартаба осонлик билан насиб бўлади. Сенинг иқболинг кулиб турибди. Сен унга тиш-тироғинг билан ёпишиб ол. Сенга ўз бағрини очиб турган янги шароитга ўрганмоқ учун эса, қиёғангни буткул янгилаб, тамоман бошқа одам бўлиб майдонга кир. Амакимга қўрс бўл, хизматкорларга баланддан кел, давлат арбобидек чуқур мулоҳазалар юритиб, ғайри oddий ҳаракатлар қил. Сенга бу маслаҳатларни бергувчи, ҳасратингда ўртаниб юрган маъшуқангдир. Бир әслаб кўр-чи: сариқ пайпогингни ким мақтаган эди? Болдиrlарингдаги боғичларингни кўндаланг боғлаб юришингни ҳамиша истагувчи ким эди? Такрор айтаман: әслаб кўр! Дадил бўл! Агар астойдил истасанг, олий мартабага эришасан. Агар истамасанг, умрбод баҳт тангрисининг илтифотидан бебаҳра қоласан. Яхши қол. Имзо чекдим — сен билан ўз мавқеини алмаштириш иштиёқида:

БАХТЛИ БЕБАХТ».

Ҳамма гап кундай равшан тортди. Мен ўзимда кибру ҳаво пайдо қиласман, сэр Тобини минг тубан қиласман, ўзимдан пастларни яқинимга йўлатмайман, тиш-тироғимга қадар ўз мавқеим даражасида бўласман. Энди мени ҳеч ким лақиллатолмайди. Бу мактуб бекам мени севиб қолганига айнан далолат. Тунов куни менинг сариқ пайпогимни мақтагани, болдиrlаримдаги боғичларга қойил қолгани әсимда. Бу мактубда эса муҳаббатига иқрор бўлибди, айни вақтда ўз дилига муносиб кийинишимга нозик шама қиляпти. Минг қатла шукурким, баҳтим юлдузи чақнади! Ҳа, албатта, ғайри табиий ҳаракатлар қиласман, мағрур бўласман, сариқ пайпоқ кийиб уни болдиrlаримда кўндаланг боғичлайман! Шон-шарафлар бўлсин сенга, Юпитер! Шон-шарафлар бўлсин сизга, баҳтим юлдузлари!. Э-ҳа, иловаси ҳам бор әкан. (Үқийди.)

«Менинг кимлигимни пайқаган бўлсанг керак. Севишингни билдиromoқчи бўлсанг ҳар кўрганда жилмаявер. Жилмайишинг ҳуснингга ҳусн қўшади. Шу сабабдан, азизим, севгилим, мени кўрдинг дегунча жилмаявер!»

Тангрига минг қатла шукурлар бўлсин! Албатта жийламаяман, албатта, айтганларингни бажо қиласман! (*Кетади.*)

Фабиан. Агар әронийлар шоҳи, менга, ўн минг нафақа тўлайман, деса ҳамки, ҳозирги томошанинг лаэзатидан воз кечмасдим.

Сэр Тоби. Шуни ўйлаб топган қизга уйланишга тайёрман.

Сэр Эндрю. Мен ҳам тайёрман.

Сэр Тоби. Тағин битта шунақа әрмак ўйлаб чиқарса, мен ундан сеп ҳам сўрамайман.

Сэр Эндрю. Мен ҳам.

Фабиан. Ана, аҳмоқларни тузоққа илинтирадиган бебаҳо гўзалимиз келяпти!

Мария киради.

Сэр Тоби. Хоҳла, мени курси қилиб миниб ол...

Сэр Эндрю. Мени ҳам.

Сэр Тоби. Хоҳла, әркимни сенга бой бериб, қулинг бўлай...

Сэр Эндрю. Мен ҳам.

Сэр Тоби. Сен уни шунақа каловлатиб қўйдингки, кўзи очилганда жинни бўлиши турган гап.

Мария. Рост айтинглар: унга сал-пал таъсир қилдими?

Сэр Тоби. Ароқ ичган доядай маст бўлди-қолди.

Мария. Агар сочган ургуларимизнинг қандай униб чиқишини кўрмоқчи бўлсангизлар, унинг графиняни билан биринчи учрашувидан кўз-қулоқ бўлиб туринглар. У сариқ пайпоқ кийиб киради, графинянинг сариқ рангни ёмон кўриши ҳаммага маълум, у боғичларни кўндаланг боғлаб олади, графинянинг эса бунга тоқати йўқ, у бўлар-бўлмасга тиржаяверади, бунинг оқибати нима бўлишини биласизлар. Ким шу томошадан қолмай деса, мен билан юрсин.

Сэр Тоби. Бунақа шайтон қиз билан жаҳаннамга ҳам кетавераман. Сен билан дўзах эшигигача бораман, эй фаросатнинг тенгсиз иблиси!

Сэр Эндрю. Мен ҳам!

Кетадилар.

ПАРДА

УЧИНЧИ ПАРДА БИРИНЧИ САҲНА

Виола ва ногора кўтарган Қизиқчи кирадилар.

Виола. Сенга ва сенинг музиканга тангри ёр бўлсин, оғайни! Ноғоранг соясида қандай яшаб юрибсан?

Қизиқчи. Мен, афандим, черков соясида яшаб турибман.

Виола. Э, руҳониймисиз?

Қизиқчи. Йўқ, ундан әмас, черков соясида яшаб турибман деганимнинг маъноси шуки, ўз уйимда яшаб турибман, менинг уйим эса черковнинг биқингинасида.

Виола. Бунақада, довдир қизиқчиси бўлгани учун қирол қизишиб довдираб қолди, биқинида ногора чалганим учун черков ногорамга ўйнаяпти, десанг ҳам ажаб әмас.

Қизиқчи. Ҳақ гап, афандим. Заб замонлар келди-да! Ҳар қандай яхши сўзниң бирпасда астар-пахтасини ағдариб ташлашади.

Виола. Ҳа, гапинг тўғри. Кимки сўзни ўйин қилса, кейин ўша сўз кўча-кўйга ўйин бўлиб кетади.

Қизиқчи. Шу сабабдан ҳам афандим, менга қолса, синглимга от қўймасдим.

Виола. Нега энди?

Қизиқчи. Чунки от ҳам — сўз: оти оғизга тушса, кўча-кўйга гап-сўз бўлиб кетади. Дарҳақиқат, сўзларнинг қўл-оёғига кишан урилгандан бери улар разиллашиб кетди¹.

¹ Шекспир даврида қирол цензураси сўз әркинлигини тақиқ этганига ишора.

Виола. Фикрингни исбот қил!

Қизиқчи. Ростимни айтсам, афандим, фикримни исбот қилиш учун сўз ишлатишм керак, аммо сўзнинг сийқаси чиққан бир пайтда фикримни унинг ёрдамида исботлагим келмайди.

Виола. Қувноқ табиатли боқибегам әканинг кўри nib турибди.

Қизиқчи. Йўқ, афандим, мен унчалик бегам әмасман, лекин виждан ҳаққи, сизнинг ғамингизни ейман. Сиз, афандим, шуни бегамлик деб билсангиз, бу ердан бегамгина кўтарилишингизни истардим.

Виола. Сен графиня Оливиянинг тентаги әмасмисан?

Қизиқчи. Йўғ-э, афандим, графиня Оливиянинг ҳали тентакка иши тушган әмас. То эрга тегмагунча ёнида тентак бўлмайди. Тентак билан әрнинг ўртасидаги фарқ әса, хўтиқ билан эшик ўртасидаги фарқча, әр хўтиқдан каттароғи. Мен графинянинг тентаги әмас, сўзамолиман.

Виола. Мен сени яқинда герцог Орсинонинг саройида кўрган әдим.

Қизиқчи. Тентаклик, афандим, худди офтобга ўхшайди. Дунё кезиб, нур сочгани сочган. У вақт менинг маликам атрофида айланиб, сизнинг герцогингиздан нурни аясам,adolatsizlik бўлур әди. Дарвоқе, мен жанобларини ўша ерда кўрганмидим?

Виола. Агар сен мени әрмак қилмоқчи бўлсанг, кетганим маъқул. Ма, ол! (Пул беради.)

Қизиқчи. Омин, Юпитер сенга навбатдагилар қатонрида соқол-мўйлов ато қилсан.

Виола. Ростини айтсам, ўзим ҳам шунга орзумандаман, (четга) лекин бир камим шу әди.— Беканг уйдами?

Қизиқчи. Афандим, агар буни жуфт қилсак, ўзидан кўпаярмиди, дейман-да?

Виола. Ҳа, уларни қўшиб ишга солинса, кўпаяверади.

Қизиқчи. Чиндан ҳам, афандим, мана бу Троилга Крессидани қўшмоқ учун фригиялик Пандар ролини ўйнашга тайёрман.

Виола. Муддаонгни тушундим: сен тилаб олишга уста әкансан.

Қизиқчи. Умид қиласманки, сиздан тиланчини тилаб оламан. Крессида ҳам тиланчи бўлган-да. Графиня уйда, афандим. Мен унга сизнинг қаердан келганингизни айтаман. Кимлигингизу мақсадингиз нима эканлиги фа-

қат самога аён, табиатга дердиму, бу сўзнинг сийқаси чиқиб қолган. (*Кетади.*)

Виола. Оёқларим мени қанчалик тушунса, мен сизнинг сўзларингизни шунчалик тушуняпман.

Сэр Тоби. Мен, кираверинг, демоқчиман, афандим.

Виола. Сўзингизга иш билан жавоб бераман, яъни кираман. Аммо биз кеч қолдик.

Оливия билан Мария кирадилар.

Гўзаллар маликаси, мафтунлар паноҳи, марҳаматли грандия! Само бошингизга гуллар атрини нисор этсин!

Сэр Эндрю. Бу йигитча саройнинг зийнати бўлиши мумкин. «Гуллар атрини нисор этсин!» Ажойиб ибора!

Виола. Келишдан муродим шуки, бунинг изҳорини, бекамнинг малоҳатли, шафоатли қулоқларигина эшитишга нойиладир.

Сэр Эндрю. «Гуллар атри», «Малоҳатли», «Шафоатли»— шу учаласи хотирамда ҳамиша шай туради.

Оливия. Бое ёшигини ёпинглар. Унинг арзини эмиштимга ҳеч ким халал бермасин.

Сэр Тоби, сэр Эндрю ва Мария кетадилар.

Оливия

Менга қўлингизни беринг, афандим.

Виола.

Хизматингизга тайёрман.

Оливия

Исмингиз?

Виола

Цезарио, гўзал маликам,
Хизматкорингизман.

Оливия

Сиз — хизматкорим?
Тилёғламаликка одамлар ҳурмат —

Деб ном берган кундан буён дунёмиз
Шодликни тарқ әтди. Сиз менинг әмас,
Балки Орсинонинг хизматкорисиз!

Виола

У сизга хизматкор,
мен әса унга,
Хизматкорингизнинг хизматкорлари
Сизга ҳам хизматкор бўлишга мажбур.
Бу чин, графиня.

Оливия

Мен уни асло
Ўйламайман. Унинг ўйлари әса,
Менга банд бўлгандан кўра, яхшиси —
Тахти бузилмаган оқ қоғоз бўлсин.

Виола

Графиня, сизнинг ҳуэурингизга,
Келишдан мақсадим — хаёлингизни
Сизга мафтун бўлган юракка буриш...

Оливия

Афв этинг ва шуни яхши билингки,
Ундан сўз очишни тақиқ әтганман.
Агар бўлса бошқа илтимосингиз,
Мен уни самовий мусиқийдан ҳам
Аълороқ тинглайман.

Виола

О, графиня...

Оливия

Бир лаҳза сабр қилинг! Ўтган гал, мени
Тамом мафтун әтиб кетган чоғингиз
Орқангиздан узук юборган әдим,
Бу билан ўзимни, хизматкоримни

Албатта, сизни ҳам алдадим. Балки,
Шундай бир уят иш қилиб, ўзимнинг
Буюмимни сизга берганим учун
Мендан кулгандирсиз. Айтинг, ўшанда
Бошингизга қандай хаёллар келди?
Балки, ўйларингиз, таъналарингиз
Ҳиссиз қалдан чиққан найзалар каби
Менинг номусимни нишонга олиб,
Кетма-кет отилиб кетгандир. Ростми?
Дилим устидаги қўқрак қалқонмас,
Балки нозиккина ҳарир бир парда,
Сизнинг ақлингиздек зийрак ақлга
Мен ўзимни буткул кўрсатиб қўйдим.
Айтинг: сиз нима деб ўйладингиз?

В и о л а

Мен

Сизга ачинаман.

О л и в и я

Бу — муҳаббатга
Бир қадам.

В и о л а

Ундоғмас, маликам. Ахир,
Ҳаттоқи ёвларга ачинишими.
Ҳаммага аён-ку!

О л и в и я

Эвоҳ, мен яна
Табассум қилишим лозим. Гадога
Қувониши учун дунё керакмас!
Кимки ўлжа бўлмоқ истаркан, бўри —
Тишидан арслоннинг тирноғи афзал!

Соат занги уради.

Аммо соат занги вақтнинг беҳуда
Ўтаётганидан огоҳ әтади.
Асло ташвишланманг, йигитча, менга
Сиз керак эмассиз, лекин вақт келиб

Ёшлик ва ақлиңиз қамол топади,
Үшанда севимли рафиқангизга
Гўзал эр бўласиз. Энди, йигитча,
Сиз гарбга кетасиз, мен бошқа ёқка.

В и о л а

Гарбга бўлса гарбга! Тангридан сизга
Соғлиқ, ишингизга ривож тилайман!
Гердоғимга нима жавоб бўлади?

О л и в и я

Тўхта... Айт-чи, мени ким деб ўйлайсан?

В и о л а

Сиз бир одамсизу, лекин ўзингиз
Ўзингизни бошқа дейсиз.

О л и в и я

Ростданми?
Мен ҳам сизни худди шундай биламан!

В и о л а

Хаго қилмадингиз, графиня, мен —
Асли мен әмасман!

О л и в и я

Оҳ, кошкийди сен
Мен истаган бўлиб чиқсанг!

В и о л а

Мабодо

Бундан ҳам яхшироқ бўлсам, розиман.
Ҳозир эса сизга мен қизиқчиман.

О л и в и я

О, унинг ғазабга, нафратга тўла
Лабларидан томган мазахларида
Бир дунё нафосат ва назокат бор!

Биз жиноятимиз ёпиб кетсак ҳам
Дил ҳаяжонини яширолмаймиз.—
Цезарийо, гулгун баҳорим ҳақи,
Ростлигим, софлигим ҳақи дилимдан
Онт ичиб айтаман, мен сени севдим.
Буни яширишга ожизман. Аммо
Мени банд әтганинг ғуруринг билан
Қайсаарлик қилмагил, бағри тош бўлма.
Гарчанд жон чекмасдан жонона йўқдир,
Лекин менга ишон: бир кўришдаёқ
Жўшган ишқ саодат бағишлай олур.

Виола

Онт ичаман, менинг юрагимнинг ҳам
Пок туйғу, мусаффо номуси қўркам.
Аммо унга хотин бўлмайди эга,
Гарчанд биттаси бор, ёқади менга.
Хайр, графиня! Бугундан бошлаб
Ишқ әлчиси бўлиб келмайман бошқа.

Оливия

Орсино номидан бўлса ҳам бир бор
Яна кел, севгидан сўзлагил такрор!

Кетадилар.

ИККИНЧИ САҲНА

Оливиянинг уйи.
Сэр Тоби, сэр Эндрю ва Фабиан кирадилар.

Сэр Эндрю. Худо ҳақи, энди бу ерда бир дақиқа
ҳам қолмайман.

Сэр Тоби. Нега энди, марҳаматли тажанг дўстим?
Нега энди?

Фабиан. Бизга сабабини албатта айтишингиз ке-
рак, сэр Эндрю.

Сэр Эндрю. Сабаби шуки, мен жиянчангнинг боғ-
даги шакаргуфтторлигини қўрдим. У герцогнинг хизмат-
корига қилган муомаласини менга ҳеч қачон қилган әмас.
Ўз кўзим билан қўрдим.

Сэр Тоби. Ўша пайтда у сени кўриб турганмиди, дўстгинам?

Сэр Эндрю. Ҳозир мен сизларни кўриб тургандай аниқ кўрди.

Фабиан. Шунинг ўзи сизни қанчалик севишини исботлаб турибди.

Сэр Эндрю. Ҳўш, сизлар мени мияси йўқ әшак, деб ўйлаяпсизларми?

Фабиан. Мен бутун ақлиму фаросатимни жамлаб, сўзим тўғрилигини исбот қиласман.

Сэр Тоби. Сенинг ақлингу фаросатинг Нуҳ тўфонда қолишидан илгариёқ шунаقا ўткир бўлган.

Фабиан. Графинянинг у йигитча билан сизнинг кўз олдингизда шунаقا нозик муомала қилишидан мақсади — қалбингизда мудраб ётган мардликни уйфотиш, кўкрагингизга ўт ёқиши, жигарингизни жаҳаннам алангасида сўхта қилишдан бошқа нарса бўлмаган. Сиз уларга яқин бориб, ҳали қолипдан кўчмаган ўткир сўзларингиз билан ўша йигитчанинг забонини қулфлаб ташлашингиз мумкин эди! Сиздан улар ана шуни кутишган. Сизни роса латта дейишибди-да, э аттанг, тасодиф сизни дуч қилган экану қўлдан чиқариб юборибсиз-да. Энди графиня сизни назаридан шимолга қочириб юборади. Токи, ҳақиқий ботирлик кўрсатиб ёки ўткир сиёсатчи эканлигинизни исбот қилиб, йўл қўйган хатоингизни тузатмагунингизча ўша шимолда голландияликнинг соқолига ёпишган сумалакдай осилиб тураверасиз.

Сэр Эндрю. Агар иш шу даражага борган бўлса, бетирлик кўрсатаман, чунки сиёсатга тоқатим йўқ. Менимча, сиёсат билан шуғуллангандан кўра пуритан бўлган яхшироқ.

Сэр Тоби. Ундай бўлса, баҳтингни мардлар майдонида синаб кўрамиз. Герцогнинг элчисини дуэлга чақириб, ўн бир ерига қилич суқасан. Бу хабарнинг менинг жиянчамга етиб бориши турган гап. Мен сени ишонтириб айтаманки, сени хотин кишига мақташда дунёдаги ҳеч бир қўшмачи ботирлик бобидаги шон-шуҳратчалик хизмат қила олмайди.

Фабиан. Бошқа чора йўқ, сэр Эндрю.

Сэр Эндрю. Сизлардан қайси бирингиз менинг даъватномамни унга олиб борасиз?

Сэр Тоби. Бор, даъватномангни қўпол ҳарфлар билан қисқа, лекин ўткир тилда ёз. Чиройли ёзаман деб

уринма, маъноси ич-ичини тешиб юборадиган бўлсин. Уни сиёҳ етган қадар ҳақоратла. Кўп эмас, уттагина ҳалигидақа сўздан ишлатсанг ҳам майли. Ҳар биттаси Уэр сўрисидай келадиган ёлғон-яшиқни қоғозга сиққанча тўқийвер: Кўпроқ қалампир қўшавер. Фоз пати билан ёзсанг тағин яхшироқ. Бошла!

Сәр Тоби. Биз cubiculo¹ томон кетдик. Қани, шошил.

Сәр Эндрю кетади.

Фабиан. Бу одам сиз учун қимматлими, сәр Тоби?

Сәр Тоби. Аксинча, мен унга қимматга тушдим, камида икки минг сарфлади.

Фабиан. У ҳозир зўр хат ёзади. Аммо сиз уни олиб бориб бермасангиз керак-а?

Сәр Тоби. Олиб бориб бераман. Сен герцогнинг йигитчасини гапга сол, тезла. Менимча, уларни ҳўқизнинг шохига арқон боғлаб судрагандек судраганда ҳам бир-бирига рўпара қилиб бўлмайди. Сәр Эндрю ҳақида шуни айта оламанки, агар унинг қорнини ёриб, жигаридан бурганинг нонуштасига етарли қон топсалар, қолганини ўзим ейишга тайёрман.

Фабиан. Аммо герцогнинг йигитчаси ҳам, ташқи қиёфасига қараганда ювошгина бир нарса бўлса керак.

Мария киради.

Сәр Тоби. Ана, булбулчамиз ҳам учиб келди.

Мария. Агар, кула-кула ичагим уэйлсин десанглар, мен билан юринглар. Тентак Мальволио бинойидеккина мажусий бўлди қолди. Жонидан умиди бўлган ҳеч бир христианнинг кўзи бунчалик кўр бўлиб, мияси бунчалик айнимайди. У ҳалитдан сариқ пайпоқда юрибди.

Сәр Тоби. Богичини ҳам кўндаланг бойлагандир?

Мария. Бутхона мактабининг муаллимидай жинни бўлди қолди. Мен унинг кетидан худди қотил каби измайиз юриб кузатдим. Хатда ёзган нарсаларимнинг ҳаммасини бекам-кўст бажо келтирибди. Тиржайишидан юзида пайдо бўлган тиришлар иккала Ҳиндистон харитасидаги ғизиқлардан ҳам кўп. Сиз бунақа масхарани умрингизда қўрмагансиз. Қўлим қичиб, тош отиб бошини ёришдан ўймни базўр тутиб қолдим. Графинядан тарсаки ейиши

¹ Лотинча — ётоқ.

турган гап. Аммо у тентак бу тарсакини ҳам алоҳида илтифот деб қабул қиласди.

Сэр Тоби. Кетдик! Қани, ўша ерга бошла!

Кетадилар.

УЧИНЧИ САҲНА

Кўча.

Себастьян билан Антонио кирадилар.

Себастьян

Ташвишга қўймоқчи эмасдим сени,
Модомики, ўзинг шуни истабсан,
Майли, ёнимда қол, таъна қилмайман.

Антонио

Сени ёлғиз ташлаб кета олмадим,
Пўлат тигидан ҳам ўткир истагим
Сен кетган томонга мени ундали.
Гарчанд шу кифоя бўлса ҳам, бироқ,
Бошқа бир андиша сени ахтариб,
Албатта топишга мажбур этди. Бу —
Бегона бир юртда сарсон кезишинг,
Балки андишанинг ташвиши эди.
Бу юртда на дўстинг, на йўлдошинг бор.
Демак, сенга бу юрт саҳродек бир гап.
Сенга муҳаббатим бунга қўшилиб,
Жадал етиб келдим.

Себастьян

Ташаккур сенга,
Азиз Антонио, меҳрибон дўстим.
Дилдан айтадиган жавобим битта:
Ташаккур, ташаккур, яна ташаккур.
Бундай яхшиликка тангалаар бериш
Одат бўлиб қолган, бу арзимайди.
Ҳамёним олтинга тўла бўлса ҳам,
Урнига жонимни берардим шу он.
Хўш, нима қиласми? Шаҳарга бориб,
Едгорликларини кўрайликми?

Антонио

Йўқ,

Буни әртагача қолдириб, аввал,
Тузукроқ бошпана топиш маъқулроқ.

Себастьян

Мен ҳеч толганим йўқ, тун ҳали узоқ,
Илтимос, кўзларни қувонтирайлик:
Шаҳарнинг муҳташам биноларини,
Ёдгорликларини кўрамиз.

Антонио

Кечир,

Кўчада юришим жуда хатарли.
Гердоғ кемалари билан денгизда
Қаттиқ жанг қизиган чоғда мен унга
Қалтироқ бир ҳизмат қилиб қўйгандим.
Қўлга тушсам, омон қолишим гумон.

Себастьян

Қанча одамини қиргансан?

Антонио

Гарчанд

Жанг ўрни ва ўша қаттол тўқнашув,
Ҳар қанча қиронга қулай бўлса ҳам,
Мен қон тўқмаганман. Албатта, биэлар
Тортиб олган буюм пулинни тўлаб,
Жанжални бартараф қилса бўларди.
Чиндан ҳам, кўпчилик ҳамشاҳарларим
Тижоратни ўйлаб, шундай қилишди.
Фақат мен кўнмадим. Ҳуллас, мабодо,
Қўлга туширсалар мени бу ерда,
Қасос олишлари турган гап.

Себастьян

Унда

Кўчаларда очик юрма.

Антонио

Қоламан.

Ма, менинг ҳамёним, дўстим. Уйни ҳам
Шаҳарнинг жанубий чеккасидан ол.
«Фил» деб аталувчи меҳмононада
Овқатга кутаман. Кетдим. Сен эса,
Шаҳарни айланиб, лаззатлан, зотан
Вақтни ўтказишнинг яхши йўли шу.
«Фил»да учрашамиэ.

Себастьян

Нега пул бердинг?

Антонио

Агар бирор нарса кўриниб қолса,
Оларсан, қийналиб юрма. Енингда
Пулинг йўқлигини биламан.

Себастьян

Бўпти,

Шу ондан мен сенинг хазиначингмац,
Хайр!

Антонио

Демак, «Фил»да.

Себастьян

Етиб бораман,

Кетадилар.

ТУРТИНЧИ САҲНА

Оливиянинг боғи.
Оливия билан Мария кирадилар.

Оливия

Уни чақиришга одам юбордим,
Келса, қандай кутай, нималар берай!

Ёшлик ўч бўлади совға-саломга!—
Гапимни бошқалар эшитсалар-а!—
Мальволио қани? Ҳар қадамида
Улуғлик, тантана. Менга бу ишда
У мадад беради. Аммо у қани?

Мария. У келяпти, графиня. Лекин афт-ангорини
кўрган киши қўрқади: у әсидан озганга ўхшайди, бекам.

Оливия. Унга нима бўлди? Жазаваси тутяптими?

Мария. Билмадим, графиня, у нуқул илжаяди. У
киргонда ёнингизда бирор одам бўлгани маъқул.

Оливия. Уни чақириб кел.

Мария кетади.

Мабодо одамни тарк этса ақли,
Шодлигу қайғунинг бўлмайди фарқи.

Мария Мальволиони бошлаб киради.

Аҳволинг қалай, Мальволио?

Мальволио (илжайиб). Гўзал графиня! Э-ҳе-ҳе!

Оливия. Нега илжаясан? Мен сени жиддий бир иш
билан чақиридим.

Мальволио. Жиддий иш билан дейсизми, графиня? Менинг жиддий бўлишим мумкин албатта, сабабки, болдириларимдаги бу кўндаланг боғичлар томирларимда-
ги қонни тўхтатиб, қуюқлаштиради. Мабодо менинг са-
лобатим баъзи бирорларга ёқса, мен ажойиб бир қўшиқни
такрор этаман:

«Атрофингда, жонона,
Бўлай доим парвона».

Оливия. Сенга нима бўлди, Мальволио? Эсинг жо-
йидами?

Мальволио. Менинг пайпоғим сариқ бўлса ҳам
кўнглим қора эмас. Ҳат қўлимда. Унда берилган масла-
ҳатларни бекам-кўст бажо келтираман. Мана бу нозик
румий ҳусниҳат менга кўпдан буён таниш.

Оливия. Бор, кириб ёта қол, Мальволио!

Мальволио. Ета қол?! Ҳўп, жонгинам, ётоғингга
кираман.

Оливия. Тангри сени асрасин! Нега яккаш илжая-
сан? Нега ҳадеб қўлингни ўпасан?

Мария. Соғлиғингиз қалай, Мальволио?

М а л ь в о ли о Э, сиз ҳам савол бердингизми? Би-лингки, булбуллар зоғлар билан сўзлашмайдилар.

М а р и я. Нега сиз графиня ҳузурида бунақа бачкана қилиқлар қиляпсиз?

М а л ь в о ли о. «Сен бу мартабадан чўчима»— хатда худди шундай ёэилган.

О л и в и я. Бу нима деганинг, Мальволио?

М а л ь в о ли о. «Бирорлар мартаба билан туғиладилар...»

О л и в и я. Эвоҳ!

М а л ь в о ли о. «Бошқалар мартабага заҳмат чекиб әришадилар...»

О л и в и я. Нималар деяпсан, ўзинг?

М а л ь в о ли о. «Яна бирорларга мартаба осонлик билан насиб бўлади»...

О л и в и я. Ё тангри, ўзинг шифо бер!

М а л ь в о ли о. «Бир әслаб кўр-чи: сариқ пайпоғинги ким мақтаган эди...»

О л и в и я. Менинг сариқ пайпоғимни?

М а л ь в о ли о. «Болдиrlарингдаги боғичларингни кўндаланг боғлаб юришингни ҳамиша истагувчи ким эди?...»

О л и в и я. Кўндаланг боғичларимни?

М а л ь в о ли о. «Дадил бўл! Агар астойдил истасанг, олий мартабага эга бўласан».

О л и в и я. Олий мартабага эга бўламан?

М а л ь в о ли о. «Агар истамасанг, умрбод аянчли малий бўлиб қолаверасан».

О л и в и я. Ростакам жинни бўпти!

Х изматкор киради.

Х изматкор. Маликам, герцог Орсинонинг йигит-часи яна келди. Эшикда кутиб туришга базўр кўндиридим.

У фармонингизга мунтазир.

О л и в и я. Ўзим олдига чиқаман.

Х изматкор кетади.

Азизим, Мария, мана бу одамга кўмаклаш. Амаким қаёқда? Одамларимдан бири Мальволионинг хизматида бўлсин. Унинг бирор фалокатга йўлиқишини сира ҳам истамайман.

О л и в и я билан **М а р и я** кетадилар.

Мальвлио. Ана! Энди билдингизларми, менинг кимлигимни? Бошқаларни қўяверинг, ҳатто сэр Тоби энди менинг хизматимда. Ҳудди мактубда айтилгандек, мен сэр Тобига қўрс муомала қилишим учун маликам уни менинг хизматимга беряпти. «Тамом бошқа одам бўлиб майдонга кир,— дейилган мактубда.— Амакимга қўрс бўл, хизматкорларга баланддан кел, давлат арбобидек чуқур мулоҳазалар юритиб, гайри oddий ҳаракатлар қил». Бинобарин, илова қилиб ёзадики, мен давлат арбобига хоз салобатли бўлишим, виқор билан юришим, босиқ гапиришим лозим ва ҳоказо. Ҳа, қўлга тушдингми, жонгинам! Албатта бу — тангри инояти, шу сабабдан оллоҳга минг қатла шукур! Кета туриб айтган сўзларини қаранг: «Бу одамга кўмаклаш». Ҳа, одамга! Мальвлиога эмас, эшик оғасига эмас, одамга! Ҳа, булар жами омаддан далолат бериб турибдики, бунга заррача ҳам шубҳа бўлиши ёки бу йўлда зигифирча ҳам ғов бўлиши мумкин эмас. Қандай шубҳа бўлиши мумкин? Мен билан мўлжалга одган нишоним ўртасида ҳеч қанча масофа йўқ. Бу борада мен бир ожиз бандаман, бу иқбол — фақат ва фақат тангрининг илтифоти. Ҳазор ва ҳазор шукурлар бўлсин сенга, ё парвардигор!

Мария сэр Тоби билан **Фабиани** бошлаб киради.

Сэр Тоби. Худо ҳаққи, айтинглар, у қаёқда? Жаҳаннамнинг барча алвастилари, иблисларининг жами лашкарлари унинг ичига қамалиб олган бўлса ҳам, гаплашиб кўраман!

Фабиан. Ана у! Ана у! Сизга нима бўлди, тақсир? Эс-ҳушингиз жойидами, муҳтарам зот?

Мальвлио. Кетаверинглар, сизларга жавоб. Менинг хилватда кайф сурি�шимга халал берманглар, жўнанглар!

Мария. Қулоқ солинглар-а: ичида шайтон ғўнғилляпти! Сизларга айтиб эдим-а! Сэр Тоби, графиня сиздан унга кўмаклашишини илтимос қилди.

Мальвлио. Ҳа-ҳа! Ростдан-а?

Сэр Тоби. Жим, жим туринглар! Унга нозик муомала зарур. Қани, четга чиқинглар. Ҳўш, Мальвлио, сенга нима бўлди? Кайфиятинг қалай? Шуни яхши билки, дўстим, иблис — инсоннинг душмани, уни даф этмоқ даркор.

Мальвлио. Калима келтиринглар-э!

М а р и я. Ана, кўрдингизми, шайтонни ёмонлаганингизда, бунинг жини қўзияпти. Э худо, тағин буни жинлар чалиб кетган бўлмасин.

Ф а б и а н. Уни фолбинга ўқитиш керак.

М а р и я. Эртага эрталабоқ кўчириқ қилинглар. Графиня бундан жудо бўлишни асло истамайдилар.

М а л ь в о ли о. Бу нима деганингиз, қизча?

М а р и я. Ё тангрим!

С ё р Т о б и. Бас, бас-э! Бошқа бир чора топиш зарур. Гапларингиз унинг жаҳлини чиқараётганини сезмаяпсизларми? У билан мени холи қолдиринглар.

Ф а б и а н. Юмшоқ гапир, шайтоннинг жаҳли тез, сал нарсага хуруж қилади.

С ё р Т о б и. Хўш, жўжагинам, ишлар қалай? Тирикчилик қалай, хўрозчам?

М а л ь в о ли о. Афандим!

С ё р Т о б и. «Бригитта, кел, кел!» Йўқ, тақсиро, иблис билан ўйнашиш ҳар кимга ҳам ярашавермайди. Күф-куф, алвасти!

М а р и я. Марҳаматли сёрги Тоби, сиз уни дуо ўқишга мажбур қилинг, чўқинтиринг.

М а л ь в о ли о. Мен чўқинаманми, маймунча!

М а р и я. Ана, гапим тўғри чиқди: у худодан юз ўғирган.

М а л ь в о ли о. Ҳа, дорга осилгурлар! Муттаҳамлар! Паст махлуқлар. Мен тенгингиз өмасман! Ҳали кимлигимни кўриб қўясизлар! (Кетади.)

С ё р Т о б и. Хўш, қалай?

Ф а б и а н. Агар бу ҳангомани саҳнада кўрсатилса, аввало, мен ўзим, уйдирма, деб ишонмасдим.

С ё р Т о б и. Ҳазилимиз юрагини заҳарлабди.

М а р и я. Ҳазилимизнинг заҳри кетгунча унинг кетидан қолманглар.

Ф а б и а н. Биз уни жинни қилиб қўймасак дейман.

М а р и я. Уни жиннихонага олиб кетишса, уй тинчийди.

С ё р Т о б и. Юринглар, уни омборга қамаймиз. Унинг телбалигига жияним аллақачон ишонган. Биз ҳавилимизни ўзимизча давом әттириб, жонимизга теккунча маза қилаверамиз. Кейин унга шафқат қилиб қўйиб ёборсак ҳам бўлади: аммо бу ишни қонуний бажарамиз. Сенга, Мария, жиннини тутиб берганинг учун мукофот берамиз. Э, ана у ёқقا қаранглар!

С ё р Э н д р ю киради.

Фабиан. Тағин битта наврӯз ҳангамаси!

Сэр Эндрю. Мана, даъватнома тайёр, ўқинглар! Чамамда сирка билан қалампирдан етарли қўшдим.

Фабиан. Жуда ўткир бўпти-да!

Сэр Эндрю. Онт ичаман, заҳар, ўқинглар-а!

Сэр Тоби. Бу ёққа чўз! (Ўқийди.) «Йигитча! Сен ким бўлсанг ҳам, барибир итваччасан!»

Фабиан. Ҳам нозик, ҳам дадил!

Сэр Тоби. «Буни ўқиб, сенга нега шундай лақаб берганимга ич-ичингдан ҳайрон бўлма, сабабини барибир айтмайман».

Фабиан. Илмоғи зўр! Йўқ нарсани бор деб бўлмайди-да!

Сэр Тоби (ўқийди). «Сен графиня Оливия ҳузурига келиб менинг кўз олдимда уни аврадинг. Ҳамма гапнинг қип-қизил ёлғон. Аммо сени чақираётганимнинг сабаби бу эмас».

Фабиан. Жуда лўнда, лекин ўлгудек маъносиз!

Сэр Тоби (ўқийди). «Сен уйингга қайтаётганингда мен йўлингни тўсаман ва агар сен мени ўлдириш баҳтига сазовор бўлсанг...»

Фабиан. Зўр!

Сэр Тоби (ўқийди). «...демак, сен муттаҳам, абллаҳ, қотил экансан».

Фабиан. Ўзингни четга олиб қочибсан.

Сэр Тоби (ўқийди). «Кўришгунча хайр, тангри иккаламиздан биримизнинг арвоҳимизни қўлласин. У менинг арвоҳимни қўллаши ҳам мумкин, аммо менинг умидим сенинг арвоҳингдан. Ҳулласи қалом, қўзингни оч! Мени қандай кутиб олишингга қараб — ё сенинг дўстинг, ёки ашаддий душманинг — Эндрю Эгъючик». Уни ичига ўқдори тўлдириб ҳам портлатиб бўлмайди. Бўпти, хатни топшираман.

Сэр Тоби. Бор, сэр Эндрю, уни боғнинг бурчагида худди жосусдай пойла. Кўринди дегунча қиличингни яланғочла-ю, етти пуштини боплаб сўқавер. Кўпинча ботир ботир бўлмай, пайтида бақириб сўкишни боплаганлар ботир бўлади. Жўна!

Сэр Эндрю. Сўкишни боплайман-а!! (Кетади.)

Сэр Тоби. Хатни бериб бўпман. Итвачча қадам олишига қараганда анча эсли, одобли бўлса керак. Герцог Орсино билан менинг жиянум ўртасида элчи бўлиб юргани ҳам шуни тасдиқлайди. Шу сабабдан хатни фаро-

сатсиэ бир эшак ёзганини дарров пайқаб, қилча ҳај қўрқа майди. Яхиси, мен унга масалани оғзаки тушунтираман. Эндрюнинг ботирлигини қўкларга кўтариб мақтайман, уни абжир, ўт, қаттол, деб йигитчанинг миясига роса қуяман. У ёш бўлгани учун бу сафсатага лақقا тушади. Бу муболагалар икковини шунаقا даҳшатга соладики, улар бир-бирига аждардай ўт сочиб, ташланади.

Оливия билан Виола кирадилар.

Фабиан. Ана у, жиянингиз билан келяпти. Бу ердан кетайлик. Улар хайрлашди дегунча йигитчанинг изига тушамиз.

Сэр Тоби. Вақтдан фойдаланиб, мен ҳам болохонадор сўзлар ўйлаб топаман.

Сэр Тоби, Фабиан ва Мария кетадилар.

Оливия

Битта тошюракка ҳасратларимни
Ҳаддан зиёд айтдим. Ҳавфу хатарга
Шаъним, номусимни дучор қилдим. Мен
Бу ожизлигимдан минг пушаймонман.
Аммо бу ожизлик менга бўйсунмай,
Маломат устидан аччиқ кулади.

Виола

Сизни ўтга солган бу аламли дард
Куйдиради менинг герцогимни ҳам.

Оливия

Илтимос: мана бу олтин туморни
Тақиб юринг севгим нишонасидай.
Унда суратим бор, қўрқманг, тили йўқ,
Сизни қийнамайди, ээмалик қилиб.
Ёлвориб сўрайман, әртага яна
Эрталаб бир келинг. Сиз истасангиз,
Ҳатто жонимни ҳам фидо қиласардим.
Фақат пок сақлайман номус-оримни.

Виола

Орсинони севинг — шудир истагим.

О л и в и я

Сизга бағишлиған қалбим, ишқимни
Наҳот Орсинога бера оламан?

В и о л а

Мен рухсат әтаман.

О л и в и я

Хайр. Сен фақат
Эртага албатта кел. О шум иблис,
Изингдан дўзахга бораман сўзсиз!

Кетади.

С ә р Т о б и в а Ф а б и а н кирадилар.

С ә р Т о б и . Саломлар бўлсин, йигитча!

В и о л а . Салом, тақсир.

С ә р Т о б и . Ёнингда қанақа қуролинг бўлса ҳам, тайёрлаб тур. Сен уни қай йўсиnda ҳақорат қилганингни билмайман, бироқ сени овчидаи қўзига қон тўлган қаттол душманинг боғ әтагида пойлаб турибди. Қиличингни яланғочла! Бўш келма! Душманинг ўта абжир, оғзидан ажал ўти сочилиб турибди.

В и о л а . Янглишасиз, тақсир, мен ҳеч кимга озор берганим йўқ. Ҳатто қўй оғзидан чўп олганимни ҳам эслай олмайман.

С ә р Т о б и Сизни ишонтириб айтаманки, вазият сиз ўйлаганинг аксича, агар жон керак бўлса, қўзингизни очинг. Устунлик ҳар жиҳатдан душманинги томонда — у ёш, эўр, эпчил, дарғазаб.

В и о л а . Ким ўзи у, тақсир?

С ә р Т о б и . У ўз ҳукмдорининг саройида, гилам устидаги дудама тишилик қилич ўпиди баҳодир унвонини олган бўлса ҳам, қиличбозликда тенгсиз иблис, шу кунгача рақибларидан уч кишини жонидан жудо қилган. Шу дақиқада ҳам қаҳрининг зўрлигидан шердай ҳайқириб турибди, жони чиқиб мурдаси гўрга кирмагунча шахтидан қайтадиган эмас. Унинг шиори битта: «Е жонингни бер, ё жонимни ол!»

В и о л а . Мен саройга қайтиб, графинядан ҳамроҳлар беришини илтимос қиласман. Ўзим дуэль ишқибозларидан

әмасман. Одамларниг ботирлигини синаб қўриш учун атайлаб жанжал чиқарувчилар бўлади, деб әшигтганман. Балки у ҳам ана шуларниг биридир?

Сэр Тоби. Йўқ, афандим, унинг сиздан аччиқланишига далили бор. Шу сабабдан — тайёрланинг! Сиз унинг даъватини қабул қилишингиз зарур. Токи мен билан олишмагунингизча бу уйга киритмайман. Яхиси, сиз у билан олишинг. Хулласи қалом, ё унинг олдига боринг ёки ҳозир қиличингизни ялангочланг. Олишишга мажбурсиз, бу масала равшан. Ё олишасиз, ёки қилич тақиш ҳуқуқидан умрбод маҳрум бўласиз.

Виола. Бу ишингиз ҳурматсизлик бўлиши устига, ақлга ҳам сиғмайди. Илтимос: ўша баҳодирдан сўраб беринг-чи, мен уни нима билан хафа қилиб қўйган эканман? Мабодо хафа қилган бўлсан ҳам, әҳтиётсизлик билан, билмай хафа қилгандирман.

Сэр Тоби. Марҳамат! Синьор Фабиан, сиз бу жанобни қимиерлатмай туриңг, мен дарҳол келаман. (Кетади.)

Виола. Тақсир, бу жанжалдан сал-пал хабарингиз борми?

Фабиан. Мен фақат шуни биламанки, у баҳодирнинг сизни кўрарга кўзи йўқ ва ҳаёт-мамот учун олишади. Билганим шу.

Виола. Мумкин бўлса айтсангиз, у ўзи қанақа одам?

Фабиан. Важоҳати унча ваҳимали эмас, аммо нечоғлик ботирлигини олишганда биласиз. Чиндан ҳам, бутун Иллирияда энг эпчил, энг хавфли, энг қаттол қиличбоз. Истасангиз олдига борамиз. Мен сизни у билан яраштиришга уриниб кўраман.

Виола. Агар шундай қиласангиз, сиздан ниҳоятда миннатдор бўламан. Мен ботирнинг қиличидан кашининг тасбеҳини афзал кўрадиганлар тоифасиданман. Баҳодир деб ном қозонишга унча ҳавасим йўқ.

Кетадилар.

БЕШИНЧИ САҲНА

Оливиянинг боғи олдида кўча.

Сэр Тоби ва сэр Эндрю кирадилар.

Сэр Тоби. Э, оғайни, у иблиснинг ўзгинаси чиқиб қолди. Шу ёшга кириб, бунақа қиличбозни кўрмаганман.

Мен у билан шунчаки кучини синаб кўриш учун яқинига бораманми? — Ҳужумда елдан ҳам тез, чекиниб, ташла-нишда ундан ҳам баттар, оёғи ерга тегмайди, бир сўз билан айтганда — иблиц. Уни Эрон шоҳига қиличбоэликдан дарс берган дейишади.

Сэр Эндрю. Во шайтон-эй! Йўқ, мен у билан олишмайман!

Сэр Тоби. Аммо уни шахтидан қайтариш қийин. Фабиан уни базўр ушлаб турибди.

Сэр Эндрю. О зангар-эй! Мен унинг бунаقا қи-личбоз, ботирлигини билганимда гашига тегмай, орқаси-дан сўкиб қўя қолган бўлардим. Уни бир амаллаб кўндири: агар бу ишдан воз кечса, саман тойимни совга қиласман.

Сэр Тоби. Майли, мен унга бу таклифни айтиб кў-раман. Сен шу ерда кутиб тур. Бўшашма, қаддингни ростла. Бу ишни қон тўкмай, жон чиқармай тугатамиз. (Чет-га.) Саман тойингни бўлса, сен эшакни минганимдай маза қилиб минаман.

Фабиан билан Виола кирадилар.

(Фабианга.) Мен буларни яраштирсам, у отини берадиган бўлди. Йигитчанинг таърифини иблицдан ҳам ошириб юбордим.

Фабиан (Сэр Тобига). Йигитча ҳам баҳодиримиз ҳақида шунаقا фикрга бориб қолди. Айиқ қувгандай ранги оқариб, тиззаси қалтираяпти.

Сэр Тоби (Виолага). Ҳеч иш чиқмади, афандим. У, онт ичганман, албатта олишаман, дейди. Жанжалнинг сабабига келганда, буни арзимаган бир нарса деб, фикридан қайтди. Хуллас, уни қасам урмаслиги учун қиличи-нгизни ялангочланг, шикаст етказмасликка сўз берди.

Виола (четга). Э худойим, қанақа эркаклигимни айтиб юборишинга оз қолди.

Фабиан. Агар у қизишиб кетса, орқага чекининг.

Сэр Тоби. Ҳеч иш чиқмади, оғайним Эндрю. Факат ваъда бериб айтадики, ўртага номус аралашгани учун, дуэль қонунига амал қиласди-ю, аммо сенга шикаст етказмайди. Баҳодирлиги номига онт ичиб, шунга сўз берди. Қани бошла!

Сэр Эндрю. Е, тангрим, ишқилиб сўзида турсиндал! (Қиличини ялангочлайди.)

Виола (*қиличини тутиб*). Сизни ишонтириб айтаманки, мен бу ишни ўз ихтиёrim билан қилаётганим йўқ.

Антонио киради.

Антонио

(*Сэр Эндрюга*)

Шошманг, қинга тиқинг қиличингиизни!
Сизга озор берган бўлса бу йигит,
Унинг учун мана, мен олишаман.
Агар сиздан озор етган бўлса, мен
Сизни чақираман, қани, бошладик.

Сэр Тоби

Афандим, қаёқдан келдингиз, кимсиэ?

Антонио

Менми? Дўстлар учун оғизда эмас
Амалда жонини бергувчиман. Хўш?

Сэр Тоби (*қиличини ялангочлайди*). Агар шунаقا урищқоқ бўлсангиз, мана, хизматингизга тайёрман.

Фабиан. Ўзингизни босинг, сэр Тоби! Миршаблар келяпти.

Иккимиршаб кириб келади.

Виола. (*Сэр Эндрюга*.) Илтимос, тақсир, қиличингиизниң қининга солинг.

Сэр Эндрю. Жуда соз, афандим! Аммо ваъдам — ваъда. Отим совутилган, ювощ.

Биринчи мираншаб

Ана у: ўз вазифангни бажар.

Иккинчи мираншаб

Герцог фармони шу: сиз қамалдингиз.

Антонио

Афандим, бу янглиш.

Б и р и н ч и м и р ш а б

Йўқ, янглиш әмас!
Гарчанд бошингизда матрос қалпоги —
Бўлмаса ҳам, сизни дарҳол танидим.
Ўзи жуда яхши билади.

А н т о н и о

Бўйсунаман.

(В и о л а ғ а)

Агар мен сизни излаб,
Кўчага чиқмасам қамалмас әдим.
Дўстим, иложим йўқ, жавоб бераман!
Сиз нима қиласиз?

Мен ҳамёнимни
Қайтариб олишга мажбурман энди.
Бироқ сизга ёрдам беролмаганим
Менга қамоқдан ҳам минг марта оғир!
Сизни хижолатга қўйдим. Начора?
Хафа бўлманг!

И к к и н ч и м и р ш а б

Қани, кетдик, афандим.

А н т о н и о

Уша ҳамёндаги пулнинг ақалли
Бир қисмини беринг. Мажбурман.

В и о л а

Ҳамён?

Сиз менинг ёнимни олмоқчи бўлиб
Узингизга чиндан зиён қилдингиз,
Ҳатто қамалдингиз, шу сабабдан ҳам,
Ҷўнтағимда бўлган озгина пулнинг
Ярмини беришга тайёрман.

А н т о н и о

Тангрим,

Наҳотки, сиз мендан, аввал қўрсатган
Барча хизматимдан воз кечмоқчисиз?
Ўз дардим етарли. Мени қийнаманг.

Наҳот, хизматимни сизга пеш қилиб,
Ўзимни юз тубан хўрлашим керак?

Виола

Мен сизни биринчи кўриб турибман,
Хизматларингиздан ҳеч хабарим йўқ.
Гарчанд нонкўрликдан ёмон нарса йўқ.
Нонкўрлик ёлғондан, кибру ғурурдан,
Мастликдан ва қонда қаттол заҳардай
Яшагувчи жами иллатдан ёмон.

Антонио

О, одил худойим!

Иккинчи мираб

Кетдик, афандим.

Антонио

Шошмай туринг.

Икки оғиз сўзим бор!

Мен шу даврангизда турган йигитни
Ажалнинг оғзидан тортиб олганман.
Уни илоҳий бир мұҳабbat билан
Не-не балолардан сақлаб қолганман.
Гўзал сиймосини ардоқлаганда,
Қалби ҳам гўзал, деб сиғинган әдим.

Биринчи мираб

Бу гапнинг бизга ҳеч алоқаси йўқ,
Вақтни ўтказмайлик. Бўлди, кетайлик.

Антонио

Фаришта иблисга айлангани шу!
Себастьян, ўзинг нурли шаъннингга
Учмас доғ туширдинг. Қора юрагинг
Табиатга иснод келтириди. Афсус,
Бундай нонкўрликни кўрмаган әдим,
Яхшилик — гўзаллик тимсоли, аммо
Ёмонлик дунёда энг хунук нарса.
Гўзал либосдаги қора дил эса,
Барча ёмонликнинг энг ёмонидир!

Биринчи мираб
Ақлидан озды! Бас! Кетдик!

Антонио

Бошланглар.

(Мираблар қушовида кетади.)

Виола

У ёниб гапирди. Демак, сўзи рост.
Бу нима, ўнгимми ёки туш холос?
Оҳ, кошки, армоним ушалган бўлса,
Акам ҳалокатдан қутулган бўлса!

Сэр Тоби. Бери кел, баҳодир, сен ҳам, Фабиан, бери кел. Ўзимиэнинг ҳикматли гаплардан гаплашамиз.

Виола

Себастьян деди у мени! Акам
Менга ўхшаб кетар эди жуда ҳам.
Кийимларимиз ҳам ўхшарди. Тангри,
Марҳаматларингни сезмоқда кўнглим,
Оҳ, кошки, кўрсайдим азиз акамни,
Қалбим тарк әтарди аччиқ аламни!

(Кетади.)

Сэр Тоби. Беномус, пасткаш гўдак! Қуённинг боласидан ҳам қўрқоқ экан-а! Номуссиз бўлмаса, дўстининг бошига кулфат тушганда тониб кетармиди! Қўрқоқлигини сен айтиб бер, Фабиан!

Фабиан. Қўрқоқларнинг қўрқоги экан у аблар!

Сэр Эндрю. Ҳозир етиб олиб қулоғининг тагига тушираман!

Сэр Тоби. Қойил! Бор, тушир, аммо қилич ишлатма!

Сэр Эндрю. Шунаقا туширайки!..

Фабиан. Юр, уларнинг жангини томоша қиласмиш,

Сэр Тоби. Бе, ҳеч қанақа жанг бўлмайди.

Кетадилар.

ПАРДА

ТҮРТИНЧИ ПАРДА БИРИНЧИ САҲНА

Оливия уйининг олдида.
Себастьян билан Қизиқчи келадилар.

Қизиқчи. Хуллас, мени сизга юборишганини бўлмаган гап демоқчимисиз?

Себастьян

Бас, тентак! Кимлигинг кўриб турибман.
Бўлди, мени тинч қўй, ишингдан қолма.

Қизиқчи. Мана буниси қойил! Демак, мен сизни танимайман, графиня ширин суҳбатга чақириб келишга мени юборгани йўқ, сизнинг исмингиз синьор Цезарио эмағ ва бу бурун ҳам менинг бурним эмас? Хуллас, кўриб турган нарсаларимиз аслида йўқ, шундайми?

Себастьян

Бошқаларга кўрсат қароматингни!
Биз бир-биримизни танимаймиз, бас.

Қизиқчи. «Бошқаларга кўрсат қароматингни!» Бу иборани бирорта олий мартабали зотдан эшитиб олиб, энди мен тентакка ишлатяпти. «Бошқаларга кўрсат қароматингни!» Э, иш шундай кетаверса, қўпол дунёмиз нозиклашиб олифтага айланади. Менга қара, қўй, олифталикни йиғишириб, менга айт: графиняга нима деб қаромат қиласай, келади дебми?

Себастьян

Илтимос, кет әнди, бедаво махлук!
Мана пул, олу көт, агар кетмасанг,
Чой пулига бошқа чақа оласан!

Кизиқчи. Онт ичаманки, саховатингга қойилман.
Аҳмоқларга пул бергувчи донолар қанчалик сахий бўлсалар, шунчалик обрў топадилар.

Сэр Тоби, сэр Эндрю ва Фабиан кирадилар.

Сэр Эндрю. Э, афандим, қўлга тушдингиз! Мана сизга! (Себастьянни уради.)

Себастьян (сэр Эндрюни уради). Мана, жавобини ол! Бу ердагиларга бир бало бўлганми, эсларингиз жойидами?

Сэр Тоби. Қўлингни торт, акс ҳолда, бир зарбда қиличинг асфаласофилинга кетади!

Кизиқчи. Ҳозир графиняга хабар бераман. Тилла берсаларинг ҳам сенларнинг ўрнингда бўлишни истамайман. (Кетади.)

Сэр Тоби (Себастьяннинг ёқасидан олади). Бас қилинг!

Сэр Эндрю. Уни қўй! Узим адабини бераман: ургани учун ишини судга ошираман. Агар Иллириядаadolat бўлса, уни жазога тортади. Биринчи мен урган бўлсан ҳам, бунинг аҳамияти йўқ.

Себастьян. Торт қўлингни!

Сэр Тоби. Йўқ, афандим, осон қутулиб бўпсиз. Қиличингизни қинига солинг, йигитча! Зўр бўлсангиз ҳам, ҳаддингиздан ошманг!

Себастьян

(Сэр Тобининг қўлидан чиқиб.)

Овора бўласан. Ҳўш, қалайсан, айт!
Ё, жўна, ё қиндан қиличингни ол!

(Қиличини яланғочлайди.)

Сэр Тоби. Нима, нима? Баттол қонингдан бир миқол тўкмагунимча совумайсан шекилли? (Қиличини яланғочлайди.)

Оливия киради.

Оливия. Тоби, тўхта, агар жон керак бўлса!
Сэр Тоби. Графиня!..

Оливия

Қўними йўқ саёқ! Сен қачонгача
Одамларга озор бериб юрасан?
Сени тоққа ҳайдаш керак, кимсасиз
Яланғоч чўққилар оралиғига.
Ёввойилар билан яшайсан, йўқол!
Аэзизим Цезарийо, беандишанинг
Қўрслигидан хафа бўлма!

(Сэр Тобига.)

Бор, йўқол!

Сэр Тоби, сэр Эндрю ва Фабиан кетадилар.

Марҳаматли дўстим, газабингни бос,
У пасткашлар сенга арзимайди: Сен
Эҳтиросинг билан эмас, баркамол
Ақлинг билан ҳукм чиқар. Юр. Сенг
Унинг кимлигини сўзлаб бераман,
Аҳмоқликларидан роса куласан.
Илтимос қиласман, кетма, бир нафас
Ёнимда қол. Сенга озор бериб у,
Аслида, дилимни парчалади, юр!

Себастьян

Тушимми, ўнгимми? Бу қандай хаёл?
Е раббий, бу қандай соҳибижамол?
Агар ўнгим бўлса — улуғ саодат!
Агар тушим бўлса — уйғонмай агад!

Оливия

Сўрайман, қўлимдан ушла, марҳамат!

Себастьян

Жоним билан. Бошла.

О л и в и я

Шу менга қисмат.

Кетадилар.

ИККИНЧИ САҲНА

О л и в и я н и н г уйи.
М а р и я билан Қ изиқчи кирадилар.

М а р и я. Илтимос, мана шу аборни кий, иягингга соқол ёпиштири-да, унга ўзингни ҳазрат Маврикий деб таништири. Тезроқ бўл. Мен ҳозир сэр Тобини айтиб кела-ман. (Кетади.)

Қ изиқчи. Бўпти, аборни кийиб, попнинг худди ўзи бўламан. Бунақа або ёпиниб кашиш қиёфасида юрган чала муллалар биргина мен әмас. Руҳонийнинг айни нусхаси бўлиш учун унчалик семиз әмасман, аммо муллаликка унчалик озғин ҳам әмасман. Бинобарин, бедор кечалардан қуруқ суюги қолган улуғ олим бўлишдан ҳалол одам ва оиласпарвар бўлиш афзалроқ. Ана, улфатлар ҳам келишиди.

С э р Т ө б и ва М а р и я келадилар.

С э р Т ө б и. Юпитер паноҳида асрасин, ҳазрат Маврикий!

Қ изиқчи. Ҳей, ким у? Тангри бу зиндани зоҳидни ўз паноҳида асрасин!

С э р Т ө б и. Иблис боплаяпти: худди ўзи-я!

Қ изиқчи. Шайтон вассасасига учган Мальволионинг зиёратига келган ҳазрат Маврикий бўламан.

М альв о ли о. Ҳазрат Маврикий, ҳой, ҳазрат Маврикий, марҳаматли ҳазрат Маврикий, маликамга хабар етказинг!

Қ изиқчи. Куф-суф, иблис! На сабабки, шундай бир бандани сеҳрингга олдинг ва нуқул забонида аёлни викр өтурсан?

С э р Т ө б и. Пухта айтдингиз, тақсир!

М альв о ли о. Ҳазрат Маврикий, ҳали ҳеч ким бирор кимсага бундай озор берган әмас! Улар мени зиндан ҳам баттарин омборга қамадилар,

Қизиқчи. Бечора иблиц! Мен шундай бир бандадурманки, ҳатто инс-жинсга ҳам әхтиромим беҳаддир. Сенга раҳм-шафқатимнинг боиси ҳам шудир. Қоронғида қолдингми, э банда?

Мальвлио. Бу ер бамисоли жаҳаннам, ҳазрат Маврикий.

Қизиқчи. Э, бечора, кўрмайсанмики, томи тагида дарчалари бордир ва шимоли-жанубдаги туйнукларидан зулмат қўйиладир, сен әрсанг, ношукур банда, қоронғиликдан шикоят қиласурсан?

Мальвлио. Эсим жойида, ҳазрат Маврикий, бу ер қоронғи бўлгани сабабли қоронғи деяпман.

Қизиқчи. Э телба, саҳв қилдинг. Сабабки, зулмат — сенинг нодонлигингдир, зеро нодонлик бошингни мисрликлар заминидаги тумандай қопламишдир.

Мальвлио. Ҳақ гап, ҳазрат Маврикий, бу омбор зулмати мисоли нодонлик, яъни жаҳаннам зулматидан ҳам баттарин. Такрор айтаманки, ҳали-ҳануз инсон боласи бундоғ қулфатга гирифтор бўлмаган. Менинг телвалигим сизнинг телвалигинги чалик ҳам әмас. Ҳар қанча савол бериб синааб кўрсангиз, мен розиман.

Қизиқчи. Пифагор таълимотини ёввойи ўрдакларга татбиқан таърифлаб бергинг-чи?

Мальвлио. Таърифи шуки, бибимиз жонини ўрдак танасида деб фараҳ қилиш мумкин.

Қизиқчи. Сен ўзинг бунга нима дейсан?

Мальвлио. Жон борасида менинг әътиқодим ғоятда баланд, яъни мен Пифагор таълимотини инкор эта-ман.

Қизиқчи. Алвидо! Зулматда қолурсан. Токи мен ақлнинг мавжудлигига қаноат ҳосил қилмас эрканман, яъни сен бибинг жони туфайли ўрдакка шафқат қилмас, бунинг учун эса Пифагор таълимотини тан олмас эркансан, ёруғликка чиқмагайсан.

Мальвлио. Ҳазрат Маврикий! Ҳо, ҳазрат Маврикий!

Сэр Тоби. Қойил, ҳазрат Маврикий домла!

Қизиқчи. Қалай, або роса ярашибдими?

Мария. Або киймай, соқол қўймай ҳам бопласанг бўларди: у барибир қоронғида сени кўрмайди.

Сэр Тоби. Бор энди, уни ўз товушинг билан гапга сол, кейин келиб айтиб берасан. Хуллас, бу ҳазилнинг охири баҳайр бўлсин! Графинянинг менга муомаласи шу

қадар музлаб кетдики, бу ўйиндан ўт чиқишидан қўрқаман. Агар уни секин чиқарип юборишнинг иложи бўлса, қўйиб юбор, кетаверсин. Ҳонамда кутаман, тез кел.

Сэр Тоби билан Мария кетадилар.

Қизиқчи

(куйлайди)

«Эй Робин, менга айт,
Севгилинг омонми,
Ё, ранги сомонми?»

Мальвлио. Қизиқчи!

Қизиқчи

(куйлайди)

«У ортиқ севмайди,
Енингга келмайди».

Мальвлио. Қизиқчи!

Қизиқчи

(куйлайди)

«Ўзганинг шайдоси...»

Ким у, мени чақираётган?

Мальвлио. Марҳаматли қизиқчи, менга бир хизмат қилас: шам, қалам, қофоз олиб келиб бер. Ҳудо ҳаққи, умрбод миннатдор бўламан.

Қизиқчи. Жаноб Мальвлио!

Мальвлио. Ҳа, марҳаматли қизиқчи, бу менман.

Қизиқчи. Э, афандим, наҳотки ақлдан озган бўлсангиз?

Мальвлио. Ҳой, қизиқчи, ҳали ҳеч кимнинг бошига бунаقا савдо тушмаган. Менинг ақлим худди сенинг ақлингдай жойида.

Қизиқчи. Менинг ақлимдай? Агар сизниңг ақлинтиз менинг ақлимча бўлса, унда туппа-тузук аҳмоқ әкан-сиз-да!

Мальвлио. Улар мени бу ерга қамаб, қоронгида сақлашяпти, у эшаклар мени ақлдан оздириш учун одимга нуқул руҳонийларни юборишида,

Қизиқчи. Ҳой, оғзингизга қараб гапириңг: тақсирим шу ердалар! (*Овозини ўзгартириб.*) «Мальволио! Мальволио! Парвардигор шифо берсин! Вайсама, эс-ҳушингни йиғиб, уйқуга чекил!»

Мальволио. Ҳазрат Маврикий!..

Қизиқчи. «Э банда, ножинс суханига қулоқ тутма». — Ким, менми? Ҳазрат Маврикий? Яқинига бормайман! Ҳудо сақласин! «Омин!» Имоним саломат, ҳазрат Маврикий!

Мальволио. Қизиқчи, ҳо қизиқчи, қулоқ бер.

Қизиқчи. Сабр қилинг, тақсир, сабр қилинг! (*Четга.*) Ҳой, сизлар нима деяпсизлар? — Тақсир, сиз билан сўзлашганим учун мени сўкишяпти.

Мальволио. Меҳрибон қизиқчи, менга шам билан қалам, қофоз олиб келиб бер. Сени онт ичиб ишонтирамки, Иллириядаги бошқа одамлар қанчалик соғ бўлса, мен ҳам шунчалик соғман.

Қизиқчи. Эҳ, кошки эди шундай бўлса, тақсир!

Мальволио. Виждоним ҳаққи, гапим рост! Жон қизиқчи, менга шам, қалам, қофоз топиб кел. Графиняга мактуб ёзаман, элтиб берасан: бунинг бадалига бошингдан зар сочаман.

Қизиқчи

(*куйлади*)

«Үқдай кетаман,
Елдай келаман,
Қойил қоласиз,
Шам келтираман,
Мадад бераман,
Халос бўласиз.
Куф-суф қиласиз,
Жинни қувамиз,
Шайтон қочади.
Озодлик бешак
Қулоч очади!»

Кетади.

УЧИНЧИ САҲНА

Оливиянинг боғи.
Себастьян киради.

Себастьян

Мана ҳаво, мана нурли қуёш, ер,
Мана, унинг менга берган узуги—
Қўлимда, мен уни сезиб турибман,
Мана, мен, вужудим сеҳрига мафтун.
Аммо бу телбалик эмас, ҳақиқат.
Антонио қани? Меҳмонхонадан
Уни тополмадим. Соҳиб айтдики,
Борибди-ю, мени ахтариб яна
Шаҳарга кетибди. Агар у бўлса,
Ҳар бир маслаҳати ҳозир мен учун
Олтинга баробар бўларди, ҳайҳот,
Ақлим билан қалбим бир-бирига зид.
Балки хатодир, аммо имоним
Комилки, сира ҳам телбалик эмас.
Иқбол тангрисининг иноятлари
Шу қадар беҳисоб, шу қадар мушкул,
Унга ақл асло бовар қилмайди,
Ўз кўзимга ўзим ишонолмайман.
Ақлим ўгити шу: ё у малика,
Ё мен телбаланиб қолганман. Бироқ,
Мен телба эмасман! Лекин унинг ҳам
Эс-ҳуши жойида: аксинча бўлса,
У шундай донолик билан саройи,
Ишлари ва жами хизмат аҳлига
Фармонбардор бўлиб юармиди? Йўқ!
Бунда бир хато бор.

Ана, ўзи ҳам!

Оливия кашишни бошлаб киради.

Оливия

Шошқалоқлигимни афв эт!
Чиндан ҳам
Мени никоҳингга олмоқчи бўлсанг,
Юра қол. Бутхона шу ерга яқин.

Рұхоний қазратим олдида менга
Мангу сүз берасан: Оливияга
Умрбод вафоли әр бўламан деб.
Кўрқувдан ларзага келган юрагим
Шундан кейин тинчib, таскин топади.
Рұхоний қазратим никоҳимизни
Доим сир тутишга тайёр, қачонки
Сен буни очишни ихтиёр этсанг,
Биз менинг мартабам баробарида
Тўй қиласиз. Сенга маъқулми, жоним?

С е б а с т ь я н

Бошласин. Тайёрман мен онт ичишга,
Сен учун ҳаттоски жондан кечишга!

О л и в и я

(кашишга)

Қани, юринг. Тангри ўзи мададкор,
Никоҳимиз бўлсин мангу шуъладор.

Кетадилар.

П А Р Д А

БЕШИНЧИ ПАРДА БИРИНЧИ САҲНА

Оливия уйининг олди.
Қизиқчи билан Фабиан кирадилар.

Фабиан. Агар сен мени севсанг, унинг хатини қўрсат.

Қизиқчи. Илтифотли Фабиан, бунинг бадалига сен ҳам бир яхшилик қил.

Фабиан. Сўра сўраганингни.

Қизиқчи. Ўша хатни талаб қилма.

Фабиан. Бу ит совға қилиб, эвазига итимни қайтариб бер, дейиш билан баробар.

Герцог, Виола, Курио ва аъёнлар кирадилар.

Герцог. Дўстларим, сизлар — графиня Оливияга қарашлимисиз?

Қизиқчи. Худди шундай, тақсир, биз унинг ясантусанларимиз.

Герцог. Э, мен сени яхши биламан. Турмуш қалай, оғайни?

Қизиқчи. Ростини айтсам, турмушим душманлар билан яхши, дўстлар билан ёмон.

Герцог. Аксинча, дўстлар билан яхши бўлиши керак.

Қизиқчи. Йўқ, тақсир, ёмон.

Герцог. Нима сабабдан?

Қизиқчи. Сабаби шуки, дўстлар мени мақтаб, ёшак қилиб минишади, душманлар эса ёшаклигимни тўп-па-тўғри юзимга айтиб қўя қолишади, Демак, дўстлар

аҳмоқ қилиб юришади, душманлардан ақл ўрганаман. Ҳулласи калом, агар хуносани бўсага ўхшатиш мумкин бўлса ва тўрт инкор икки тасдиққа teng бўлса, турмуш дўстлар билан ёмон, душманлар билан яхши бўлиб чиқади.

Герцог. Чуқур гап.

Кизиқчи. Шундай, тақсир. Сиз мени дўст тутсангиз ҳам, виждоним ҳаққи, рост гапни айтдим.

Герцог. Сен менинг дўстларигидан заарар кўрмайсан: ма, мана бу олтинни ол.

Кизиқчи. Тақсир, агар, буни иккита қилинг десам, икки юзлама деб ўйламанг.

Герцог. О, сен менга ёмон маслаҳат беряпсан!

Кизиқчи. Бу галча, тақсир, виждонингизни чўнтағингизга яшириб қўйинг-да, менинг маслаҳатимга юрипг!

Герцог. Кел, икки юзлама бўлсам бўлай, ма яна битта олтин.

Кизиқчи. Primo, secundo, tertio¹— ана шунда иш қоюил бўлади. Қаерда уч бўлса — у ерда куч, деган мақол бор. Йбодатга чорловчи қўнфироқ ҳам уч марта: дарангдурунг-дараңг деганда қимирилаб қоламиз.

Герцог. Бу аскиянг билан мендан энди қора чақа ҳам ололмайсан. Аммо менинг келганимни, графиня билан сўзлашиб истагимни унга хабар қилсанг, уни бу ерга бошлиб чиқсанг, бу ишинг сахийлигимни яна уйғотиши мумкин.

Кизиқчи Илоҳи, мен келгунимча сахийлигингиз бошқача уйғонмасин. Кетдим, тақсир. Лекин сиз менинг олtingга муҳаббатимни пулпастлик деб ўйламанг. Ҳулласи калом, тақсир, сахийлигингиз бир оз мудраб турсин: мен уни ҳозир уйғотаман. (Кетади.)

Антонио ва миршаблар кирадилар.

Виола

Ҳукмдорим, менинг халоскорим шу.

Герцог

Юзи менга таниш, гарчанд мен уни
Сўнгги марта кўрган чоғимда худди

¹ Бир, икки, уч.

Бурқиб ётган вулқон сингари буткул
Қора, илма-тешик ясси кеманинг
Капитани эди, флотимдаги

Энг кучли, энг яхши кемага қарши
Арслондай олишди. Ҳасадда ёниб,
Талафотларимиз буткул унутиб,
Шарафга сазовор жанговарликка
Таҳсинлар ўқидик. Қани, нима гап?

Биринчи мишлоаб

Ҳукмдор! Кандиядан катта мол билан
Бизга келаётган «Семурғ» кемасин
Йўлда босиб олган қароқчи шудир,
«Қоплон» кемамизга қарши жанг бошлаб,
Уни асир олган қароқчи ҳам шу.
Сўнгги олишувда жиянингизнинг
Оёғи кесилган. Биз бугун уни
Кўчада ушладик. Тартибни бузиб,
Қиличбозлик қилиб турарди.

Виола

Мени

Еқлаб қиличини яланғочлади.
Аммо унинг айтган сўзларидан мен
Довдирамоқда, деб шубҳага тушдим.

Герцог

Шуҳратли қароқчи, дengiz ўғриси,
Менга айт-чи, қандай телбалик сени
Ўзингдан қонли ўч олишга тайёр —
Одамлар ҳукмига топшира қолди.

Антонио

Ҳукмдор Орсино, менга тақилган
Унвонларни буткул инкор этаман:
Антонио ўғри, қароқчи эмас,
Сизга ашаддий ёв бўлса ҳам, сеҳр
Бу ерга келтирди кўзимни боғлаб.
Тасодиф менинг шу қўлларим билан
Пўртана қаъридан жонсиз йигитни

Омон олиб чиқди. Ана у!

Ажал —

Уни ўлжа қилиб ютмоқда әди.

Унинг ҳаётини мен тухфа әтдим.

Кейин қизғин севиб, ниҳояси йўқ —

Ҳурмат билан қаттиқ боғланиб қолдим.

Шу жонимга азиз йигит туфайли

Менга душман бўлган шаҳарга дадил

Қадам қўйишга ҳам жасорат қилдим.

Килич ушлашимнинг сабаби ҳам шу.

Қўлга тушганимда әса, бу пасткаш

Шерик бўлолмади қора кунимга,

Номусини ютиб мендан воз кечди,

Шундан кейин менга аллақачонлар

Эсдан чиқиб кетган буюм сингари

Қадрини йўқотди. Уни ардоқлаб,

Бундан фақатгина бир соат бурун

Берган ҳамёнимдан тонди бу орсиз.

В и о л а

Сен бизга афсона сўзлаяпсан!

Г е р ү օ ғ

Ҳўш,

Бу шаҳарга қачон келдинг?

А н т о н и о

Шу бугун

Эрталаб келганман, шонли ҳукмдор,

Биз бу билан уч ой бирга яшадик,

На кундуз, на тунда бирор дақиқа

Ажралмаганимиз.

О л и в и я а ъ ё н л а р и билан киради.

Г е р ү օ ғ

Қандай баҳт: осмон ҳам ерга тушаркан! —

Сен телба бўлибсан. Бу йигит менда,

Мана, уч ойдирки, хизмат қилади.

Бу гапларни кейин гаплашармиз. Бао,

Илтимос қиласман. Четга ўтиңглар.

О л и в и я

Келинг, марҳаматли ҳукмдор, хизмат?
 Оливия тайёр хизматингизга,
 Биргина нарсадан мустасно фақат.—
 Цезарио, шуми ваъдага вафо!

В и о л а

Графиня!

Г е р ӯ з о г

Гўзаллар шоҳи, маликам!..

О л и в и я

(*Violaiga*)

Цезарио, нега индамайсан? Айт?

В и о л а

Менинг ҳукмдорим гапирган жойда
 Мен сукут сақлайман.

О л и в и я

Шуни билингки,
 Яна әскича гап қилсангиз, унда
 У важу корсонлар жонимга тегди.
 Эски оҳангларга қулогим ҳам кар.

Г е р ӯ з о г

Демак, аввалгича, бағрингиз тошми?

О л и в и я

Йўқ, ҳар қачонгидай қарорим қатъий.

Г е р ӯ з о г

Багри тошлиkkами?

Эвоҳ, шафқатсиз —
 Малика, муқаддас орзуларимни
 Сенинг bemурувват меҳробингга мен
 Олиб келган әдим. Демак, нажот йўқ!
 Энди нима қилсан экан?

Оливия

Хўкмдор,
Нима истасангиз, ихтиёрингиз.

Герцог

Жон берар чоғида маъшуқасини
Үлдирган мисрлик қароқчи каби,
Дунёда энг азиз билган кишимни
Мен ҳам бўғибгина ўлдирсаммикан!
Ахир, гоҳ-гоҳида омонсиз раши ҳам
Олижаноблик деб ҳисобланади!
Қулоқ солинг: менинг садоқатимни
Қадрламадингиз сиз заррача ҳам,
Майли, сиз, раҳмсиз малика, яшанг,
Майли, даврон суринг. Ва лекин менинг
Сизнинг қалбингиздан суриб чиқарған
Мана шу севгили ошиғингизни
Гарчанд юрагимга яқин бўлса ҳам,
Нима қилишимни ўзим биламан,
Токи ҳукмдорин ҳаққини ютиб,
Айш суриб юрмасин! Цезарио, юр.
Сенга ғазабимни кўрсатиб қўяй.
Ювош қўзичоғим, юра қол, етар!
Сен капитар шумликда қаргадан баттар.

Виола

Кўнглингизга ором бериш туфайли
Минг марта ўлимга тайёрман, майли.

Оливия

Цезарио, тўхта! Қаёққа!

Виола

Севгим,

Хўкмдорим мени бошлаган ёққа!
У кўзларим нури, жонимдай авиз,
У ҳаётимдан ҳам минг қатла лазиз,
Унга муҳаббатим кундай ёруғдир,
Хотинлар ишқидан зўрдир, улуғдир.
Тангрим, олганингда менинг жонимни,
Севгимни оқлагил, тўкиб қонимни!

О л и в и я

О, шўрим, у мени алдади!

В и о л а

Сизни —

Ким алдади ва ким ҳақорат қилди?

О л и в и я

Ё раббий! Эсингни едингми, ахир?..
Кашишни чақириб келинглар!

Хизматкорларидан бири кетади.

Г е р ց օ գ

Сен, юр!

О л и в и я

Қаёққа? Цезарио, әрим, тўхта!

Г е р ց օ գ

Эрим?

О л и в и я

Эрим! Унинг ўзи тасдиқласин!

Г е р ց օ գ

Сен?

Маликанинг эри?

В и о л а

Йўқ, ундай әмас,
ОНт ичаман!

О л и в и я

Наҳот, тубан бир қўрқув
Сени ўз баҳтингдан тондира олса?
Цезарио, қўрқма, ўз омадингни
Рад қилма. Пинҳоний икоҳ туфайли
Улуғ мартабага ноил бўлгансан, —

Ҳозир қўрқиб турган одаминг билан
Сен ҳар бир жиҳатдан тенг бўлажаксан!

К а ш и ш киради.

О л и в и я

Сен вақтида етиб қелдинг! Сўрайман,
Руҳоний ҳазратим, тангри ҳаққи, айт,
Сенинг ҳузурингда мана шу йигит
Мени никоҳига олганми, йўқми?
Гарчанд биз бу сирни пинҳон сақлашга
Аҳду паймон қилган эдик. Начора:
Тасодиф аҳдимиз фош этиб қўйди.

К а ш и ш

Сизнинг муҳаббатли никоҳингизни
Ўқидим, умрбод бошларингизни
Ўзим қовуштиридим, бармоқларингиз
Олтин узуклардан порлади, яна
Онт ичиб, ўпдингиз бир-бирингизни,
Хуллас, никоҳ учун зарур маросим,
Менинг қўлим билан адо этилди.
Шундан бери мен ҳам қабримга томон
Фақат икки соат яқинроқ бордим.

Г е р Ҷ о г

Ҳозир шундай бўлсанг, эй иблисбачча,
Сочларинг қор каби оқарганида,
Яна қандай ҳунар кўрсатаркансан?
Еки, ёлғончилик — шу мудҳиш аждар
То унгача ютиб юборадими?
У сеники: майли, суравер роҳат,
Ва лекин йўлимда учрама фақат!

В и о л а

Онт ичаман...

Г е р Ҷ о г

Ичма, на даркор!
Қўрқоқ ҳам бўлмасин юзтубан, беор,

Боши ёрилган сәр Эндрю киради.

Сәр Эндрю. Худо ҳаққи, табибга одам юборинглар! Сәр Тобига дарҳол табиб керак!

Оливия. Нима бўлди?

Сәр Эндрю. У менинг бошимни ёрди, аммо сәр Тобининг мия суюгини чил-чил қилди. Худо ҳаққи, ёрдам беринглар! Ҳозир уйимга етиб олиш учун бор-будимни беришга тайёрман!

Оливия. Ким у, сәр Эндрю?

Сәр Эндрю. Герцогнинг мулоzими, оти Цезарио. Биз уни қўрқоқ деб ўйлаган әдик, ашаддий иблис чиқиб қолди.

Герцог. Менинг хизматкорим? Цезарио?

Сәр Эндрю. Ё алҳазар, ана у! Сиз арзимаган нарсаага бошимни ёрдингиз, аслида мени сәр Тоби гижгижлади.

Виола. Нималар деяпсиз? Мен сизга, тақсир, текканим йўқ. Бошлаб қиличингизни сиз қиндан тортдингиз. Мен эса, сизга дағал гапирмадим, юмшоқ сўзладим.

Сәр Эндрю. Агар бошим ёрилгани чин бўлса, у қолда бу сизнинг ишингиз. Сиз бош ёришни, юмшоқ сўзлаш, десангиз керак?

Қизиқчи маст сәр Тобини судраб киради.

Ана, сәр Тоби ҳам базўр сургалиб келяпти. У ҳозир ба-тафсил сўзлаб беради. Кайфи ошиб қолмагандан адабин-ғиени берарди-я!

Герцог. Хўш, баҳодир, сизга нима бўлди?

Сәр Тоби. Қип-қизил иблис әкан. Бошни еди! Ҳой, тентак, табибни топдингми?

Қизиқчи. Ана, тақсир, бир соатдирки, фирт маст, өрталаб соат саккиздан бери кўзини очишга мажоли йўқ.

Сәр Тоби. Э, ҳайвон, абллақ! Ҳайвоннинг мастига тоқатим йўқ.

Оливия. Уни олиб кетинглар. Буларни урган ким бўлди әкан-а?

Сәр Эндрю. Менга суюл, сәр Тоби, кетдик, икка-ламизнинг бошимизни бирга куйдириб боғлайдилар.

Сәр Тоби. Сенга суюлайми? Эҳ, сен мақтанчоқ әшак, нодон!

Оливия. Уни ўрнига ётқизиб, ярасини боғланглар.

Қизиқчи, Фабиан, сәр Эндрю ва сәр Тоби кетадилар.
Себастьян киради.

Себастьян

(Оливияга.)

Афсуслар бўлсинки, амакингизни
Мен ярадор қилдим. Иттифоқо у,
Ўз акам бўлса ҳам, шундай қилардим.
Шунга мажбур бўлдим, ўз ҳаётимни
Олиб қочмоқ учун хавф-хатардан.
Мендан қаттиқ хафа бўлганингизни
Қўй қарашингиздан сезиб турибман.
Гўзал графиня, бир-биримизга
Ичган онтларимиз ҳаққи, кечириңг.

Герцог

Бир чеҳра, бир кийим, овозлар ҳам бир,
Аммо икки одам! Иккаласи ҳам,
Жаҳонномадаги суратнинг ўзи!

Себастьян

Азиз Антонио, меҳрибон дўстим!
Сени кўрмагандан бери ҳар соат
Худди узун йилдай мени қийнайди!

Антонио

Сен — Себастьянми?

Себастьян

Ё, шубҳанг борми?

Антонио

Иккига бўлинниб қолганинг қизиқ!
Икковингиз — икки томчи сув каби —
Жуда ҳам ўхшайсиз, Себастьян ким?

Оливия

Ақлга сигмайди!

Себастьян

Ё мен у, ё у — мен!
Ака-укаларим бўлмаган. Менда
Илоҳий кўч йўқки, айни бир вақтда
Ҳамма ерда бўлсан. Синглимни эса,
Денгиз тўлқинлари қаърига ютган,

(Violaga)

Худо ҳаққи, балки қариндошдирмиз?
Айтинг: қаерликсиз, исмингиз нима?

В и о л а

Мессалин ороли — менинг ватаним,
Себастьян бўлган отамнинг оти.
Лекин отам оти билан аталган
Себастьян деган акам бор эди.
Менинг кийимимдай кийимда уни
Денгиз ўз қаърига омонсиз ютган,
Агар ер юзида арвоҳ ўзганинг —
Юзи, либосида кўрина олса,
Демак, сен ўшандай бир хаёл бўлиб,
Бизни қўрқитишига келган арвоҳсан.

С е б а с т ь я н

Майли, арвоҳ бўлай, лекин туғилган —
Кунимдан заррача ўзгармаганман.
Агар қиз бўлсангиз бағримга босиб
Юзингизни кўзим ёшлари билан
Ювиб дердим: «Марҳум Виола, тирил,
Яна синглим бўлиб дунёда яша!»

В и о л а

Ҳали ҳам әсимда: марҳум отамнинг
Ўнг қоши устида холи бор эди.

С е б а с т ь я н

Менинг ҳам отамда бор эди у хол.

В и о л а

Виола ўн учга тўлганда унинг
Туғилган кунида отам жон берган.

С е б а с т ь я н

О, ҳамон ёдимда ўша мудҳиш он!
Ҳа, синглим ўн учга тўлган кунда
Дунё ишларини тугатиб кетган,

В и о л а

Агар бахтимизга устимдаги бу
Эркаклар либоси халақит берса,
Мени құчоқлама. Сабр қилайлик.
Виола олдингда турғанини вақт,
Вазият ва мұхит тасдиқлаб берсін.
Шу яқын ўртада, мени қутқарған
Капитан яшайды. Борамиз. Менинг
Қызылк кийимларим унинг үйіда.
У мени қутқарғач, мен марҳаматли —
Орсинога учраб, хизматта кирдім.
Ұша кундан бошлаб менинг тақдирим
Орсино ва гүзәл графиняның
Тақдиріга ажаб улашиб қетди.

С е б а с т ь я н

Демак, графиня, сиз янглишгансиз,
Аммо табиаттинг сизга күрсаттган
Йўли ҳақиқатдир. Сиз қиз болага
Турмушга чиқиши орзу қилгансиз.
Онт ичаман, пухта нишон олгансиз,
Сиз ҳам сингил билан, ҳам ака билан
Бир вақтда никоҳга киргансиз.

Г е р ց о г

Нега

Қизариб кетдингиз? Себастьяннинг
Сизга муносибдир наслу наасаби.
Агар бу ҳаммаси туш бўлмаса-ю,
Чин ҳақиқат бўлса, у ҳолда мен ҳам
Денгизнинг қаърига кетган кемадан
Бахтим-насибамни узиб оламан.

(*Виолага*)

Сизни хотинлардан афзал кўраман,
Жонимни беришга тайёрман, дея
Менга минг-минг марта айтган сўзларини
Эсингдами?

Виола

Уни қайта онт ичиб
Такрорлашга ҳамон тайёрман. Само
Ўз ойи, қуёши, юлдузларини
Доим паноҳида асраганидай,
Мен ҳам пок ишқимни қалбимда асраб,
Ичган онталаримга содиқ қоламан.

Герцог

Менга қўлингни бер, энди ўзингни
Қизлиқ кийимингда кўрсат.

Виола

Кийимим
Соҳилга чиқариб қўйган капитан
Уйида ва лекин Мальволионинг
Шикояти билан у капитанни
Қамоқقا олганлар.

Оливия

У капитанни
Шу соатда озод қилинглар!
Дарҳол
Мальволио етиб келсин. Шўрликни
Энди эслабман. У телба бўлгандир.

Лат кўтарган Қизиқчи ва Фабиан кирадилар.

Одам ўзи телба бўлган кезлари
Бошқа телбаларни унутар экан.
Ким билади, унинг аҳволи қандай?

Қизиқчи. Қандай бўларди, графиня, у шайтон билан бир одамчалик олишиб ётиби. Мана, сизга мактуб бериб юборди. Мен буни сизга эрталабоқ берсам бўларди, бироқ жиннининг мактуби инжил эмас, қачон ўқиса ҳам бўлаверади.

Оливия. Мактубни очиб, ўқи.

Қизиқчи. Мана бу жазони қаранг, тентак жиннининг хатини ўқирмиш! «Худо ҳофиз, графиня...»

О л и в и я Нима, жинни бўлдингми?

К изиқчи. Йўқ, графиня, мен жиннининг сўзлари-
ни ўқияпман, холос. Агар қироат билан ўқишимни иста-
сангиз, бўлманг.

О л и в и я. Маъноли қилиб ўқи.

К изиқчи. Хўп бўлади, маликам. Аммо бундан бир
маъно чиқсин, дейилса, мендаقا қироат билан ўқиш ке-
рак. Қулоқ солинг, маликам...

О л и в и я. Фабиан, сен ўқи!

Ф а б и а н (ўқийди). «Худо ҳофиз, графиня, сиз мени
хафа қилдингиз ва бу можаро оламга машҳур бўлди. Гар-
чанд сиз мени зиндонга ташлаган ва маст амакингизнинг
қўлига топшириб қўйган бўлсангиз ҳам, менинг ақлим,
худди сизнинг ақлингиздек жойида. Мени бу қўйга сол-
ган сизнинг мактубингиздирки, мен уни кўрсатиб ўзимни
оқлашимга ва сизни қизартиришинга ишонаман. Менинг
ҳақимда нима ўйласангиз ўйлайвернинг. Мен сизга ҳурмат-
еҳтиромимни вақтинча фаромуш қилдим ва таҳқирланган
одамдай аччиқландим.

Т е л б а а ҳ в о ли д а г и ҳ а қ и р М а л ь в о ли о »,

О л и в и я. Буни у ёздими?

К изиқчи. Ҳа, графиня.

Г е р ц о г

Хатидан жиннига ўхшамайди у.

О л и в и я

Фабиан, бор, уни озод қил, дарҳол
Бу ерга олиб кел.

Ф а б и а н кетади.

Агар ҳукмдор,
Мени рафиқангиз ўрнида әмас,
Синглингиз ўрнида кўриб севсангиз,
Ижозат берингиз, менинг қасримда
Вир кунда икки тўй тантана қиласин.

Г е р ц о г

Гаклифларингизга жондан розиман.

(Violaga)

Ҳукмдоринг сени озод этади.
 Меҳрибонликларга ўрганган нозик —
 Қиз табиатингга кўп маълақатли
 Оғир хизматларинг бадалига мен
 Сенга ҳаётимни тақдим этаман.
 Шу соатдан бошлаб — сен маликамсан.

Оливия

Менга сингил бўлинг!

Фабиан Мальволиони бошлаб келади.

Герцог
 Телба шуми?

Оливия

Xa,
 Ўша. Мальволио, сенга не бўлди?

Мальволио

Графиня, мени ҳаддан зиёда
 Ҳафа қилдингиз.

Оливия

Мен? Йўқ, бўлмаган гап!

Мальволио

Жуда қаттиқ хафа қилдингиз. Мана,
 Ҳатингиз. Ўқингиз. Ишонаманки,
 Сиз ўз сўзларингиз инкор этмассиз.
 Буни сиз бошқача ёзиб кўрингиз,
 Бошқа услугуб билан баён қилингиз,
 Ҳарфларидан тониб, муҳрингизни ҳам
 Тан олмай кўрингиз. Барибир, буни
 Эътироф этишга мажбур бўласиз,
 Чунки инкор этиш гоятда мушкул.
 Ҳуллас, иқор бўлинг: нима сабабдан
 Сиз менга муҳаббат изҳор этдингиз.

Нега жилмайишга фармон бердингиз,
Нега сариқ пайпоқ кийиб, болдирига
Сариқ бөгичларни күндаланг боғлаб
Юришни ёэдингиз? Хизматкорларга,
Хатто сәр Тобига баланддан келиб
Қўпол муомала қилгин, дедингиз?
Тобе қулингиздай, фармонингизни
Умид билан буткул бажо келтиридим.
Сиз бўлсангиз, мени ноҳақ, телбага
Чиқариб, омборга қамаб қўйдингиз.
Бу ҳам етмагандай, поп юбордингиз,.
Жинни ҳам, аҳмоқ ҳам мен бўлдим, ҳамма
Мазах қилиб кулди менинг устимдан;
Айтинг, нега шундай қилдингиз?

Оливия

Шўрлик!

Бу менинг хатимга ўхшаб кетса ҳам,
Лекин менинг қўлим эмас. Шубҳасиз,
Бу хатни Мария ёзган. Ҳа, энди
Эсладим. Мария биринчи бўлиб
Телба бўлганингни айтгани тўғри.
Кейин сен кўриндинг чучмал жилмайиб
Хатда таърифланган сариқ пайпоқда.
Бўлди, ўзингни бос; сени роса ҳам
Майна қилишибди. Аммо бу ишнинг
Сабабчиларини топамиз. Ишон,
Чора кўрилганда ўйинбоэларга
Ҳакам ҳам, даъвогар ҳам ўзинг бўласан.

Фабиан

Графиня, шундай қувончга тўла,
Чиндан саодатли нурли соатга
Шикоят, жанжаллар соя солмасин,
Шундай умид менга жасорат бериб,
Эътироф әтаман: Мальволионинг
Кўрсалиги, ҳавойи ғурури учун,
Эсини киргизиш нияти билан,
Буни ўйлаб топган мен билан Тоби.
Хатни сәр Тобининг талаби билан

Мария ёзгани рост. Тоби унга
Үйланишни ваъда қилди. Алқисса,
Бу ҳазилда ёмон ниятдан кўра
Шўжлик кўпроқ. Хуллас, қасосни эмас,
Шодликни тақозо этади бу иш.
Энди ҳақоратга келсак, ҳар икки —
Томонга баробар келади — бўлсак.

Оливия. Бечора, улар сени роса кулги қилишибди-да!

Қизиқчи. Ҳа, «бирорвлар мартаба билан туғилади-
лар, бошқалар мартабага машаққат билан эришадилар,
аммо ўзгаларга мартаба осонликча пасиб қиласди». Мен
ҳам, жаноблар, бу комедияда ҳазрат Маврикий деган
бир зотнинг ролини ўйнадим. Ҳа, энди бўлар иш бўлди.
«Худо ҳаққи, қизиқчи, мен жинни эмасман!» Тағин мана
бу ери эсингиздами? «Сиз, олий мартабали маликамиз-
нинг бундай бефаросат аблажнинг қизиқчиликларидан
роҳатланишингизга ҳайрон қоламан!» Давр чархи ай-
ланиб-айланиб, ана шундай ўч оларкан.

Мальвоҳио. Сен муттаҳамлардан қасос оламан!
(Кетади.)

Оливия

Эҳ, шўрли, чиндан ҳам мазах бўлибсан!

Герцог

Дарҳол орқасидан қувиб етинглар!
Уни муросага келтириш керак!
Бизга капитанни сўзлаб беради.
Шундан кейин, майли, тўй бўлса-бўлсин.
Муҳаббатли никоҳ ҳукмига ўтиб,
Роҳатда яшаймиз. То унга қадар,
Синглим, сизникида меҳмон бўламиз.
Цезарио, кетдик! Сен бу кийимни
Ечганингга қадар, шундай атайман,
Ва лекин либосинг ўзгарган онда,
Севимли хотиним, дейман, жаҳонда!

Кетадилар.

ПАРДА

Лопе де Вега

ҚҰЗИБУЛОҚ

УЧ ПАРДАЛИ ДРАМА

ИШТИРОК ЭТУВЧИЛАР

Дон Фернандо Гомес де Гусман. Калатрава орденининг командири.

Эстеван. }
Алонсо. } Кўзибулоқ оқсоқол (алькальд)лари.

Лауренсия. Эстеванинг қизи.

Малла Хуан.

Менго. }
Баррильдо. } Дехқонлар.

Фрондосо. Малла Хуанинг ўғли.

Паскуала. }
Хасинта. } Дехқон қизлар.

Ортуньо. }
Форес. } Командорнинг хизматкорлари.

Лебонело. Студент.

Симбронос. Солдат.

Қози (судья).

Бла.

Икки рехидор. Сьюадад Реал шаҳар жамоасининг аъзолари.

Эррак ва аёл дехқонлар.

Солдатлар.

Мұлоғимлар.

Воқеа Кўзибулоқ қишлоғида ва бошқа ерларда содир бўлади.

Асаднинг театр учун ихчамлаштирилган варианти.

БИРИНЧИ ПАРДА **БИРИНЧИ САҲНА**

Лауренсия билан Паскуала

Лауренсия

Шилқимлиги жонимга тегди,
Бу ерлардан йўқолсин тезроқ!

Паскуала

У кетгудай бўлса, жонгинам,
Тагин, сени әзмасин фироқ!

Лауренсия

Э, худойим, даф қил балони,
Ортиқ кўрмай дили қарони!

Паскуала

Лауренсия, сендайлар маълум,
Бир кўрганда — жуда бағри тош,
Лекин қалби беролмай бардош,
Эриб кетар худди юмшоқ мум!

Лауренсия

Сен билмайсан менинг қалбимни,
Қаттиқлиги чинордан ортиқ.

Паскуала

Чиранма ғоз, дейдилар... Яна,
Командорга бўлмагин тортиқ?

Лауренсия

Сўзим битта. Эл олдида ҳам
Шу сўзимни айтаман ҳар дам.
Командорни севар әмишман?
Шундан бошқа тұхматинг йўқми?
Айт-чи... тегсам, оладими?

Паскуала

Йўқ.

Лауренсия

Шармандалик... мен рад қиласман!
Номусимни азиз биламан!
Қанча-қанча қизлар атрофда
Командорнинг сўзига учди,
Бошларига не ғамлар тушди!

Паскуала

Йиртқичдан соғ қутуламан де?
Бу — афсона! Қани, кўрамиз!

Лауренсия

Сен ўйламай гапирайсан.
Бир ойдирки, ўша бетамиз
Мени тун-кун таъқиб этади,
Уриниши бекор кетади.
Хизматкори Ортуньо пес,
Қўшмачиси тулки Флорес
Зебу зийнат олиб келишди,
Бор ҳийланни ишга солишли,
Хўжайнини менпа зор әмиш,
Етолмасдан Бекарор әмиш...
Ундан жуда-жуда қўрқаман.
Лекин яқин келиб кўрсин-чи,
Оёғини шартта қирқаман.

Паскуала

Улар қайта келди?

Лауренсия

Булоқقا.

Туширмоқчи бўлди тузоқقا.
Бундан олти кун аввал.

Паскуала

Улар

Жуда айёр, алдашмасайди...

Лауренсия

Меними?

Паскуала

Йўқ, катта холангни!

Лауренсия

Чувварани хом санашибди!
Мен уларга лақиллааб бўпман!
Паскуала, онт ичаманки,
Хәёлимда бошқа орзулар...
Саҳар чоғи аста уйғонсан,
Юзим чайиб муздак қумғондан,
Манғалимга ўт қўйсам секин,
Еғ роса доғ бўлгандан кейин
ЛАққа чўғда хамирни тоблаб,
Ўрамани пиширсан боплаб,
Ертўлага лишиллааб тушсан,
Онагинам билмасдан қолса,
Хумдан шиғрин шаробни ичсан...
Шомдан кейин, ётар чоғимда
Серқалампир шакароб бўлса,
Чайнаганда тилимни ўйса;
Худовандни дилга жо қилиб,
Тинч ухласам ўз ётоғимда;
Поклигимиз муддао қилиб,
Сира ёмон тушлар кўрмасам;
Паскуалам, муттажамларнинг
Иғвосидан менга шу афзал,
Поклик билан бу ҳаёт гўзал,
Поклик билан кўнгил осуда...
Ишратбозлар ишқи беҳуда:
Улар ишқдан лоғ уришади,

Ким алданса, тузоқقا илиб,
Бир тун роса майшат қилиб.
Эртаси юз ўгиришади.

Паскуала

Афсус, улар шунақа расво.
Улар бизни алдаб олади,
Лекин ҳирси тўйган ҳамоно
Чумчуқларга ўхшаб қолади.
Ҳаво совуб, ер муэзлаганда
Қорни очиб, дон излаганда,
Бўғотларга урилиб чумчуқ,
Ўламан, деб йиғлайди чирқ-чирқ...
Уйга кириб, дастурхондаги
Увоқларга қорни тўяди,
Кун исийди, хонадондаги
Яхшиликни сезмай қўяди,
Меҳрибонлик унугилади,
Ўзга юртга йўл тутилади,
Раҳматни ҳам насия қилиб,
Кетишади улар тизилиб...
Эркаклар ҳам чумчуқлар каби:
Қонгунича ҳирси, талаби,
Биз уларга ой ҳам, юлдуз ҳам,
Ҳаёт, жон ҳам, ёруғ қундуз ҳам,
Аммо қорни тўйди дегунча,
Топталади бечора ғунча,
Қовоқлари тушиб кетади
Ва чумчуқдай учиб кетади...

Лауренсия

Ҳеч бирига ишонма, жоним.

Паскуала

Қўй уларни, қайнатма қоним.

ИККИНЧИ САҲНА

Ушалар ва Менго, Баррильдо, Фрондосо.

Фрондосо

Баррильдо, мен дунёга келиб,
Сендай жанжалкашни кўрмадим,

Баррильдо

Мана булар қози бўлади!
Баҳсни ечур шу икки гўзал.

Менго

Лекин гапни бошлашдан аввал
Шартимизни пухталаш даркор.
Мабодо мен ютсам, ваъдангни
Икковинг ҳам бажариб, дарҳол
Келтирасан ўша совғангни.

Баррильдо

Кўлингни бер.
Хўш, ютқизсанг-чи,
Унда нима қўясан?

Менго

Унда
Гижжагимни бераман. Гарткам!
Бунинг нархи бир омбор дондир,
Ўшанда ҳам ғалла арzonдир!

Баррильдо

Бўпти, қизлар қозилик қилсин.

Фрондосо

Ҳонимларга саломлар бўлсин!

Лауренсия

Бизни бундай аташ ноўрин.

Фрондосо

Одат шундай. Вақтидан бурун
Шогирдни ҳам устакор деймиз,
Кўрни ожиз ва noctor деймиз,
Бир кўзликни дейдилар гилай,
Зиқналарнинг оти әмиш бой,
Кўкка қадар мақташар ҳадеб

Извогарни иш билармон деб;
Полвон эмиш овқатга банда,
Айёр кўзи йўқмиш мерганда,
Хушомадгўй — одам шаванда,
Шилқим мумтоз эмиш одобда...
Ситиқ санамоққа ҳожат йўқ,
Бундайларга ер юзи тўлиқ.
Шунинг учун мен сизларни ҳам
Хоним десам муносаб, кўркам.

Лауренсия

Рост айтасив, бизнинг шаҳарда,
Фондосо, барча тилларда
Шудай сўзлар айтиладики,
Гўззаликнинг ўчади кўрки.
Ҳамма нарса бизда тескари:
Ақдиллар — одам овсари,
Ростгуйларни орсиз дейдилар,
Одобилилар — шум, ичи қора.

Баррильдо

Олла-очиқ нарсадан тонди.

Менго

Такрор айтаманки, гапим рост,
Ҳақиқатни сўзладим холос.

Лауренсия

Нима деди?

Баррильдо

Севги йўқ эмиш.

Лауренсия
Йўғ-ел..

Баррильдо

Ўзинг тушунтириб қўй!
Бунинг гапи беҳуда ва пуч.

Ахир, севги өнг қудратли күч,
У бўлмаса, конотда ҳам
Бўлмас әди бу ер, бу олам.

Менго

Ўқиёлсам мабодо хатни,
Тасдиқлардим мен ҳақиқатни!
Файласуфлик китобсиз бўлмас.
Лекин ҳаёт теп-текис йўлмас,
Табиатда зиддият бордир,
Яратишда у бекарордир,
Зиддиятдан туғилар ҳаёт,
Шу тан, шу қон, асаб, мавҳумот,
Ҳатто зардоб ундан туғилур,
Бундан ишқни ким топа олур?

Баррильдо

Йўқ, Менго, бу ва у дунёмиз
Бир-бирига монанд. Севги ҳам —
Шу уйгунлик меваси, кўркам.
Биз борлиқни шунда кўрамиз.

Менго

Табиий ишқ деган нарсани
Мен ҳам инкор әтмайман. У бор.
Бутун ҳаёт ривожи билан
Шунга тобе ва итоаткор.
Ниманики кўзимиз кўрса,
Ҳаммасига севги сабабкор.
Ҳар кимнинг ҳам қонида ишқдан
Аллақанча бор эканини
Мен биринчи инкор әтмайман.

Паскуала

Ундаи бўлса, жанжал нимада?

Менго

Сўзим шуки, севги бор, бироқ,
Ҳар ким севар ўзини фақат.

Паскуала

Бу сўзингда йўқдир ҳақиқат!
Сен, Менго, бир атрофингга бок:
Эр хотинга тикади жонни,
Ҳатто ҳайвон севар ҳайвонни!

Менго

Бундай севги, бундай эҳтирос
Ўз-ўзини севищдир, холос.
Бундай ишқа ишона кўрма.
Қани, айт-чи: муҳаббат нима?

Лауренсия

Гўзалликка интилиш.

Менго

Нега
Интилади муҳаббат унга?

Лауренсия

Кайфу сафо сурмаклик учун.

Менго

Шу сўзингга ясайман якун:
У ўзини ўйлайди.

Лауренсия

Ҳа-да.

Менго

Худосага келамиз унда:
Ўз-ўзини шод қилмоқчи-да?

Лауренсия

Менго, сен ҳақ.

М е н г о

Демак, мақсад шу:
Ерни севиши бир баҳона-ю,
Ўзимизни хурсанд қиласмиш.
Бошқа ишк йўқ. Топа олмаймиз,
Хўш, сен? Айт-чи, севасанми сен?

Л а у р е н с и я

Муҳаббатим — ифратим, орим.

Ф р о н д о с о

Худо сени рашида ёндирисин!

Б а р р и л ь д о

Хўш, қозилар, баҳсни ютди ким?

П а с к у а л а

Агар гапнинг ростини айтсан,
Бошимизни қиласдан гаранг,
Бу савоннинг жавобини сиз
Е сўфи, ё домладан сўранг.
Лауренсия ҳали ҳеч кимга
Қалби билан бўлмаган мафтун,
Менинг бўлса, тажрибам ғариб,
Қандай ҳукм чиқариш мумкин?

Ф р о н д о с о

Қизлар, ғурур ёмон бўлади,
Сизни бир кун ҳалок қиласди!

УЧИНЧИ САҲНА

Ш у л а р в а Ф л о р е с

Ф л о р е с

Э, яхшилар, ёппаси — салом!

Паскуала

Командорнинг малайи, ана!

Лауренсия

Виждони йўқ, қўшмачи, бадном.
Хўш, азамат, келинг?

Флорес

Тантана —
Оёғимдан етаклаб келди.

Лауренсия

Келибди-да, Дон Фернандо ҳам?

Флорес

Қўшинимиз ғалаба қилди.
Яширмайман: қурбон берилди,
Қонлар оқди, жонлар қирилди.

Фрондосо

Бошдан-оёқ батафсил сўзланг.

Флорес

Гувоҳиман: оғир бўлди жанг;
Сьюлад Реал аталган шаҳар —
Одамлари жуда ҳам қайсар.
Шунинг учун командоримиз,
Шарафли эзот ва сардоримиз,
Икки мингта пиёда аскар
Ва уч юзта отлиқ тўплади.
Жанг қўшинни сувдай ҳўплади,

Кўп қимматга тушди бу сафар.
Ёриб ёвнинг истеъкомини,
Босиб кирди шаҳарга саркор.
Барча исёнкорлар номини
Аниқлатди ва осди дарҳол.
Қора ҳалқни арқонга боғлаб,
Қайноқ сувга томогин доғлаб,
Қамчи билан саватди роса.
Жангдан бўлди шундай хулоса...
Ана, музика ҳам янгради.
Саркор жангдан келади омон.
Гулдастанинг яхшиси — шодлик,
Ғолибларни қилингиз шодон!

ТУРТИНЧИ САҲНА

Аввалгилар ва Командор. Малла Хуан, Эстеван,
Алонсо, Ортунъо, созандалар, деҳқонлар.

Созандалар

Яша, дон Фернандо,
Офарин, Командор!
Евларни қақшатар,
Ҳамиша музаффар.
Йашасин гусманлар
Яшасин хиронлар!
Элида фароғат,
Кўлида адолат;
Арабга беомон,
Кулатар тоғсимон.
У Сьюлад Реалда
Оқиэди дарё қон.
Юртига ал-амон
Байроқлар келтирас.
Омон бўл, музаффар
Дон Фернандо Гомес.

Командор

Қишлоқлилар, раҳмат. Мен учун
Бебаҳодир муҳаббатингиз.

Алоне

Еу муҳаббат кичик бир учқун,
Ундан каттасига лойиқсиз.
Бугун қадам ранжида қилган —
Қишлоғингиз — шу Қўзибулоқ
Ва жамоа қутлайди қалбдан.
Аммо бунда одамлар қашшоқ,
Тупроғимиз жуда унумсиз,
Аравалар тизилган, бироқ,
Совғамиз ҳам ғарив, кўримсиз.
Фақат тоғ-тоғ истаклар билан
Кўм-кўк шохлар* тутамиз дилдан.
Уч-тўрт сават сопол идишу
Қўшинлардай саф чеккан гозлар,
Худди жангга тайёр шоввоздар —
Янглиғ, ға-ға қилган овозлар
Қишлоғимиз ботир қушлари,
Шояд, ҳоргин кўнглингиз созлар!
Мана булар — тўнғиз тўшлари,
Кузда боплаб тузлаган эдик,
Чайнаган мард бўлади тетик.
Мана булар — икки юз товуқ,
Энди иссиқ қучоги совуқ,
Ҳўроғлар ҳам хотинсиз қолди,
Дағдағаси буткул йўқолди.
Отлар совға қила олмадик,
Қалпоқлар ҳам ясаломадик.
Олтинлардан нақшлар ўйилган
Эгар-жабдуқ безатолмадик.
Аммо менга ишонинг, саркор,
Содиқ қуллар зардан афзалроқ.
Фоят қашшоқ бўлсак ҳам, бироқ,
Олтинлардан анча гўзалроқ
Битта дўжна мўйна тутамиз.
Сизга шундай орзу этамиз:
Қаттол жангда сиз бехавотир,
Совуқлардан омон бўласиз.
Почапўстин иситган ботир
Ёвни мағлуб этади шаксиз.

* Шохдан ясалган қадаҳлар.

Манов пишлоқ ва манов таом
Қўшимча бир мадор-ем бўлиб,
Сиҳат-омонликка әм бўлиб,
Хурсанд қилсин, хулласи-калом.

К о м а н д о р

Жаноблар, кўп ташаккур сизга.
Энди боринг уй-уйингизга.
Омон бўлинг.

А л о н с о

Тақсирим, энди
Истироҳат пайти ҳам келди.
Жамоанинг қурби етганда,
Қолмас әди бундай армонда:
Уйингизга, тақсирим, буткул
Барқаш-барқаш сочар әди дур,
Маъзур тутинг!

К о м а н д о р

Балли, боринглар.
Тарқалинглар, хордиқ олинглар.

Э с т е в а н

Ҳей, созанда, ҳей хонандалар,
Яна бир бор яллани олинг!

С о з а н д а л а р

(хор)

Яша, дон Фернандо,
Офарин Командор!
Ёвларни қақшатар,
Ҳамиша музaffer...

Оқсоқоллар, дечқонлар, созандалар кетишади.

БЕШИНЧИ САХНА

Командор, Лауренсия, Паскуала, Ортуньо, Флорес.

Командор

Иккингиз шу ерда қолинг.

Лауренсия

Бизга хизмат, жаноби олий?

Командор

Яна ғуурур, менга-я? Қаранг.
Димоғ билан сўзлайди аранг!

Лауренсия

(Паскуалага)

Сенга деяптими?

Паскуала

Э, худо!
Фақат сенсан унга муддао!

Командор

Сўзим сенга, эй гўзал илон
Ва дугонанг — қишлоқ қизига.
Ахир, менга тобесиз-ку?

Паскуала

Ҳа,

Хўжамиэсиз, жаноб паҳлавон,
Лекин иффат сизга тобемас!

Командор

Сафсатани энди қилинг бас,
Киринг. Қўрқманг. Уйда одам бор.

Лауренсия

Оқсоқоллар бўлса, кирадим,
(Битталари — менинг ўз отам),
Лекин ёлғиз кирмайман ҳечам..

Командор

Эй, Флорес!

Флорес

Лаббай?

Командор

Бу қизлар
Унутганми менинг зотимни?

Флорес

Ҳой, тентаклар, сочи пахмоқлар!

Лауренсия

Қўлингни торт!

Флорес

Киринг, аҳмоқлар!

Паскуала

Йўқол!

Бизни киритиб сунъ
Эшикни тақ бекитасан-а!

Флорес

Жаноб сизга ўлжаларини
Кўрсатмоқчи.

К о м а н д о р

(Ортунъога, секин.)

Кириши билан
Қулфни сол. Кўзни катта оч!

(Кетади.)

Л а у р е н с и я

Кўйиб юбор, Флорес! Бўлди!

О р т у н ъ о

Совға-салом билан бирга сиз,
Командорга ҳадя бўлгансиз.

П а с к у а л а

Бу совуқнинг гапини қарал
Йўлни тўсма, шилқим тасхерал

Ф л о р е с

Еой сени-ей! Қутулиб бўпсан!

Л а у р е н с и я

Шунча товуқ, гоз, тўнғиз гўшти
Етмайдими жанобингизга?

О р т у н ъ о

Ҳаммасидан сизнинг гўштингиз
Унинг учун мазали, ширин.

Л а у р е н с и я

Ҳазм бўлмай, ёрилиб ўлсин!

Лауренсия билан Паскуала кетадилар.

Ф л о р е с

Булар бошга бало бўлди-ку!
Агар уйга кирсак қуп-қуруқ,

Хўжайиндан эшитамиз дўк,
Ичганимиз бўлади оғу.

Ортуньо

Осон әмас бунақа хизмат,
Кундан-кунга ортар машаққат,
Ё чидайсан, бўйнингни эгиб,
Ё қочасан, думингни тушиб!

ОЛТИНЧИ САҲНА

Лауренсия, Фрондосо.

Лауренсия

Фрондосо, анҳор четида
Чала қолди ювган кирим ҳам,
Хузурингга югурдим илдам.
Гап кўпайди халқнинг ичидা,
Пичир-пичир жонимга тегди,
Шивир-шивир бошимни эгди,
Элнинг кўзи сен билан менда,
Иккимиз бир юргандан кейин
Севгимиэни яшириш қийин.
Ҳамма нарса мукаммал сенда.
Эл: йигитлар сараси, дейди,
Либосингни ҳамма мақтайди.
Қизчаларнинг ҳаваси келиб,
Тўйларида ўйнаймиз, дейди:
Йигитчалар: катта тўй бўлиб,
Шароб ичиб қувнаймиз, дейди.
Домла Хуан Чаморро тезда
Намозини бир четга қўйиб,
Бизга никоҳ ўқишга муштоқ.
Индасанг-чи! Тоқат бўлди тоқ!
Сен бўлсанг... Сен жуда бепарвоз,
Омбор ғами ўраб бошингни,
Мени әмас, ўйлайсан танҳо
Қишда еяр нону ошингни...
Одамларнинг гап-сўзларидан
Бошим қотди. Бас, Фрондосо,
Оч қорним, тинч қулоғим, дея,
Йироқ юрай юрт кўзларидан...

Ф о н д о с о

Лауренсия, жоним, айт, нега
 Рад этасан мени беомон?
 Не ёмонлик қилдим мен сенга?
 Бу кунимдан ўлганим осон.
 Кошки эди, оҳ, ёринг бўлсам,
 Вафодоринг, дилдоринг бўлсам;
 Оқибатинг шу бўлдими, ёр?
 Найлай, менда йўқдир ихтиё...

Л а у р е н с и я

Маслаҳатим шуки, дардингни
 Тогам Малла Ҳуанг сўзла.
 Сени унча севмайманкӯ я,
 Ҳар қалай, бир уриниб кўр-чи!

Ф о н д о с о

Э, худойим! Жаноб келяпти!

Л а у р е н с и я

Овга чиқкан бўлса керак. Сен
 Чакалакда яшириниб ол.

Ф о н д о с о

Эҳ, рашк жоним кемиряпти!

(Яширинади.)

ЕТТИНЧИ САҲНА

Ш у л а р в а м и л т и қ к ў т а р г а н к о м а н д о р .

К о м а н д о р

Қандай баҳт бу — мен бунда асов
 Эркак буғи кетидан қувиб,
 Нақ оҳуга рўбарў келдим!

Лауренсия

Анҳорда кир ювишдан чарчаб,
Озгина дам олдим, шу ерда.
Рухсат этинг, жаноби олий,
Тезда борайин, ишимдан қолмай.

Командор

Шу ёввойи табиатингга,
Жоним Лауренсия, қойилман,
Лекин бундай одамовилик
Худо берган латофатингни
Камситади ва гўзаллигинг
Хунуқликка ўхшаб кетади.
Нега энди мендан қочасан?
Сен ишқимга бунча бепарво?
Ҳайриятки, кимсасиз саҳро
Бугун менга ёрдам беради.
Ахир, сенинг хўжангман, гўзал,
Ётсирама, лабингни бурма.
Хўжайнинг ҳаққи бор азал,
Итоат қил, юзинг ўғирма.
Семиз Педро хотини марол —
Себастъянадан ўрнак ол,
Никоҳлари қонуний, лекин
Қучоғимга кирди у секин...
Ёки, Мартин Посто хотини,
Хусни билан банд қилди мени,
Тўйларидан икки кун ўтган,
Аммо тунда мен билан кетган...

Лауренсия

Улар бошқа, мен бошқа олам.
Улар худди сиз айтган одам.
Тенг қилмангиз мени уларга!
Тушингизни айтинг сувларга!
Сийнангизда хоч бўлмаганда,
Зарра шубҳа қолмасди менда.
Иблис дердим, рост, худо урсин!
Хайо, жаноб, овингиз юрсин!

К о м а н д о р

Сенга гапни уқтириш қийин!
 Милтиғимни ташлай-чи, кейин
 Сўзни чўзиб ўтирмай, дарҳол
 Қўлим билан бурайман сочинг...

Л а у р е н с и я

Коғинг!
 Тегманг! Тентак бўлманг, тақсирим!

К о м а н д о р

Жим!

Ф р о н д о с о

(Ўзича.)

Милтиғини олсам қўлимга,
 Йўнатаман шумни ўлимга!
 (Милтиқни олади.)

К о м а н д о р

Бас, олишма!

Л а у р е н с и я

Муқаддас осмон,
 Мадад юбор!

К о м а н д о р

Бас, қўрқма, жонон,
 Тўрт томонда жин ҳам йўқ.

Ф р о н д о с о

Мен бор!
 Қизга тегманг, жаноб Командор,
 Ёки, шуни яхши билингки,
 Юрагимда тошган ғазабим
 Заҳар әмган ўқقا айланиб,
 Сийнангизни безаган хачни
 Кок тагидан тешиб ўтади.

Командор
Кишлоқи ит!
Фрондосо
Бу ерда ит йўқ.
Лауренсия, қоч!

Лауренсия
Фрондосо,
Эҳтиёт бўл!
Фрондосо
Қоч!

Лауренсия кетади.

САККИЗИНЧИ САҲНА

Командор, Фрондосо.

Командор
Мияси йўқ аҳмоқ бўлмасам
Киличимни ташлаб чиқмасдим!
Күшчаларни ҳуркитмайин деб,
Мен атайлаб тақмаган эдим.

Фрондосо
Жаноб, қаранг: тепкини боссам,
Жаҳаннамга жўнаб қоласиз!

Командор
Гўзал қўлдан чиқди.
Хей, абллаҳ,
Эшиятсанми? Милтиқни ташла!
Ташла дейман уни, муттаҳам!

Фрондосо
Нега энди ташлар эканман?
Ҳали жондан тўйғаним йўқ-ку?

Шуни яхши билиб олингки,
Муҳаббатнинг қулоғи оғир,
У тахтида мағрур ўтириб,
Бузуқларга қулоқ солмайди.

К о м а н д о р

Мендан қўрқмас баҳодир сендай
Қишлоқига елка тутсинми?
Кўқрагимга ота қол, аблак!
Отганда ҳам, нишонга тик ур!
Баслашмайман, аслзодалар
Фуқарога тенг келса — уят.

Ф о н д о с о

Йўқ, йўқ. Эсим ҳали жойида,
Кимлигимни яхши биламан.
Ҳаётимни сақламоқ учун
Мен миљиқни олиб кетаман.

(Кетади.)

К о м а н д о р

Эҳ, шарманда бўлдим ўлгудай!
Аммо алам ва уят учун
Мен омонсиз қасос оламан.
Нега уни бўғмадим дарҳол!
Худо шоҳид, шарманда бўлдим!

П А Р Д А

ИККИНЧИ ПАРДА

Қўзибулоқ қишлоғида майдон.

БИРИНЧИ САҲНА

Эстеван, Рехидор.

Эстеван

Сизга соғлиқ тилаганим ҳақ бўлганидай,
Бу сўзим ҳам ўшандай ҳақ: йиғ оғир келди.
Қурроқчилик жонга тегди, галламиэ унмай.
Энди донни тежаш керак: шу чора қолди.
Кейин қуруқ пушаймондан қорин тўймайди.

Рехидор

Жуда тўғри. Жанжал, ғавғо чиқмасин дессан,
Хўжаликда қаттиқ қўллик, ўткир кўз керак.

Эстеван

Биз шу гапни арз этамиз Командорга ҳам.

ИККИНЧИ САҲНА

Шулар ва Леонело, Барриальд.

Леонело

Э, кечга қолибмиз, гийбатхонани
Эгаллаб олишибди.

Баррильдо

Хўш, қани, айтинг,
Саламанкада умр яхши кечдими?

Леонело

Бир нави кун кечирдим.

Баррильдо

Менинг чамамда,
Дурустгина студент бўлсангиз керак.

Монело

Билимлар асосини ҳўпладим сувдак.

Баррильдо

Шу кунларда китоблар чиқди беҳисоб,
Йўлда кимни учратманг, донишманд, арбоб.

Монело

Аксинча, юртда китоб кўпайган сари
Тобора камаяди донишмандлари.
Одамлар шошиб қолган, атрофга қаранг,
Ақлнинг кўплигидан каллалар гаранг.

УЧИНЧИ САҲНА

Шулар, Малла Хуан, дэҳқонлар.

Малла Хуан

Тўй ҳеч қачон бунчалик қиммат бўлганмас,
ИсроФгарлик бунчалик одат бўлганмас.
Бойларнинг йўли бошқа. Камбағаллар ҳам
Қалин деган балога бундай ўлганмас!

Декон

Командор қалай? Унинг ўчи қўп ёмон.

М а л л а Х у а н

Лауренсияни ҳақорат қилди у ҳайвон!

Д е ҳ қ о н

Одам ҳам бўладими шундай хотинбоз?
Уни анов зайдунга осиб қўйсанг оз!

ТУРТИНЧИ САҲНА

Ш у л а р, К о м а н д о р, О р т у н ъ о, Ф л о р е с.

К о м а н д о р

Олло ёр бўлсин, жаноблар!

Р е х и д о р

Марҳамат, сеньор!

К о м а н д о р

Йўқ, йўқ, қўзғалманг.
Қимирламанг!

Э с т е в а н

Сеньор, ўтириңг,
Бу жой — ҳар қачонгидай, сизнинг жойингиз.
Биз туриб ўрганганимиз.

К о м а н д о р

Ўтинаман,
Бемалол ўтиринглар.

Э с т е в а н

Турганимиз —
Сизга ҳурматимиз нишонаси. Дарвоқе,
Ҳурматсиз кишилар ҳурмат қилолмас.

К о м а н д о р

Даврага ўтирайлик. Мен сизлар билан
Ҳангома қилмоқчиман у ёқ-бу ёқдан.

Э с т е в а н

Тозини кўрдингиэми, сенъор?

К о м а н д о р

Эшитдим,
Хизматкорлар роса ҳам мақташди уни.
Оқсоқол, у тозингиз мўъжиза әмиш,
Қушларнинг орқасидан елдай учармиш!

Э с т е в а н

Сизга рост айтишибди. Бўласиз рози.
Овни әплаб беради мақталган този.
Омбор тешган алчоқ ҳам ундай чополмас,
Жангдан қочган қўрқоқ ҳам ундай чополмас.

К о м а н д о р

Тозингиэга буюринг, елдай югурсин,
Бир ҳурков қуёнчани илиб кетирсин.
Мен қувиб етолмадим, қўп абжир экан,
Унга бас келолмади мендай тез мерган.

Э с т е в а н

У қаерда? Кўрсатинг! Тутаман дарҳол.

К о м а н д о р

Шу яқинда. Қизингиз — у соҳибжамол

Э с т е в а н

Йўғ-е? Қизим? Наҳотки, Лауренсия?

К о м а н д о р

Ҳа.

Эстеван

Сиз уни тутмоқчисиз?

Командор

Уришиб қўйинг.

Эстеван

Нега?

Командор

У мени писанд қилмай юрибди. Менга
Ундан қолишмайдиган гўзаллар шайдо.
Ана, эр: хотини-чи? Сарвқад барно
Думоғ-фироқ қилмасдан сийлади.

Эстеван

Уят!

Сеньор, бундай сўз бизга қаттиқ ҳақорат.
Бундай сўзни айтишдан уялинг.

Командор

Эҳе!

Деҳқоннинг тили бийрон бўлиб қолибди.
Сен, Флорес, бу шаддод маҳмадонага
Арастунинг магзини чақиб бер дарҳол.

Эстеван

Сеньор,

Сиз ўз иззатингизда, биз ўз ҳурматимиизда.
Аввалгидек, ҳозир ҳам биз ўз одатимиизда.
Қўзибулоқ қишлоғи — тинч-омон диёр,
Унинг гоят кўп шонли одамлари бор.

Леонело

У номуссиз ёвузни қаранг!

К о м а н д о р

Худо ҳаққи, айтинг, Рехидор,
Нега мендан хафа бўласиз?

Р е х и д о р

Сўзларингиз жуда беҳаё,
Шаънимизни ерга урдингиз,
Гапингизни әшитмоқ — уят.

К о м а н д о р

Уятни ҳам биламан, денглар?
Калатрава мардларин қаранг!

Р е х и д о р

Ўзгаларнинг кўкракларида
Қонли хочлар ялтираса ҳам
Ўз қонлари ғоятда лойқа.
Биз улардан анча соф, кўркам.

К о м а н д о р

Еинки, мен сизга қўшиб қон,
Қонингизни буздимми ёмон?

Р е х и д о р

Мабодо, қон ифлос бўлса, у
Заҳарлайди мисоли оғу.

К о м а н д о р

У лойқами, тиниқми, фарқсиз,
Маза қилур хотинларингиз.

Э с т е в а н

Сензор, бундай сўз жуда уят.
Бундай дейиш — бизларга туҳмат.

К о м а н д о р

Қишлоқидан таъбим ғоят кир!
О, шаҳарлар, мен сизга асир!
У ерларда бойлар иззатда,
Монелик йўқ, айшу роҳатда.
Хотинлари меҳмон чорлайди,
Эрлари шод, кулиб порлайди.

Э с т е в а н

Бас, сенъор, бу гапларни қўйинг!
Қалбимиз пок, ақлимиз бутун.
Шаҳарда ҳам парвардигор бор,
Шаҳарда ҳам жазолар қонун.

К о м а н д о р

Бас! Жўнанглар!

Э с т е в а н

Эҳе, бу кимни
Ҳайдаяпти? Бу ер кимники?

К о м а н д о р

Мен сизларга деяпман: жўнанг!
Майдон бўшатилсан! Тез!

Э с т е в а н

Ҳозир
Биз кетамиз.

К о м а н д о р

Тўпланишмасдан,
Якка-якка тарқалинг.

Ф л о р е с

Сенъор,
Ўтинаман, босикроқ бўлинг!

К о м а н д о р

Қўйиб берсам, тўпланиб булар,
Бутун қишлоқ таҳдид ҳам қилар.

О р т у н ь о

Сенъор, чидам керак!

К о м а н д о р

Е раббий,
Чидамимга ўзим ҳайронман.
Уйларига бари йўқолсин,
Аммо якка-якка тарқалсин.

Л е о н е л о

Раббим, кўзларимга ишонмайман!

Э с т е в а н

Бошқалар бораверсин,
Мен бу ёқقا кетаман.

БЕШИНЧИ САҲНА

К о м а н д о р, О р т у н ь о, Ф л о р е с .

К о м а н д о р

Хўш, бу авом қалай? Нима дейсиз?

О р т у н ь о

Улар ёлғон гапиришмайди.
Улар жуда норози. Бир сиз
Бунга иқрор бўлмаяпсиз.

Мен

Хўжайними уларга, ё йўқ?

Ф л о р е с

Сенъор,, асло фойда бермас дўқ.

К о м а н д о р

Милтигимни ўғирлаган-чи?
У бемалол юраверсинми?

Ф л о р е с

Лауренсия уйи олдида
Кеча тунда бўлган муштлашда
Адабини еди у шўрлик.
Афти менга таниш кўринди.
У қулоғи, бу қулоғига
Муштим билан аямай солдим.

К о м а н д о р

Фрондосо ўзи қаерда?

Ф л о р е с

Шу ўртада санқиб юрганмиш.

К о м а н д о р

Менга милтиқ ўқталган аблак
Шу яқинда әркин юармиш!

Ф л о р е с

Уни ушлаш жуда ҳам осон,
Донга илҳақ содда қушсимон,
У ҳуштакка учиб келади
Ва тузоққа тушиб қолади.

К о м а н д о р

Гренада қаҳрамонлари
Ва Кордова паҳлавонлари
Даҳшатимдан қалт-қалт титрайди.
Аммо бунда пасткаш бир дайди
Кўкрагимга милтиқ тирайди!
Қиёматдан аниқ нишон бу!

Флорес

Севгучилар ботир бўлади.

Ортунъо

**Сенъор, сизни ўлдиришни у
Истамаган. Миннатдор бўлинг.**

Командор

Мен ҳали ҳам сабр қиласман.
Акс ҳолда, қабиқ қишлоқни
Қиличимдан ўтказиб дарҳол,
Бошдан-оёқ ёндирап әдим.
Мен олисда қулай пайт пойлаб,
Кутажакман. Ҳозирча ақлим
Қасосимни жиловлаб турсин.
Паскуала нима деди?

Флорес

у —

Тўйим яқин, мумкинмас, деди.

Командор

Хуллас, сабр қиласин, дебди-да?

Флорес

**Тўйдан кейин кўришиши нақд.
Интизорлик оши ширин.**

Командор

**Хўш,
Олалья нима дейди?**

Ортунъо

у —

Анча эриб, юмшоқ гапирди.

К о м а н д о р

Яна ҳазил? Яна ваъдами?

О р т у н ъ о

Кўп баджаҳл унинг қайлиғи,
Кечакундуз кўзи ёрида.
Мен у ерда парвона бўлиб —
Юрганимни кўриб, қақшайди.
Сиз ҳам, хизматкорларни бошлиб,
Қиз олдига кўп бораверманг.
Йигит рашки сал пасайганда,
Аввалгидек қатнайверасиз.

К о м а н д о р

Холва десанг, оғиз чучимас!
Бир қишлоқи бизга келар бас...

О р т у н ъ о

Изимиэдан қолмайди сира...

К о м а н д о р

Инес қалай?

Ф л о р е с

Қайсиси?

К о м а н д о р

Антон —
Хотин қилиб олган қиз.

Ф л о р е с

Э, у —

Ҳар дақиқа сизга интизор.
Сизга айтсан, уни кўришга
На қалиту, на арқон даркор.

К о м а н д о р

Бундай жононларни севаман,
Аммо улар жуда ҳам ювош.
Оҳ, бўлсайди улар бағри тош,
Севган бўлар эдим ўн чандон!

ОЛТИНЧИ САҲНА

Шулар ва Симбранос.

С и м б р а н о с

Айтинглар, Командор қаерда?

О р т у н ъ о

Кўзинг кўрми, кўрмаяпсанми?

С и м б р а н о с

Эй, шавкатли Фернандо Гомес!
Яшил қалпоқ ўрнига дарҳол
Оқ шлёмни кийинг, камзулни
Алмаштиринг совут, қалқонга!
Сеньор, отга мининг шу замон!
Фақат бир сиз ёвларимизни
Кастилияга суро оласиз!

К о м а н д о р

Бас! Ортиқча гапга фурсат йўқ.
Ортунъо, майдонга чиқиб,
Тезда буюр, карнай янграсин.
Солдатлари қанча?

О р т у н ъ о

Таҳминан

Эллик нафар.

К о м а н д о р

Фармон бер: бари
Отларини әгарласинлар!

Симбранос

Тезроқ елинг! Вақт бой берилса,
Қирол олур Сьюадад Реални!

Командор

Йўл қўймаймиз, хотиринг жам қил!

Еттинчи саҳна

Қўзибулоқ яқинида майдон.

Лауренсия билан Паскуала қочиб келишапти. **Улар** кети-
дан Менго пайдо бўлади.

Паскуала

Менго, биздан узоқлаб кетма!

Менго

Сиз нимадан қўрқасиз бунда?

Лауренсия

Ихтиёт шарт. Бирга қайтайлии,
Қишлоғимиз атрофи бўум-бўш.
Дуч келмайлик яна биз унга.
Тўда-тўда бўлиб юрайли.

Менго

Э, шум иблис! У бошимизга
Не савдолар солди!

Лауренсия

У бизга

На кун, на тун тинчлик беради.

Менго

Э худойим, чақмоғинг билан
Ёриб ташла унинг бошини,
Хонумони куйиб кул бўлсиц,
Ют тинчгина есин ошини!

Лауренсия

У йиртқич, у — вабо-ю заққум.

Менго

Мен әшийтдим, Фрондосожон
Сени ёвдан сақлабди омон.
Командорнинг оч биқинидан
Дарча очай дебди азамат.

Лауренсия

Эркакларни нафрат қиласадим,
Лекин ўша биргина лаҳза
Нафратимни буткул сўндириди,
Ва кўнглимда чечак ундириди.
Фрондосо — асил паҳлавон,
Керак бўлса, беражақдир жон.

Менго

У ўзини панага олсин,
Қўлга тушса, ёмон бўлади.

Лауренсия

Айрилишим азоб бўлса ҳам,
Мен ҳам ундан шуни сўрайман;
Лекин сира сўзга кирмайди,
Ўшқиради, ёниб қайнайди.
Командор-чи? Онт ичган эмиш,
Оёғидан дорга осармиш.

Паскуала

Осиш керак унинг ўзини!

Менго

Тош ҳам уни тиндиради. Мен
Тўрвамдаги тош билан солсам,
Худо ҳаққи, хом калласининг
Косасини чил-чил синдириб,

Үйнатардим харом мағзини!
Бу дунёда бормикан яна
Дон Фернандо Гомесдай аблак?!

Паскуала

Йўқ, у битта. Уни онаси
Үргочи шер қаҳри-ла туққан.

САККИЗИНЧИ САҲНА

Шулар ва Ҳасинта.

Ҳасинта

Қутқаринглар, ўртоқжонларим,
Дўстлигимиз ҳаққи, сўрайман!

Лауренсия

Нима бўлди, дўстим Ҳасинта?

Паскуала

Қутқарамиз, бизларга ишон.

Ҳасинта

Сьюадад Реал томон йўл олган
Командорнинг шум малайлари
Доғ тушириб жанговар тифга,
Мени қувиб қолдилар, сенъор —
Базми учун керак бўлибман.

Лауренсия

Аждаҳодан сени худойим
Паноҳида асрасин доим!
Командорга сен фақат ўйин,
Аммо менга бўлади қийин!

(Кетади.)

Паскуала

Ҳасинта, мен әркак әмасман,
Сени қандай қилай ҳимоя?

(Кетади.)

Менго

Мен әркакман, бу мансабидан
Воз кечишга асосим йўқдир.
Мени маҳкам ушла!

Ҳасинта

Қуролинг —

Борми?

Менго

Эҳ-ҳе, бўлганда қандоқ!

Ҳасинта

Қани кўрсат!

Менго

Мана, метин тош.
Жангда сўзсиз ғолиб чиқаман.

ТУҚҚИЗИНЧИ САҲНА

Ҳасинта, Менго, Флорес, Ортуньо ва солдатлар.

Флорес

Ҳа, қочмоқчи әдингми биздан?

Ҳасинта

Оҳ, мен ҳалок бўлдим!

Менго

Жаноблар,
Нақачалик уялиш керак...

О р т у н ъ о

Сен нимага аралащасан?
Шу қушчага қоровулмисан?

М е н г о

Қўриқлайман фақат сўз билан —
Қариндошим бўлади бу қиз.
Шу сабабдан ҳимоякорман.

Ф л о р е с

У жонидан тўйган шекилли.

М е н г о

Йўғ-е! Жаҳлим чиқара кўрманг,
Белбогимнинг мўъжизаси бор,
Осонликча жон бермайман, ҳа!

УНИНЧИ САҲНА

Шу лар, Командор, Симбролос.

К о м а н д о р

Бу нима гап!, Ҳар қандай пасткаш
Мажбур этса отдан тушишга!

Ф л о р е с

Бу қишлоқнинг деҳқонларини
Вабо каби қуритиш даркор,
Акс ҳолда, шаддодлик билан
Қиласидилар ҳолимиз ночор!

М е н г о

Эй сенъорим, агар адолат
Ботирларга бўлса чин одат,
Сиз гуноҳга йўл қўя кўрманг.
Булар сизни рўякчи қилишди,
Шўрлик қизни қувиб келишди;
Қайлиғидан, азиз муҳтарам

Ота-она бағридан бу дам
Айирмоқчи бўлишди. Дарҳол
Фармон беринг, тегишмасин.

К о м а н д о р

Мен
Қайсарларни жазоламоққа
Дарҳол фармон бераман. Қани,
Сопқонни чўз!

М е н г о

Сеньор!..

К о м а н д о р

Симбранос,
Ортуньо, Флорес, аяманг,
Сопқон билан қўлинни чирманг,
Ўрнак бўлсин буларга мингбаъд!

М е н г о

Тақсир, шуми сиздан мурувват?

К о м а н д о р

Айт-чи, мени орқа-овлоқда
Не дейдилар қабиҳ қишлоқда?

М е н г о

Шафқат қилинг; бирорта киши,
Ҳурматсизлик бўлдими иши?

Ф л о р е с

Ўлдирайми?

К о м а н д о р

Улуғвор ишга,
Ғанимларга қарши урушга —
Тайёрланган қуролни бадном —
Қони билан қилмагин харом.

О р т у н ъ о

Нима жазо берай?

К о м а н д о р

Савала!

**Қип-яланғоч қилиб ечинтири,
Хов анави чинорга боғла,
Узангини ечиб...**

М е н г о

**Раҳм қилинг,
Виждонингиз борми, эй жаноб!**

К о м а н д о р

**Токи қайиш темирдан ажраб
Тушмагунча баданини шил!**

М е н г о

**Е раббий, зил ғазабинг билан
Золимларнинг бошини янчгил!**

Флорес, Ортуньо, Симбронос Менгони олиб кетадилар.

УН БИРИНЧИ САҲНА

К о м а н д о р, Ҳасинта, солдатлар.

К о м а н д о р

**Хўш? Бу шаштни қаёқдан олдинг?
Мансабдордан, улуғвор зотдан
Қишлоқини афзал кўрдингми?**

Ҳ а с и н т а

**Қайтиб беринг эркимни, жаноб!
Бу кунимдан ўлганим яхши,
Бу уятга чидаёлмайман!**

К о м а н д о р

А-ҳа? Чидамайман дегин?

Х а с и н т а

Ҳа.

Менинг отам — муҳтарам киши,
Сизча бўлмаса ҳам мансаби,
Олижаноб хулқи-атвори
Сиздан анча баланд.

К о м а н д о р

Ҳақорат —

Ва қўполлик газабнокларнинг
Жаҳлига ўт ёқади яна.
Юр!

Х а с и н т а

Қаёққа?

К о м а н д о р

Мен билан бирга.

Х а с и н т а

Сеньор, пухта ўйланғ!

К о м а н д о р

Жуда соз,
Пухта ўйлай. Ва лекин бунда
Яна сенга ёмон бўлади.
Қайсар қизнинг азоби қурсин.
Сени аскарларга отаман.

Х а с и н т а

Дўқдан сира қўрқмайман. Аммо
Тирик қўлга тушмайман асло.

К о м а н д о р

Юр, қишлоқи! Қани! Кутяпман.

Х а с и н т а

Сенъор, шафқат қилинг, ёўрайман!

К о м а н д о р

Шафқат-пафқат бўлмайди.

Х а с и н т а

Бағри тошга ўзинг жаэо бер!

ЎН ИККИНЧИ САҲНА

Л а у р е н с и я, Ф р о н д о с о.

Л а у р е н с и я

Фрондосо, сен ҳайиқмасдан
Келибсан-а
бу ерга? Қойил!

Ф р о н д о с о

Келганимдан мақсад шуки, бил:
Қўрқув билмас севгувчи кўнгил.
Мен анави тепа устидан
Командорнинг кирганин кўрдим,
Сени ўйлаб, ташвишим ортиб,
Қишлоқ томон елдай югурдим.
Шайтонларнинг даргоҳига у
Тезроқ бориб, буткул даф бўлсин!

Л а у р е н с и я

Жим! Кимгаки ўлим тиласанг,
Унинг умри узоқ бўлади.

Фрондосо

Менга қолса, уч юэ йил яшаб,
Заҳарини мукаммал ошаб,
Истагимиз шуки, ниҳоят,
Юртимиздан йўқолсин офат.

Лауренсия, айтгил, жонгинам,
Аввалгидек мени ҳозир ҳам
Севасанми? Вафодормисан?
Аввалгидек менга ёрмисан?

Айтгил, тоза ишқимга, жонон,
Мукофотни оламан қачон?
Бутун қишлоқ бизни сўзлайди,
Тўйимиэни доим кўзлайди.

Лекин сендан жавоб йўқ ҳамон,
Шу сабабдан ҳамма ҳам ҳайрон.
Ўтинаман, бермагил азоб,
Сендан аниқ кутаман жавоб.

Лауренсия

Қишлоққа ҳам, сенга ҳам сўзим —
Шуки, ишон, розиман ўзим.

Фрондосо

Жоним, тингла арзи-ҳолим,
Босган изларингни ўпаман.
Фақат сендан баҳтим топаман.
Жавобингни кутар саволим.

Лауренсия

Қуруқ сўздан йўқдир фойда,
Етмоқ бўлсанг агар менга,
Дарҳол ёлбор сен отамга,
Етажаксан ана шунда.
Ана, отам билан амаким.
Мен уйимга беркинаман жим,
Бор, гаплаш.

Ф о н д о с о

Э, худо, мадад бер!

Лауренсия уйига кириб кетади.

УН УЧИНЧИ САХНА

Ф о н д о с о, Э стеван, Р ехидор.

Э стеван

Сенъор ёмон ахлоқи билан
Ҳаммамизни уятга қўйди.
Бутун қишлоқ, тоқати тугаб,
Фуқаромиз жонидан тўйди.
У тобора ҳаддидан ошиб,
Зўрлигининг ниҳояси йўқ.
Ҳасинтамиз қўлига тушиб,
Зор йиғлади, ҳимояси йўқ.

Р ехидор

Шаҳватбозлар қаттиқ дастидан,
Испания зулм остида.
Шунинг учун биз одил қирол
Ҳукмин қабул қилгаймиз дарҳол.
Ҳасинтага ачинаман. У
Пок қиз эди гўёки ёғду.

Э стеван

Менгога ҳам жуда жабр бўлди!

Р ехидор

Бечоранинг орқаси худди
Ис босгандай кўм-кўк қонталаш.

Э стеван

Жим! Бу даҳшат, бу қаттиқ зиён
Юрагимни ўртайди ёмон,
Командорнинг зулми бепоён.

Ортиқча юк бўлгандан кейин,
Нега керак менга бу асо?

Р е х и д о р

Нима чора? Сиз командорнинг
Малайлари олдида ожиз.

Э с т е в а н

Иштаҳаси карнай. Эшитдим,
Педро-семиз хотинини ҳам
Жар тубида, булоқ бошида
Учратибди ва роса хўрлаб,
Лашқарига инъом қилибди.

Р е х и д о р

Бирор қулоқ соляпти. Ким бор?

Ф р о н д о с о

Афв өтасиз, бу ерда менман.

Э с т е в а н

Фрондосо, азиз фарзандим,
Мендан авф сўрама зинҳор.
Сен отангнинг асил дилбанди,
Лекин мен ҳам отангчалик бор.
Шу елкамда катта қилганман,
Ўғлим десам арзигуликсан.

Ф р о н д о с о

Тўғри, сенъор, әслайман ҳамон,
Сиз бўлгансиз доим меҳрибон.
Кимлигимни яхши биласиз.
Бир сўзим бор, қулоқ берасиз.

Э с т е в а н

Сени телба Командор хафа —
Қиладими?

Фрондосо

Ха, ранжитди, сеньор.

Эстеван

Мен ҳам буни сезувдим.

Фрондосо

Сеньор,

Менга бўлган муҳаббатингиз,
 Ҳурматингиз билганим учун,
 Сўзим шуки, пок фарзандингиз
 Лауренсияга бўлганман мафтун,
 Энди сизга очай юрагим,
 Хотинликка олиш — тилагим.
 Сўзим қўпол; балки, шошганим,
 Балки журъат билан тошганим
 Жасоратга сабаб бўлгандир,
 Лекин кўнглим ишқа тўлгандир..

Эстеван

Фрондосо, ўғлим, бу сўзинг
 Менга мойдай ёқади, ўзинг
 Ҳузуримга келиб шод қилдинг.
 Ҳаётимни кўп обод қилдинг.
 Оллога минг қатла шукурки,
 Менга қўйиб шунчалар ихлос,
 Ташвишлардан айладинг халос.
 Энди дардим дармони сенсан,
 Номус-орим қалқони сенсан.
 Қайлигингни севишинг аниқ,
 Қалбинг тоза ишқ билан ёниқ.
 Аммо аввал отанг иккимиз —
 Бирга аҳду паймон қиламиз.
 Бир қарорга келамиз шаксиз.
 Бахти бўлиб яшанг иккингиз.
 Юрагимга сифмай қувончим,
 Сенга яна ортди ишончим.

Рехидор

Менда шундай мулоҳаза бор:
Қиз фикрини билиш ҳам даркор.

Эстеван

Бу борада бўлинг хотиржам!
Ҳал бўлади бу масала ҳам.
Булар ишни пиширган десам,
Мени койинг, агар янглишсам.
Аммо сепни сўзлашиб олиш—
Кечиктириб бўлмайдиган иш.
Унчалик кўп бўлмаса ҳам, ман
Сизларга пул йиғиб қўйганман.

Фрондосо

Ташвишланманг. Сеп нега керак?

Рехидор

Хурсанд бўлинг, мана бу юрак!

Эстеван

Хўш? Қизалоқ чиқсинми? Қани,
Ўзи берсин бунга жавобни!

Фрондосо

Бу бошқа гап! Мажбур қилмангиэ
Ўз оғзидан бир илинсин қиз!

Эстеван

(чақиради)

Лауренсия! Қизим!..

ҮН ТУРТИНЧИ САҲНА

Шулар ва Лауренсия.

Лауренсия

Сеньор, лаббай...

Эстеван

Мен ҳақ әканманми? Бир товуш
Ва у учиб келди гүё қуш...
Қизим, сенда бир оғиз гап бор.
Жавобингни ёлғиа эшитай,
(Қани, четга борайллик.) Айтай—
Сенга битта хушхабар, дилдор—
Хила деган дугонанг бор-ку?
Фрондосга тегмакчимиш у...
Бундай йигит кам топилади,
Қиз болани баҳтли қилади.

Лауренсия

Хила әрга тегармишми?

Эстеван

Ҳа.

Нима дейсан, йигит маъқулми?

Лауренсия

Бунга шубҳаланиш мумкинми?

Эстеван

Дуруст. Аммо у қиз гўзалмас,
Фрондосо келолмайди бас.
Кел, яхиси, Лауренсия, бунга
Ўзинг тегиб қўя қол.

Лауренсия

Ота,

Соқолингга тушса ҳам қиров,
Ҳазилингни қўймайсан бирров!

Эстеван

Уни севасанми?

Лауренсия

У — жоним,
Меҳрибоним ва қадрдоним.
Лекин бундай ишда... яна, сиз...

Эстеван

Демак, хўп деб жавоб берамиз.
Розимисан?

Лауренсия

Майли...

Эстеван

Жуда соз!
Модомики қалит қўлимда,
Иш жойида бўлади. Қани,
Қудамизни топайлик әнди.

Рехидор

Кетдик.

Эстеван

Уғлим, пул борасида
Унга қандай жавоб берайин?
Агар тўрт минг маравелини
Берсам, хурсанд қиласман уни.

Фрондосо

Утинаман, сеньор, бу гапни
Бир чеккага қўйиб турайлик.
Гадомасман. Ҳафа бўламан.

Эстеван

Ўғлим, мен ҳам шундай деганман,
Лекин кейин афсус еганман,

Хаёлингда бўлсин келажак,
Келажакни ўйламак керак.

Эстеван, Рехидор кетадилар.

Лауренсия

Фрондосо, шодмисан?

Фрондосо

Менми?

Мендек баҳтли йўқ замонда,
Қанотим пўлатдан, учаман,
Севикли ёримни қучаман,
Эҳ-ҳе, яшайман омонда!

Қўзибулоқ яқинида майдон.

УН БЕШИНЧИ САҲНА

Тўй маросими.

Созандалар, Менго, Фрондосо, Лауренсия, Паскауала, Баррильдо, Малла Хуан, Эстеван.

Созандалар

Келин-куёв соғ бўлсин,
Доим вақти чоғ бўлсин,
Үйида чироғ бўлсин!

Менго

Худо ҳаққи, бу қўшиғингиз
Жўн тўқима, жуда мавасиз.

Баррильдо

Демак, ўтиромабди дилингта.
Ўзинг тўқи, әрк бер тилингга!

Фрондосо

Менго қайдা, ашула қайдай!
Ў қайиш еб, топади фойда!

М е н г о

Ҳей, товушингни ўчир! Шу топда
Командор малайи — айғоқчи
Чакалакда сенга пойлоқчи.

Б а р р и л ь д о

Тилга олма ўша аblaҳни!
У шарманда бизга озмунча
Касофатлар келтиргани йўқ.

М е н г о

Битта сопқон билан юз солдат —
Қаршисида нима қилардим?
Айб мендамас. Бўлсайди қудрат,
Евларимдан қасос олардим.
Мен-ку ундан осон қутулдим.
Бошқаларга мушкулроқ бўлди.
(Отларини айтмайман.) Ичларига
Қум аралаш сурги қуйилди.
Қандай авоб! Лекин одам ҳам
Бўладими шундай серчиdam!

Б а р р и л ь д о

Билишимча, бу фақат ҳазил.

М е н г о

Сурги ҳазил бўлса ҳам, кўп зил!
Сургидан-ку фойда бор, бироқ
Ундан гўрга кирган яхшироқ.

Ф р о н д о с о

Сен, яхиси, шеърингни тўқи,
Куйга солиб, яхшилаб ўқи!

М е н г о

Иккови яшасин роҳатда,
Келин шод, куёв қувноқ,
Ғам-алам кетсин узоқ,

Умри ўтсин фароғатда,
Шарофатда, саодатда,
Гуллардай яшнасинлар!
Узоқ йил яшасинлар!

Ф р о н д о с о

Суюқ қўшиқ, чайналган ашъор,
На мазаси, на матраси бор!

Б а р р и л ь д о

Аммо жуда тез тўқиди...

М е н г о

Xa,
Қойил чиқди вазну қофия,

Б а р р и л ь д о

Маҳмадона бўлма! Рухсат бер,
Балки, ёшлар бирор нима дер!

Л а у р е н с и я

Кўлинг ўпай, кел, қайнатажон,

М а л л а Х у а н

Олло ўзи сақласин омон!
Мен розиман тилаб бахтингни,
Дуо қилсин отанг ҳам сени.

Э с т е в а н

Хуан, сендай, мен ҳам сўрайман:
Парвардигор ўзи қўлласин,
Бахт йўлига доим йўлласин.

Ф р о н д о с о

Айтганингиз келсин, отажон.

Малла Хуан

Ҳей, сиз, созандалар, бошлангиз!
Биз куй билан, ашула билан
Фарзандларни қиласайлик хурсанд!

Созандалар

Қўзи булоқ қишлоғидан
Қиз тушади жар томонга,
Орқасидан шилқим рицаръ
Қўз тикади у жононга.
Уятидан қип-қизариб,
Чакалакка киради қиз.
Рицаръ аста юриб бориб,
Тикилади қизга орсиз:
«Яширинма, гўзал ёр,
Кечанинг моҳи!
Сени топади хуштор
Ошиқ нигоҳи!»

* * *

Рицаръ қизга яқин борар,
Қиз бўлса, дағ-дағ қалтирас,
Сурбет ошиқ парво қилмас,
Қиз дардини асло билмас.
Қоқилади қиз илдизга,
Эштилади ноласи...
Шилқим рицаръ шўрли қизга
Бургутдай чанг солади:
«Яширинма, гўзал ёр,
Кечанинг моҳи!
Сени топади хуштор
Ошиқ нигоҳи!»

ОЛТИНЧИ САҲНА

Шулар, Командор, Флорес, Ортуньо, Симбронос,
солдатлар.

Командор

Ҳей, одамлар, тўйни тўхтатинг,
Ўз жойидан жилмасин ҳеч ким!

Малла Хуан

Сеньор, бу тўй ҳазил иш әмас.
Лек ихтиёр сизда, сиз ҳоким.
Шонли лашкар билан қайтибсиз,
Қўнарга жой хоҳиш этибсиз,
Марҳамат... Мард саркорга лойиц
Жой беради бунда халойиц.
Йўқ... Раъйингиз бошқача. Равшан.

Фрондосо

(четга)

О, ушландим! Ё раббий, қутқар!

Лауренсия

Фрондосо, четга қоч тездан!

Командор

Чирмов билан боғлансин дарҳол!

Малла Хуан

Қарши борма, бўйин әг, ўрлим.

Фрондосо

Истайсанми менга сен ўлим?

Малла Хуан

Нега ундей дейсан, ўрлим?

Командор

Мен—

Жон олсам ҳам, танлаб оламан.
Бу йигитни ўлдириш осон.
Ўлдирмоқчи бўлсам, шу замон
Солдатларим қиличи билан

Тешар әди оч биқинидан.
Мен зиндонга ташлайман уни!
Үз отаси кейин ўғлининг
Жазосини айтиб беради.

Паскуала

Сенъор, ахир, у уйланяпти!

Командор

Уйланиши бўломмайди ғов.
Еки, йўқми бошқа бир куёв?

Паскуала

У ҳақорат қилган бўлса ҳам,
Сиз кечириб, бўлингиз ўқтам.

Командор

Паскуала, бу ердаги гап
Менда әмас, қаҳримга сабаб:
У магистр — улуғ Хиронга
Қўл кўтарди: бу ҳукмронга
Ҳудо ўзи муҳофизакор!
Ҳа, бу ерда муқаддас Ордан,
Унинг шаъни таҳқир этилди,
Шу сабабдан гуноҳкор қаттиқ —
Жазосини тортиши керак.
Агар шундай қилмасак, авом
Итоатни унутиб тамом,
Бизга қарши туғ кўтаради.
Ахир, сизга маълумки, бу шум,
Кимлигимни қилиб фаромуш,
Менга қарши кўтариб товуш,
Милтиқ билан қилганди ҳужум...
(Ҳаддан ошди энди фуқаро!)

Эстеван

Сенъор, қайнота бўламан.
Сўзингизни тингладим, аммо

Мен йигитнинг ёнини оламан.
Сенъор, ошиқ маъшуқасини
Сизга бериб қўёлмайди-да!
Қандай қилиб рафиқасини
У хўрлайди эл-юрт олдида!
Сиз ёрини тортиб олишга
Қасд қилдингиз. У қарши чиқди.

К о м а н д о р

Оқсоқол, бу қуруқ сўзингиз
Зигир ёғдай жонимга тегди.

Э с т е в а н

Сўзлашга сиз мажбур қилдингиз!

К о м а н д о р

Ҳотинини тортиб олишим—
Қуруқ туҳмат; уйланмаган-ку?

Э с т е в а н

Қасд қилдингиз... Бас. Сўзламайман.
Зулмингиизга йўқдиր ниҳоя.
Кастильямиизда қирол бор,
Ўша қилур бизни ҳимоя.
Эски тартибсизликларга у
Ҳукми билан беради барҳам.
Сизга уруш баҳона бўлиб,
Эл бошига ёғдирасиз ғам.
Шаҳарларда, вилоятларда
Халойиққа сиздан йўқ омон.
Сийнангизда муқаддас хоч бор,
Аммо унда нур ўрнида қон.
Умидимиз фақат қиролдан.

К о м а н д о р

Асони олингиз бу оқсоқолдан!

Э с т е в а н

Ола қолинг, сенъор, марҳамат!

К о м а н д о р

Қайсаρ отни ургандай, буни
Асо билан ураман ҳозир!

Э с т е в а н

Юрт устида ўзингиз нозир,
Ҳақингиз бор: уринг асони!

П а с к у а л а

Ахир, чол-ку, нега урасиз?

Л а у р е н с и я

Қизи алам ўтказса сиэга,
Отасини урасиз, нега?
Бошқа әркак қуриб қолганми?

К о м а н д о р

Қизни ушланг, қамоққа солинг,
Эшигига ўн посбон қўйинг!

Командор ва унинг хизматкорлари Фрондосо билан
Лауренсияни олиб кетадилар.

Э с т е в а н

Жазосини ўзинг бер, оллоҳ!

(Кетади.)

П а с к у а л а

Тўй азага айланди, эвоҳ!

(Кетади.)

Б а р р и л ь д о

Сўз айтишга бирор мард борми?

М е н г о

Роса калтак едим. Етарли!
Хожи бўлиш учун Маккага
Бориб-келиш унча шарт әмас.
Тинч қўйинглар мени. Кетаман.

М а л л а Х у а н

Ҳаммамиз бош кўтаражакмиз.

М е н г о

Қўйинг, фойдаси йўқ! Яхшиси —
Индамасдан жимгина юриш.
Гапнинг рости, унинг қамчиси
Зарбасига ҳеч тоқатим йўқ.

УЧИНЧИ ПАРДА

Қўзибулоқ яқинида майдон.

БИРИНЧИ САҲНА

Эстеван, Баррильдо.

Эстеван

Нега халқ йигилмади?

Баррильдо

Деҳқонлар келмаяпти.

Эстеван

Аммо лаҳза сайин ҳалокат яқин.

Баррильдо

Дарали ҳаммага хабар берилган.

Эстеван

Фрондосо зинданда. Командор қийнаяпти.
Қизим Лауренсия зўрлаб олиб кетилди.
Кулфат кетидан кулфат... Олло ўзи асрасин!

ИККИНЧИ САҲНА

Шулар, Малла Хуан, Рехидор, кейин Менга.

Малла Хуан

Оҳ-воҳдан ҳеч фойда йўқ. Энди
Сукут сақлаш — энг муҳим тадбир.

Эстеван

Майдон бўм-бўш. Ҳайрон бўласан?

Менго

Мана, мен ҳам йигинга келдим.

Эстеван

Соқолимни ёш билан ювиб,
Оғайнилар, сиздан сўрайман:
Ватанимиз аламда қуиб,
Инграб-инграб жон берган экан,
Уни қандай кўмамиз энди?
Эл тортмаган қандай ғам қолди?
Модомики, шон-шарафимиз,
Номусимиз топталган экан,
Юртимиэда қайси юз билан
Бош кўтариб юра оламиз?
Айтинг: энди биз ким бўламиз?
Жавоб беринг: орангизда ким
Ҳақоратга дучор бўлмади?
Насибамиз оҳ-воҳми доим?
Наҳот, аҳвол шундай қолади?
Модомики, ор-номусимиз,
Ватанимиз бой берилибди,
Биз қаёққа энди қараймиз?
Биз нимани кутамиз энди?

Малла Хуан

Бечора юртимиш топталди ёмон.
Фақат қироллардан келади омон.
Атрофга бир қаранг: Кастильяни
Ҳалокатдан қирол қутқарив қолди.
Шу сабаб Кордова кутади уни,
Қирол ҳурматига у юрт қўзғалди.
Икки оқсоқолни юборсак дарҳол,
Бизларга ҳам мадад юборар қирол.

Баррильдо

Ев билан талашда, қаттол жангларда
Қирол бизга мадад бера олурми?
Ундан ёрдам сўраш ўзи бефойда.
Яхшиси, топайлик бошқа бир йўлни.

Рекидор

Менинг ўгитимга солсангиз қулоқ,
Гапим шу: қишлоқдан кетайлик тезроқ.

Малла Хуан

Бемалол кетишга йўл берармикан?

Менго

У агар бу гапдан бўлса хабардор,
Осон қутулмаймиз, тортамиз озор.

Рекидор

Сабр қила бериб, тушдик шу кунга.
Қўрқоқ кема ғарқ бўлади тўлқинга.
Ватан фахри бўлган оқсоқолимиз —
Қизини Командор тортиб олса-ю,
Бошибига асоси билан солса-ю,
Бўйнимизни әгиб, тоқат қиласамиз!
Дунёда бу қадар қабиҳлик йўқдири!
Сабримиз косаси буткул тўлиқдири!

Малла Хуан

Лўш! Қандай қарорга әнди келамиз?

Рекидор

Е бизлар ўлайлик, ڈ ўлсин ёвуз!
Бизлар кўп, улар оз.

Баррильдо

Сенингча, демак,
Хукмдоримизни ўлдирмак керак?

Э стеван

Худодан сўнг фақат қирол ҳокимдир,
Бошқаси — ҳокиммас, йиртқич, зодимдир.
Мабодо бизларга худо бўлса ёр,
Нимадан қўрқамиз?

М ен го

Аммо, жаноблар,
Сал бошини қотириш керак бўлади.
Йиғинга батраклар мени юборди,
Улардай чорасиз, баҳтсизлар йўқдир,
Лекин ваҳимага кўнглим тўлиқдир.

М алла Х уан

Яна ваҳимами? Шунчаси етар.
Ахир, аҳволимиз мурдадан баттар.
Улар ёндиromoқда ую даламиз.
Гап шу: золимлардан қасос оламиз!

УЧИНЧИ САҲНА

А вва лги лар ва соchlари ёйиқ **Лауренсия.**

Лауренсия

Эркаклар, йиғинга қатнашиш учун
Менинг ҳам қонуний ҳақим бор бутун:
Хотиннинг мумкинмас овоз бериши
Ва лекин мумкинтир йиғлаб нолиши.
Мени танияпсизми?

Э стеван

Ё раббий!
Лауренсия? Сенмисан?

М алла Х уан

Сен ўз қизингни
Таниёлмаяпсанми?

Лауренсия

Мен ўзимга
Шунчалар ўхшамасдан қолдимки, энди
Менинг кимлигимни билолмаяпсиз.

Эстеван

Лауренсия, қизим!

Лауренсия

Мен ортиқ сенга
Қиз әмасман.

Эстеван

Нега? Нима сабабдан?
Жон бөлам, нега энди?

Лауренсия

Сабаблари күп.
Ва лекин асосий сабаб шудирки,
Сен қизингни зўравонларга
Ўғирлатдинг, қасос олмадинг,
Мени йиртқич панжаларидан,
Ота бўлиб, сен қутқармадинг.
Эрга тегиб улгурмаганман.
Фрондосо эрим бўлмаган,
Шунинг учун умас, балки сен
Номусимни сақлашинг керак;
Тўй тантана қилмади тўлиқ,
Чимилидикқа кирганимча йўқ,
Шунинг учун эр әмас, ота
Ўз қизини ёқлаши керак.
Гавҳарга пул тўлаган билан
Уни қўлга олиш шарт, чунки
Ўғри урса, олинмаган мол
Даъвоси ҳам бўлади кулги.
Мени эса, Фернандо Гомес
Олиб кетди кўз олдингизда,
Қўрқоқ чўпон қўзичоғини

Оч бўрига топшириб қўйди.
Бошимга не савдолар тушди,
Ханжар билан сийнам тилишди!
Иффатимни ҳирс-شاҳватига
Қурбон қилиш учун у малъун,
Дўқлари кор қилмагандан сўнг
Кўкрагимга қўйди қайноқ мум.
Мана, соchlаримга бир қаранг!
Чаккаларим қонталаш, яра,
Юзимга ҳам силқиб оқар қон,
Шундай азоб берди беомон!
Оталарим, қариндошларим,
Зоти улуғ қон-қардошларим,
Мақтандоғлик жонга тегди, бас!
Кулфатимнинг поёни йўқдир,
Аламларга бағрим тўлиқдир,
Айта берсам, асло тугамас!
Қандай қилиб, чидаб турибсиз,
Бош кўтариб, қандай юрибсиз!
Сиз қўйларсиз, қўйлардай қўрқоқ,
Шунинг учун бу Қўзибулоқ
Сизларга энг муносиб ётоқ!
Ўзим қўлга қурол оламан!
Сизлар тошсиз, совуқ мармарсиз,
Тиши тушган қари шерларсиз!..
Йўқ, шер эмас. Шербачаларни
Този олиб кетса, қайси шер
Қувламасдан, қараб туради?
Шер ёвани қувиб етади,
Ва денгизга етказмай туриб,
Қирғоқдаёқ тутиб, йиртади,
Евдан қаттиқ қасос олади...
Сизлар испан эмас, қўрқоқлар,
Юраги йўқ ёвойиларсиз,
Қуёйлардан чала туғилган
Уяти йўқ мақтандоғларсиз!
Сиз севимли хотинингизни
Ёт әркакка қўшиб қўясиз!
Яна, қилич тақиб юрасиз?
Ечинг уни! Урчуғ тақингиз!
Хотинлардай, рўмол тўқингиз!
Онт ичаман, мен билан бирга
Хотин-қизлар жангга киради

Ва шаънидан доғларни ювиб,
Душманларни боплаб қиради.
Сизлар, аёлсифат қўрқоқлар,
Хотинларнинг расмин тутасиз,
Ипак эшиб, тақим отасиз,
Бир чеккада қолиб кетасиз.
Шимингизни ечинг, ўрнига
Узун кўйлак кийиб олингиз,
Сизга қалпоқ ўтиришмайди,
Шоҳи рўмол ўраб олингиз.
Қизил суреб юзларингизга,
Сурма қўйинг кўзларингизга!
Ҳукм қилди Фернандо Гомес:
Фрондосо судсиз, ҳукмсиз
Дорга осилади. Сизни ҳам
Қўйдай судраб, дорга тортади.
Мен тантана қиламан, чунки
Қишлоқдаги барча аёллар
Эркакларга айланади-да,
Сизни буткул уятга кўмиб,
Кўп қадимги замонлардаги
Соҳиб аёл — амазонкалар —
Даври яна қайтиб келади.

Э стеван

Қизим, мени ҳақорат қилма,
Қабоҳатга кўмиб номимни,
Менга оғир лақаблар тақма!
Бутун дунё қарши чиқса ҳам,
Сесканмайман, ёлғиз бораман.

М алла Х уан

Душман баланд тоғ бўлганда ҳам,
Қулатишга бораман мен ҳам.

Р ех и д о р

Жанг қиламиз, жон аямаймиз!

Баррильдо

Калтакка бир парча латтани
Боғлаб, байроқ қилиб оламиз,
Малъунларни қаттиқ урамиз!

Малла Ҳуан

Жанг режаси қандай бўлади?

Менго

Режа битта: ёвни ўлдириш.
Шу ондаёқ ҳалқни йиғамиш.
Бир ёқадан бош чиқарамиз.
Золимларни буткул қирамиз.

Эстеван

Милтиқлар, ўқ-ёйлар, таёқлар,
Камонлар — ҳаммаси олинсин!

Менго

Хоинлар, золимлар қирилсин!

Ҳамма

Хоинлар, золимлар қирилсин!

Эркаклар кетади.

Лауренсия

Тез боринглар, осмон мададкор!
Эй, аёллар! Юртдошлар, келинг!
Шаънимиз-чун қасос олайлик!
Дугоналар, тезроқ йиғилинг!

ТУРТИНЧИ САҲНА

Лауренсия, Паскуала, Ҳасинта ва бошқа аёллар.

Паскуала

Тинчликми? Нега чақирияпсан?

Лауренсия

Қаранг: ана, улар кетяпти —
Командордан қасос олишга!
Әркаклар, йигитлар, болалар
Қонли жангга боришаپти.
Наҳотки, шу шарафли ишда
Биз улардан ортда қоламиз?
Ахир, Командорнинг зулмини
Биз улардан озроқ тортдикми?

Хасинта

Мақсадингни очиқроқ сўзла!

Лауренсия

Мақсадим шу: сафга тиэилиб,
Шундай мардлик кўрсатайликини,
Эл-юртимиз ҳайратда қолсин,
Хасинта, сен чеккан жафолар
Хотинларга бош бўлишингга
Сенга тўла ҳуқуқ беради.

Хасинта

У сени ҳам ёмон хўрлади.

Лауренсия

Паскуала, сен байроқдор бўл!

Паскуала

Ижозат бер, найза учига
Қизил алвон илиб келаман.
Ўз бурчимни адо қиласман.

Лауренсия

Кетма. Ҳар бир лаҳза ғанимат.
Алвон излаб юргандан кўра,
Пешанабог илиб найзага,
Байроқ каби кўтарган маъқул.

Паскуала

Орамиздан бошлиқ сайлайлик.

Лауренсия

Керак әмас.

Паскуала

Нега?

Лауренсия

Мен борман,
Шу қифоя. На ботир Раймонд
На Сид менга тенг кела олур.

БЕШИНЧИ САҲНА

Командор уйида зал.

Командор, Флорес, Ортунью, Симбронос. Фрон-
досонинг қўли чамбарчас боғланган.

Командор

Шу арқоннинг ўзига осиб қўйинглар,
Муттаҳам ўғрининг қўли узилсин!

Фрондосо

Бу доғни шаъннингиздан юва олмайсиз!

Командор

Минорага осинглар, кўриниб турсин,
Бу жазо бошқаларга бир ўрнак бўлсин!

Фрондосо

Ўлдиromoқчи әмасдим, сенъор, мен сизни.

Саҳна орқасида шовқин.

Флорес

Оҳо, иш чатоқ-ку!

Командор

Үзи нима гап?

Флорес

Сеньор, бу ташвишни төзроқ тутатинг!

Ортунъо

Эшикни синдиришяпти.

▼

Командор

Ҳоким әшигини синдиришяпти?!
Командор әшигини-я!!

Флорес

Жамоат жам, унча-мунча одаммас.

ОЛТИНЧИ САҲНА

Шулар. Саҳна орқасида Малла Хуан, кейин Менго.

Малла Хуан

(саҳна орқасида)

Синдири, чоп, қулат, ёндири! Похол қани?

Ортунъо

Халқ исёни тобора қутураяпти.

Командор

Наҳотки, менга ҳужум!

Флорес

Ана, ур-йиқит;
Йўлакларга тошқиндай кириб келишди.

Командор

Жиноятчини озод қилмасак бўлмас.
Фрондосо, бориб айт, оқсоқол тинсин.

Фрондосо

Кетдим, сензор. Улар мени сўраб келган.

(Кетади.)

Менго

(саҳна орқасида)

Яшасин қирол Фернандо ва қиролича Изабелла^і
Хоннларга, ўлим!

Флорес

Сензор, бир амаллаб жуфтакни ростлаб қолайлик.

Командор

Йўқ, мен уларни мардона кутиб оламан.
Маҳкам девор бизларни ҳимоя қилажакдир.
Улар чекинишади.

Флорес

Халқ билан ҳазиллашманг,
Унинг газаби худди дengiz долғаси,
Фақат қон тўкиб, қасос олиб тинчийди.

Командор

Бу ер худди қалъанинг деворидай тик,
Уларнинг ҳужумини кесамиз тетик!

Фрондосо

(саҳна орқасида)

Қўзибулоқ!

Командор

Муттаҳам доҳийни қаранг!

Биз боплаб, аҳволини қилажакмиз танг!

Флорес

Сенъор, қойилман. Ботирлик мундоғ бўпти!

ЕТТИНЧИ САҲНА

Шулар, Эстеван, Фрондосо, Малла Хуан, Барриль-
до ва қуролли дэҳқонлар.

Эстеван

Ана, золим, ана унинг малайлари!
Халқ омонсиз тугатади золимларни!

Командор

Тўхта! Шошма!

Ҳамма

Чидамимиз буткул тугаган!

Командор

Айтинг: мени не учун айблайсив?
Онт ичаман, муросага келамив.

Ҳамма

Улим! Улим! Қўзибулоқ қасос олади!
Жаллодлар, ўғрилар, сизга омон йўқ!

К о м а н д о р

Қулоқ солмайсизми? Ахир, сиз билан
Қонуний сенъорингиз сўзлашяпти...

Ҳ а м м а

Сенъоримиз — қирол ва қиролича!

К о м а н д о р

Тўхта, халойиқ!

Ҳ а м м а

Яша Қўзибулоқ! Золимга, ўлим!

Жанг бўлади. К о м а н д о р ва унинг яқинлари чекиниб, чиқиб ке-
тадилар, исёнчилар уларни таъқиб қиласидилар.

САККИЗИНЧИ САҲНА

Л а у р е н с и я, П а с к у а л а, Х а с и н т а ва яна аллағанча қирол-
ли аёллар.

Л а у р е н с и я

Мақсад яқин қолди, тантана қилинг,
Оти хотин, аммо ўзи мард қўшин!

П а с к у а л а

Золимнинг қонига кўпдан чанқоқман!
Аёллар ўч олади ор-номус учун!

Х а с и н т а

Танини найзага санчиб, қўтаринг!

П а с к у а л а

Қора юрагини тиф билан ёринг!

Э с т е в а н

(саҳна орқасида)

Фернандо Гомес, жўна жаҳаннамга!

К о м а н д о р

(саҳна орқасида)

Оҳ, ўляпман.

Е раббий, шафқат қил ожиз бандангга!

Б а р р и л ь д о

(саҳна орқасида)

Мана, Флорес.

М е н г о

(саҳна орқасида)

Үр аblaҳни!

Елкамга минг қамчи урган занғар шу.
Үр малъунни!

Ф р о н д о с о

(саҳна орқасида)

Мен уни ўлдириб, қасос оламан.

Л а у р е н с и я

Юр, кирайлик!

П а с к у а л а

Мумкин эмас, Лауренсия.
Эшикни қўриқлаш керак.

Б а р р и л ь д о

(саҳна орқасида)

Бу ёрдагилар

Ҳаммаси ўлимга маҳкум этилган.
Аёллар подаси, кўз ёшини артинг!

Лауренсия

Паскуала, мен кираман. Қилич бу замон
Ёвларни қириши керак беомон.

(Кетади.)

Баррильдо

(саҳна орқасида)

Ортунъо шу ерда.

Фондосо

(саҳна орқасида)

Қилични бетига сол!

ТУҚҚИЗИНЧИ САҲНА

Паскуала, Хасинта, аёллар. Менго Флоресни қувниб
келади. Ләуренсия билан Ортунъо ҳам келадилар.

Флорес

Шафқат қил, Менго, айб менда эмас!

Менго

Сенъорнинг қўшмачиси бўлмаганда ҳам,
Мени қамчилагансан, безбет, муттаҳам!

Паскуала

Сен буни бизларга бер. Бу абладжавоб —
Берсин бизга.

Менго

Ол, ур, бўлади савоб.
Хотинларнинг қўлига тушганинг ҳоли хароб,

Паскуала

Сен учун ўч оламан.

Менго

Биламан.

Хасинта

Үл, хоин!

Флорес

Вой, хотиннинг қўлига тушдим!

Хасинта

Баттар бўл!

Паскуала

Манавининг талтайишини қаранг-а!

Хасинта

Үл ифлос, қўшмачи!

Паскуала

Үл, ёвуз банди!

Флорес

Елвораман, шафқат қилинг!

Лауренсия Ортуниони қувиб келади.

Ортуньо

Ахир, мен эмас...

Лауренсия

Сен!.. Унинг дўсти — сен!
Юринглар! Тигларни қонга бўйимиз!

Паскуала

Ўламиз ва лекин аламларимиз,
Ғамларимиз учун қасос оламиз!

Барча аёллар

Яшасин Қўзибулоқ, яшасин қирол!

(Кетадилар.)

УНИНЧИ САҲНА

Торода қирол дон Фернандо қароргоҳи. Қирол дон Фернандо, дон Манрике.

Дон Манрике

Жангү жадал зафар билан тамом бўлди,
Режамизнинг тўғрилиги аён бўлди.

Қирол

Голиб граф истеҳкомда қола берсин,
Душманларга ҳамон даҳшат сола берсин.
У бизларни хавф-хатардан сақлар омон,
Шарафини улуғлайди бутун жаҳон.

Ярадор Флорес киради.

Флорес

Олимаком қиролимиз дон Фернандо,
Мудҳиш бир иш содир бўлди бу жаҳонда.
Таърифига тилим лолдир...

Қирол

Эсингни йиғ!

Флорес

Улуғ қирол, бу ҳикоям бўлур қаттиқ...
Ярам оғир. Умрим қисқа. Ҳуллас қалом,
Қўзибулоқ қишлоғидан келдим шу он.
Қишлоқилар сенъоримиз дон Гомесни —

Үлдирдилар, қирғин билан босиб бизни.
Деңқонларнинг қаҳри ёмон, ўтдай ёнди,
Улар сенъор Фернандодан қасос олди.
Уни золим, бузуқ махлуқ деб аташди,
Қўзибулоқ хамир каби кўпчиб тошди.
Аёллар ҳам эрларидан баттар ботир,
Болта, таёқ кўтаришиб келаётир.
Улар: қирол бизга паноҳ, дейишади,
Ҳаммасидан қирол огоҳ, дейишади.
Қиролимиз, умидимиз фақат сендан,
Ўзинг қасос олажаксан оломондан.

К и р о л

ҮН БИРИНЧИ САХНА

Қўзибулоқ қишлоғи. Майдон.

Әстеван, Фрондосо, Баррильдо, Менго, Лауренсия, Паскуала Созандалар. Эркак ва аёл деңқонлар командор Гомеснинг наизага санчилган калласини кўтариб келмоқдалар.

Созандалар

(ашура)

Яшасин, омон бўлсин,
Бизга соябон бўлсин,
Қирол ва қиролича!
Хоин, золимлар ўлсин!

Баррильдо

Фрондосо, құшиқ түқиб бер!

Фрондосо

Майли, сизга тўқиб берай шеър,
Агар чўлтоқ чиқса кечиринг,
Кемтигини тузатиб беринг.
Маликамиз Изабелла
Ва Фернандо омон бўлсин,
Мангаликда жаҳон бўлсин.
Замонимиз замон бўлсин.
Фаришталар бошида,
Фуқароси қошида
Доим маза ошида,
Ўлкаси бўстон бўлсин.
Хоин, золимлар ўлсин!

Лауренсия

Баррильдога навбат.

Баррильдо

Мен тайёр.
Санъат билан ёздим бир ашъор.

Паскуала

Юрак билан ёзилган газал
Ҳаммасидан бўлади афзал.

Баррильдо

Маликамиз, қиролимиз,
Доимо омон бўлсин,
Шоду хуррам элимиз,
Бизларга макон бўлсин.
Ёвларга қирон келсин,
Маликамиз, қиролимиз
Бизга соябон бўлсин.
Хоин, золимлар ўлсин!

Созандалар

Яшасин, омон бўлсин,
Бизга соябон бўлсин,
Қирол ва қиролича!
Хоин, золимлар ўлсин!

Лауренсия

Менго, навбат сенга!

Фондосо

Шеър айт!

Менго

Үткир бўлур мен тўқиган байт.

Паскуала

Демак, шеърда Менгомиз қурғур
Ўзи еган қамчидай ўткир.

Менго

Битта тўнғиз қўпган полвон
Якшанба кун мени ёмон --
Қалтаклади, бермай омон,
Яхши ҳамки, ёғ бор экан,
Яра босган орқам, елкам
Анча ором топди у дам.
Қиролимиз омон бўлсин!
Хоин, золимлар ўлсин!

Созандалар

Яшасин, омон бўлсин,
Бизга соябон бўлсин
Қирол ва қиролича!
Хоин, золимлар ўлсин!

Эстеван

(Командор бошини кўрсатиб)
Бошни олиб кетинг бу ердан.

Менго

Осилаш бош каби серрайган.

Рекидор

Ана, қиролимиз қалқони.

УН ИККИНЧИ САҲНА

Шулар ва қирол қалқонини кўтарган Малла Хуан.

Э стеван

Эй халойиқ, энди оқсоқол
Сўзларига қулоқ солингиз.
Бу сўзлардан заҳмату малол —
Етмаганин уқиб олингиз.
Подшолар қилмишиимиэни,
Хеч шубҳасиз, тафтиш қилурлар.
Йсёнкорлар тик қўргонини
Йўл устида кўриб билурлар.
Қандай тақдир кутса ҳам бизни,
Ўйлашайлик жавобимизни.

Ф рондосо

Маслаҳат бер!

Э стеван

Ўлсак ҳам, бироқ,
Жавобимиз бўлгуси ҳар чоқ:
«Қўзибулоқ!»

Ф рондосо

Қўзибулоқ. Қойил.
Қўзибулоқ — ҳаққоний қотил.

Э стеван

Суд бўлганда жавобимиз шул.
Хўш, маъқулми?

Ҳ ам м а

Ҳа, маъқул, маъқул!

Э стеван

Агар шунга бўлсангиз рози,
Машқ қиламиз. Мен — келган қози,
Сиз — деҳқонлар. Пухталаб, такрор —

Пишитайлик. Чунончи, Менго,
Суд навбати етибди сенга.
Сени қийнаш пайти...

Менго

Оқсоқол,
Қўрқяпман. Бошқаларни ол.

Эстеван

Ахир, судья ростакам эмас.

Менго

Ундай бўлса, бошла!

Эстеван

Хўш, жинояткор,
Командорни ким ўлдирди, айт!

Менго

Қўзибулоқ!

Эстеван

Ит!
Сени боплаб
Кийнаш керак!

Менго

Ўлдирсанг ҳам — шу!

Эстеван

Бу ўғрини қийнанг!
Хўш, қалай?

Менго

Айтаман,

Э с т е в а н

Хўш, ким ўлдирган?

М е н г о

Қўзибулоқ.

Э с т е в а н

Яна бир бор уринглар таёқ.

М е н г о

Уч марта ур, жавобим битта.

Э с т е в а н

Эҳ, чиппакка чиқди-ку сўроқ!

ҮН УЧИНЧИ САҲНА

Шула р ва Р е х и д о р.

Р е х и д о р

Бу нимаси: майнабозликими?

Ф о н д о с о

Куадрадо, нима гап ўзи,
Тинчликми?

Р е х и д о р

Тафтишчи келди.

Э с т е в а н

Тарқалинг! Тўпланишманглар!

Р е х и д о р

Ёнида бир капитан ҳам бор.

Эстеван

Менга деса, иблис ҳам келсин.
Қарор берган жавобимизни
Айтажакмиз тақрор ва тақрор.

Рехидор

Ғазаблари тўлқиндай тошиб,
Деҳқонларни ушламоқдалар,
Авахтага ташламоқдалар.

Эстеван

Ҳамма қарши туради унга.
Сенъорни ким ўлдирди, Менго?
Жавоб бер!

Менго

Қўзибулоқ!

УН ТҮРТИНЧИ САҲНА

Лауренсия ёлғиз.

Лауренсия

(қўшиқ айтиб яйрайди)

Мен қувноқ, әркин қушман,
Озодликни севаман,
Шўх дарё, нурли гулшан,
Дилшодликни севаман,
Озодликни севаман!
Далаларда ишласам,
Кечалари тинч ётсам,
Рақибни пўшт-пўштласам,
Севганимни қувнатсам,
Юрагимни хушласам!
Бошқалар югурмасин,
Адабини бераман,
Севгидан лоф урмасин,

Мен бошқанинг қушиман,
Озодликни севаман!

УН БЕШИНЧИ САҲНА

Лауренсия, Фондосо.

Фондосо

Лауренсия!

Лауренсия

Жонгинам, эрим!
Нега келдинг бу ерга энди?

Фондосо

Нега келмай? Вафодор ёринг
Хуэулингда не гуноҳ қилди?

Лауренсия

Қўрқаяпман! Эҳтиёткор бўл!
Фалокатдан сақла ўзингни!

Фондосо

Худо ҳофиз, Лауренсия, ҳеч ким
Энди хафа қилмайди сени!

Лауренсия

Жоним, ахир, кўрмаяпсанми,
Бизга қирол юборган судья
Одамларни тортиб жазога,
Қаттиқ зуғум қилаётганин?
Сенга омон бермаяжаклар,
Бало яқин, тезроқ қочиб қол!

Фондосо

Агар кетсам, юрт нима дейди?
Сенинг сўзинг мен учун малол!
Бошқаларни ташлаб кетайми?
Бу уят иш. Йигитга оғир.

Сени ёлғиз қолдиrolмайман.
Хижрон менга ўлим-ку, ахир?
Менга келган кулфат әлимнинг
Бошига ҳам келгани аён.
Менга қандай ширин бўлса жон,
У әлга ҳам ширин минг чандон.
Шунинг учун жангга тайёрман,
Юрт ичида, қаторда борман.

Саҳна орқасида шовқин-сурон,
Ана, шовқин эшитиляпти.
Аллакимни қийнашяпти.

УН ОЛТИНЧИ САҲНА

Шулар, судья, Эстеван, бола, Паскуала, шу яқиндаги
қамоқхонада Менго.

Судья

(саҳна орқасида)

Муҳтарам чол, қани, гапиринг!

Фрондосо

Лауренсия, чолни қийнашяпти!

Эстеван

(саҳна орқасида)

Сал бўшатинг.

Судья

Арқонни бўшатинг.

Иқрор бўлинг: Фернандони ким ўлдири?

Эстеван

Қўзибулоқ.

Лауренсия

Раҳмат, дадажон!

Фондосо

Бундай мардни мудҳиши қийноқлар
Буқолмайди...

Судья

...Эй, бола, беркел!
Итвачча, сен кўргансан. Қани,
Айтиб бер-чи, ким ўлдири! Ҳўш?
Гапир? Ҳой, сен, темириңгни бос!

Бола

(саҳна орқасида)

Қўзибулоқ!

Судья

Безбет шайтонлар!
Йўқ, қотилни топмай қўймайман.
Мен буларнинг жонини олмай,
Бирортасин озод қилмайман.

Фондосо

Болани йиртқичдай қийнади,
Лекин жавоб ололмади.

Лауренсия

Ҳалқ —

Бундоғ бўпти!

Фондосо

Қудратли. Ботир.

Судья

Энди, анави аёлни келтир!
Ҳой, қозиққа сочидан осиб,
Оёғидан пастга тортиңглар!

Лауренсия

Судья жуда ҳаддидан ошиб
Қутуряпти.

Судья

Эй, қишлоқилар,
Ҳаммангизни дорга осаман!
Хўш, иқрор бўл: ким ўлдири? Хўш?

Паскуала

(саҳна орқасида)

Қўзибулоқ!

Судья

Қаттиқроқ торт!

Фондосо

Уринишинг беҳуда, жаллод!

Лауренсия

Паскуала индамаяпти.

Фондосо

Болалар ҳам индамаяпти.
Судья бекор уриняпти!

Судья

Ҳей сен, жонинг борми? Қаттиқ торт,
Бу аплаҳлар деб юборсин дод!

Паскуала

Е раб!

Судья

Торт! Хўш, айт-чи: қотил ким?

Паскуала

Қўзибулоқ.

Судья

Энди сен кел, танноз йигитча!
Биз елкангни « силаймиз» пича!

Лауренсия

Шўрлик Менго! Бу ўша.

Фондосо

Менго
Чидолмайди, сирни очади.

Менго

(саҳна орқасида)

Вой,вой!

Судья

Қани, арқонни бура!

Менго

Вой!

Судья

Бунга кучинг етадими? Торт!

Менго

Дод!

Судья

Хўш, қишлоқи, бу арқон қалай?
Командорни ким ўлдири? Айт!

Менго

Вой,вой, сеньор, ҳозир айтаман!

Судья

Қўлларини сал бўшатиб қўй.

Фондосо

У айтади. Сир очилади.

Судья

Елкасини устунга тақал

Менго

Қўйвор! Бўлди! Айтиб бераман.

Судья

Қани, айт: ким ўлдирди уни?

Менго

Қўзивой Булоқвой ўғли ўлдирди.

Судья

Бақ! Қийиноқдан фойда йўқ. Бундай
Қайсарларни энди кўришим.
Бунисига ишонган эдим,
Бошқалардан баттарроқ әкан.
Ҳаммасини қўйвор! Чарчадим.

Фондосо

Дўстим Менго! Сен учун қўрқиб,
Бошқаларни унутаёздим.

УН ЕТТИНЧИ САҲНА

**Шулар ва Баррильдо, Рехидор, Менго қамоқхонадан
чиқиб келадилар.**

Баррильдо

Яша азamat!

Р е х и д о р

Қойил!

Б а р р и л ь д о

Бопладинг, Менго!

Ф р о н д о с о

Қиёмат!

М е н г о

Вой,вой!

Б а р р и л ь д о

Ма, оғайніжон, оғзина
Туз тотиб, май ичвол.

М е н г о

Вой! Бу нима?

Б а р р и л ь д о

Лиму қиёми.

М е н г о

Вой!

Ф р о н д о с о

Оғзина ичсин.

Б а р р и л ь д о

Ҳа-ҳал

Ф р о н д о с о

Винонинг ютуми осон.

Лауренсия

Қиёмдан ҳам қиттак чайнасин.

Менго

Вой, вой!

Баррильдо

Дўстлар соғлиғига ич!

Лауренсия

Еқмай ўлсин, индамай отди.

Фондосо

Томоғидан тўхтамай кетди.

Баррильдо

Тағинми?

Менго

Вой! Қуй, имиллама!

Фондосо

Хизматингга яраша оқ ич!

Лауренсия

Қуйилмасдан симирияпти.

Фондосо

Ғарқ терлади, уни ўраб қўй.

Баррильдо

Тағин қуяйми?

Менго

Уч марта қуй.

Вой, вой, вой!

Фрондосо

Томогини ҳўллаб олсин. Қуй!

Баррильдо

Соғлиққа ич, ошнам, ош бўлсин.
Қийналганлар роҳат ҳам кўрсин.
Ҳўш, тузукми?

Менго

Бурним қичияпти.
Шамолладим шекилли. Кетдик.

Фрондосо

Ют! Ажойиб шароб. Ҳўш, айт-чи,
Командорни ким ўлдирибди?

Менго

Қўэивой Булоқвой ўғли. Эслаб ол!

Баррильдо, Менго, Рехидор кетадилар.

УН САККИЗИНЧИ САҲНА

Фрондосо, Лауренсия.

Фрондосо

Ҳўш, айтинг-чи, гўзал сенъора,
Чиндан, унинг бардоши қаттиқ.
Командорнинг мард қотили ким?

Лауренсия

Қўзибулоқ, жоним, азизим.

Фрондосо

Ким дедилар?

Лауренсия

Сўрамоқ нечун?
Бу сир әмас, жоним, сен учун.

Фрондосо

Мен учун? Хўш, нечун мен қотил?

Лауренсия

Чунки, сени севади бу дил!

УН ТҮҚҚИЭИНЧИ САҲНА

Шудар, Эстеван, Алонсо, Фрондосо, Лауренсия,
Менго, эркак ва аёл деҳқонлар.

Эстеван

Кўзибулоқ халқи абгордир,
Халоскорға муштоқдир, зордир.
Командордан қутулдик омон,
Аммо зўлм әтмоқда давом.
Урушларнинг даҳшати битсин,
Халқнинг баҳти очилиб кетсин.
Ахир, келур шундай биро замон,
Саодатда яшармиз омон!

Халқ

Офарин, мардана —
Кўзибулоқ, офарин!
Эрлари фарзона,
Қизлари жонона,
Ботир қишлоқ, офарин!
Бундай халқ жаҳонда
Яшасин, офарин!
Мангур эрк, омонда
Яшасин, офарин!
Офарин!
Офарин!

ПАРДА

А. С. Пушкин

ТОШ МЕҲМОН

Leporello. O statua dentilissima
Del gran' Commendatore!..
... Ah, Padrone!

Don Ziovann*

I САҲНА

Дон Гуан ва Лепорелло.

Дон Гуан

Биз шу ерда кутажакмиз тунни. Ниҳоят,
Мадриднинг қопқасига етдик. Ҳадемай,
Мўйловимни плаш билан, қошни бўрк ила
Ёпиб таниш кўчалардан елдай учаман.
Нима дейсан? Мени бирор танирмикан-а?

Лепорелло

Ҳа! Мумкинми Дон Гуанни танимоқ зинҳор!
Ахир, ундаи кишиларнинг сон-саноғи йўқ!

Дон Гуан

Нечун ҳазил? Ким танийди?

Лепорелло

Биринчи посбон,
Бирор лўли, ё учраган сармаст сованда,
Ёки ёски бир жўрангиз, плашни кийиб,
Қиличини қўлтирига қисган беҳаё.

* Лепорелло: О, буюк Командорнинг севимли ҳайкали
...Оҳ, афандим! Дон-Жуан.

Дон Гуан

Таний берсин, бокиси йўқ. Қиролнинг ўзи —
Дуч келмаса басдир менга. Ростини айтсам,
Мадридда ҳеч кимсадан қўрқмайман асло.

Лепорелло

Дон Гуанни ижозатсиз, сургундан қайтиб,
Мадридга кирганлиги эрта қундаёқ
Қиролгача бориб етар — хўш, айтинг-чи, у
Сизни нима қилас?

Дон Гуан

Яна жўнатар такрор.
Ахир, улар кесмаслар-ку менинг бошимни,
Мен хиёнат қилганим йўқ ахир давлатга.
Қирол мени севиб туриб бадарға қилди;
Үлдирилган у кишининг аҳли-хонаси —
Жонимга қасд қилмасин деб...

Лепорелло

Буни қаранг-а!
Сиз бу ерда тинч юрсангиз маъқулроқ эди.

Дон Гуан

Кечирасиз каминани! Мен у ерларда
Ёлғизликда ўлай дедим. Қандай одамлар,
У қандай ер! Осмони-чи?.. Худди тутунзор.
Хотинлар-чи? Эй сен тентак Лепореллам, бил;
Андалуснинг энг оддий бир деҳқон хотинин
Ўша ернинг дилбарига алишмайман мен.
Улар аввал кўум-кўк кўзи, оппоқ бадани,
Камтарлиги, ҳаммадан ҳам янгилиги-да
Менга ёқди — кўзларимни қувонтиrolди;
Минг шукурки, тезда фаҳмим етди барига —
Улар билан яқин бўлмоқ гуноҳ деб билдим —
Уларда жон асари йўқ — мум қўғирчоқлар!
Оҳ, бизларнинг хотинлар-чи!.. Аммо, қара-я,
Бу ер бизга таниш, сен ҳам таниёлдингми?

Лепорелло

Таниганда қандоқ: бу ер худди Антоний —
Монастири. Сиз бу ерга кўп келардингиз,
Бу чорбоғда отингизни ушлаб турардим.
Рост сўзласам, бу — лаънати вазифадир. Сиз
Вақтингизни мендан кўра хуш ўтказгансиз —
Ҳа, ишонинг.

Дон Гуан

(ўйчан)

Энди у йўқ! Уни қандай яхши кўрардим!

Лепорелло

Инеза! Ҳа, у қора кўз... Ҳамон эсимда.
Уч ой унга сиз хушомад қилиб юрдингиз,
Аммо иблис сизга ахир мададга келди.

Дон Гуан

Июль ойи... Тунда. Унинг маъюс нигоҳи,
Жонсиэ-жонсиэ лабларидан ғалати бир завқ,
Ажиб роҳат олган әдим. Бу кўп таажжуб.
Уни гўзал әмас деган әдинг шекилли.
Ҳа, чиндан ҳам, унда асл чирой кам эди,
Фақат кўзлар, унинг ёниб турган кўзлари...
Ва боқиши... мен у каби нафис боқишини
Учратолган әмасман ҳеч... овози эса
Худди бемор товушидай сокин ва ожиз.
Унинг әри тош юракли муттаҳам әди.
Буни кейин билиб қолдим... Эсиз Инеза!..

Лепорелло

Бокиси йўқ, янгилари топилди.

Дон Гуан

Бу ҳақ!

Лепорелло

Омон бўлсак, яна кўпи топилғусидир.

Дон Гуан

Бу ҳам тўғри.

Лепорелло

Боргандан сўнг, Мадридда энди
Қайси бирин ахтарамиз?

Дон Гуан

О, Лаурани!
Мен ўшанинг ҳузурига югураман.

Лепорелло

Соз

Дон Гуан

Эшигини қоқажакман — агар уйида
Бирор бўлса, деразадан қочсин — сўрайман.

Лепорелло

Бу турган гап. Ҳурсандчилик чакки бўлмади.
Марҳумалар бизни узоқ безовта қилмас.
Бирор келар, ким бўлса у?

Роҳиб киради.

Роҳиб

Ҳозир шу ерга
У келади. Ким бу? Булар Дона Аннанинг
Одамлари эмасмикан?

Лепорелло

Йўқ, йўқ, бизлар ҳам —
Ўзимизга ўзимиш бек. Зиёрат қилиб
Юрмоқдамиш.

Дон Гуан

Хўш, сиз кимни кутиб турибсиз?

Р о ҳ и б

Дона Анна марҳум әри мақбарасига
Ҳозир етиб келажакдир.

Д о н Г у а н

О, Дона Анна —
Де-Сильва! У, ўлдирилган марҳум Командор
Рафиқаси... Эслолмайман ким ўлдирганин?

Р о ҳ и б

Фаҳш, виждонсиз, худосини сотган Дон Гуан.

Л е п о р е л л о

Оҳол Буни қаранг-а! Дон Гуан қиссаси
Ҳатто сокин монастирга кирибди. Энди
Узлатдаги зоҳидлар ҳам куйлар мадҳини.

Р о ҳ и б

Балки сизга танишдир у?

Л е п о р е л л о

Бизгами? Асло!
Ҳозир қайда бўлса әкан у?

Р о ҳ и б

Бу ерда йўқ.
Узоқларда, бадарғада.

Л е п о р е л л о

Худога шукур.
Қанча олис бўлса, шунча яхши. Барча шу —
Бузуқларни битта қопга солиб, биракай
Худ дengизга ташлаш керак.

Д о н Г у а н

Бу қанақа лоф?

Л е п о р е л л о

Сукут сақланг, мен атайин шундай сўзладим.

Д о н Г у а н

Шу турбага кўмилганми, демак, Командор?

Р о ҳ и б

Ҳа, шу ерга. Ёри унга ҳайкал тиклади,
Арвоҳини қувонтиromoқ учун ҳар кун у
Қабристонга келиб дуо ўқийди ҳамда
Кўзларидан ёш тўкади.

Д о н Г у а н

Ғалати бева!

Ҳусни қалай?

Р о ҳ и б

Хотинларнинг гўзаллигига
Бизлар — тарки дунё аҳли, мафтун бўлмаймиз,
Аммо ёлғон гапирмаклик гуноҳдир; ҳатто
Тақводор ҳам унинг ҳуснин инкор этолмас.

Д о н Г у а н

Раҳматликнинг рашқ қилиши бежиз эмаскан,
У хилватда тутар эди Дона Аннани,
Ҳеч биримиз уни кўра олмаган эдик.
Мен у билан сўзлашмакка кўп ишқибозман.

Р о ҳ и б

Дона Анна әркак киши билан сўзлашмас,
Бу ҳақиқат.

Д о н Г у а н

Сўзлашарми сиз билан, ота?

Роҳиб

Мен роҳибман — менинг билан сўзлашар албат.
Ана ўзи.

Дона Анна киради.

Дона Анна

Қани отам, эшикни очинг.

Роҳиб

Ҳозир, хоним, кутиб турган эдим мен сизни.

Дона Анна Роҳибнинг орқасидан боради.

Лепорелло

Хўш, қанақа?

Дон Гуан

Беваликнинг қора чодраси —
Уни тамом қоплаб олиб кўрсатмас биэга,
Фақат нозик товонини кўриб қолдим мен.

Лепорелло

Сизга шу бас. Қолганини тасаввурингиз
Бир нафасда беками кўст чизиб беради,
Хаёлингиз наққошдан ҳам моҳир ва чаққон,
Хоҳ қошидан бошланг, хоҳи оёқларидан,
Сизнинг учун баб-баравар...

Дон Гуан

Эҳ, Лепорелло,
Мен у билан танишаман.

Лепорелло

Ками шу эди!
Қатл этиб сиз беванинг эрини, энди
Завқ оласиз кўз ёшлари томошасидан!
Бунча сурбетлий!

Дон Гуан

Оқшом ортиқ яқинлашмоқда.
Тепамизда ой намоён бўлмасдан бурун,
Нури билан зулумотни қувмасдан бурун,
Биз Мадридга кирмоғимиз даркор.

(Кетади.)

Лепорелло

Ё раббим!
Испания бекзодаси, худди ўғридай
Тунни кутар ва ойдиндан чўчир, ҳайиқар.
Эҳ, лаънати тирикчилик! Ахир, тобакай
Мен у билан сарсон бўлғум? Бездим, зерикдим.

II САҲНА

Хона. Лаура зиёфат бермоқда.

Биринчи меҳмон

ОНт ичаман, эй Лаура, ўзинг ҳеч қачон
Ўйнамаган әдинг бунча камолот ила,
Ўз ролингни тушунибсан, ғоят ҳаққоний!

Иккинчи меҳмон

Санъатингни нозик ечдинг! Забардаст, жўшқин!

Учинчи меҳмон

Санъатингга қойил!

Лаура

Ҳа, мен бугун ҳар зарбнинг,
Ҳар бир сўзнинг маъносини чертдим ўрнида,
Қалбим билан мафтун бўлдим илҳомга эркин.
Сўзлар ожиз хотиранинг меваси әмас,
Балки кўнгил чашмасидан қўйилди равон.

Биринчи меҳмон

Бу гапинг ҳақ. У кўзларинг ҳамон чақнайди.
Ёноқларинг ҳамон ёнар, эрка шодлигинг
Вужудингни қопламишдир. Лаура, куйла,
Севинчингнинг сўнишига йўл қўйма асло,
Бирор нарса куйла яна.

Лаура

Созни беринглар.

(Гитарани олиб куйлади.)

Ҳамма

Баракалла! Баракалла! Мислсиз гўзал!

Биринчи меҳмон

Раҳмат сенга, сеҳргар қиз. Сен кўнгленимизни
Мафтун қилдинг. Ҳаёт завқу сафоларидан.
Фақат севги қаршисида музика банда;
Аммо ишқнинг ўзи куйдир... Ана, назар сол,
Таъсирланди ҳатто Карлос — мағрур меҳмонинг.

Иккинчи меҳмон

Бу не овоз! Жонинг ўзи сингмишдир унга!
Кимнинг сўзи, Лаура бу?

Лаура

Дон Гуанники.

Дон Карлос

Кимнинг дединг? Дон Гуаннинг сўзи
дедингми?

Лаура

Бу сўзларни бир вақтлар у содик дўстим,
У ҳавойи ишқибозим тўқиган эди.

Дон Карлос

Худосини сотган, аблаҳ у Дон Гуанинг,
Сен бўлсанг, сен аҳмоқсан.

Лаура

Сен жинни бўлдингми?

Гарчя испан бекзодаси бўлсанг ҳамки сен.
Фармон берсам, навкарларим бошингни олар.

Дон Карлос

(ўрнидан туради)

Чақир, ўша навкарларни.

Биринчи меҳмон

Лаура, бас қил;
Дон Карлос, сен хафа бўлма. Эсини епти...

Лаура

Нечун? Гуан, акасини қиличбоэликда
Ҳалол туриб ўлдиргани учунми? Афсус,
Ўлдирмапти бунинг ўзин.

Дон Карлос

Жаҳлим қўзғади,
Мен тентакман.

Лаура

Аҳа! Иқрор бўлдинг ўзинг, бас.
Анз өнди ярашамиз.

Дон Карлос

Кечир, Лаура.
Гуноҳкорман. Аммо ўзинг яхши биласан,
Унинг момин асло лоқайд эшитолмайман...

Лаура

Унинг номи ҳар лаҳзада тилимга келар,
Ўзинг айтгили, шунинг учун гуноҳкорманми?

Меҳмон

Сен жаҳлингдан тушганлигинг нишонасиға
Куйлаб бергил, Лаура.

Лаура

Ҳа, хайрлашамиз,
Тун ҳам бўлди. Энди нима куйласам экан.
Ҳа, тингланлар. (Куйлайди.)

Ҳамма

Жуда ҳам соз, мислсиз гўзал!

Лаура

Хайр энди, афандилар.

Меҳмонлар

Хайр, Лаура.

Меҳмонлар кетади, Лаура Дон Карлосни тўхтатиб
қолади.

Лаура

Эй сен шаддод, меҳмоним бўл бу кеча менинг,
Менга чиндан ёқиб қолдинг, ҳақорат қилиб,
Тишларингни тишларингга босар экансан,
Дон Гуанга ўхшаб кетдинг.

Дон Карлос

О, баҳтли йигит!

Сен севгансан.

Лаура бошини қимирилатиб, севганлигини изҳор қиласди.

Жуда ҳамми?

Лаура

Ҳа, жуда севдим.

Дон Карлос

Сен ҳозир ҳам севасанми?

Лаура

Шу лаҳзадами?
Йўқ, севмайман. Икки ёрни сева олмайман.
Энди сени севиб қолдим.

Дон Карлос

Айтгил, Лаура,
Неча ёшга кирдинг ҳозир?

Лаура

Ун саккиз ёшга.

Дон Карлос

Сен ниҳолсан... Яна беш, ё олти йилгача
Ниҳол каби яшнайсан сен. Теварагингдан
Яна олти йил аrimas ишқибозларинг.
Улар сени эркалайди, туҳфалар бериб,
Кечалари куйлаб, ором бағишлиайдилар.
Сени дея катта йўлнинг чораҳасида
Тўқнашишиб, бир-бирларин ўлдирадилар.
Аммо фаслинг ўтажакдир, кўзларинг сўнар,
Қовоқларинг ажинларга тўлиб қораяр,
Тундай қора соchlарингга оқ оралайди,
Ҳамма сени кампир дейди, ўшанда, айтгил,
Сен ўшанда нима дейсан?

Лаура

Нима дер әдим?
Нечун бундай хаёлотлар? Гапингни қара!
Кел, айвонни очиб қўй. Кўк шу қадар сокин.
Илиқ ҳаво ҳаракатсиз, тун қучоғида
Анқиб ётар лиму билан дафна бўйлари.
Ой порлайди қорамтир тун кўкида равшан,
Сукунатдан дарак берар посбонлар саси.
Балки олис шимол ёқда — Парижда бу он
Булутлар-ла қоплангандир мовий осмон.
Балки совуқ ёмғир ёғар, аччиқ ел эсар —
Бизнинг қандай ишимиз бор? Қулоқ сол,
Карлос,

Сендан талаб этаман мен, менга кулиб боқ;
Қани бер қўл, қани-қани!

Дон Карлос

Эй, азиз Иблис!

Эшик тиқирлайди.

Дон Гуан

Ҳей, Лаура!

Лаура

Кимдир келган? Кимнинг товуши?

Дон Гуан

Эшикни оч...

Лаура

Наҳотки у?.. Ё раббим!..

Эшик очилади. Дон Гуан киради.

Дон Гуан

Салом!..

Лаура

Дон Гуан!..

Дон Карлос

Ким? Дон Гуанми?

Лаура ўзини Дон Гуаннинг бағрига отади.

Дон Гуан

Лаура, жоним!..

Қизни ўпади.

Уйингдаги ким, Лаурам?

Дон Карлос

Мен, Дон Карлосман.

Дон Гуан

Кутилмаган бир учрашув! Мен әртагаёқ
Хизматингга тайёрдирман.

Дон Карлос

Йўқ, ҳозир — шу он.

Лаура

Дон Карлос, бас! Сиз кўчада әмассиз ҳозир,
Ахир менинг уйимдасиз. Кетингиз дарҳол...

Дон Карлос

(қулоқ солмайди)

Ахир, сенинг қиличинг бор. Мен кутяпман.

Дон Гуан

Агар сабринг чидамаса, майли, мен рози.

(Улар олишадилар.)

Лаура

Ҳой! Ҳой! Гуан!

Лаура ўзини ётоқقا ташлайди. Дон Карлос йиқилади.

Дон Гуан

Тур, Лаура, иш тамом бўлди.

Лаура

Нима бўлди? У ўлдими? Уз уйимда-я!
Ана холос! Энди нима қиласан, шайтон?
Жасадини қайга ташлай?

Дон Гуан

Балки у ҳали
Ўлмагандир.

Лаура

(жасадни кўздан кечиради)

Ўлмаганмиш! Ҳай, муттаҳам, ҳай,
Юрагига тиф санчибсан — янглишмасан ҳам,
Уч қиррали жароҳатдан ҳатто қон чиқмас,
Нафаси ҳам ўчиб қолган — сен нима қилдинг?

Дон Гуан

Ўзи шуни истади-ку, мен нима қипман?

Лаура

Эҳ, Дон Гуан, чиндан алам қиласи жуда.
Сен ҳамиша қилгиликни қиласан, лекин
Ҳеч гуноҳкор бўлмайсан сен... Қаердан
келдинг?
Қачон келдинг?

Дон Гуан

Ҳозиргина келдим, яширин,
Ахир, ҳали гуноҳимни кечганлари йўқ.

Лаура

Шу ондаёқ Лаурангни әсга олдингми?
Яхши нарса, яхши бўлур. Ҳа, энди етар,
Сенга ортиқ ишонмайман. Сен тасодифан
Уйни кўриб қолгандирсан, шу ердан ўтиб...

Дон Гуан

Йўқ. Лаурам, ишонмасанг, сўрай оласан,
Лепореллам айтиб берар. Шаҳар четида
Бир лаънати қабристонни қўналға әтдим.
Мен Мадридга Лаурани излаб келганман.

(Уни ўпади.)

Лаура

Азиэ дўстим! Тўхта... Ўлик ҳузурида-я!..
Уни нима қилсак әкан?

Дон Гуан

Ишинг бўлмасин!
Эрта билан, тонг чоғида ридога ўраб,
Мен бу ердан уни олиб чиқиб кетаман,
Чорраҳага ётқизаман.

Лаура

Эҳтиёт бўлгил,
Сени яна бирор киши қўриб қолмасин.
Сен бир лаҳза кейин келиб, яхши иш қилдинг!
Ўртоқларинг зиёфатда әди шу ерда.
Ҳозиргина тарқалишди улар уйимдан.
Яхши бўлмас әди агар рўбарў келсанг!

Дон Гуан

Айт, Лаура, қачон кўнгил қўйгансан бунга?

Лаура

Кимга? Эсинг жойидами?

Дон Гуан

Иқрор бўл ҳозир,
Мен бу ердан кетганимдан бери неча бор
Бевафолик қилдинг менга?

Л а у р а

Сен-чи, тентагим?

Д о н Г у а н

Олдин сен айт... Майли, кейин суҳбатлашамиз!

III САҲНА

К о м а н д о р ҳайкали.

Д о н Г у а н

Ҳамма нарса тобора соз! Мен тасодифан
Дон Карлосни ўлдиргандан кейин, шу ерда
Дарвиш бўлиб яшириндим — мен энди ҳар кун
Бу чорбоғда кўрмакдаман гўзал бевамни,
У ҳам мени пайқагандир.— Шу пайтга қадар
Сипоҳ тутдик ўзимизни,— аммо мен бугун
Унинг билан сўзлашаман; бас шунча кутмоқ.
Гапни қандай бошлай? «Ҳа, «Мен ботинолдим...»
Йўқ;

«Сенъора...» деб бошлайман... Э! Бошга не келса,
Мен ўшани айтаман-да, тайёргарликсиэ,
Ишқ қўшигин тўқувчилар каби бемалол...
Энди кела қолса эди.. Менимча, усиз
Бу ерда кўп зерикади ёлғиз Командор.
Зап баҳодир сифат турар бу ерда мағрур!
Елкаларни қаранг! Қандай, Геркулеснамо!
Марҳум паст бўй одам эди, жажжи ва тажанг;
Оёқ учин бунда босиб чўзсайди қўлин —
Ҳайкалининг бурнига ҳам етказолмасди.
Ескуръялнинг ёнида дуч келганимиэда,
Қиличимни бир қададим, нина санчилган
Чигирткадай қотиб қолди ва лекин ўзи
Жасоратли, мағрур эди, руҳи шиддатнок...
Ҳа! Ана у.

Д о на А н н а киради.

Дона Анна

У яна шу ердадир. Отам,
Ногоҳ келиб, фикрингиэни бўлдим шекилли.
Афв этинг.

Дон Гуан

Мен, хоним, сиздан афв сўрайман.
Балки ғаму гуссангизни bemalol, эркин
Ёзаркансиз, сизга халал бераётиран.

Дона Анна

Йўқ, отажон, қайғуларим ўзимга аён,
Олдингизда дуоларим осмонга қадар
Ҳеч монесиз етиб борар — сиздан сўрайман,
Овозимга қўшинг азиз овозингизни.

Дон Гуан

Дона Анна, мен сиз билан дуо ўқийман!
Бу қадарли саодатга лойиқ эмасман.
Мен бу осий лабларим-ла сизнинг муқаддас
Сўзларингиз тақрорлашга журъат этмайман —
Бошингизни аста эгиб, тун каби қора
Сочингизни оқ мармарга сочар экансиз,
Мен олисдан ихлос билан сизга боқаман,
Шундай гўзал бир фаришта бу мақбарага
Сирлй учиб келган каби туюлар менга.
Шунда қалбим бир изтироб билан ўртаниб,
Дуо келмас тилимга. Мен ҳайрон термилиб,
Гўвал малак нафаси-ла ёнган севгининг —
Кўз ёшидан баҳраманд бу совуқ мармарнинг
Соҳибини кўп бахтиёр дея ўйлайман.

Дона Анна

Сўзларингиз кўп галати!

Дон Гуан

Йўғ-е, сеньора?

Дона Анна

Менга, ахир... Унутмангки...

Дон Гуан

Сабаб? Еки мен
Чиндан дарвиш әмасманми? Гуноҳкор садом
Бу даргоҳда шунча баланд янграмасинми?

Дона Анна

Шундай туйдим... Мен ҳеч нарса
тушунолмадим...

Дон Гуан

Оҳ, англадим, сиз барини билиб олдингиз!

Дона Анна

Мен нимани билдим?

Дон Гуан

Яъни, мен роҳиб әмас —
Қошингиэда тиз чўкаман, уэр сўрайман.

Дона Анна

Ё раббим! Йўқ, туринг, туринг... Сиз кимсиз
ахир?

Дон Гуан

Мен бир бадбаҳт, оқибатсиз севги қурбони.

Дона Анна

Ё раббим! Қабр тепасида бу қандай сўзлар!
Кетинг ҳозир!

Дон Гуан

Дона Анна, биргина лаҳза,
Мен бир лаҳза қолай фақат!

Дона Анна

Бирор келса-^{такъ}

Дон Гуан

Панжара берк. Бир лаҳзага ижозат беринг!

Дона Анна

Қани айтинг! Сизга нима керакдир, ахир?

Дон Гуан

Майли, ҳозир оёғингиз остида ўлай,
Шу чорбоққа дағи этилсин бечора таним;
Шу яқинга, сизга азиз бўлган қабрнинг
Яқинига әмас, балки нарироқ ерга.
Дарвозанинг яқинига, худ остоңага;
Зулфингизни қуий солиб, ёш тўқмак учун
Мағрур ҳайкал сари келар экансиз, токи
Либосингиз, оёғингиз енгил тегаркан,
Мозоримнинг тошини сиз айланг баҳтиёр.

Дона Анна

Эс-ҳушингиз жойидамас.

Дон Гуан

Е, Дона Анна,
Телбаликнинг белгисими ажал тиламоқ?
Агар телба бўлсан, тирик қолмоқ истардим.
Қалбингиэни тоза севгим отashi ила
Қўзғотишдан бўла олар әдим умидвор.
Агар телба бўлсан эди, кечаларни мен,
Қўшиқ айтиб, уйқунгизни қилиб безовта,
Балконингиз қаршисида ўтказар әдим;
Агар телба бўлсан, сукут сақлаб ҳамиша
АЗоб чекиб юрмас әдим...

Дона Анна

Сизнинг сукутда
Юрганингиз шуми ҳали?

Дон Гуан

Эй, Дона Анна,
Бир тасодиф йўлим очди, йўқса, сиз ҳеч он,
Менинг ғамли сирларимни билмас әдингиз.

Дона Анна

Кўпдан бери мени севиб қолгансизми, сиз?

Дон Гуан

Қачон севиб қолганимни ўзим билмайман,
Аммо ўша дамдан бери шу бир лаҳзалик
Ҳаёт менга қимматлидир, ўшандан бери
Мен англадим толе деган сўзнинг қадрини.

Дона Анна

Нари кетинг, сиз қўрқинчли одам экансиз.

Дон Гуан

Нима учун?

Дона Анна

Мен қўрқаман сўзларингиздан.

Дон Гуан

Мен тинаман, фақат мени мангур қувламанг,
Сизни фақат кўриш ўзи менга саодат.
Мен бепарда ниятларни ўйламайман ҳам,
Сиздан ҳеч бир нарса талаб қилмайман, агар
Менга яшаш насиб экан, сизни кўрмагим
Керак.

Дона Анна

Кетинг, бу ер бундай сўзлар ва бундай
Телбаликлар ўрни әмас. Эртага бизнинг
Уйга келинг. Агар мени ҳурмат қилишга
Онт ичсангиз, сизни қабул қиласман, фақат
Оқшом чори, балки яна кечроқ келасиз.
Бева бўлиб қолганимдан бери ҳеч ким-ла
Кўришмадим...

Дон Гуан

Дона Анна, гўзал фаришта!
Сиз бугун бир бечорага таскин бергандек,
Тангри ўзи сизни қўллаб, берсин тасалли.

Дона Анна

Энди кетинг!

Дон Гуан

Яна қолай бир лаҳзагина.

Дона Анна

Йўқ, мен ўзим кета қолай... Зотан тилимга
Оятлар ҳам келмай қолди. Сиз бу дунёвий
Гаплар билан банд этдингиз, менинг қулоғим
Бу сўзларга кўпдан бери бегона эди.
Сиз эртага келинг.

Дон Гуан

Ҳамон ишонолмайман,
Ҳамон кўзим етмас бахту саодатимга...
Наҳот эрта сизни кўрсам!—
Очиқ-ойдин!

Дона Анна

Ҳа, вртага, куни эртага!
Исмингиз на?

Дон Гуан

Диего де Кальвадо исмим...

Дона Анна

Хайр әнди, Дон Диего! (*Кетади.*)

Дон Гуан

Эй Лепорелло!

Лепорелло келади.

Лепорелло

Нима хизмат?

Дон Гуан

Азиз Лепорелло! Мен жуда
Бахтиёрман! Эртагаёқ — оқшомда, кечроқ...
Лепореллам, эртагаёқ — тайёрликни кўр...
Чақалоқдай бахтиёрман!

Лепорелло

Дона Анна-ла

Сиз сўзлаша олдингизми? Балки, у сизга
Икки оғиз ширингина сўз сўйлагандир,
Еки уни дуо қилган бўлсангиза керак.

Дон Гуан

Лепорелло, йўқ, ундеймас! У менинг ила
Кўришмакни ваъда қилди!

Лепорелло

Йўғ-е, мумкинмас!
О, бевалар, барингиз ҳам шундай.

Дон Гуан

Мен бахтли!
Мен куйлашга, бор жаҳонни қучишга тайёр.

Лепорелло

Командор-чи? Бунга нима дейди Командор?

Дон Гуан

У рашк ичра ёнади деб ўйлайсанми сен?
Йўқ, бундаймас, у ақлли-ҳушли бир одам.
Итоаткор бўлиб қолган ўлгандан бери.

Лепорелло

Йўқ, Командор ҳайкалига бир назар ташланг.

Дон Гуан

Нима бўпти?

Лепорелло

У сиз томон тикилиб, гўё
Зарда қилган каби.

Дон Гуан

Қани, бор, Лепорелло,
Унга айтгил, меникига марҳамат қиласин,
Йўқ, әртага — Дона Анна уйига борсин.

Лепорелло

Ҳайкал меҳмон бўладими? Нечун?

Дон Гуан

Аёнки,
Дона Анна билан суҳбат қилгани эмас!
Ҳайкалга айт, әртагаёқ, кечроқ келсину,
Дона Анна эшигининг остонасида
Эшикбонлик қилиб турсин.

Лепорелло

Ҳазилни қўйинг.

У ўлик-ку!

Дон Гуан

Бор дедим, бор!

Л е п о р е л л о

Лекин...

Д о н Г у а н

Тезроқ бор.

Л е п о р е л л о

Эй шарафли, эй чиройли, ажойиб ҳайкал!
Афандим Дон Гуан сиздан ўтиниб сўрар
Ташриф қилиб... Худо урсин, гапиролмайман.
Қўрқиб кетдим.

Д о н Г у а н

Қўрқоқ! Шошма!

Л е п о р е л л о

Марҳамат қилинг.

Афандим Дон Гуан сиздан ўтиниб сўрар,
Сиз эртага рафиқангиз уйига келиб,
Дарвозада соқчи бўлинг...

Ҳайкал бошини қимирлатиб, розилигини билдиради.

В о й!

Д о н Г у а н

Не гап?

Л е п о р е л л о

Вой-вой!..

Вой!.. Үламан!..

Д о н Г у а н

Сенга нима бўлди, нима гап?

Л е п о р е л л о

(бошини тебратиб)

Ҳайкал!.. Вой!.. Вой!..

Дон Гуан

Унга таъзим қиляпсанми?

Лепорелло

Йўқ!

Мен әмас, у!

Дон Гуан

Қўй, бўлмаган, беҳуда гапни!

Лепорелло

Ўзингиз бир боринг.

Дон Гуан

Сени қара, лўттибо-

(Ҳайкалга.)

Командор, мен ўтинаман сендан, эртага
Бева қолган хотинингнинг ҳузурига бор.
Мен бораман. Сен эшикда соқчи тур. Ҳўпми?

Ҳайкал яна бошини қимиirlатади.

Е раббим!

Лепорелло

Ҳўш? Айтмадимми...

Дон Гуан

Қани, кетамиз.

IV САҲНА

Дона Аинанинг хонаси.
Дон Гуан ва Дона Аина.

Дона Анна

Дон Диего, сизни қабул қилдим мен, фақат,
Қўрқаманки, менинг дардли сұхбатим сизни
Эзриктириб қўймаса, деб, бечора бева
Унуголмас ҳамон оғир мусибатини.
Кўз ёшларим жилва билан қўшилар экан,
Апрель ойин әслатади. Нечун жимсиз?

Дон Гуан

Мен —
Гўзал Дона Анна билан хилватда қолиб,
Висол завқи билан мастман. Сизни бу замон
Бахтили ўлик мақбараси қаршисидамас,
Мармар ёрнинг ҳузуррида тиз чўккан ҳолда
Эмас, балки ўз қошимда кўриб турибман.

Дона Анна

Дон Диего, шунча раشكли экансиз — эрим
Сизни ҳатто қабрида ҳам қийнамоқда.

Дон Гуан

Мен —
Сира ҳам рашқ қилмаслигим керак. Сабаби,
Сиз ўзингиз уни танлаб әр қилгансиз.

Дона Анна

Йўқ —
Дон Альварга онам әрга берган мажбуран,
Биз камбағал, Дон Альвар бой эди бағоят.

Дон Гуан

Бахтиёр әр! У қуп-қуруқ хазиналарни
Олиҳанинг оёғига тўкиб, шунинг-чун
Жаннат завқу сафосини сурипти! Агар
Аввал билган бўлсан әдим сизни, мен бутун
Шавкатимни, бойлигимни биргина қувноқ
Боқишингиз учун буткул бағишлиар әдим.
Мен муқаддас фармонингиз қули бўлардим,

Барча өрка ҳавасингиз ёд қилиб олиб,
Ҳеч ўринсиз қолдирмасдим, бутун умрингиз
Сеҳру әъжоз билан тўлар әди муттасил.
Эвоҳ! Тангри менга бошқа қисмат ёзибди.

Дона Анна

Диего, бас, сизга қулоқ солсам, гуноҳим
Яна ортар — сизни севмак мен учун маҳол.
Қабрга ҳам бева содик бўлмоғи керак.
Дон Альварнинг мени қандай севганлигини
Сиз билсангиз эди! О, Дон Альвар мабодо
Бева бўлиб қолса, бирор маъшуқани ҳеч
Қабул қилмас — рафиқаси муҳаббатига
Содик бўлиб қолар эди.

Дон Гуан

Мени қийнаманг,
Дона Анна, әрингизни ҳамиша әслаб,
Юрагимни азобламанг. Шунча жазо бас.
Шу жазога гарчанд лойиқ бўлсам ҳам.

Дона Анна

Нечун?
Шариатнинг қонунлари сизни ҳеч ким-ла
Боғламаган — тўғримасми? Мени севсангиз,
Менинг ҳамда худованднинг олдида ҳақсиз.

Дон Гуан

Олдингида? Е раб!

Дона Анна

Менинг ҳузуримда сиз
Бирор гуноҳ қилғанмисиз? Айтинг, нечун...

Дон Гуан

Йўқ,

Ҳеч айтмайман.

Дона Анна

Диего, бу жуда ғалати!

Ҳузуримда ноҳақмисиз? Нечун, айтингиз!

Дон Гуан

Йўқ! Айтмайман!

Дона Анна

Диего, бу жуда ғалати!

Мен сўрайман, сиздан талаб әтаман.

Дон Гуан

Йўқ, йўқ!

Дона Анна

Ҳа! Шунчами сизнинг менга итоатингиз!

Шу соатда менга нима деган әдингиз?

Менинг қулим бўлмакликни истадингиз-ку,

Жавоб беринг, Диего; мен хафа бўламан,

Менга қарши қандай гуноҳ?

Дон Гуан

Журъат этмайман,

Агар айтсан дарҳол мендан нафратланасиз.

Дона Анна

Йўқ, йўқ. Сизни ҳозирданоқ афв әтаман,

Аммо билмак истайман мен...

Дон Гуан

Асло истаманг.

У даҳшатли, аянч асрор — сир бўлиб қолсин.

Дона Анна

Аянч асрор! Менга азоб бермақдасиз сиз.
Мен қўрқмайман, айтинг ҳозир, қандай асрор у?
Қандай қилиб өтолдингиз мени ҳақорат?
Аввал сизни билмас әдим — душманларим йўқ,
Илгари ҳам бўлмаган. Бир душманим фақат
Ўз әrimнинг қотилидир.

Дон Гуан

(ўзича)

Иш бўлди тамом!
Менга айтинг: бахти қора Дон Гуанни сиз
Аввал танир әдингизми?

Дона Анна

Йўқ, мен ҳеч қачон
Уни кўрган әмасман.

Дон Гуан

Сиз юрагингизда
Унга ёвлик сақлайсизми?

Дона Анна

Номус туфайли,
Аммо мени, Дон Диего, сиздан сўраган
Саволимдан чалғитишга уриняпсиз,
Сиздан талаб әтаман мен...

Дон Гуан

У Дон Гуанни
Учратсангиз нима қилар әдингиз?

Дона Анна

Ханжар —
Санчар әдим қора қалбига.

Дон Гуан

*Дона Анна,
У ханжаринг қани? Мана, қалбим!*

Дона Анна

*Диего!
Бу нимаси!*

Дон Гуан

Мен Диего әмас, Гуанман!

Дона Анна

Е раб, йўқ, бу мумкин әмас, мен ишонмайман.

Дон Гуан

Дон Гуан мен.

Дона Анна

Тўғри әмас.

Дон Гуан

*Сенинг эрингни
Мен ўлдирдим, ачинмайман қилган ишимга,
Тавба қилиш ниятим йўқ, пушаймон бўлиб.*

Дона Анна

Нималарни әшитдим мен? Йўқ, йўқ, мумкинмас.

Дон Гуан

Мен Дон Гуан, сени чиндан севиб қолганман.

Дона Анна

(ийқилади)

Қаердаман... Қаердаман... бошим...

Дон Гуан

Е худо!

Нима бўлди? Дона Анна, сенга не бўлди?
Тур-тур, уйғон, әсингни йиғ, сенинг Диегонг,
Қулинг оёқ остингдадир.

Дона Анна

Мени тинч қўйгила.

(Ожизона.)

Оҳ, сен менга ёвсан — менинг ҳаётимдаги
Бор нарсамни тортиб олдинг...

Дон Гуан

Эй, азиз малак!

Гуноҳимни ювмақликка ҳар он қодирман,
Фармонингни кутмакдаман оёқ остинга.
Майли — ўлдир, майли — қолдир, фақат сен учун
Мен яшайман...

Дона Анна

Дон Гуаннинг ўзи шу, демак...

Дон Гуан

Дона Анна, рост әмасми, уни бир ёвуз,
Ва йиртқич деб таърифлаган эдилар сизга,—
Балки буткул ноҳақ әмас бундай овоза,
Менинг ҳорғин виждонимда ҳали ҳам балки
Ёвузликнинг асари бор... Узоқ вақт фаҳшнинг.

Кўп ғайратли талабаси бўлиб юргандим.
Аммо сизни кўрганимдан бери гўёки
Бу дунёга янги инсон бўлиб туғилдим.
Сизни севиб, яхшиликни севиб қолдим мен,
Ўз умримда биринчи бор унинг олдида
Сеҳрланиб ва қалтираб тиз чўкмакдаман.

Дона Анна

О, Дон Гуан сўэга моҳир — буни биламан.
Эшитганман, ҳийла билан йўлдан уаркан.
Сизни ҳамма худосини сотган фаҳш дейди,
Сиз иблиснинг худди ўзи. Қанча бечора
Хотинларни бузгандирсиз?

Дон Гуан

Бирортасини

Шу вақтгача севмаганман.

Дона Анна

Мен шу Дон Гуан
Биринчи бор севади-ю, мендан яна бир
Янги қурбон изламайди, деб ишонайми?

Дон Гуан

Ҳаёлимда бўлса әди сизни алдамоқ,
Эшитишга тоқатингиз бўлмаган номни
Айтармидим, бўлармидим шу йўсин иқрор?
Қандай макр-ҳийла бордир ахир бу ерда?

Дона Анна

Сизни билиб бўладими?— Аммо сиз қандай
Келолдингиз, сизни ҳамма танир бу ерда,
Ўлимингиз муқаррардир қўлга тушсангиз.

Дон Гуан

Ўлим нима? Бир лаҳзалик висол завқига
Ҳаётимни шикоятсиз бераман.

Дона Анна

Энди —

Қандай чиқиб кетасиз, эй, әхтиёти йўқ!

Дон Гуан

(унинг қўлини ўпади)

*Сиз бечора Гуан учун шунчалик ташвиш
Чекасизми! Демак, сенинг малак қалбингда,
Дона Анна, менга нафрат йўқ әкан, ростми?*

Дона Анна

*Оҳ, агар мен сизга нафрат сақлай олсайдим!
Аммо ҳозир лозим бўлди бизга айрилмоқ.*

Дон Гуан

Яна қачон кўришамиз?

Дона Анна

*Билмайман, балки
Бошқа бир кун...*

Дон Гуан

Эртага-чи?

Дона Анна

Қайда?

Дон Гуан

Шу ерда.

Дона Анна

О, Дон Гуан, менинг кўнглим ниҳоятда бўш.

Дон Гуан

Афв өтмоқнинг гаровидир бегарав бўса...

Дона Анна

Етар өнди, кет.

Дон Гуан

Биргина, совуқ, беозор...

Дона Анна

Сен нақадар елимсан! Ол бўсани, майли.
Қандай товуш?.. Оҳ, панаға қочгил, Дон Гуан.

Дон Гуан

Хайр, яна кўришгунча, эй, азиз дўстим.
(Хонадан чиқади, яна қайтиб югурib киради.)
Оҳ!

Дона Анна

Ҳа, сенга нима бўлди? Оҳ!..

Командорнинг ҳайкали киради. Дона Анна ерга йиқилади.

Ҳайкал

Мана келдим.

Дон Гуан

Эвоҳ, тангрим! Дона Анна!

Ҳайкал

Уни тинч қолдир,
Бас, вассалом. Дон Гуан, сен бунча титрайсан?

Дон Гуан

Менми? Асло. Чақирғанман, кўрдим,
хурсандман.

Хайкал

Кўлингни бер.

Дон Гуан

Мана қўлим... Тош панжаларинг
Омбур каби сиқувидан омон йўқ, эвоҳ!
Менга тегма, қўйиб юбор менинг қўлимни,
Мен ўламан — бари тамом — оҳ, Дона Анна!

Иккови ағдарилиб тушади.

МУНДАРИЖА

Комедиялар

Фаргона ҳикояси	5
Үғил уйлантириш	55
Тошболта ошиқ	97
Ажаб савдолар	135
Дил кўзгуси	181

Драма

Муҳаббат тантанаси	233
------------------------------	-----

Таржималар

ВИЛЬЯМ ШЕКСПИР

Ўн иккинчи кечада, ёки Турфа ҳангомалар. Комедия	285
--	-----

ЛОПЕ ДЕ ВЕГА

Қўзибулоқ. Драма.	383
---------------------------	-----

А. С. ПУШКИН

Тош меҳмон. Драма.	479
----------------------------	-----

На узбекском языке

ХАМИД ГУЛЯМ

Избранные произведения

Том 3

Драматургия

Редактор Ж. Насридинова

Рассомлар Э. Валиев, Г. Фролов

Расмлар редактори Г. Фролов

Техн. редактор М. Мирзаахмедов

Корректор Ш. Собирова

Босмахонага берилди 15/1—1972 й. Босишга рухсат
ётнлди 6/V-1972 й. Формати 84×108 $\frac{1}{32}$. Босма
л. 16,25. Шартли босма л. 27,3. Нашр. л. 23,67.
Тиражи 10 000. Р 04206. Гафур Гулом номидаги
Адабиёт ва санъат нашриёти. Тошкент, Навоий
кӯчаси, 30. Шартнома № 50—71.

Узбекистон ССР Министрлар Совети Матбуот Давлат
комитетининг Тошкент полиграфкомбинатида № 1 ҳо-
роэга босилди. Тошкент, Навоий кӯчаси, 30. 1972 йил,
Заказ № 1706. Баҳоси 1 с, 47 т.

Уз
Г 79

Ғулом Ҳамид.

Танланган асарлар. 3 томлик. Т. 3. Т., Адабиёт ва санъат
нашриёти, 1972.

Т. 3. Драматургия. Т., 1972. 520 б.

Гулям Ҳамид. Избранные произведения. Т. 3.

Индекс 7—3—3

Уз2